

Wamesa: Bible for Filemon, Filipi, Kolose, Lukas, Markus, Matius, Para rasul,
Titus, Yohanes
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matius

1 JESUS KRISTUS NIE WAMUS PAI (NANAPI LUKAS 3:23 38 PAI KOTA)

¹Jesus Kristus, Dauti tapu pai, Abrahami tapu pai, nie wamus pai tioapa nine. ²Abraharn diavi Isak, Isak diavi Jacob, Jacob diavi Yehudai, tutir netavava e neta katu pa sia. ³Yehudai diavi Peres, tutir Serah (sesiniami pai sano pa Tamar), Peres diavi Hesron, Hesron diavi Ram, ⁴Ram diavi Aminadap, Aminadap diavi Nahason, Nahason diavi Salmon, ⁵Salmon diavi Boas, (siniani ni Rahab), Boas diavi Obet. (sinani ni Rut) Obet diavi Isai, ⁶Isai diavi Raja Daud, Daud diavi Salomo (siniani ni Uriai vinie topara pai), ⁷Salomo diavi Rahabiam, Rahabiam diavi Abia, Abia diavi Asa, ⁸Asa diavi Josafat, Josafat diavi Joram, Joram diavi Usia, ⁹Usia diavi Jotam, Jotam diavi Ahas, Ahas diavi Hiskia, ¹⁰Hiskia diavi Manase, Manase diavi Amon, Amon diavi Josia, ¹¹Josia diavi Jekonya, tutir neta vava e neta katu sia, nana rabua sembe womi na uta Babel pa. ¹²Sembe womi na Babel to manau pa, Jekonya diavi Sealtiel, Sealtiel diavi Serubabel, ¹³Serubabel diavi Abihut, Abihut diavi Eljakim, Eljakim diavi Azor, ¹⁴Azor diavi Sadok, Sadok diavi Akhim, Akhim diavi Elihut. Elihut diavi Elieser, Elieser diavi Matan, Matan diavi Jacob, ¹⁵Elihut diavi Elieser, Elieser diavi Matan, Matan diavi Jacob, ¹⁶Jacob diavi Yusup Mariai sawani, viavi Jesus sesauwa ve Kristus pai, ¹⁷Apa nanapi Abrahami raama so Daut pa, vura e usapui sura e at. Nanapi Daut raama so kaiwasa Israel pai vie womi na uta Babel pa raama so Kristus vie diadi pa, usapui sura e at kota.

JESUS KRISTUS VIE DIADI PA. (NANAPI LUK: 2:1-7 PAI KOTA)

¹⁸Topanusara nanapi Jesus Kristus vie diadi pa, toapa nine. Siniani Maria vie sawa aru tutir Jusupi. Vape aja sundiriau varami. E Mariai sane vava to manau. Sane vava nanapi Wainunu Sren pai nie paya pai. ¹⁹Jusupi, sawa viaru pai, i ma siniotu vene sanepaya viate nina. Apavo dio piowasa sandu manana, ave amamo Mariai miemaja na kaiwasa re vepau vape moja. ²⁰Jusupi andia sanepai usara kavo nine rami e, dienamiya. Nanapi nie anamiya pai pa, siejo Sien nie Malaikat pesi kievo soi e dioyo; "Jusup, Dauti tapu panau, muetai ruaut Mariai pa vape moja, aso atuma venana sane vediaima vieva nanapi Wainunu Sren pai nie paya pai. ²¹Mariai nari diawi Atuma mua pesi, Atuma jani, buona e sano nana Jesus, asc andi nari riera nie kaiwasa pai vurusu sene tatar pasi. ²²"Pijasi vura sive diadi toapa janave simasi ariri pi vitopi Sien tiopana nanap Nie Nabi pai pa, toapa, ²³"Karavi pesi nari sanevava, e diavi atuma mua pesi. Atuma jani nari sesawi ve Immanuel", (Immanuel. I ma kavo Ibrani pina, amamo: Sien Allah andi tutir tata). ²⁴Jusupi diena to tiendor pa, nienari ariri Sien nie Malaikat pai kavo tiopana maso i pasi. Apa janama Jusupi riaut Mariai. ²⁵Vape nana rabua Mariai aja diawi atu pai varami pa, Jusupi ditetiai Mariai va. E atuma pai vie diadi to manau pa, Jusupi diono sano nana Jesus.

2 SUNIOTU PANDE VERA NANA RAWA MURA PA SIA.

¹Jesus vie diadi nana Kota Betlehem na uta Yudea; veve Raja nana rabua jana paini Herodes. Nanapi rabua jana pa, siniotu Majus pa esia, senda nanapi rawa mura maso Yerusalem. ²Setuta e setojo; "Atuma veve diadi, ave veve Raja so kaiwasa Yehudi pai andi topina? Amasayo nie siverese pai sia na rawa mura, e amandama ve ama somi pana". ³Raja Herodes diediawa kavo nine pa, tiendor vesiri e kaiwasa venana Yerusalem pai vura, setandor kota. ⁴Apa diemias Yehudi pa sene Imam Baba pa sia, tutir veve baba nana Torat pa sia vura e senduir maso i. Avori dutan sia e diojo, Avo Raja vektor vesie Sien Allah dierera pai, nari vie diadi nana topina ? ⁵Apa senduar e setojo, "Nana Kota Betlehem, na uta Yudea. Ariri Nabi pai vui to manau e diojo, ⁶Au, Betlehem, nana uta Yudea, au ma sa muedia rawain aniose baba veve sano nana Yehuda nesi va. Aso siniotu baba pesi nari biatai nanapi au, ave amamo diedidina ine kaiwasa Israel nei. ⁷"Raja Herodes diediawa kavo nine tomanau pa, sia manana siniotu Majus vera na rawa mura pa sia ma. Avori janama dutan sia so raria toni siverere pai vieruana pa. ⁸Manau pa janama diemias sia e senda so Betlehem e ditarera so sia e dioyo; "Menda ve mesaserai ariri atuma pai vieva pa. E mesamuai to manau mamu, mesovera ea ma metopa so yau. Ave amamo jonda isomi kota pe". Siniotu Majus ne sia setadiawa Herodes dierer ne to manau pa, ⁹Janama senda. Senda semasi ria wa rabua wa mana, sesayo siverere pai. ¹⁰Riwanea, siwerere ara sesayora nana rawa mura paina. Apa sesanemi pa sietate to baba vesiri. Siverere nei pieponi sia raa ma mienau nanapi uta atuma nei niana pa. ¹¹Apa sesuapui so anio pai e sesayo atuma pai tutir siniani Mariai. Apa setatuan e sesom Atuma nei to manau pa, sesuvir pi som senggor pasi, ave setonasi ve pi som soi. Pi som senggor pasi: mas e kemenyan tutir mur. ¹²Sesomi to manau pa, sembavu so sene aniose pa, nana ria vevesiei pesi. Aso Sien Allah vieruana anamiya pesi so sia, ave amamo sesovera so Herodes vape moja.

JUSUPI TUTIR MARIAI SUMBAVU TUTIR JESUS, SO UTA MASIR PA.

¹³Siniotu majus pa sia sembavu to manau pa, Sien nie Malaikat pesi vieruani so Jusupi, nanapi anamija pesi. Malaekat pai kievore diojo, "Herodes dio siesera Atuma pai e muni. Apavo suobata au, e kuor Atuma pai tutir siniani e mesever mia so uta Masir. Memasoi na wana to ikavo riwanea so mia". ¹⁴Apa Jusupi siobatai nana diru jani kota, e kior Atuma pai tutir siniani e sesever sia so uta Masir. ¹⁵Semasoi na wana to Herodes vioru. Toapa jana pa, masi tutir Sien kievora nanapi nie nabi pai pa, toapa; "Isau ine Atuma pai nanapi Masir". Raja Herodes mun Atuma katu pa sia pa. ¹⁶Avori janama Herodes ruin toapa, siniotu Majus vera nana rawa mura pa sia setawi pa, kiesiou vesiri. Apa siuvir prenta pesi, ave semun atuma

mua katu pa sia vura, veve umur taun muandu tou, nanapi Kota Betlehem tutir aniose vena siwara pasi. Ninema i masi ariri kavo siemuai nanapi Majus pa sia so raria siverere pai vieruani pa.¹⁷Toapana ve amamo masi tutira kavo nabi Yeremia kievora pa, toapa,¹⁸ "Raopui pesi riotu nana aniose Roma, Raopui viananar e vesai nina. Rahel siai atu pasia; kiembarai esi vie hibur i aso sena va to manau". Jusupi tutir Mariai susovera tutir Jesus nana uta Masir pa.¹⁹Raja Herodes vioru to manau pa, nana rabua Jusup andia na Masir pa, Sien nie Malaekat pesi, vieruani so Jusupi na anamija pesi.²⁰Malaekat pai kievor e dioyo; "Siniotu vio vemun atuma vediai pa sia, semboru to manau. Apavo buatau e kuor atuma vediai tutir siniani e kuor sovera sandu so uta Israel".²¹Apa Jusupi biatai e kior sovera atuma pai tutir siniani Maria, so uta Israel.²²Amana vepui, Jusupi diediawa mana Arkelaus, Raja Herodes atu pai, riwan tamani to manau e vie raja na uta Judea. Apavo Jusupi mietai ria so wana. Vape siemuai kavo riwanea na Sie pai nanapi anamija pa, janama ria so uta Galilea.²³Na wana pa, miesoi na Kota vesanomi na Nasaret. Kavo nine vava pa, imasi ariri nabi pa senggavo pa, toapa: "Nari setap i ve siniotu Nasaret'."

3 JOHANES DIENIAU KAIWASA, AVE SETIMBE ARAMANA SIEN JESUS RIAMA PA.

¹Nana rabua jana (Sien Jesus andia niana Aniose Nasaret rami). Amamo Johanes vesoiv kaiwasa nana kambu Sren pai, dieniau nanapi mapar veve rubua veseja venana Judea pai pa, e dieniau kaiwasa verama pai e diojo.²"Membavur mene tatar menanari pasi, e mesovera so Sien Allah. Aso woroi va so Sien Allah nari vie prenta ariri Raja pa".³Johanis nini, andi nabi Jesajai tiopani ve arer to manau toapa: "Nari raopui pesi, dumi nana mapar veve rubua pai e diojo, Menanari ariri ria vetindiya so Sien ria nana pa."⁴Johanis dievavar na sasu onta ruvavuru. E nie kavavirai pai ma nanapi binatan rawa, e nie pisia pasi ma nginggisi, e ditunu unu rukaru pai.⁵Apa kaiwasa pau, senda nana Jerusalem, e nana uta Judea, e uta vena wawarira maria Jordan pa esia, sendarna so Johanis.⁶Senduara sene tatar senanari pasi, e janama Johanis sioiv sia na Kambu Sren pal, nanapi maria Jordan.⁷Kaiwasa Parisi tutir Saduki pa sepau sendama so Johanis, siejo sendama pa, kievo so sia e dioyo, "Siniotu venganggau wawarira ne mia! Teini dioyo nari metaisu vurusu Sien Allah nie hukuman nari verama wai ?⁸Memberuana nanapi mene tenam pasi, toapa, mesovera vurusu mene tatar pasi to manau.⁹Matau metoyo Abraham tapu ni mia pavo. Nari metaisu vurusu hukuman paie. Itopa, Sien Allah ma piaya so nienari rovuki nesi, e sive Abrahami tapu pa!¹⁰Tama pai andia tomanau so vindova ai ravo pai ravav so war pasi. Ai ravo vesuvir buo viate va pai ma, nari riova e kie susa adia pai.¹¹Ya isoiv mia nana kambu, ave veruana toapa, mesovera vurusu mene tatar pasi to manau, vape siniotu vera ea ma pai, nari sioiv mia nanapi Wainunu Sren pai tutir adia. I ma bieba rawai na yau. E ya ma sa irut nie sapatu pasi va.¹²Susir pai andia na vara pasi, ave dindayan nie pas pasi veito sivaro kaena. Pas tarai pai sio ruiri na gudan pai, mae rawa pai ma nari kiairi nariapi adia vevoru moja va pai.

JESUS SIAU VE JOHANES SIOIVI NANA KAMBU SREN PA (NANAPI MARK. 1:9-11: LUK 3:21-22 PAI KOTA)

¹³Nana rabua jana (Johanis andia dieniau e disoiv siniotu pa), amamo Jesus ria nana uta Galilea so maria Jordan e riama siau ave amamo Johanis sioiv i nana Kambu Sren.¹⁴Vape Johanis dioi pidiara Jesus nie sau pai. Johanis dioja so le dioyo; "Areto Au suoiv ya nana Kambu Sren pai vae, aso vitopi ruama suau nana ya pa?"¹⁵Amana Jesus kievo so i e dioyo; "Nuenari vea, aso toapana pino, tanda ariri Sien Allah siau e tananari maso I pasi pe." Apa Johanis sioiv Jesus.¹⁶Johanis sioiv Jesus nana Kambu Sren pai to manau pa, Jesus biatai vurusu maria pai. Amana rora piaisi tieseva e Jesus siejo Wainunu Sren pai, vieva ariri aya kapura e sier nana Jesus.¹⁷Avori raopui pesi riotu nana rora wa, e dioyo; "I ma ine Atuma Isanempaya paina. Andi diono sane vesieni so Ya pa."

4 BILIS PAISIOTOURA JESUS PA. (NANAPI MARK 1:12-13: E LUK 4:1-13 PAI KOTA)

¹Manau pa Wainunu Sren pai diedidin Jesus ra so mapar rubua veseja pal, ave amamo bilis pai siotour-I.²Raria siniotu muandu e diru siniotu muandu ma Jesus diapi va. Apa janama vievisi.³Avori bilis pai riama kievo so Jesus e dioyo; "Sien Allah Atu ni Au mana? Buemias ve rovuki nesi sive roti".⁴Amana Jesus ruar so bilis pai e dioyo; "Vevui nanapi Surat Repo pai to manau toapa: Siniotu pa sitenam nanapi roti pai vea va, vape sitenam kota nanapi Sien Allah Kavo Kievora pasi kota."⁵Manau na jana pa bilis pai kior Jesus a so Jerusalem, Kota veve Sren pai, e piri nana Anio Allah pai babua pai⁶Avori bilis pai kevo so I, e dioyo: "Atuma Sie ni Au mana? Apavo kuopa avav, aso vevui nanapi surat Repo pai to manau toapa nine "Nari Sien Allah diemiasa nie Malaekat pasia, e setaara sembarami pasi e seser vedior Au, ave amamo aemu pasi sitera na rovuki pasi vape moja."⁷Amana Jesus kievo so i e dioyo: "Vape vevui nanapi Surat Repo pai toapa; Suotoura Allah nomu Sie pai vape moja".⁸Manau na jana pa, bilis pai kior Jesus riwanea, ra so wi vetariai mo pai, avori dioisara Kerajaan venana dunia nei pasi vura so I, tutir sine marandi veve marawas pasi vura.⁹Avori bilis pai kievo so Jesus, e dioyo; "Bisan ae bu pasi e suom ya mamo, pi ninesi vura, nari jonasi maso Au."¹⁰Amana Jesus kievo so i e dioyo, "sietan, rua vurusu. Vevui na Surat Repo pai toapa, Metatuan Allah mene Sie pai e mesom-I mesari vea."¹¹Apa bilis pai vievu vurusu Jesus, e janama Malaekat pasia sendama setutir Jesus, e setarama vediori, Jesus ria nie nanaripi pai retena nana Galilea pa. (Nanapi Mark. 14:15; e Luk 4: 14-15 pai kota)¹²Jesus diediawa toapa Johanis su nana bui pai pa, Jesus vievu ra niana Galilea.¹³Vievur aniose Nasaret, e ria miesoi na aniose Kapernaum, nana ruru Galilea dere pa, nanapi Sebulon

tutir Naptali sune kakopa pa.¹⁴Jesus nienari toapa yana pa, ave masi tutira Nabi Yesayai nie kavo pa. Kievo toapa nine;¹⁵"Sebulon tutir Naptali sune kakopa pa, nana ria vera torau pai, na maria Yordan rawesi pa, siniotu Yehudi va pa sia sene kakopa pa, Galilea.¹⁶Kaiwasa vetenam nanapi kumuar pai raro pa, sesayor sasaar visanggapara pai to manau. Sasaar visanggapara pai, disambiara to manau, maso vermasoi nana uta kumuar voru pai raro pa sia.¹⁷Nanapi rabua jana mammo, Jesus kievore dioyo; "Memanau nanapi mene tatar pasi, e mesovera, aso woroi va so Sien Allah vie prenta ariri Raja pa!"

JESUS SIAU SINIOTU VEMUN DIA PA SEMBE AT E SENDA USARI PA (NANAPI MARK. 1:16-20 E LUK. 5.1-11 PAI KOTA)

¹⁸Nanapi rabua Jesus ria rebasa ruru Galilea derepa pa, siejo siniotu vermun dia pa sembe muandu, Simon (vesanomi kota na Petrus pai) tutir neta katu pai, Andreas. Sundae sungge diara nana ruru pai. ¹⁹Apa Jesus kievo so sandue diojo: "Mundama munda usara Yau. Nari Yeniau mandu e mungge diarae muritapu siniotu". ²⁰Apa sutavin sune diara pai e surinda usara Yesus.²¹Jesus ria kara katu mana, siejo mambe neta vevesiei pa esandu riwanea, Yacobus tutir Yohanes, Sebedeus atu pa sanduna. Su tutir tamani, e semasol e setawar diara pai nana wa vavo pa. Yesus siau sandu kota ²²apa sumbavur wa pai tutir tamani e sunda usara Yesus.

JESUS DIENIAU E DITONA E KAIWASA PAI PIENAAM PA (NANAPI LUK. 6:17-19 PAI KOTA)

²³Nana Galilea pa, Yesus ria wawaria uta pai vura. Dieniau nanapi Anio Ari pasi, e ditopana Sien nie Kavo Vesie pai, toapa, nari Sien Allah vie prenta. Kaiwasa vepota e vene tarai vemanindiu pa sia, diona e sepanaam. ²⁴Jesus vie sano usara uta Syria vetutira, apa kaiwasa pau sendama so-I. Senggor kaiwasa vesamuai pota saserai, e kariria saserai; kaiwasa vetera wainunu vekariria e, veso ve wonggei e, vemarera e, ²⁵Jesus diona e sepanaam vura. Nana rabua jana, kaiwasa verausara Jesus pa sia, sepau vesiri vera nana Galilea pa, vera nana Kota Sura pa sia, vera nana Yerusalem pa, nana Yudea pa e, esia kota senda nana Maria Yordan rawesi wa.

5 JESUS DIENIAU KAIWASA PAI NANA VEVE SUOVAVO PAI PA

¹Jesus sieyo kaiwasa pai pa, siajai so veve suovavo pa. Miesoi to manau pa, janama nie murit pa sia sendarna so I. ²Janama dieniau sia e diojo. Vesie veve vata mo pai.

(NANAPI LUK. 6:20-23 PAI KOTA)

³"Vesie maso siniotu vemarui vae viasiwar nana Sie pai vea pa sia; aso siama nari setenam nana Sien Allah nie uta vie prenta nana pai. ⁴Vesie maso siniotu vesai saneraro pa sia, aso Sien Allah nari diono sane vesie maso sia. ⁵Vesie maso siniotu vesanandik va pa sia, aso Sien Allah nari nienari ariri nie arer pai maso sia. ⁶Vesie maso siniotu vesorerni sisu venanari ariri Sien Allah nie sane vesie pal pa sia; aso Sien Allah nari diona e sene amuaus pasi simanau, ⁷Vesie maso siniotu vesanemipal siniotu vevesiei pač aso Sien Allah nari sanepai sia kota; ⁸Vesie maso siniotu vesanemi raro veve sren pa sia, aso siama nari sesayo riruin Sien Allah. ⁹Vesie maso siniotu vekor vemari maso siniotu pasi, aso Sien Allah nari ruara sia ve nie atuma. ¹⁰Vesie maso siniotu semutatira so senanari ariri Sien Allah nie sane vesie pai pa sia: aso siama nari setenam nana Sien Allah nie uta vie prenta nana pai. ¹¹Vesie maso sia, aso sesamuai sisijara e, airora e, niniaja e, aso Ya pa. ¹²Nabi vepapo na mia pa sia kota, semutatir sia toapana. Mesanemi pa sietate e mesanemi vesasie, aso mene vait Sien pir maso mia pai ma bieba."

JESUS KIEVO NANAPI SASI TARAI PAI TUTIR SASAAR PAI PA (NANAPI MARK 9:50: E LUK 14:34-35 PAI KOTA)

¹³"Mia membe sasi tarai so dunia nei pa. Sasi tarai pai vie kambu pa nari vie sasi riwanea e, sa vie guna ea va, nari kiea e kaiwasa tia patitiatai." ¹⁴"Mia membe sasaar so dunia nei pa. Kota vetur sasana nana wi vavo pesi ma sa sieniwa va. ¹⁵Sa esi kiair padamara vori kukutawani na kabesu va. Ima nari pir padamara pai e tur sasana. Ave amamo vieviara kaiwasa venana anio raro pa sia vura. ¹⁶Toapa jana kota, mene sasaar pai disanggapara maso kaiwasa, ave amamo sesajo mene tenam viate pai mammo, sesom tamamu venana rora pai pe."

JESUS KIEVO NANAPI ATORAN AGAMA YEHUDI PAI

¹⁷Irama ne ave amamo irura atoran Musai diona pasi tutir Nabi pa sene aniau pasi va. Iramave irurasi va, vape ave iveruana tarai vata mo pai. ¹⁸Aso vevata mo, rora e kakopa e sandune rami mammo, kavo pa bu katu siri nanapi torat pai, sa niai va, simasi ariri vura pino. ¹⁹Apavo teini riwain atoran nine esi vibaba va vesiri; e dieniau siniotu vevesiei e

senanari toa kota mamu, nari siemuai uta masasoia venanapi dou vesiri, nanapi Sien Allah nie uta vie prenta ariri Raja nanawa. Sovera ea mamu, teini nienari ariri atoran venanapi Torat pasi e dieniau suniotu vevesiei e sinanari toa kota, amamo nari siemuai uta masasoia venanapi vavo vesiri, nanapi Sien Allah nie uta vie prenta ariri Raja nana wa. ²⁰Apavo mesanemipaya; menanari ariri Sien Allah nie sanevesie pai e mendawai nanapi guru agama pasia tutir Parisi pasia va mamu, sa membe kaiwasa maso Sien Allah va.

SIEN DIONO KAVO SANEPAYA NANAPI VEKASIOU SINIOTU PA. (NANAPI LUK 12:57-59 PAI KOTA)

²¹Mendunina nanapi tatapumi pasia pa, vesamuai kavu aniau toapa, Memun siniotu vave moja; teini mun siniotu mamu, nari siemuai hukuman. ²²Vave nine ma itopa so mia, teini kiesiou siniotu pesi mamu, siemuai hukuman, e teini niaja siniotu pesi mamu, siemuai urusan nana agama pai nie ruir baba vekutu kavu pai. E teini kievo so esi e dioyo, "Nganggauwi". amamo nari kie susa adia naraka. ²³Apavo samuai mia esi dio nunu nie pisom pasi maso Sien Allah, avori sanepai so esi nia klesiouwi, ²⁴Amamo biatal vurusu nie pi som pasi nana wavu som pai dere pa ri, ave amamo ria vie dame tutir siniotu jani Manau mamu sioveral e nunu nie pi som pasi maso Sien Allah. ²⁵Maso est vie karak mia nana ruir baba vekutu kavu pai mama. Sembe dame tutir nanapi aja ria so ruir baba vekutu kavu pai varami pa. Aso piva mamu, siniotu jani nari vovo mia so hakim e, nari vovovo mia so Polisi pal Amamo nari Polisi pai kiovara mia so bui pai. ²⁶E mesanemipaya, sa mesuvi nanapi bui pai va, veitoro membait mene niaki pasi to simasi vura pino."

JESUS KIEVO NANAPI NANARI KAVO VAVI PA

²⁷Menduin kavu aniau vetoapa nines "Nuenari kavu vave vave moja, ²⁸Vave nine ma itopa so mia: Temi sejo vavi pesi to sane kaririai, amamo siniotu yani, nienari kavu tutir vavi jani nanapi sane raro pa to manau. ²⁹Remu rawa vata pai vedajara e vue tatar mamu, kuevar remu pai e kuei, Nomu tarai pai katu esa nai pa, vesie rawai nana nomu tarai pai vura, kie susa adia naraka pal. ³⁰Masi varavata pa vediajarae vue tatar, amamo puera tuva e kueba, varamu rawesi pa nai pa vesie rawal nanapi nomu tarai pai vura sua susa naraka pa.

JESUS KIEVO NANAPI VEKE VÆVINIERNI PA (MAT. 19:9; MRK. 10:11-12; LUK. 16:18)

³¹Aniau pesi tioapa nine kota, teini dio kie vinie pai mamu, diono surat vingge veviniemi so vinie pal. ³²Vave ninema itopa so mia; teini kie vinie pai, arorae vinie pal siesara va, avori vinie pai ririau riwanea, amamo siniotu jani, andi vediajarae vinie pai nienari kavu pa. E teini riaut vavi sawani kiea pai mamu, i kota nienari kavu

JESUS KIEVO NANAPI SAWORA PAI

³³Menduin toapa nana tatapumi pa sia pa, tasamuai aniau toapa nine; Ruwain arer vave moja. Vitopi buerera to manau tutir sawora nana aropo Sien Allah, i ma nuenari ariri mo. ³⁴Vave nine ma itopa so mia; mesawora nana rora pai vave moja, aso rora pai ma Sien Allah nie uta masasoia paina. ³⁵Toapana kota nana kakopa nei va, aso kakopa nei ma visasiara ae pasi na; piva mesawora nanapi Jerusalem va, aso i ma kota Raja baba paina. ³⁶Mesawora nanapi mendumi pasi vave moja, aso mataun au ma sa puaja so buona e rurandau pa esi miemara piva kumuvar pa va. ³⁷Aso vitopi vevata pa, tuoapa vava; 'vata', mae vitopi piva pa tuoapa vava; "Piva" rawal nana jana mamu, ima onda ma nana pa bilis pai.

VESOVERA KASIOU MASO SINIOTU VENANARI KARIRIA PAI VAVE MOJA

³⁸Menduin pi aniau pesi toapa nine kota; re pai riwa re, e dere pai riwa dere. ³⁹Vave nine ma itopa so mia; "Mesovera kasio maso siniotu venanari kariria so mia pai vave moja. Sovera e teini biasar tararei rawa vata pa mamu, buonae biasar tararei rawa sara pa kota. ⁴⁰Masi esia sembe karak mia nana hakim, veito setawara nomu sasui pai, amamo buona nomu sasui baba juba pai kota. ⁴¹Masi siniotu veve baba pesi, tuva au e sueriuwa nie pi pasi e ruausari e munda kilometer siri, amamo sueriuwa e ruausari e munda kilometer muandu. ⁴²Masi esi siau piesa nanapi au mamu, buono so i. E, esi siaue vie pinjam piesa nanapi au mamu, tuawa irara kota vave moja."

SANEPAI SINIOTU VIO AMUNA TUTIR AU PAI (LUK. 6:27-28, 32-36)

⁴³Menduin pi aniau pesi toapa nine kota; sanepai nomu maneta pa sia, e muedidi siniotu vio amuna tutir au pa sia. ⁴⁴Vave nine ma itopa so mia; sanepai siniotu vio amuna tutir au pa sia, e membe nadi so siniotu viowawotu mia pa sia. ⁴⁵Ave amamo membe atuma so Tamamu venana rora wai pe Aso Sien Allah diona e wor pai disambiara so siniotu viate to vekariria kota. ⁴⁶Aso, mesanemipai siniotu vesanemipai mia pai mesari vava. Avori, Sien Allah diono sovera ea maso mia ve? Jokama siniotu veruir pipi pajak pa sia senanari toapana kota mana? ⁴⁷E mesau tabe so mene maneta pa sia mesari vava pa vesie ne? Siniotu veruin Sie va pasia kota, senanari toa panal ⁴⁸Tamamu venana rora pai ma, sane pai siniotu vura, apavo mia kota menanari toapana.

YESUS DIONO KAVO SANEPAYA NANAPI VIONO PI MASO SINIOTU VEVARO PI PA SIA PA

¹Mesanemipaya, menanari ariri atoran agama pai nanapi kaiwasa re vepau ve amamo siniotu sisajo pana. Menanari toa mamu, sa mesamuai vait nana Tamamu venana rora pai va. ²Apavo meto piesa so siniotu vevaro pi mamu, metumine metopanusa si ariri siniotu viombe vesanemitia wa sia vape moja. Sesanemi vesie senanari toa nanapi anio Ari pa sie, nanapi ria rabua e, ave amamo kaiwasa sienandik sia pana. I ma sesamuai sene vait pai to manau pana to. ³Mae mia ma meto piesa so siniotu vevaro pi mamu, meto aniwara, ve amamo esi ruin vape moja. ⁴Esi dinduin pi nuenari wana vape moja e, Tamamu venana rora wai miesari. Andi siejo nomu pi buono aniwara jani, e andi nari diono vait so au."

YESUS DIONO KAVO SANEPAYA NANAPI NADI PAI PA (LUK. 11:2-4)

⁵Meto membe nadi mamu, metarir viombe siniotu vetindia wa sia vape moja. Sene pa sembe nadi e setosa nana anio ari pa si e, ria asasa pasi, ave amamo kaiwasa siejo sia. Mesanemipaya, sene vait pai sesamuai to manau pa. ⁶Mae miama meto membe nadi mano, mesua so andiraro wa, e mesuori rature pai, avori membe nadi so Tamamu veveruana va pai. Amarno Tamamu vesajo nomu nanaripi vianiwara jani, andi nari diono vait so au. ⁷Meto membe nadi mamu, mesovavera kavo e woririosi ariri siniotu veruin Sie va wa sia vape moja. Semamo ma setojo, sene sau pasi nari Sien diediawa si, aso sene nadi viaririosi jasi. ⁸Memasi sia vape moja. Aso pi vitopi aja mesau varami pa, Tamarnu venaria rora pai ma, ruin to manau. ⁹Apavo membe nadi toapa nine: Amatamami venana rora panau Buonave amambe sren sanomu pai. ¹⁰Buonave nomu Kerajaan pai riama. Buonave amanariri ariri nomu sanevesie pai na dunia nei, ariri vieva nana rora wa pa. ¹¹Buono pisias vemasi maso ama, nana raria nini. ¹²Vue map amane sasara pasi, ariri amambe map siniotu vesasara so ama pa sia pa. Kuor ama so sotoura pai vape moja. Vape tuerir ama vurusu kariria pai. ¹³Aso au nomu wasa vetariai pai, e paya pai, e som sanandika pai, to woroi-woroi. ¹⁴Masi membe ampon siniotu vesasara so mia mamu, Tamamu venana rora pai kota, nari vie ampon mene sasara pasi. ¹⁵Vape membe ampon siniotu vesesie sine sasara pasi va mamu, Tamamu venana rora pai kota vie ampon mene sasara pasi va."

YESUS DIONO KAVO SANEPAYA NANAPI PUASA PAI PA

¹⁶Meto membe puasa mamu, mendemi pasi sikariria ariri siniotu vekavo tawar pa sia vape moja. Setona e sendemi pa sikariria mo, ave amamo kaiwasa vura ruin toapa, sembe puasa. Mesanemipaya, i ma sesamuai sene vait pai to manau pana. ¹⁷Vape mia ma membe puasa mamu, mendois mendemi pasi e mendaris mendumi pasi. ¹⁸Ave amamo esi ruin membe puasa pa va, e Tamamu veveruana va pai miesari, andi ruina. Andi sieyo nomu nanaripi vianiwara jani, e nari diono vait pai so au."

RAR VEVATA TO WOROI NANA RORA PAI (NANAPI LUKAS: 12:33-34 PAI KOTA)

¹⁹Mesoruir rar so mia nana dunia nei vape moja, nana uta pusie tutir nanim sian e siniotu siemanana ne vape moja. ²⁰Vesie pa, mesoruir rar na rora wa, nana uta pusie tutir nanim sian vae, siniotu siemanana va wa. ²¹aso nomu rar pai andia na topina pa, sane raro pa aja na jana kota. Tandemi pasi ma padamara so tane tarai pasi na."

TANDEMI PASI MA, PADAMARA SO TANE TARAI NE PASI NA

²²Apavo remu pa sisasaar mamu, nomu tarai pai vura e siesaar. ²³Vape remu pa siebuabu na kariria pai mamu, nomu tarai pai vurae nana vekumuar pai. Apavo sasaar venana nomu tarai pai, kumuar so i mamu, ima kumuar ve tabina mo paina. SIE PAI E RAR DUNIA PAI. (NANAPI LUKAS; 16:13, E 12:22-31 PAI KOTA)

²⁴Sa siniotu pa siri nienaripi so tuan pa sumbe muandu va. Aso nari sane pai esi pai rawai nanapi esi pai. Pivai kiorusara tuan esi pai rawai nanapi esi pai. Toapana kota tutir mia. Sa menanaripi so Sien Allah tutir rar dunia pai va. ²⁵Apavo mesanemipaya, mesanemi sasera mia so mene tenam pai vape moja, nana pi metan to metunu, pivai pi nari metavavara. Jokama tenam pai ni riwai nana pisias pai e, tarai pai riwai nana avavar pai mana ? ²⁶Mesayo na aya pasi. Sitana pi va, siema pi va, e siruir pisias nana gudan va, Toapa jana saridiao e, Tamamu venana rora pai dieum si. Joka mia membe harga rawai vesiri nanapi aya pasi mana ? ²⁷Nanapi mia pa teini sane sasera pa onae diono nie umur pai e dieroi katu ne? ²⁸Aso vitopi mesanemi sasera mia so avavar pa? Ite mesayo ariau aikes vetipu na mapar pai. Ariau jasi ma sinanari pi va. E siawar pi va. ²⁹Vape Raja Salomo veve kaya veja jani kota, dievavara avavar viate ariri ariau jasi va. ³⁰Samue venana mapar pai, tipu nana raria nini, e kausapa mamu sikair to sikai. Vape Sien Allah mierandinasi to vesie mo. Avori toane tutir mia. Vape mesanemitia marui va pana. ³¹Mesanemisasera mia e menggavore metojo, "Nari tatan vito ?" Pivai nari tatun vito? Pivai nari tatavavara vito ? ³²Pi vetoapa jasi ma, kaiwasa veruin Sie va pasia setosoasi pa. Arora e Tamamu venana rora pai ma, ruin membe perlu piyasi vura pa. ³³Apavo, menda ariri Sien Allah nie Prenta pasi nanapi mene tenam pasi e menanari ariri nie sanevesie pai papo ri. Amamo pi esi pasi vura nari Sien Allah dionasi kota maso mia.

³⁴Apavo, mesanemisasera mia so raria kausapa wai vape moja. Aso raria kausapa pai dione susa atapua. Susa venana raria siri pai miesi so raria siri."

7 NANAPI TAMBE HUKUM SINIOTU PA. (NANAPI LUKAS: 6:37-38, 41-42 PAI KOTA)

¹Membe hukum siniotu vevesiei pesi vape moja, ave amamo mia kota, Sien Allah vie hukum mia vape moja. ²Aso, ariri membe hukum siniotu vevesiei pa, nari Sien Allah vie hukum mia toapana kota. E, aitato vitopi metitato nana maso siniotu vevesiei mamu, nari Sien Allah tietu nana kota maso mia. ³Aso vitopi mesajo kaena katu venana nemetapi re raro pai mae balak venana matau re raro pai ma mesajori va pa. ⁴Avori nari menggavo so nemetapi e metojo ruama ve isuvira kaena venana remu pai ri, mae balak rahua venana matau re raro vediai ma? ⁵Ne, siniotu viombe siniotu vetindia vedia mia suvira balak rabua venana matau remu pai ri, ave suejo to vesie ri avori janama suvira kaena venana nemetapi re pai. ⁶Buono pi veve Sren maso wona pai vape moja, ave amamo wona pai diarai e kierip au vape moja. E buon mutiara so pimua pai vape moja, ave amamo pimuna pai tiar patitiata mutiara pai vape moja Tasau, tasasera, tatov.

(NANAPI LUKAS; 11:9-13 PAI KOTA)

⁷Mesau, amamo nari viona so mia. Mesasera, amamo nari mesamuai. Metov, amamo nari rature pai tieseva maso mia.

⁸Aso, siniotu vesau pai ma, nari setono so e siniotu vesasera pai ma, nari siemuai e siniotu vetov pai ma, nari sesieva rature pai so ⁹Nanapi tama pa mia pa, teini atu pai siau roti pa nari diano ravuki so i. ¹⁰Pivai e siau dia pa nari diono korou so i? ¹¹Metatar saridioi, vape mendum meto pi viate kota maso mene atuma pa sia. Avori toane tutir Tamamu venana rora wat I ma riewai ea, e nan dion viate maso siniotu vesau nana I pa sia. ¹²Menanari so siniotu vevesiei pa, ariri mesanemi vesie senanari toa, maso mia pa. I ma atoran agama Musai diona pasi, tutir nabi pa sene aniau pasi, sine umaja pasina."

RATURE VETAKAKOTAR PAI (LUK. 13:24)

¹³Mesua nana rature vetakakotar pai, aso rature pai tutir ria vera so naraka paima bieba e siebaberi, e kaiwasa piau ria nanai. ¹⁴Vape rature pai tutir ria vera so tenam pai ma, tiekakotar. E sepau va vesiri, asia sesamuai.

JESUS KIEVO NANAPI AI PAI, TUTIR NIE BUO PAI (NANAPI LUKAS; 6: 43-44 PAI KOTA)

¹⁵"Mesajo to vesie, aso nabi viawi tituwa pa sia. Sendama so mia mamu, sembava ve domba, arora e sembava ariri wona rei vemas pai. ¹⁶Nari mesajo riruini sia nanapi sene nanaripi pai. Wai sina pai sa suvir anggur buo pesi va, e samue veve sina pai, sa suvir ara buo pesi va? ¹⁷Nanapi ai viate pai, tasamuai buo viate pai, e nanapi ai vekariria pal tasamuai buo vekariria pai. ¹⁸Al viate pal ma sa suvir buo vekariria va, e al vekariria pal ma sa suvir buo viate va. ¹⁹Ai vesuvir bua vekariria pai ma riova e kiari. ²⁰Toapana kota, maso nabi viawitituwa pa sia. Nari mesajo riruini sia nanapi pi senanari pasi.

SIEN DIRI ARIRI SINIOTU VENANARI ARIRI NIE KAVO PAI PA SIA. (NANAPI LUKAS: 13:25 27 PAI KOTA)

²¹Sa siniotu vesau Yau e viojo: Sien, Sien, asia nari sembe kaiwasa maso Sien Allah pa vura va, vape siniotu venanari ariri Yai venana rora pai nie sanevesie pai pa sia. ²²Raria dunia nei kieriria e niai wa mamu, nari sepau sesau so Yau e setojo, Sien, Sien, jokama nana sanomu pa e amatitopana Sien Allah nie arer pai pa mana? E, jokama nana sanomu pa kota e ama titatavara pi sararidioi e, amatinanari pitandor pa pau mana? ²³Vape nari ikavore yoyo, Ya ma isajo riruini mia va; Menda vurusu nine. siniotu venanari kariria pa mia vura!"

KAVO SORA TARAWA NANAPI SINIOTU VERUINA E VEAU ANIO PAI, TUTIR SINIOTU VENGANGGAU VEAU ANIO PAI. (NANAPI LUKAS; 6:47-49 PAI KOTA)

²⁴Apavo siniotu viadiawa ine kavo pai e venanari ariria pai, vieva airi siniotu veruina e veau vene anio nana rovuki vavo. ²⁵Nana raria rama pai mun e maria pai vie posar e ve diobara pa, siobuasa anio jani mamu, anio jani sa tiebari va, aso viauna nana rovukivavo pavo. ²⁶Mae, siniotu viadiawa ine kavo nei, vape venanari ariri va pal, vieva ariri siniotu venganggau e veau vene anio nana rubuavavo. ²⁷Nana raria rama pai mun, e maria pai vie posar e ve diobara pa, siobuasa anio janie tiebari. E mierura to kieriria vesiri." Kaiwasa pa sia senggavo usara Jesus nie Aniau pasi."²⁸Jesus dieniau to manau pa, kaivasa venana jasia, setadiawa Jesus nie kavo aniau pasi pa, senggavo usara veito. ²⁹Aso dieniau pa tutir pays varveiti, ombesiel nanapi sene veve baba nara Torat pa sia.

JESUS DIONAE SINIOTU VEPOTA PADO PAI, PIENAAM PA. (NANAPI MARKUS 1:40 45; E LUKAS 5:12 16 PAI KOTA)

¹Jesus viar na suovavo pa avav to manau pa, kaiwasa pau sembe ratae senda usara Jesus. ²Apa siniotu vepota pado pesi ria. Disana aebu pasi nana Jesus aropo pa, avori kievore diojo; "Tuani, ka muajar mamu buona e ipanaam." ³Apa Jesus dieka a rut siniotu pai, avori kievore diojo: "Imajar, apavo puenaam". Apa nanapi diam jani kota e nie pota pai nial. ⁴Avori Jesus kievo soi e diojo: "Sanepaya; Bitopa vavera so esi va. Vape rua soapa Imam pai, e vueruan au so i. Manau mamu, buon pi som ariri Musai tiopa pa, ave veruana so kalwasa toapa, puenaam to manau!"

JESUS DIONA E KOMANDAN ROMA PAI NIE WOMI PAI PIENAAM PA. (NANAPI LUKAS 7:1-10 PAI KOTA)

⁵Jesus ria so aniose Kapernaum pa, Komandan Roma pesi riamu so I, e siau so I e diojo; ⁶"Tuani, ine womi paini piota e viata anio wa. Piota marera e viata na patar wai e, piota to diadi va." ⁷Apa Jesus kievo so i, e diojo: "Nari iramatu jona e pienaam." ⁸Amana Komandan pai diojo: "Tuani ka moja, ava diadi so ive trima Tuani Au nana ine anio wai pa va. Tuani vue Prenta vea. Amamo nari ine womi wai pienaam." ⁹Aso ya kota ma. itatuan ine veve baba pa sia sene prenta pasi. E ine tentara venana dou pa sia kota, setatuan ine prenta pasi. Masi jemias tentarapesi e jojo: Rua!, amamo ria. Ikavo so esi vesiei e jojo; Ruama so nine!, amamo riamu, e jo ive prenta ine womi pai e jojo: nuenari pi ninel, amamo nienari." ¹⁰Jesus diediawa usara Komandan pai kievo tonine pa, kievousara vesiri. Apa Jesus kievo so kaiwasa verausari pa sia e diojo: "Siniotu nei ma katu masi. Nanapi kaiwasa Isrel nei vura, aja isamuai sanetiar vebaba e vetoapa nine esi varami!" ¹¹"Vatamo, Itopa so mia." ¹²Kaiwasa pau, nana rawa dopo wa to rawa dori wa, nari sendama, ave sesanemi vesasie tutir Abrahama e, Isak e, tutir Yakopi sia nanapi Sien Allah nie Dunia Vavuru pai. ¹³Arora e siniotu nari viator ve kaiwasa maso Sien Allah pa sia, nari sengge sia so kumuar venana vorira wai. Nari sesai e setamuaus na wana. ¹⁴Janama Jesus kievo so Komandan pai e diojo: "Vuevu, pi sanetiara pa nari vediadi". Apa nanapi diam jani kota e, nie womi pai pienaam.

JESUS DIONA E PETRUS NIONI VAVI PAI TUTIR KAIWASA PAU SEPANAAM PA. (NANAPI MARKUS: 1:29-34; E LUKAS 4:38-41 PAI KOTA)

¹⁴Janama Jesus ria so Petrus nie anio pai, apa siejo mana Petrus nioni vavi pai visi e viata na patar pai pa ¹⁵Apa Jesus dieka a rut na Petrus nioni vavi pai vara pa, apa nie visi pa vavuri. Janama siobatai e pir pisia so sla. ¹⁶Vava ravinena pa ma, kaiwasa pai kior siniotu vetera wainunu vekariria pa sia maso Jesus. Apa Jesus kievo kavo pa bu siri vea e, ditatawar wainunu vekariria pasi e ditona e kaiwasa vepota pa sia vura sepanaam kota. ¹⁷Jesus nienari pi ninesi vura pa, ave masi tutira nabi Yesayai kievo pa, toapa: "Sieriowa tane kariria pasi, e diono tane pota pasi e sipanaam".

SINIOTU VIO VERA USARA JESUS PA SIA. (NANAPI LUKAS 9:57-62 PAI KOTA)

¹⁸Kaiwasa pa pau vesiri sesorum Jesus. Jesus sieyo kaiwasa pai pa, kievo so nie murit pa sia e, sembavu tuwa avaru so ruru pai rawesi pa. ¹⁹Avori veve baba nana Torat pesi riamu so I e, diojo: "Guru, yo irausara Au so topina vea" ²⁰Apa Jesus ruar so i, e diojo: "Wona rei pai nie kamberei, e aya pai nie karai, vape Siniotu Atu ne Ya ma, varo uta ivata nana." ²¹Avori nie siniotu vera usarl pa esi nina, kievo so I, e diojo; "Guru, isau so Au e, ivavu papo ve ive kubir yai ri". ²²Amana Jesus kievo soi e diojo: "Rua usara pa Yau, mae siniotu vevoru pa sia ma, matau sembe kubir riwana sene vevoru pai."

JESUS DIONA E DIOBARA PAI MIERI PA (MARKUS 4:35-41, LUKAS 8:22-25)

²³Janama Jesus tutiur nie murit pa sia, sesa so wa pai. ²⁴Worabua va mana, diobara pimasa pesi mun na ruru pai. Apa bata pasi sisa so wa pai. Diam jani ma, Jesus andia diena. ²⁵Apa nie murit pa sia senda soi e sembaun i. Setananar soi e setojo; "Guru, kawa, nari tanggariria!" ²⁶Apa Jesus kievo so siae diojo; Aso vitopi mematai veyu pa? Mesanermiari Ya mo va; "Janama Jesus biatai e kievo mas wana pai tutir ruru pai. Apa ruru pai mieri vesiri. ²⁷Jesus nie murit pa sia senggavousara veito. Senggavore setojo; "Siniotu nei ma siniotu vito nina, apa wana e bata e, sikorusara kievo ne pa?"

JESUS DIETAWAR WAINUNU VEKARIRIA PASI VURUSU SINIOTU PA SANDUPA. (NANAPI MARKUS 5:1-20, E LUKAS 8:26-39 PAI KOTA)

²⁸Jesus tutir Nie murit pa sia sesirieu nana ruru pai rawesi pa, nana uta Gadara. Apa siniotu vetera wainunu vekariria pa esandu, sundama so 1. Siniotu nine sanduma sumas vesiri, apavo siniotu pesi mias e ria nana uta janava. ²⁹Susuvi nanapi rovuki kamberei veve kubir wasi, e surananar e surojo; "Allah Atu panau, avo buo buon ama toane? Aja raria paina varami e, buo vue hukum ama pana e?" ³⁰Apa pimuna aum pa tau siri, siosa deriasi na jana e siapi. ³¹Apa wainunu

vekariria pasi sisau so Jesus, e siojo; "Buo buemiase amasuvi mamu, buemiase ama sua na pimuna wasi." ³² Apa Jesus kievo soasi e diojo; "Menda vea". Apa wainunu vekariria pasi sisuvu vurusu siniotu pa sandu e sira sisua na pimuna tau pai. Apa pimuna pasi sivavu sikopa na veve derewisi pa avav so ruru pai pa, simarutu. ³³ Siniotu vesayo vedior pimuna pa sia setapai so Kota e, setopanusa kavo veve diadi ninesi vura. E setitopan siniotu muandu veter wainunu vekariria pa simasoi nanapa sandu kota. ³⁴ Apa kaiwasa venana Kota pa sia vura, senda sesajo Jesus. Senda sesamui Jesus pa, sesau sol, ave amamo vievu vurusu sene uta pa.

9 JESUS DIONA E SINIOTU VEMARERA PAI PIENAAM PA.

(Narapi Markus 2:1-12 e Lukas 5:17-26 pai kota) ¹ Jesus sia so wa pai e, sembotuwa ruru pai e sesovera ea so matauni nie aniose pa. ² Amana siniotu pesia senggor siniotu vepota marera pesi, viata nana patar pai, e senggoria so Jesus. Jesus siejo siniotu pa sene sanetiar pasi sibaba pa, kievo so siniotu vepota marera pai, e diojo; "Ine atuma panau, sun sanemu pa. Nomu tatar pasi sive ampon to manau." ³ Apa veve baba nana Torat pa esia, senggavo nana sesanemi raro pasi e setojo; "Siniotu nei siesiajara Sien Allah. ⁴ Jesus ruin sesanemi raro pasi, apa kievo so sia e diojo; "Aso vitopi mesanemi raro pasi sitatar veja pa? ⁵ Apavo topi tindia, tanggavore tatojo; "Nomu tatar pasi sive ampon to manau pa te? "tanggavore tatojo: "Suobata e ruapa e? ⁶ Vape nine ma nari Iveruana maso mia, toapa Siniotu Atu ne Yau, ipaya so ive ampon tatar pasi nana dunia nei vavone pa". Janama Jesus kievo so siniotu vepota marera pai e diojo; "Suobata au, sueriu nomu patar pai e vevu". ⁷ Apa siniotu vepota marera pai siobatai e vievu so nie anio pai. ⁸ Kaiwasa pai siejo pi veve diadi nine pa, sematai e sesanandik Sien Allah, aso Sien Allah dion paya vebaba vetoapa jani, maso siniotu pasi pa.

JESUS SIAU MATIUS, AVE RIAUSAR-L PA. (NANAPI MARKUS 2:13-17, E LUKAS 5:27-32 PAI KOTA)

⁹ Manau pa janama Jesus suvi nanapi nie rara pai pa, siejo siniotu veruir pajak pesi, sano pa Matius, miesoi nana nie kantor pajak pai. Apa Jesus kievo soi e diojo; "Ruama ruausara Yau"; Apa Matius siobatai e dindausara Jesus. ¹⁰ Avori Jesus niesoi e diapi nana Matius nie anio pai. Apa siniotu veruir pajak pa sia, tutir siniotu kaiwasa dietor ve siniotu vekariria pa sia, senda so Jesus, tutir nie murit pa siae, setapi tutir sia. ¹¹ Apavo siniotu Parisi pesia sesajo. Apa setutan Jesus nie murit pasia, e setojo; "Aso vitopi mene guru pai diapi tutir siniotu veruir pajak pa sia, tutir ainiotu vekariria pa sia pa?" ¹² Jesus diediawa setutane pa, ruar so sia e diojo; "siniotu vepanaam paima, sa siesera dokter pai va, mae siniotu vepota pai ni, siesera dokter pa. ¹³ Ite mesajo nanari surat repo pai nie ayat verotu toapa ninei, "Isanemi vesie napa sanepaya pai, mae pisom nanapi binatang pai ma piva". Aso irama ne ave isau siniotu vetindia to manau pasi va, vape siniotu veve tatar pasi.

VEKAVO NANAPI PUASA PAI PA (NANAPI MARKUS 2:18-22, E LUKAS 5:33-39 PAI KOTA)

¹⁴ Manau na jana pa, Yohanes viono Kambu Sren pai, nie murit pa sia senda so Jesus. Avori setutani e setojo; "Aso vitopi ama tutir Parisi wa sia e amambe puasa, Mae nomu murit ne sia ma piva pa? ¹⁵ Amana Jesus kievo so sia e diojo; "Avo metone sanepaya pa sitoane? Mua veririau vavoru pai andia tutir nie tamu pa sia nana pesta ririau pai pa, nari sembe susa e? Sa piva, vape raria pesi mano, nari senggor mua veririau vavoru pai vurusu sia. Apino janama membe susa pe." ¹⁶ Sa esi diawar tawan sasu tawa vemaraba pesi nana sis dovaru vavoru pesa va. Aso nari sis dovaru vevavoru pai titu mamu, piorabana sasu pai, e viediajara e vemaraba pai bieba rawai. ¹⁷ Toapana kota, sa esi siara anggur vavoru pesi susa binatang rawa vitutu kambu vetawawari pesi va. Aso toa mamu, binatang rawa vitutu kambue vetawawari jani, miesavu e kieriria, amamo anggur pai tievuvu. Apavo anggur vavoru pai ma, siara susa binatang rawa viutu kambu vevaoru kota, apino sandu vurae surate pe".

SINIOTU VEVE BABA SO ANIO ARI PAI, ATU PAI VIORU PA, E VAVI VEVARAMI BUASA JESUS PAI. (NANAPI MARKUS 5:21-43, E LUKAS 8:40-56 PAI KOTA)

¹⁸ Jesus andia kievo so Yohanes viono Kambu Sren pai nie murit pa si ramie, siniotu veve baba nana Anio Ari pesi, riamu disan aebu pasi nana Jesus aropo pa, e kievore diojo; "Ine atuma vavi pai erine vori vioru. Vape, isau so auwe, rua bueka a so i, ave amamo tienam riwane". ¹⁹ Apa Jesus tutir nie murit pa sia, sesobata siae, senda tutir siniotu pai. ²⁰ Semasi riarabua wa, amana vavi pesi, siemuai pota samir niar pai, woroi pa taun suraemuandu, riasiwara Jesus na karu pa. Sanepai nana sane raro pae ²¹ Diojo, Jeka a varabuasa nie sasu juba wai vea mamu, nari ipanaam. Apa dieka a varabuasa Jesus Nie sasu baba juba pai sope pa. ²² Diam jani Jesus diaraie dieduwata vavi pai, avori kiewo soi e dioja; "Ine atuma panau, sun sanemu pa. Aso joma sanetiarpai, puenaam pa". Apa nanapi diam jani kotae, vavi pai pienaam. Manau pa janama Jesus ria so siniotu veve baba so anio ari pai, nie anio pai. ²³ E siejo mana kaiwasa pai siaie rioi ranu sai e siewau pa. ²⁴ Apa kievo so kaiwasa paie diojo, "Mesuvi wura! Atuma nei ma vioru va; i ma diena vea". Apa kaiwasa pai vura, semari Jesus. ²⁵ Kaiwasa pai suvi to manau pa, Jesus suapui so andiraro atuma vevoru pai viata nana pa, e rut nana vara pa. Apa atuma vevoru pai siobatai e tienaam ea. ²⁶ Kavo viotandori nine masiepare wopaiusara uta pasi vura.

JESUS DIONA E SINIOTU VEREMI KABER PA SANDU SUPANAAM PA

²⁷Jesus suvi na jana e ria so ria rabua pa mana, siniotu veremi kaber pa sumbe muandu sunnda usari. Susau e surojo, "Dauti Atu panau, ka sanepai nandu!" ²⁸Jesus suapui so anio pa mana, siniotu veremi kaber pa sunnda masoi. Apa Jesus dutan sandu e diojo, "Avo musanemitiar toapa, diadi jona e mupanaame?" amana sunduar so I e surojo, "Sie panau, amusanemitiar!" ²⁹Janama Jesus dieka a so sundemi pasi e dinggavora e diojo, "Aso musanemitiar pavo, vediadi maso mandu ariri mune sanetiar pasi". ³⁰Janama diadi so susajo pa. Apa Jesus dierer so sandu to karakuai vesiri, ave amamo sutopa kavone so esi vape moja. ³¹Vape sunnda e sutopanusa Jesus nana uta pasi vura.

JESUS DIONA E SINIOTU VESOREMI MUMUJA PAI KIEVO PA.

³²Siniotu muandua pa sandu sunnda to manau, avori siniotu vesoremi mumuja pesi, wainunu vekariria pasi simasoi nanai, senggori ea ma so Jesus. ³³Apa Jesus dietavar wainunu vekariria pasi, e nanapi diam jani kota e, siniotu vesoremi mumuja pai diadi kievo riwanea. Kaiwasa pai kievo usara, senggavore setojo, "Aja amasajo pi vetoapa nine esa nana uta Israel varami!" ³⁴Amana Parisi pa sia senggavore setojo; wainunu vekariria pasi sine veve baba pai, andi diono paya so I, ave amamo ditatavara wainunu vekariria pasi pa."

JESUS SIEJO KAIWASA PAI TO SANEPAI PA

³⁵Apavo Jesus ria wawarira uta pasi, nana Kota pesi a so Kota pesi, e nanapi aniose pesi a so aniose pesi. Dieniau nanapi anio ari Yehudi pasi e ditopana Sien Nie Kavos Vesie pai, toapa, Sien Allah Vie prentah, ariri Raja pa. Jesus dion panaam so kaiwasa pai nanapi sene pota saserai pa. ³⁶Jesus siejo kaiwasa pai to sanepai sia, aso setatara setotoa e setimbava ariri domba vevaro gembala pa. ³⁷Apa Jesus kievo so nie murit pa sie e diojo, "Ai mor viema pai reto, piau, vape siniotu viema pasi sipau va. ³⁸Apavo mesau so vene romi pai, ave amamo dienatu siniotu viema pesia, so nie ai mor nei diema pa."

10¹

RASUL SURAE MUANDUA PA SIA. (NANAPI MARKUS 6:7-13, E LUKAS 6:12-16 PAI KOTA)

1. Raria pesi pa Jesus siauruir nie murit surae muandua pa sia e, sendama so I. Avori diono paya so sia, ave amamo setitataravara wainunu vekariria pasi e setona panaam so pota saserai vura, e siniotu vene tarai manindiu pa sia.

²Rasul surae muandua pa sia sesanomi pasi nine; retena pa, Simon sesau kota ve Petrus pai e, tutir neta katu pai Andrias, avori Yakobus tutir neta katu pai Yohanes, Sebedeus atu pa sandu na. ³Avori Pilipus e Bartolomeos, tutir Tomas e Matius, siniotu veruir pajak pai, tutir Yakobus, Alfeus atu pai, e Tadeus; ⁴Vipua pa Simon Patriot e Yudas Iskariot, vevovo Jesus pai.

JESUS DIEMIAS NIE RASUL SURAE MUANDUA PA SIA.PA. (NANAPI MARKUS 67-13 E LUKAS 91-6 PAI KOTA)

⁵Manau pa janama Jesus diemias nie murit surae muandua pa sia, e ditopa ariri kavos so sia toapa nine; "Menda so kaiwasa Yehudi va pa sia sene uta pasi vape moja. ⁶Vape menda soapa kaiwasa Israel pa sia, atapu soapa siniotu vetenam nana ria vera sara pa sia. ⁷Metopa so sia toapa, Sien Allah dio vie Prentah ariri Raja to manau. ⁸Metonae vepota pa sepanaam; metonae vevoru pa sia setenam. Metonae vepota pado pa sia sepanaam, e metataravara wainunu vekariria pasi. Mesamuai pi ninesi sarididoi vea to manau. Apavo, metonasi sarididoi kota. ⁹Menggor pipi mas va, pipi perak va, pivai pipi tembaga va. ¹⁰Menggor rota pisia kota va, sasuvu ve muanandiru nana mene rara pai vape moja, sapatu, pivai aitato va. Aso siniotu venanaripi pai ma, nari siemua vai. ¹¹Meto menda so Kota pesi, pivai aniose pesa mamu, mesasera pa siniotu vesanemi vesie veve trima mia pesi. Memasoi tutir i, veito membavu riwanea, ¹²Mesua na anio pesi mamu, menggavo toapa; "Amasaue Sien vie berkat mia". ¹³Masi siniotu venana anio jasia, sembe trima mia mamu, mene tabe pai viata maso sia. Mae, sembe trima mia va mamu, mesarap sovera mene tabe jasi. ¹⁴Masi anio pesi, pivat Kota pesi, senggambarai sembe trima mia, pivai senggambarai setadiawa mia, amamo membavu uta jana, e mendora upis kakopa venana mendaimi va pasi. ¹⁵Itopa so mia, raria dunia nei kieriria wa mamu, kaiwasa venana Kota Sodom tutir Gomora pa sia, diadi so sesamuai ampon nanapi Sien Allah pa. Mae kaiwasa venana Kota vekambarai mia pa sia ma, sa sesamuai ampon nanapi Sien Allah va."

KARIRIA NARI VERAMA WAI (MRK. 13:9-13; LUK. 21:12-17)

¹⁶"Mesanemipaya, yemias mia ne, ariri domba verasesiorana wona rei vemas pasi pa. Metarama to vesie mo, ariri korou pai, e mesanemi pa sitindi mo ariri aya kapura pai. ¹⁷Mesanemipai to vesie, aso nari setapur miae sembe urus mia nana agama pai nie ruir vekutu kavos pai. Nari sendora mia nana anio ari pasi. ¹⁸Nari menggor mia so aropo Pemerinta tutir raja

pa sia, aso menda usara Ya pana. Arnamo ima ria nina so metitopanusara Ya so sia pa, e maso kaiwasa veruin Sien Allah varami pa sia.¹⁹Vape seto senggor mia sembe urus mia mamo, mesanemisasera mia nana kavo nari menggavora vape moja, pivai nari menggavo toane pa vape moja. Aso kavo vitopi nari menggavora pa mamo, nari vetopanaririasi maso mia nanapi diam jani kota.²⁰Aso vekavo nanapi diam jani ma, mia va, vape Yai venana rora pai Nie Wainunu pai andi kievo nanapi mia pa.²¹Nari siniotu pa sivov vera matau sine neta pai, ave amamo semuni. E nari vava toa pana kota, maso tama pai tutir atu pai. Atuma pasi nari sio varirwi tutir tama pai tutir sisiniami, e sembovo sandu ve amamo semun sandu.²²Nari kaiwasa vura miedidi mia aso menda usara Ya pavo. Vape teini kierakuai ra so manau wa mamo, nan siemuai vesie pai.²³Seto semutatir mia nana Kota pesi mamo, membavu so Kota pesi vesies. Itopa so mia, aja menda ariri Kota venana Israel nesi vura varami e, Siniotu Atu ne Irama to manau.²⁴Murit pesi sa bieba rawai nanapi nie Guru pai va e sa womi pesi bieba rawai nanapi nie tuan pai va.²⁵Murit pesi miesi tutir nie Guru pai mamo, manau, e womi pesi miesi tutir nie tuan pai mamo, manau. Mananir vene anio raro pai ri, sesawi ve bilis, avori toane tutir nie anio raro pa. I ma nari sesau sia nanapi wasa vinggariria rawai ea".

MEMATAITA PAINI SIEN ALLAH. (NANAPI LUKAS 12. 2-7 PAL KOTA)

²⁶Mematai siniotu pasi vape moja. Pi vetau tawana pasi, nari simasivu, e pi vianiawa pasi, nari siveruana.²⁷Vitoni itopani maso mia nanapi vekumuar pa mamo, metopana riwani nanapi vesasaar. E pi vesamumuia susa mene taradiau pasi ma, metuminasi to baba.²⁸Mematai siniotu nari vemun tarai pai e, vepa so vemun wainunu va pa sia vape moja. Vape memataita pa Sien Allah, vepaya so vemun tarai pai tutir wainunu pai, nanapi adia naraka pai.²⁹Aya sisumi pasi sembovasi mamo, muandu so pipi ropia siri to. Toa sarididioi e, Tamamu venana rora wai, miajar toa va mamo, sa esi tiau mesu so kakopa ne va.³⁰Rurandau venana rumu vediasi sietor to manau vura.³¹Apavo, mematai vape moja! Aso miama membe harga rawai aya sisumi pasi."

VERUARA YESUS NANAPI AROPO SINIOTU PA. (NANA LUKAS 12:8-9 PAI KOTA)

³²"Teini ruara Yau nanapi aropo siniotu mamo, Ya kota nari Iruari na Yai venana rora pai, aropopa.³³Vape teini pioras Yau nanapi aropo siniotu, toapa i ma riasara Ya va, amamo Ya kota, nari Iporasi nanapi Yai venana rora pai aropo pa."

YESUS RIAMA TUTIR VEMARI VA, VAPE RIAMA TUTIR MAMUNA. (NANA LUKAS 12:51-53; E 14:26-27 PAI KOTA)

³⁴Memamo ma metojo Ikor vemari maso dunia nei pe? Ikor vemari va, vape.³⁵Ikor mamuna, Irama ne vedajara e atuma mua pai dio variriwi tutir tamani, e atuma vavi pai diovaririwi tutir siniani, e vavindewa pai diovaririwi tutir nioni vavi pai.³⁶E nari variriwi pimasa pai ma, nana pa anioraro pai matauni.³⁷Siniotu vesanemipal vetamami, pival vesiniami rawai nana Ya pai ma, sa diadi riasara Ya va. Toapana kota siniotu vesanemipai vene aturna mua, pivai atuma vavi rawai na Ya pa sia.³⁸E siniotu vekambarai vesariouwa vene aitabat e vindausara Ya pa sia, diadi so sendausara Ya pa va.³⁹Teini dieriori nie tenam pai, amamo nari nie tenam pai niai; mae teini nie tenam pai niai, aso kiorusara Ya pa, amamo nari siemuai nie tenam pai."

NANARIE VESIE PAI, SIEMUAL VAIT VESIE PAI KOTA. (NANAPI MARKUS 9:41 PAI KOTA)

⁴⁰Teini vie trima mia, amamo vie trima Yau. E teini vie trima Ya mamo, vie trima Yai viamias Ya pai.⁴¹Teini vie trima Nabi aso Nabi nina pa, armamo nari siemuai vait ariri Nabi. E teini vie trima siniotu viate pesi, aso diete pana, amamo nari siemuai vait ariri siniotu viate.⁴²Teini diono kambu viunu, kambu veriewas vea, maso siniotu vekariria nine sia esi, aso riasara Ya pana mamo, siniotu jani nari siemuai nie wait pai."

11 YOHANES DIEMIAS ASO JESUS, E DUTANI PA. (NANAPI LUKAS 7:18:35 PAI KOTA)

¹Jesus tiopanariri kavo so nie murit suramuandua pa sia to manau pa, suvi vurusu jana. Ria dieniaue ditopanusara Sien Allah nie arer pai nanapi Kota vederiasi pasi.²Apa Yohanes viono Kambu Sren e venana bui pai, diediawa Jesus nie nanari- pi pai. Apa diemias nie murit pesia e senda so Jesus e setutanie setojo: ³"Avo au rua ariri Sien Allah nie arer pai ma pa te, amatanota siniotu vevesieie?"⁴Amana Jesus ruar so siae diojo, "Mesovera so Yohanes e metopa so i, nana pi vitosi metadiawa e mesajosi pa; ⁵Toapa, veremi kabere pa sesajo, veraemi marera pa senda, vepota pado pa sepanaam; vene taradiau poya pa setadiawa, vevoru pa setenam riwane, e Sien Allah nie Kavo Vesie pai tiopanusara maso kaiwasa vevaro pi pa sia. ⁶Vesie maso siniotu vekavo irara Ya va pa sia."⁷Yohanes nie amias pa senda to manau pa, janama Jesus kievo so kaiwasa pai, nanapi Yohanes, Jesus kievore diojo, "Vitoni menda mesajori nana mapar rubua wai pa? Sasa wana pai sio riria e vemanawar ninae? ⁸Ite vitoni menda mesajori pa? Mesajo siniotu vesasun nana sasu vesasie nina te? Siniotu vesasun nana sasu vesasie pasi ma, sinana pa, anio Raja.⁹Apavo menda so mapar rubua wai so vito? Mesajo nabi nina te? Ariria, vape i ma riwai nanapi nabi. ¹⁰Aso Yohanes jani nina, andi ayat venana Surat Repo pai kievo nanai pa,

toapa, Sien Allah kievore diojo, Ine Amias pai nine, jemias i, e piepon Au, ave amamo dierara ria anota Au.¹¹Itopa so mia, "Nana dunia nei mammo, varo siniotu vebaba rawai Yohanes vion Kambu Sren pai. Toa saridioi e, kaiwasa venanapi Sien Allah nie uta vie prenta nana wa sia, siniotu vemadia rawai pa sia, sebaba rawai Yohanes.¹²Nanapi rabua Yohanes tiopa nie aniau pai pa, veito rabua nine, siniotu pasi sio sasera ve simuvediora Sien Allah nie Kaiwasa pai tutir ria vekarakuai.¹³Veito rabua Yohanes riama ne, Musai prenta diona pasi vura e Nabi pa sene aniau pasi, sierera pi veve diadi mo pasi.¹⁴E, meto mesanemitiar mammo, Yohanes ma joma Elia nina, andi vie arer to manau so riama pa.¹⁵Membe taradiau mammo, ite metadiawa!¹⁶Avo nari isora tarawa kaiwasa rabua ninesia nanapi vito? Sembava ariri atuma vemasoi na pasar. Esia sesau so esia e setojo,¹⁷Tamei ranu vemamasar so mia, vape menggambarai memajai, tandoi roi sai so mia, vape menggambarai mesai.¹⁸Yohanes riama dian pisia va, dunu kambu va, dieriori so Sie pai pavo, dunu anggur va vape kaiwasa pai diojo wainunu vekariria pa sira savui.¹⁹Janama Siniotu Atu ne irama, Yapie Junu; vape kaiwasa kievore diojo, 'Mesajo siniotu wai, diapi bariu, dunu bariu, vie maneta tutir siniotu veruir pajak e, vie maneta tutir siniotu veve tatar. Toapa jana, vape Sien Allah nie paya pai vieruana nana Nie nanaripi pai."

JESUS KIESIOU KOTA VESANEMITIAR I VA PA SIA PA. (NANAPI LUKAS 10-13-15 PAI KOTA)

²⁰Avori Jesus sisijara Kota vieruana pitandor to pau nana pasi. Aso kaiwasa venana Kota ja sia, senggambarai semanau sene tatar pasie sesovera so Sie pai pa.²¹Kievore diojo, 'Kawai so Kota Korasin au; e kawai so au kota, Kota Betsaida! Pitandor veveruana tomanau so mia nesi, siveruana nanapi Kota Tirus tutir Sidon, areto kaiwasa venana pa sia nari semanau sene tatar pa sie, sesovera so Sie pai papo, e sesasun sia nanapi sasum vandat e sepir wavu nanapi sendumi pasi.²²Vape Itopa so mia, nana raria dunia nei kieriria wa mammo, mene hukuman pai nari mierabat rawai, nanapi kaiwasa venana Kota Tirus tutir Sidon pai.²³Mae Kota Kapernaum au ma, nari seposasan au raajai so rora wae? Sa piva, nari sengge au ravav so uta vevoru pa senana wa. Aso masi pitandor veveruana so mia pasi, iveruana si nanapi Sodom, areto Sodom andia veito rabua nine.²⁴Vape Itopa so mia, nanapi raria dunia nei kieriria wa mammo, mene hukuman pai ma nari mierabat rawai nanapi hukuman venana Kota Sodom pai.

YESUS VIE TRIMA KASI SO TAMANI PA E, SINIOTU PA SIRAMA SOI PA. (NANAPI LUKAS 10:13-15 PAKOTA)

²⁵Nanapi diam jani Jesus kievore diojo, 'Sie rora e kakopa, Itopa trima kasi so Au, aso pi jasi vura bueniarasi vurusu siniotu veve pande pa si, mae vueruanasi maso siniotu vianiau va pasi pa.²⁶I ma vio sanevesieni so Yai au pana.²⁷Avori Jesus kievore diojo; Pi vura Yai siwasi maso Ya to manau. E esi disajo riruini Atu pai va, Tama pai miesari. E esi disajo riruini Tama pai va, Atu pai miesari, e maso Siniotu Atu ne Yau, vieruana Tama pai soa pa sia.²⁸Mendama soa pa Yau, vemarior pa mia vura, e vesariou marabat pa mia; nari Jono andei maso mia.²⁹Mendausara pa ine prenta nesi e metaniau nana pa Yau. Aso Ya ma. Yo mesamuai vesie pananesi va, e isanandik Ya va, apavo nari pa.³⁰Aso Ine Prenta nesi ma, sio sanevesieni, e pi Jona e mesariowa ne ma, tapisa."

12 VERAWAIN RARIA SABAT PAI PA. (NANAPI MARKUS 2:23 28 E LUKAS 6:1-5 PAI KOTA)

¹Nana raria Sabat pesi pa, Yesus tutir Nie murit pa sia, senda savu romi pas pesi. Apa sembavisi pavo, nie murit pa sia setema pas buo pasi e setasi.²Amana siniotu Parisi pa sesajo pa, senggavo so Jesus e setojo, "Ite suejo nomu murit pa sia sendawain tane atoran agama pai, e senanaripi sa tananari na raria Sabat va."³Apa Jesus kievo so sia e diojo, "Apavo aja metap nanapi Raja Daut tutir nie kaiwasa verausari pa sia so rabua sembavisi e pi nienari pa varami pe?"⁴Suapui so Bait Allah pai e kior roti viona ve pi som so Sien Allah pai e setani pa. Arora e, ariri tane atoran agama nei mammo, Dauti matauni, tutir nie kaiwasa verausari pa sia, sa setan roti jani va Imam pa sia reto, diadi?⁵Ite aja metap nanapi Musai nie atoran diona pasi, toapa, nanapi raria Sabat pasi mammo, Imam venanaripi nana Bait Allah pa sia, sendawain atoran Sabat pai, vape sembe sasara va.⁶Mesanemi pai kavo Ikavora ne; vebaba rawai Bait Allah pa esini nia nine(Andi matau Yau).⁷Nanapi Surat Repo pai marno vevui toapa, 'Sanepaya pai ni isanemi vesieni, mae pi som nanapi binatang pai ma piva. Masi menduini ariri kavo nine ve vata mo, amamo sa mepir sasara maso siniotu vevoro sasara pasi va.⁸Aso Siniotu Atu ne Yau, Ibaba rawai nanapi Raria Sabat pai."

JESUS DIONO PANAAM MASO SINIOTU VEVARAMI MARERA RAWA SIRI PAI NANA RARIA SABAT PAI PA. (NANAPI MARKUS 3:1-6, E LUKAS 6:6-11 PAI KOTA)

⁹Jesus suvi nanapi uta jana pa, ria sua so Anio Ari pesi.¹⁰Apa ria samuai siniotu vevarami marera rawa siri pesi na jana. Apavo siniotu vio sasera ria ve amamo vepir sasara maso Jesus pa esia, setutan Jesus e setojo, "Diadi so viono panaam maso siniotu vepota, nanapi raria Sabat paie?"¹¹Apa Jesus ruar sene kavo pae diojo, "Masi mia esi, nie domba pesi, tiaususa kamberei veve raro pesi, nanapi raria Sabat pesi, amamo vene domba pai nari siesera ve amamo suvir domba pai nanapi kamberei pai vae?"¹²Avori siniotu pasi ma sive harga rawai nanapi domba pasi mana! Apavo toa mammo, diadi tambe tolon siniotu nana raria Sabat pai."¹³Janama Jesus kievo so siniotu vevarami marera rawa siri pai e diojo. "Buora

varamu pa". Apa sinitu pai diora vara pa, apa vara pai pianaam ariri vara rawesi pai. ¹⁴Amana sinitu Parisi pa sia sesuvi vurusu anio ari pai e, senggavo ariri kavo, ave amamo semun Jesus. Amias Sien Allah diria pai ¹⁵Jesus ruin toapa. Sinitu Parisi pasia setaninit sia so seto semuni pa. Apa suvi vurusu uta jana, vape kaiwasa pa pau sendausari. Apa dion panaan maso kaiwasa vepota pa sia vura. ¹⁶Vape mu vedior setopanusari so sinitu vevesiei pa. ¹⁷Toapa jana ve masi tutira Sien Allah nie kavo Nabi Yesayai tiopana pa, toapa: ¹⁸"Ine Amias jiria pai nine, sinitu isanemipaya e, vio sanevesieni nanapi saneraro ne pai na. Ine wainunu pai nari joni soi, Ine vetindia pai, nari tiopani maso kaiwasa. ¹⁹Sa dio variriwi va, pivai dienanar va, pivai ria e dumi na riandaro va. ²⁰Sadiowawotu vemarera pasi va. E sanetiar vimarui va mo pasi kota, sa sinai va. Nari diombeito vetindia pai vieruana. ²¹Kaiwasa vura nari pir sanetiar so I". Paya nanapi Jesus, e sietan pa sine mananir pai.

AVORI SINIOTU VEREMI KABER E VISOREMI MUMUJA PESI, PI SARARIDIOI PASI SIMASOI (NANA MARKUS 3:20-30, E LUKAS 11:14-23 PAR KOTA)

²²Nana i, senggoria so Jesus. Apa Jesus dionae pianaam, siejo e kievo. ²³Apa kaiwasa pai vura, kievo usara e diojo, "Dauti atu veve arer pai?" ²⁴Amana sinitu Parisi pa setadiawa pa, senggavore setojo, "Sinitu nei diadi so dietavar sietan pasi pa ma, aso joma Belsebul, Sietan pa sine veve mananir pai, diono paya yani so i pana". ²⁵Vape Jesus ruin Parisi pa sia sene sanepaya jani. Apavo kievo so siae diojo, "Masi negara pesi piowawasi e miesasavu, e semu vavera sia, amamo negara jani sa pia va. E. Kota pesi, pivai anioraro pesi, piowawasa e diomamu vavera, armamo nari kieriria. ²⁶Toapana kota, Sietan pai nie kerajaan pai, tau esi dietavar tau esi, amamo Sietan pai nie kerajaan pai piowawasa to manau, e nari kieriria. ²⁷Matau metojo jetavar sietan pasi nanapi Balsebul nie paya pai, tojana pavo, tutir paya vitoni sinitu verausara mia pa sia, setitativara Sietan pa? Vera usara mia pa matau sia semberuana toapa, membe sasara. ²⁸Vape Jama jetavar stetan pasi nanapi Wainunu Sren pat nie paya pal. Ema veruana toapa, Sien nie Kerajaan pai vieruani nanapi mene kasau rabua pa to manau. ²⁹Avo esi dio sua so sinitu vepaya pesi nie anio rato pa e diewara niki pi saserai pasi pa, nari diavit sinitu vepaya jani papori vae? Joka manau pino, diadi so dieawara nie pi vepau pa pe ³⁰Teini niana rawa Ya va mamo, i me diomarovu tutie Ya pana. I teini tutir Ya va mamo, ima rurun ine nanaripi pai pana. ³¹Apavo itopa so mia toapa, esi nienari tatar e klevo kavo vesisiajara, amamo diadi siemuai ampon! ³²Mae dio kievo sisijara Wainunu Sren pai mamo, ka sa sienuai ampon val Masi esi kievora vesasara pesa maso Sinitu Atu ne Yau, amamo diadi siemuai ampon, vape samuai kievo sisijara Wainunu Sren pai mamo, ka sa siemuai ampon va nanapi dunia nini, veito dunia vera ea ma wai kota piva Albuo pai diete, vieruana ai ravo pai kota diete pia. (Narap Kia 5-43-45 po) ³³Ai ravo pesi diete mamo, nie buo pai kota diete. Mae airavo pesi kierina mamo, buo pai kota kieriria. Ai ravo pai diete pivai kieriria pa, tanduini nana pa buo pai ³⁴Sinitu vetatar ne mia, metatar tonine pa nan diadi mesuvir kavo vesie pesie? Aso sinitu pa sine kavo pasi, siveruana saneraro wal ³⁵Sinitu viate pai ma, siuvir kavo viate, aso joma diete pana. Mae, sinitu vekariria pai ma, siuvir kavo vekariria, aso jorna kieriria pana. ³⁶Apavo itopa so mia, nana raria dunia nei kieriria wa mamo, sinitu pa siri-siri nari ruara nie kavo sararidioi kievora pasi. ³⁷Aso matau mene kavo rabua nine menggavora pasi, asi nari siveruana membe sasara pa piva pa". Parisi pa sesau ve amamo, Jesus nienari pi tandor pesi pa. (Nanepi Markus 11-12 e Lukas 11-29-17 pe kota) ³⁸Avori veve baba nana Torat pa esia tutir Partisi pa esia, sendama so Jesus e senggavo sol e setojo, 'Guru, amasanemi vesie nuenari pitandor pesie arnasayori. ³⁹Amana Jesus kievo so sia e diojo, Kaiwasa rabua nine si sitatar e singanggau warirasi veja. Apavo mesau ve inanari pi tandore? Kasa inanari pi tandor pesi maso mia va, mae pi tandor nanapi nabi Yunus pai mamo? ⁴⁰Junusi niana dia pimasa pai saneraro pa raria toru e diru toru pa. Toapa jana kota, nari Sinitu Atu ne Yau inana kakopa nei sane raro wa raria toru e diru toru. ⁴¹Nanapi raria dunia nei kieriria pa mamo, kaiwasa venana Kota Ninewe pa sia, nari sesobata sia ariri saksi e setoisara mene kaiwasa nei nie sasara pasi. Aso rabua Yunus pieduar sia nanapi Sien nie Kavo pai pa, sembe tobat e sesovera so Sien Allah e sembavur sene tenam vekariria pasi Vape rabua nine, venana nini, i ma bieba rawal nanapi Yunus, (andina Yau). ⁴²Nana raria dunia nei kieriria pa mamo, Raja Vavi Sieba pai, nari siobatai aniri saksi e dioisara kaiwasa nini nie sasara pai. Aso ria nanapi uta viaworoi ma, ave amamo diediawa raja Salomo nie pande pai. Vape rabua nine venana nini, i ma bieba rawai nanapi raja Salomo, (andina Yau)

WAINUNU VEKARIRIA PAI SIOVERAI P (NANEPALAIKAS 11 24-26 POR KOTA)

⁴³Wainunu vekariria pai suvi vurusu sinitu pesi mamo, ria warira uta vesanaya, ave siesera uta mienau marior nana, vape siemuai va ⁴⁴Apavo kievore diojo, Nari isovera so anio ivavur to manau wai, ria soa to manau mana, anio pai viereri e kiekavir e viero kaena ⁴⁵Apa ria kior wainunu vevesiei vinggariria rawal nana pa rimemuandu. Janama sesu so sinitu pai e semasoi nana i. Apa sinitu pai dinggariria rawai retena pa. Apavo nari vava toapana kota maso karwasa vetatar rabua nine sia".

JESUS SINIANI TUTIR JESUS NETA KATU PA SIA (NANAPS MARLUS 331-35 E LUKAS 8:19-21 PAI KOTAL)

⁴⁶Jesus andia kievo tutir kaiwasa pai rami e, siniani tutir neta katu pa sia, senda ma soi. Setosa na vorira wa e setojo ave amamo senggavo tutini. ⁴⁷Kaiwasa vesorum pa sia esi, kievo so Jesus e diojo, "Guru, siniamui tutir nemeta katu asia sena vorira wa. Seto senggavo tutir Au." ⁴⁸Amana Jesus kievo so sia e diojo. "Sinia pai teinae, neta katu pasia tei sia?" ⁴⁹Avori disatuir siniotu verausari pa sia e diojo: "Sinia pai tutir neta katu pa sia nine." ⁵⁰Siniotu venanari ariri Yai venana rora pai nie sane vesie pai pa sia, asia neta katu pa siana' raru vavi pa sia na. E sinia pai na."

13 KAVO SORA TARAWA NANAPI SINIOTU VETETAPA PI MOR PAI (NANAPI MARKUS 4:1-9 LUKAS 24 PAR KOTAL)

¹Nanapi raria jani kota, Jesus suvi nana anio pai e ria so ruru pai dere pa e miesoi na jana. ²Apa kaiwasa pa sepau sesorum wawarir Jesus, apavo Jesus ria sia e dievoi na wa pai, mae kaiwasa vesorum pa sia setosa na sasi dere pa. ³Avori Jesus dieniau sia nana kavo pa pau, tiopansi nanapi kavo sora tarawa. Apavo Jesus kievo toapa nine e diojo. Siniotu viono romi pesi, ria tiotapa pi mor pai. ⁴Tietapa pi mor pai pa, esasi sitawa na ria pai. Apa aya pasi sirama sian pi mor pasi to sikai. ⁵Esasi kota sitawa na uta veve rovuki, veve kakopa mo va. Apavo pi mor pasi sawawarae sitipu, aso kakopa pai mienis pa na. ⁶Vape wor pai sia to manau mana, tuba pa simaninu e simasa, aso war pasi siravav so dou wa va pa na. ⁷Pi mor pa esasi kota sitawa nana samue veve waisina pasi. Apavo samue veve waisina pasi sisop tup asi veito sivoru. ⁸Vape pi mor pa esasi kota, sitawa na kakopa viate, apavo sive buo, esasi ma sine pau pa rawai nanapi utin siri, esasi ma sine pau pa rawai nanapi soniotu toru, e esasi kota ma sine pau pa rawal nanapi siniotu siri e sura. ⁹Jesus tiopa kavo sora tarawa pai to manau pa, kievore diojo. "Teini vie taradiawo mamo, diediawa".

ASO VITOPi JESUS KIEVO NANAPI KAVO SORA TARAWA PA. (NANAPI MARKIN 4 10 12 E LUKAS 9-10 PAI KOTA)

¹⁰Manau pa janama Jesus nie murit pa sia sendama setutani e setojo, "Guru, aso vitopi kuevo so kaiwasa pai mamo, kuevo nanapi kavo sora tarawa pa?" ¹¹Amana Jesus kievo so siae diojo, Aso mia ma mesamuai aniau to manau so menduin ariri Sien Allah nie vava vianiwa pai pa, mae sia ma piva. ¹²Aso siniotu vesamuai to manau pai ma, nari viono soi to pau rawai ea, e ima nari riwai. Mae siniotu vesamuai piesa va pai, katu venana i pa, nari kor vurusu i. ¹³Apa joma ikavo so kaiwasa vepau mamo, ikavo nanapi kavo sora tarawa pa, aso sesajo, vape buomasi siniotu vesajo va; setadiawa, vape buomasi siniotu viadiawa va e veruin va. ¹⁴Toapa jana ve imasi tutir nabi Yesaya nie arer pa, toapa, Sien Allah kievore diojo. ¹⁵Nari metadiawa vape sa menduin va; Nari metaduata vape sa mesajo va. Aso siniotu nine sia, sesanemi raro nesi situp to manau, sene taradiawo nesi sipoya e sendemi nesi sitakumu to manau. Ave amamo sendemi nesi sisajo vape moja, sene taradiawo nesi siediawa vape moja, sene sanepaya nesi siruin vape moja, e sesovera so Ya vape moja, aso jonae sepanaam pe. ¹⁶Avori Jesus kievo so nie murit pa sia e diojo, "Vape mia ma vesie tawal, aso mendemi pa sisajo e mene taradiawo pasi siediawa pa." ¹⁷Aso itopa do mia, nabi pa sepau, e siniotu vesanemitiar Sien Allah pa sia, sesoremisisu sesajo pi rabua nine mesajora ne, vape setisajo samuai va. Sesoremisisu setadiawa pi rabua nine metadiawa ne, vape setitadiawa samuai va."

JESUS TIOPA VERUANA KAVO SORATARAWA NANAPI SINIOTU VETETAPA PI MOR PAI, NIE TARAI PAI. (NANAPI MARKUS 4:13-20, E LUKAS 8-11-15 PAI KOTA)

¹⁸Jesus kievore diojo, "Metadiawa kavo soratarawa nanapi siniotu vetetapa pi mor pai, nie tarai pai toapa nine." ¹⁹Pi mor vetau nanapi ria pai, i ma vieva ariri siniotu viadiawa Sien Allah nie Kavo pai tutir nie Kerajaan pai, vape senganggawi. Janama Bilis pai riama diewara kavo vetetapa nana sesanemiraro pasi. ²⁰Pi mor vetawa nana uta veve rovuki pai i ma miesi ariri siniotu viadiawa Sien nie kavo pai pa sia, e sembe trima i tutir sane vesasie. ²¹Vape Kavo pai vie war nana sesanemi raro pasi va, apa vo sivata mana worol va. Apavo setera susa, pivai kariria pesa, aso Sien nie kavo pai pa, amamo setisisui sia. ²²Mae pi mor vetawa nana samue veve waisina pasi, i ma miesi ariri siniotu viadiawa Sien nie Kavo pai pa sia, vape aso sesanemi sasera sia so sene tenam pai, e sesanemi vei so rar dunia pai. Apavo Sien Allah nie Kavo pai kiepatawana nana sesanemi raro pasi, apavo vie buo va. ²³E pi mor vetawa nana kakopa viate pai ma, miesi arii siniotu viadiawa Sien nie Kavo Vesie pai e vesanemi pai usara to vesie pa sia. Siam sembe buo to pau, esia ma sembe buo to rawai na utin siri, esia ma rawal na siniotu toru, e esia ma rawai na siniotu sin e sura. Kavo soratarwa nanapi didiwai vetipu sesiorana padi pai. ²⁴Jesus kievo nanapi kavo sora tarawa pesi ea, maso kaiwasa pai e diojo, "Sien Allah nie Kerajaan pai ma, vieva ariri kavo soratarawa nini, Siniotu vio romi pesi, tiotapa padi mor pai nana nie romi pai." ²⁵Diru pesi ninama, kaivasa pai diena vura, apavo siniotu sumbe marova pai, diondama tietapa didiwai mor pai sesiorana padi mor pat e dionda. ²⁶Janama padi pai tipu to manau e vie arawa mana, didiwai pai kota vieruana. ²⁷Avori vene romi pai, nie siniotu venanaripi usari pa sia, senda ma so vene romi pai e setojo, Tuani yokama tuana pi mor viate nina nana nomu romi wai mana? Toane vori didiwai pai tipu nana wana kota pa? ²⁸Amana Tuan vene romi pai kievore diojo, "Siniotu vio viono marova tutir ya pai nienan pi wana. Apavo siniotu venanaripi usari pa sia, setutani e setojo, Tuani, sanevesie amanda amapati didiwai pai e?" ²⁹Amana Tuan vene romi pai diojo, Moja, aso mepati didiwai pai mamo, nari padi pai kota tiepati. ³⁰Apapvo didiwai pai ria viata e tipu tutir padi pai veito raria diema pai. Nari itopa so siniotu viema pa sia, toapa,

Mesoruir didiwai pai papori, e memborasi e sive bora, avori menggair si. Manau voi janama, mesoruir padi pai e mepir nanari na gudan pai."''

KAVO SORATARAWA NANAPI SESAWI MOR PAI, (NARAGI MARKUS 4:30-32, E LUKAS 13:18-19 PAR KOTA)

³¹Jesus tiopan kavo soratarawa pesi ea maso kaiwasa pai e diojo, Sien Allah nie Kerjaan pai vieva ariri kavo soratarawa nini: "Siniotu pesi kior sesawi mor pesi, e tianami nana nie romi pai ³²Sesawi mor pai ma, pi mor vemadia mo paina. Vape tipu to manau mammo, mieriewa rawai rau esi pasi vura. Vie ravo, apavo aya pasi sirama siono karai nanapi arawa pasi."

KAVO SORATARAWA NANAPI MUR PAI. (NINAPI LUKAS 13:20-21 PA KUTA)

³³Jesus tiopanusara kavo soratarawa vevesiel pesi ea maso kaiwasa pai topa nine. Sien Allah nie Kerajaan pai ma, vieva ariri mur, e vavi pesi kiori a tietiovari tutir terigu pa kilo siniotu muandu, veitoro siasan e sia".

ASO VITOP I JESUS KIEVO NANAPI KAVO SORATARAWA PA (NARAPI MARKAS 4:33-34 PUIKOTA)

³⁴Vura e Jesus tiopanasi maso kaiwasa pai nanapi kavo soratarawa. ³⁵Toapa janave masi tutir nabi pai kievo pa, toapa, "Ikavo maso sia, nanapi kavo soratarawa; nari itopanusara pi vianiwara nanapi dunia nei retena vieva pa".

KAVO SORATARAWA NANA DIDIWAI VETIPU SESIORANA PADI PAI, NIE TARAI PAI.

³⁶Manau pa janama Jesus vievu vurusu kaiwasa pai, e suapui so anio pesi. Avori nie murit pa sendama so i, e setojo, "Ite tuopa veruana kavo soratarawa nanapi, didiwai vetipu sesiorana padi pai nie tarai pai maso ama". ³⁷Apa Jesus kievore diajo, Siniotu vetetapa pi Siniotu Atu ne Yau. mor pai, andi ³⁸Romi pai ma dunia nei andina. Pi mor viate pai ma, kaiwasa vesu nanapi Sien Allah nie Kerajaan pai to manau pa siana. Didiwai pai ma, kaiwasa verausara Bilis pa siana. ³⁹Siniotu vetana didiwai pai ma, Bilis pai na. Raria dunia nei kieriria pa. E kaiwasa viena pai ma, Malaekat pa sia na. ⁴⁰Apavo, ariri didiwai pai tiam ruiara e kiai nana adia pai pa, toapana kota nana raria dunia nei kieriria pa. ⁴¹Siniatu Atu ne Yau, nari Yemias ine Malaikat pa sia, e senduir siniatu vevediajara e kaiwasa nienari tatar pa sia, sesiorana ine kaiwasa pai, tutir siniotu esi venanari kariria pa sia vura. ⁴²Nari sengge sia vura susa adia tarai veveviar pai; nari sesai e setamuaus nana wana. ⁴³Mae kaiwasa venanari ariri Sien Allah nie sane vesie pai pa si ma, nari setisanggapara arini wor pai, nanapi setamami pai, Sien Allah, nie dunia vavoru pai. Apavo, membe taradiau mammo, metadiawi".

KAVO SORATARAWA NANAPI RAR VETUP NANA KAKOPA RARO PAI.

⁴⁴"Sien Allah nie Kerajaan pai ma nie vava pa ariri kavo soratarawa nini Setup rar pesi nana kakopa wa, apa siniotu pesi siemuat apa tupi riwanea na kakopa wa. Avori sane pa vesie pa, ria viovva nie pivepau pa vura, janama sioverai e viori kakopa pai".

KAVO SORATARAWA NANAPI MUTIARA VIATE RAWAI PAI

⁴⁵Sien Allah nie Kerajaan pai nie vava pa ariri kavo soratarawa nini: Siniotu vera e vevova pi pesi, siesera mutiara veve harga to rawai pasi. ⁴⁶Apa siemuai mutiara viate rawai mo pesi, apa sawawara e ria viovva nie pivepau pasi vura, janama viori mutiara siri jani."

KAVO SORATARAWA NANAPI SERA PAI

⁴⁷Sien Allah nie Kerajaan pai ma, vieva ariri sera senggea e viavoi na dorau. Apavo sier dia saserai vura. ⁴⁸Sera pai dionu to manau pa, siniotu vemun sera pa sia, sesarap sera pai arei so sasi dere pa. Avori semasoi e setiri dia pasi; dia viate pasi sesubat si susa kabesu, e vekariria pasi ma senggeasi. ⁴⁹Toapa jana kota, nanapi raria dunia nei kieriria pa mammo, Malaikat pa sia, sendama sepowasa siniotu vetatar pa sia vurusu siniotu venanari ariri Sien Allah nie sane vesie pai pa sia ⁵⁰Janama siniotu vetatar pa sia ma, sengge sia susa adia tarai veveviar pai. Nari sesai e setoran sederemi nana wana.

PIVAVORU TUTIR PI TAWA,

⁵¹Yesus dutan sia e diojo; "Menduinasi vura to? Apa senduar e setojo; "Maite, amanduinasi ato ⁵²Avori Yesus kievo so sia e diojo; Apa joma veve baba nana torat pesi vie murit so Ya to manau mamu, i ma vieva ariri tuan vene anio e vesuvir pi vavoru e pi tawa, nanapi nie andiraro dipir rar pai".

KAIWASA NAZARET PA SIA SETOI IRARA JESUS PA(NANAPI MARKUS 6:1-6, E LUKAS 4:16-30 PAI KOTA)

⁵³Jesus tiopanusara kavo soratarawa nine si vura to manau pa, suvi nanapi uta jana. ⁵⁴e siovera so matau nie aniose pa. Niana wana pa ria e dieniau kaiwasa pai na anio ari pasi, apa kaiwasa viadiawa pa sia, senggavo usara vesiri. Senggavore setojo, "Siniotu nei diosamuai pande vetoapa nini nana topina. E siemuai paya na topina so dinanari pi tandor pa.

⁵⁵Jokama tukang kayu atu nina mana? Jokama siniani ni Mariai e neta katu pa sia, Yakobus e Yusupi e Simoni e Yudas e, sia mana? ⁵⁶Jokama raruo vavi pa siaja na nine kota mana? Pi wasi vura ma diosamuaisi na topina?"⁵⁷Apa kaiwasa pai vura, setoi irara Yesus. Apa Yesus kievo so sia e diojo, "Nabi pasi, nana uta vura setatuani, mae nanapi matauni nie uta pivali nie aniose raro ma piva. ⁵⁸Apavo Yesus nienari pi tandor pesasie pau nanapi uta jana va, aso sesanemitiar va pana.

14 ¹Nanapi rabua Herodes vie Raja nana Galilea pa, diediawa Yesus vie sano pa. ²Apa Herodes kievo so nie veve baba pasia e diojo: "Yohanes viono Kambu Sren paina, andi tienam riwanea ne: Apa joma siemuai paya so dinanari pi tandor pa."

YOHANES VIONO KAMBU SREN PAI NIE VORU PAI. (NAMAPI MARKUS 6:14-29, E LUKAS 9:7-9 PUIKOTA)

³Aso papo pa Herodes diemias e setapur Yohanes e setaviti e senggovari na bui pai. Herodes nienari towana pa ma, aso joma sane kariria matau neta katu Pilipus vinie pai, Herodias pana. ⁴Apavo Yohanes kievo tonine so Herodes e diojo: "Sa ruaut Herodias va". ⁵Apavo tindi mo mamu, Herodes dio mun Yohanes, vape mietai kaiwasa pai, aso kaiwasa pai ruin toapa, Yohanes ma nabi nina pana. ⁶Nanapi raria Herodes nienari nie pesta raria diadi pai pa, Herodias atu vavi pai, ria miejai tarian nana kaiwasa vesorum pa sia sendaromi po pasi. Apa nie majai tarian pasi siono sanevesieni vesiri, maso Herodes, ⁷Veito Herodes d ierer tutir sawora soi toapa, pi vito vea, siau mamu, nari diono so I. ⁸Apavo, siniani (Herodias) dieniauwi to manau pavo, atu vavi pai kievo so Herodes e diojo; "Isau Yohanes viono Kambu Sren pai ru pai, vetini nanapi baki pesi e diono maso yau nanapi diam nini kota". ⁹Herodes diediawa vavinggatu nei nie sau ne pa, sane raro pa ve susa vesiri, vape aso siawora to manau kaiwasa vesorum pai vura diediawa pavo, vie prenta e senanari ariri vavinggatu pai nie sau pa. ¹⁰Apa diemias e senda so bui pai e sepera tuwa Yohanes ru pai. ¹¹Janama Yohanes ru pai setini nana baki pai e senggori apui setonia so vavinggatu pai. Avori vavinggatu pai kioria so siniani. ¹²Janama Yohanes nie murit pa sia, senda senggor Yohanes nie tarai vevoru pai e sepiri na papi pai. Avori senda setopa veruana kavo ne so Jesus.

JESUS DIEUM KAIWASA SIARAN RIM PA SIA PA. (NARUPI MARKUS 6:30-44 LUKAS 9:10-17, YOHANES 6:1-4 PAI KOTA)

¹³Yesus diediawa kavo pa to manau pa, (so Yohanes vioru pa) apa sia so wa pa e suvi vurusu uta jana e ria so uta veseya pesa. Vape kaiwasa pai diediawa i pa, sesuvi vurusu sene anio pasi e senda usara Yesus, nanapi ria vera na dorei. ¹⁴Jesus viar na wa pa mana. Siejo kaiwasa pai pa, sanepai sia. Apa dionae kaiwasa vepota pa sepanaam. ¹⁵Ravinena pa mana, nie murit pa senda ma so i, e senggavo so i e setojo, "Ravinena to manau e uta vetaitu pina. Vesie pa buemias kaiwasa nei e vievu, ave amamo semburi pi setan nana Desa pasi." ¹⁷¹⁶Amana Yesus kievo so sia e diojo, "Senda vape moja, mia metaum sia". ¹⁷Amana Yesus nie murit pa sia senggavo soi e setojo, "Amane roti ne rim e dia ne muandu vea". ¹⁸Apa Yesus diojo; "Menggosi ma" ¹⁹Janama diemias kaiwasa pai e, miesoi nana samue pa. Manau pa kior roti rima pasi tutir dia muandua pa sandu, avori siejo sasana so rora wa e siau berkat nanapi Sien Allah. Manau pa piosasavu roti pasi nana vara pasi e dionasi so nie murit pa sia, ave sembov si so kaiwasa pai. ²⁰Sia vura setapi veito semosir. Manau pa Yesus nie murit pa sia, senduir pisia tamua pasi, apa bade pa suaraemuandu sionu. ²¹Siniotu viapi na diam yasia sepau pa nari mua veiveae sembe siaran rim, mae vavi e atuma e, siama aya viator sia varami.

JESUS RIASASANI NANA KAMBU VAVO PA PA. (NANAPI MARKUS 6:45-52 E YAHYA 6:15-21 PAI KOTA)

²²Manau na yana pa Yesus diemias nie murit pa sia e sesa so wa pai e sembo papo avaru so ruru pai rawesi wa, mae diemias karwasa pai e vievu. ²³Kaiwasa pai vievu to manau pa yanama Yesus miesari diauta ayai so suovavo pesa e dio vie nadi, Idirua pa Yesus miesari nana uta yana. ²⁴Mae Yesus nie murit pa sia ma, sembo nana wa pai arau so ruru pai rabua pa to manau. Avori wana pesi sio sun sia. Apa bata pasi sibaba pavo, sike wa pai a sikei ma. ²⁵Deriasi sasa vava pa mana, Yesus ria nana kambu vavo pa maso sia pa. ²⁶Nie murit pa sia sesajo ria nana kambu vavo pa maso sia pa, setandor e

sematai veito setananar e setojo; "Wori nina".²⁷ Amana Jesus kievo so siae diojo: "Metandor va, Ya nine. Menatai vape moja."²⁸ Apa Petrusi kievo so Jesus e diojo; "Jesus, au na ve vata mo mamo, buemias e irasasana ya nana kambu vavo ne matu so Au."²⁹ Apa Jesus kievo soi e diojo, "Rua vei ma". Ineri Petrusi viar na wa pai.³⁰ Amana Petrus siejo wana pai sio to bieba vey a nana ruru pai pavo, mietai e dio dimarutua. Apa dienanar e diojo; "Sie panau sanepai yau, (aso imarutu pe),³¹ Apa sawawarae Jesus dieka asoi e tiepu tawani e dinggavo so i e diojo; *Petrus, Petrus, auya sanetiar mo varami. Buotopi sane tura Ya pa? "³² Janama susayai so wa pai e wana pai dimarina. "³³ Apa Jesus nie murit pa sia, setatuan e sesom i, e setojo; "Vata mo e Sien, Au ma Allah Atu ni Au!"

JESUS DION PANAAM SO KAIWASA VEPOTA VENANAPI UTA GENASARET PA SIA PA. (NANAPI MARKUS 6:53-56 PAI KOTA)

³⁴Sendavaru so ruru pai rawesi wa pa, sesirieu nana Kota Genasaret. ³⁵Apavo kaiwasa venana uta ja sia, sesajo riruin Jesus, apa setopa e masiepar usara uta pasi vura, nana kota jani. Avori senggog kaiwasa ³⁶vepota pasia so Jesus. E sesau so Jesus, ave amamo setaka buasa nie sasu juba pai sope pa vea. Apa kaiwasa vieka buasa pa sia sepanaam vura.

15 YAHUDI PA SENE BUAI TAWAWARI PASI. (NANAPI MARKUS 7:1-13 PAI KOTA)

¹Raria pesi pa, siniotu Parisi pa esia tutir veve baba na Torat pa esia, senda na Yerusalern ma so Jesus. Setatuani e setojo; ²"Aso vitopi nomu murit pa sia sendawain tatapumi pa sia sene buai tawawari pasi pa? Setapi mamo, senduasa sembarami pasi papo va, ariri atoran pasi". ³Amana Jesus kievo so sia e diojo: "E aso vitopi mia kota mendawain Sien Allah nie Prenta pasi, e menda ariri metapumi pa sene buai tawawari pasi vea pa?"⁴Aso Sien Allah dioja e diojo, "Tuetuan tamamui siniamui sandu, e teini piorasa tamani siniani sandu mamo, siemuai hukuman voru. ⁵Vape mia ma metotaniau e metojo; masi esi kievo so nie baba pa sia e diojo; pipi yo jona so jai-mai mandu pasi, jonasi ve pi som so Sien Allah to manau pa. ⁶Apavo siniotu jani sa tietuana nie baba pasi ariria ea va. Apavo metapumi pa sene buai tawawari pasi, sirer Sien Allah nie Kavo pai. ⁷Siniotu matau viojo veve sren vedia mia' tindi vesiri ariri nabi Yesayai nie kavo arer kievora e ter mia pai toapa, ⁸Sien Allah kievo toapa nine: Kaiwasa nini ma siom Ya nana sore vea, vape sesanemi raro wasi ma sive kasau Yau. ⁹Sesom Ya saridioi vea, Aso aniau setopana pasi ma, atoran siniotu sina vea e buomasi ine atoran sina."

PI VIO MADIDI MASO SINIOTU PASI PA. (NANAPI MARKUS 7:14-23 PAL KOTA)

¹⁰Avori Jesus siau kaiwasa pai e kievo so sia e diojo, "Metadiawa, ave amamo menduina!" ¹¹Pi vesua nana siniotu sore pasi ma, siomadidi maso siniotu pasi va; vape pi vesuvi na siniotu sore pasi, siomadidi maso siniotu pasi pa."¹²Janama Jesus nie murit pa sia sendama senggavo so i e setojo; "Avo ruina kavo kuevora vedia ono sane kasiouwi so kaiwasa Parisi wa sia pa to manaue ? "¹³Apa Jesus kievore diojo, "Pi tatana Yai vena rora wai tiana va pasi ma, nari sipokapuna. ¹⁴Menggavo usara siniotu Parisi ja sia va. Siama siniotu baba veremi kabere pa siana; e siniotu veremi kabere pasi siedidin vera veremi kabere mamo, nari sandu vurae sutau susa kamberei. "¹⁵Apa Petrus kievo so Jesus e diajo, "Ite tuopan ariri kavo sora-tarawa jani maso ama!" ¹⁶Amana Jesus kieve so i e diojo: "Apavo miaja menduin ariri kavo ne varanie? "¹⁷Mia ma menganggau pi vesua na sore pai, viar avav so sanewai pai e janama suvie kie nana kambai pai pae?"¹⁸Mae pi vesuvi na sore pai ma, vieva nanapi sane raro wai; e andi diomadidi so siniotu pasi pa. ¹⁹Aso nanapi saneraro wal, siuvir sanepaya vekariria, vediajarae vemun siniotu, venanari kavo, venanari kariria, viamanana pi, viawi tituwa, vekavor siniotu. ²⁰Pi vetoapa jasi, asi sivediajara e siniotu pa siomadidi pa, mae verois vevarami vae, viapi tutir vara veve rariai pasi pa ma piva."

VAVI KANAAN PAI NIE SANETIAR PAI. (NANAPI MARKUS 7.24-30 PAI KOTA)

²¹Manau pa janama Jesus suvi nanapi uta jana e ria so uta vederiasi Kota Tirus tutir Sidon pasi. ²²Apa vavi Kanaan pesi, nanapi uta jana, riamas so Jesus e siau so i e diojo, "Dauti Atu pa nau, ka sanepai yau! Ine atuma vavi wai, pi sararidioi pa sira savui. E dimbe diadi va". ²³Vape Jesus dinduar kavo pesa so vavi pai va. Apavo nie murit pa sia sendama so i e setojo, "Buemias vavi nei e vievu. Ria e siewau usara tata nana tanggarumi nesi vea pa."²⁴Apa Jesus kievo so vavi pai e diojo, "Isamuai amias ma soa pa, kaiwasa Israel nei vea, atapu maso vera sasara pa sia". ²⁵Amana vavi pai riamas disan aebu pasi nanapi Yesus aropo pa, e kievore diojo, "Tuani ka sanepai yaul" ²⁶Apa Jesus kievo so i e diojo, "Atuma pa sene pisia pasi ma, sa tanggosi tanggeasi a so wona pasi va."²⁷Amana vavi pai kievo so Jesus e diojo; "Tuani ka ima vata, vape wona pasi kota sian pisia moma vetawa nanapi nie tuan pai, nie meja pai pasi". ²⁸Apa Jesus kievo so vavi pai e diojo, "Vata, vavi pa nau nomu sanetiar pai bieba vesiri! Pi vitopi suauwa pa, vedia di ariri vea so au". Apa nanapi diam jani kota e, vavi Kanaan pai atu vavi pai pianaam.

JESUS DION PANAAM MASO KAIWASA PAI PA

²⁹Manau pa Jesus suvi nanapi uta jana e ria rebasa ruru Galilea dere pa. Avori siyai so suovavo pesa e miesoi nana jana.

³⁰Apa kaiwasa pa senda so l, e senggor siniotu vera ae kapau, e veremi kabere, veraemi marera e, vesoremi mumuya e, kaiwasa vepota esi pa sia. Sepir sia e sembata na Jesus aropo pa, avori Jesus dionae sepanaam. ³¹Apa kaiwasa vena ja sia, senggavo usara vesiri, aso sesajo vesoremi mumuya pa sia senggavore, vera e kapau pa senda to tindia e, veraemi marera pa senda to paya e, veremi kabere pa sesajo to vesie. Apa sesom sanandika kaiwasa Israel pa sene Sie pai

JESUS DIEUM KAIWASA SIARAN ATA PA SIA PA NANAPI (MARKUS 8:1-10 PAI KOTA)

³²Avori Jesus siao nie murit pa sia e kievo so sia e diojo, "Isanemipal kaiwasa nei. Senda usara Ya raria toru to manau e, nine ma sembaro pisia ato Ikambarai Yemias sia e sembavu tutir sane vavisi, aso nari sendemi pa sisapuer na ria rabua wa". ³³Apa nie murit pa setutani e setojo; "Avori tasamual pisia maso kawasa boral nini toane, nanapi uta vetaitu nine?"

³⁴Apavo Jesus dutan sia e diojo; "Mae roti pa to asija na mia?" Amana murit pa setojo; "Rimemuandu e dia katu pa esasil"

³⁵Apa Jesus diemias kaiwasa pai e miesoi na kakopa wa. Avori kior roti rimemuandua pasi tutir dia pasi, avori siao berkat nanapi Sien Allah. Manau pa janama piotatapu roti pasi tutir dia pasi, nanapi vara pasi, avori dionasi so nie murit pa sia. E sembov si usara kalwasa pai. ³⁶Avori kior roti rimemuandua pasi tutir dia pasi, avori siao berkat nanapi Sien Allah. Manau pa janama piotatapu roti pasi tutir dia pasi, nanapi vara pasi, avori dionasi so nie murit pa sia. E sembov si usara kalwasa pai. ³⁷Apa kaiwasa pai vura, setapi veito semosir. Manau pa janama Jesus nie murit pa sia senduir pisia tamua pasi, apa bakul rimernuandu sionu. ³⁸Kaiwasa viapi na diarn ja sia, sepau pa mua veivea e sembe siaran at, vavi e atuma e siana aja viator sia vararni. ³⁹Manau pa janama Jesus diemias kaiwasa pale vievu. Mae miesari sia so wa pesa e, vio so uta Magadan.

16 SINIOTU PARISI PA SIA SESAU VE AMAMO JESUS NIENARI PI TANDOR PESIU PA (NANAPI MARKUS 11-13; E LUKAS 12:54-56 PAR KOTA)

¹Avori siniotu Parisi pesia tutir Saduki pesia, sendama so Jesus, ave seto sesotour Sesau ve amamo nienari pi tandor pesi e vieruana toapa Jesus rima nanapi Sien Allah. ²Apa Jesus klevo so sia e diojo, ('Ravinena e arepa sive sianggono mamo menggavore metojo nari uta pai diete. ³Mae kausapa vavoru wae arepa wa sive sianggono e uta pai kiobura, menggavore metojo: 'Nari uta pai diete amamo menggavore metojo: 'Nari uta pai kieriria. Apavo mesajo riru rora wai e metopan ariri uta pai vieva pa. Mae pitandor veveruana sien Allah nie Kerajaan pai dieriasi to manau nesi ma, menganggauwasi'. ⁴Kaiwasa rabua nine mia metatar e menganggauwarir mia veito kaririona vesiri. Mesau ve iveruana pi tandor. Sa iveruana pi tandor pesi so mia va. Mae pi tandor veve diadi to manau so nabi Yunus pai pa ma", Jesus kievo so sia toapa jana, manau pa suvie ria.

SINIOTU PARISI PA SIA TUTIR SADUKI PA SIA SENE KAVO ANIAU PASI, (NANAPI MARKUS 8.14-21 PAI KOTA)

⁵Jesus nie murit pa sia sembo a so rurupai rawesi wa, avori sesanemi pai so Separo senggor roti pa. ⁶Janama Jesus kievo so sia e diojo, "Mesanemipai to vesie mo, aso siniotu Parisi e Saduki e, sene ragi pasi (Ragi pai ma ai rawi vinanari roti, ave amamo roti pa sisa pa)". ⁷Murit pa setadiawa Jesus kievo tonine pa, senggavo vavera na sia e setojo, "Kievo towana pa ma, aso tanggor roti va pana" ⁸Jesus ruin senggavo tonine pa. Apa kievo so sia e diojo, "Aso vitopi menggavo usara varo roti pa? Aja mesanemitari Ya mo varami? Aja menduin varamie? Apavo mesanemipai tawana roti rim pasi, ipotatepuasi so kaiwasa siaran rima pa sia pa vae? E roti tamua menduira pasi bade toi? ¹⁰Avori toane tutir roti rimemuandua pasi so kaiwasa siaran ata pa sia. Tamua menduira pai pa bade toi? ¹¹Aso vitopi mwnganggau ikavo pa pa. Toapa Ya ma ikavo so mia nanapi roti va. Ya ma ikavo so mia toapa mesanemipai to vesie, aso siniotu Parisi pa sia tutir Saduki pa sia, sene kavo aniau pasi. ¹²Janama murit pa senduin toapa, Jesus kievo so sia ve sesanemipai to vesie aso ragi vinanari roti pai va, vape aso siniotu Parisi pa sia tutir Saduki pa sia, sene kavo aniau pasi.

PETRUS RUARA JESUS VE ALLAH ATU PA. (NANA MARKUS 8:27-30, E LUKAS 9:18-21 PAI KOTA)

¹³Jesus ria so uta vena siwara Kota Kaisarea Pilipi pasi. Avori duta nie murit pa sia e diojo, "Avo kaiwasa nei diotojo: "Ya ma teini Yau? ¹⁴Amana nie murit pa setojo; "Esia ma setojo Yohanes viono Kambu Sren pai ni Au. Esia kota setojo Elia ni Au. Esia ea ma setojo, Yeremia ni Au, pivai nabi pa sia esi ni Au". ¹⁵Avori Jesus duta sia ea, "Mae maso matau mia mamo, metotojo teini Yau?" ¹⁶Apa Petrus ruar so i e diojo, "Au ma Raja vekor Slamati pai ni Au, Allah Atu vetenam pai ni Au!" ¹⁷Apa Jesus kievo so Petrus e diojo, "Simon, Yonai atu panau, vesie vesiri maso au; Aso siniotu pasi sitopan kavo nine so au va, vape i ma Yai venana rora wai" ¹⁸Apavo itopa so Petrus au, rovuki vepaya pai ni au. E nanapi rovuki visasiara nini vavo pai pino, ivaun ine gereja nei e diosa sasani nana pe. E sa esi dimburi va, voru pai kota sa piva. ¹⁹Nari jono Sien Allah nie Dunia vavoru pai nie kunci pai maso au. E vitopi buavitawana nana dunia nei vavone pa, nari avitawana nana rorawa kota. Mae vitopi rueku nana dunia nei vavone pa, nari mareku nana rorawa kota". ²⁰Janama Jesus dierer so nie murit pa

sia, ave amamo setopanusara so esi vesiei ea vape moja, toapa Jesus ma Raja Vekor Slamat paina. Jesus kievo nanapi kariria nari veter I pai tutir nie voru pai pa.

(NANA MARKUS 8:31-9:1; E LUKAS 9.22-27 PAI KOTA)

²¹Nanapi raria jani, avori Jesus tiopa sivua so nie murit pa sia toapa, nari ria so Yerusalem e tiera kariria pa pau nana veve baba pa sia, e imam pa sia tutir veve baba na Torat pa sia. Nari semuni, vape nanapi raria veve toru pai mamu, siobatai riwanea. ²²Apa Petrus sierap irara Jesus tara dere pa e kievo panesi e diajo: "Sie pa nau, isau e Syen Allah tierir kavo nine vurusu Au. Ave amamo kavo nine tera Au vape moja!" ²³Amana Jesus mienawer vori kievo so Petrus e diojo: "Rua vurusu nine, Sietan, au ma buo suo tituwa Yau. Nomu sanepaya vediani ma sanepaya siniotu; ima sanepaya na Sien Allah va." ²⁴Avori Jesus kievo so nie murit pa sia e diojo; "Esi dio ria usara Ya mamu, tiawa irara matau nie soresisiau pai e sier Iowa nie akitabai pai e dinda usara Yau. ²⁵Aso teini siesera vei so tienam pa, (e kiembarai vie murit so Yau) amamo sa siemuai tenam (viaworoi) pai va. Vape teini viov nie tenam pai, (aso vie murit) so Ya pa, amamo nari siemuai tenam viaworoi pai. ²⁶Guna va vesiri so siniotu pesi nie dunia nei vetutira pa, vape siemuai tenam (viaworoi) pai va pa. Aso tenarm (viaworoi) pai ma, sa esi diono piesa e dimbe vori va?" ²⁷Worabua va so Siniotu Atu ne Yau, tutir ine Malaikat pa sia, nari amandama tutuir Yai Nie Paya pai. Nanapi raria jani, nari Ivait siniotu pa siri-siri, ariri nie pi nienari pasi. ²⁸Itopa so mia, siniotu nine mia esia ma sa semboru varami, veitoro sesajo Siniotu Atu ne Yau, so Irama ariri Raja pa."

17 JESUS VIERUANI NANAPI NIE RURAWA SIE PAI PA. (NANA MARKUS 9:2-13 E LUKAS 9:28-36 PAI KOTA)

¹Kara raria rimesiri, avori Jesus kior Petrus e Yakobus tutir neta katu Yohanes, e semesari senda setauta ayai so wi vetariai pesi. ²Avori Jesus riwa nie vava pa na sendemi pasi; apa re pasi sisanggapara ariri wor pai, e nie sasu pai miemara e bierbera. ³Avori nie murit pa setoru sesayo Musai tutir Elia, sunggavo tutir Jesus pa. ⁴Apa Petrus kievo so Jesus e diojo; "Sie panau, vesie vesiri so ama nana uta nine pa. Muayar mamu nari ikena anio pa toru na nine, siri so Sie panau e, siri so Musai e siri so Elia." ⁵Petrus andia kievo rami e, arepa vemamara pesi, riama tievun sia, e setadiawa raopui pesi kievo na arepa pai raro pa e diojo: "Ine Atuma isanemipaya pai nine, andi dio sanevesieni maso Ya pa. Metadiawa-I". ⁶Jesus nie murit pa setadiawa raopui nini pa, sematai veito setawa avav so kakopa wa. ⁷Amana Jesus riama diekaaso sia e diojo; "Metosa, mematai va!" ⁸Sesasana sendemi pasi e sesayo mana, setisayo esi ea va, e sesayo Jesus miesari vea. ⁹Janama sembiar na wi pai avav pa, Jesus diono kavo sanepaya so sia e diojo; "Sa metopanusara kavo erine mesayora pasi so esi va, nanapi Siniotu Atune aya isobata Ya vurusu voru pai varami pa". ¹⁰Apa murit pa setutan Jesus e setojo, "Aso vitopi veve baba na Torat pa sia senggavo toapa, nari Elia ni ria papoma pa?" ¹¹Amana Jesus ruar so sia e diojo; "Maite, Elia ria ma e nari dion ariri pi vura e simasi. ¹²Vape itopa so mia, Elia ria ma to manau, vape kaiwasa sieyo riruini i va, setoni sararidioi ariri sene mayar vea. Apavo nari senanari toa pana kota maso Siniotu Atu ne Yau". ¹³Janama murit pa senduin toapa, Jesus kievo nanapi Yohanes vion Kambu Sren pai.

JESUS DIONA E ATUMA VETERA WAINUNU VEKARIRIA PAI PIENAAM PIA. (MARKUS 9:14-29 LUKAS 9:37-43 PA KOTA)

¹⁴Jesus tutir nie murit pa sia, sesovera ea maso kaiwasa pai. Apa siniotu pesi ria ma, disan ae bu pasi nana Jesus aropo pa, ¹⁵avori kievo so Jesus e dioja: "Sie panau, ka sanepai ine atuma wai. Sio ve wonggei. Apavo pota wani sia so i to rawai mamu, tiau susa adia, pivai tiau susa kambu. ¹⁶Ikari so nomu murit pa sia to manau, vape diadi so setona e pienaam va." ¹⁷Apa Jesus kievo so murit pa sia e diojo: "Vata vesirie pi-pa mia kota! Vatae miama siniotu vetatar e, visanemitiar va pa miana. Nari Ina tutir mia e itituwa mia veito raria tonina? Menggor atuma pai ma". ¹⁸Janama Jesus diemias wainunu vekariria venana atuma pale suvi. Apa wainunu vekariria pai suvi e atuma pai pienaam nana diam jani kota. ¹⁹Janama murit pasia sendama so Jesus, e setutani na semesari pa e setojo; *aso vitopi diadi so amatatavar sietan pai va pa?" ²⁰Amana Jesus ruar sia e diajo; "Aso mensanemitiar mo vapana. Mesanemipaya: Mene sanetiar pasi sibaba e simasi sesawi mor pai vea, amamo diadi menggavo so wi pesie metoyo: "Rua vurusu ninea so wana!" amamo ariria, wi pai nari ria vurusua. Pi vura diadi menanarisi kota. ²¹Vape wainunu vekariria vetoapa ninesi ma, diadi tatatavarsie sisuvi nanapi nadi tutir puasa vea".

JESUS KIEVO RIWANEANANAPI NIE VORU PAI PA (MRK. 9:30-31; LUK. 9:43B-45)

²²Nana rabua Jesus tutir nie murit pa sia senduir na uta Galilea pa, Jesus kievo so siae dioyo: "Woroi va so, Siniotu Atune Yau, sembovo Ya so siniotu vara pa. ²³Nari semun Yau, vape nanapi raria veve torua pai mano, nari isobata Yau". Apa Jesus nie murit pa sia, sesanemi pa sikariria vesiri.

VEVAIT PAJAK SO ANIO. ALLAH.PAI.PA

²⁴Nana Jesus tutir nie murit pa sia, sendama so uta Kapernaum pa, siniotu vera e veruir pipi pajak so Anio Allah pa sia, sendama so Petrus e setutanie setoyo, "Nomu Guru pai vaiit pajak so Anio Allah pai te pivale?"²⁵Apa Petrusi ruar e dioyo; "Viait!" janama Petrusi vievu ra pa, Jesus diuta soponi papo e dioyo, "Simon, avo buosanemipai toane? Teini nari vaiit pajak so raja dunia ne sia? Rayat pai te, siniotu vera ve wasa pa sie?"²⁶Amana Petrusi ruar e dioyo, "Siniotu vera ve wasa pasi". Apa Jesus dioyo, "Toapa jana mamu, rayat pai ma vaiit vape moja!"²⁷Vape, moja, aso tatonaes sesanemiraro pasi simandiu pe! Apavo, rua so ruru wai e tuetapa. Kuor dia retena puot pai. Aso nanapi dia wai sore raro wai ma, nari suemuai pipi vemasi maso tune pajak pai. Kuor pipi janie bimbait sia, aso tune pajak so Anio Sie pai."

18 TEINI BIEBA RAWAI PA. (MARKUS 9:33-37; LUAS 9:46-48)

¹Nanapi rabua jana, Jesus nie murit pa senda ma so I, e setutani e setoyo: Nanapi Sien Allah nie kaiwasa pai mamu, nari teini bieba rawai. ²Apa Jesus siau atuma katu pesi, e dionie diosa na sene kasau rabua pa. ³Avori kievo so sia e dioyo: "Itopa so mia, vata mo, mendiwa mia e membava ariri atuma katu, amamo nari membe kaiwasa so Sien Allah."⁴Mae teini tiawani na dou, e vieva ariri atuma katu nini, amamo nanapi Sien Allah nie kaiwasa pai mamu, andi nari bieba rawai. ⁵E teini vie trima atuma katu vetoapa nini, nanapi sanone, amamo ima vie trima Ya pana".

PI VEVEDIAYARAE SINIOTU PA SINANARI TATAR PA. (MARKUS 9:42-48, LUKAS 17:1-2)

⁶Teini viediyara e siniotu vemadia nine sia esi sanetiar Yau ea va marmo, vesie pa rovuki pimasa pesi kiesie nana rao pa e, kiesa na rawana vekarija wa.⁷Dunia nei dinggariria vesiri so pi vevediyarae siniotu sive tatar pa. Pi vetoapa jasi ma, nari asia tawana, vape kawai so siniotu vevediyarae pai. ⁸Masi varamu pai, pivai aemu pai dionae vue tatar mamu, tuara tuwi e kuei. Aso vesie rawai pa, tuenam tutir Sien Allah nana vara rawesie ae rawesi vea pa, nanapi sengge au susa adia naraka tutir varamu pa sandue aemu pa sandu vura pa.⁹E Remu pai viediyarae nuenari tatar mamu, kuewarie kuei. Aso vesie rawai pa, tuenam tutir Sien Allah nanapi re rawa siri pa, nanapi sengge au susa adia naraka tutir remu pa sandu vura pa.¹⁰Mesanemipaya, mesisiyara siniotu vemadia nine sia esi vape moja. Aso sene Malaekat pa asiaya tawana na Yai venana rora wai aro po wa. ¹¹[Aso Siniotu Atu ne Yau, irama ve amamo jono slamat maso siniotu vera sara pasi!]

KAVO SORA TARAWA NANAPI DOMBA VENAI PAI. (LUKAS 15:3-7 10.)

¹²Avo metosanemipai toane? Masi siniotu pesi nie domba pa utin siri, avori domba jasi siri niai, amamo nari vene pai diotoane? I ma nari vievur domba siniotu at e vemandiu surae rimeata pasi nana wi vavo pa e, ria e siesera siri venai pai. ¹³E, masi siemuai sovera domba venai pai mamu - Itopa so mia - nari sane pa vesie rawai so domba siri jani, nanapi siniotu ate vemandiu suare rimeat esi venai va pasi. ¹⁴Toapa jana kota, Tamamu venana rora wai, kiembarai siniotu vemadia vetoapa nine sia esi siemuai kariria."

NEMETAPI SIESARA SO AU MAMU (LUK. 17:3)

¹⁵Masi nemetapi vie sasara so au mamu, rua so i e tuopa veruana nie sasara pai. Nuenari tutir asisi vea, nanapi matau mandu vavera, Kior usara nomu kavo pasi mamu, i ma kuor sovera nemetapi pana. ¹⁶Mae piva mamu, kuor siniotu pa siri va muandu ea. Aso vevui nanapi surat pai toapa: "Diadi mamu saksi pa muandu va toru, ave amamo setopa veruana siniotu jani nie sasara pa."¹⁷Mae kiembarai diediawa siniotu ja sia sene kavo sanepaya pasi mamu, metopa veruana kavo jana so jemaat pai. E vipuia pa, masi kiembarai diediawa jemaat pai nie kavo sanepaya pasi, amamo metatori ve siniotu verae veruir pajak, e siniotu veruin mojara Sien Allah nina.¹⁸Itopa so mia toapa, pi vitopi memu vediora na dunia nei pa, vemu vedior nana rora wa kota. Mae pi vitopi metator ve tindia na dunia nei pa, nari viator ve tindia kota na rora wa. ¹⁹E itopa so miakota toapa, nanapi mia esandu na dunia nei susanemi siri so pi vito vea, e sumbe nadi soa, amamo nadi jani ma, Yai venana rora wai diediawi. ²⁰Aso topi siniotu pa sumbe muandu, pivai toru, senduir so sano ne, amamo Ya ya inana sene kasau rabua pa".

KAVO SORATARAWA NANAPI VIONO AMPON SO SINIOTU VEVESIEI PA

²¹Avori Petrusi riama so Jesus e dutanie dioyo, Sie panau, masi ine maneta pesi nienari sasara so yau, amamo nari ive ampon i ve kali toi? Veito kali rimemuandu te? ²²Amana Jesus kievo so i e dioyo; "Pivai, ve kali rimemuandu va, vape ve kali siniotu toru e sura, kali rimemuandu."²³Aso Sien Allah nie Kerajaan pai ma nie vava pa ariri kavo soratarawa nini: "Raja pesi nina, dio dietor ariri nie womi venanaripi so I pa sia, sene niaki pasi. ²⁴Janama dio siejosi pavo, senggor womi venanaripi so i pa sia esi, ma soi, vie niaki doi pa siaran-siaran, ²⁵E pia so vaiit bariwasi pa va. Apavo Raja pai diernias, ve amamo sembova woni pai tutir vinie atu sia, tutir sene pi saserai pa vura, ave vimbait nie niaki pasi."²⁶Amana womi pai disanaebu pa sie, siom na Raja pai aropo pa e siau so i e dioyo: Tuani, ka buenota katu ri, ine niaki pasi, nari ivaitsi vura rami. ²⁷Apa Raja pai sanepai, e rura nie niaki pasi vura e sinai."²⁸Janama womi nei suvie ria, amana ria samuai nie maneta

pesi, womi pa esi nina kota, vie niaki soi utin toi vea. Apa tiepu tawani e rut kotara rao pa, e kievo so i e diojo, "Vuait nomu niaki pasi vura".²⁹ Amana nie maneta pai disanaebu pasi e siau so i e dioyo, manetai ka buenota katuri, nari ivaitsi vura rami.³⁰ Amana womi pai kiembarai. Apa kiori e kiovori na bui pai, ave amamo viait nie niaki pasi mo.³¹ Janama womi esi pa sia sesajo, apavo sesanemi pa sikariria veja! Apa senda setopa so Raja pai.³² Apa Raja pai siau womi vetatar nei a kievo so i e dioyo, womi vetatar ne au, nomu niaki pasi vura, irurasie sinai to manau, aso suau so ya pana.³³ Avori, buotopi sanepai nemetapi ariri isanempai au to manau pa va pa?³⁴ Apa Raja pai kiesiou veito. Dionae senggovara womi vetatar pai susa bui pai, veito viait nie niaki pasi vura mo'.³⁵ Janama Jesus kievo riwanea e dioyo, toapana kota Yai venana rora wai, nari nienari toapana kota maso mia vura, masi membe ampon mene neta pesi, nanapi sane raro vetutira va mamu."

19 JESUS TIOPANARIRI NANAPI VEKE VEVINIEMI PA. (MARKUS 10:1-12)

¹Jesus kievo na kavo aniau jasi vura to manau pa, janama suvi vurusu uta Galilea e ria so uta Judea nana maria Jordan rawesi pa.² Kaiwasa pau sendausari, e diona e sepanaam na uta jana.³ Avori siniotu Parisi pa esia sendama so i e sesotour I. Setutani e setoyo: "ariri tane atoran agama nei mamu, esi vinie pai nienari sasara vito vea, amamo diadi so vekei pa? ⁴Apa Jesus kievo so sia e dioyo: "Aya metap nana surat repo pai varami so venanari siniotu pai, nanapi retena pa e nienari sia pa, mua pai tutir vavi pai pa va e,⁵ E manau pa kievore diojae dioyo: "Apa joma mua pai vievur tamani-siniani sandu e, vie siri tutir vinie pai pa, apa sunduir sumbe siri. ⁶Apavo sumbe muandu ea va, vape siri. Apa joma, pi vito pi Sien Allah pioruira veve siri to manau pa, sa siniotu pa sipowasa ea va."⁷ Avori siniotu Parisi pa setutanie setoyo, tojana mamu, aso vitopi Musai diemiase senanari surat vingge veviniemi so vinie vekea pai pa? ⁸Apa Jesus kievo sosia e dioyo, Musai miayar usara e mengge membiniemi pa ma, aso joma mendumi pa sikarakuai veja pana. Vape retena pa ma toa va. ⁹Apavo metadiawa; "Teini kie vinie pai arora e vinie pai nienari kavo va vepui, ririau tutir vavi vevesiei pesi ea, amamo siniotu jani ma nienari kavo vavi."¹⁰ Apa Jesus nie murit pa sia senggavo so I e setoyo, "Masi kavo pa sitojana veja so mua e vavi veririau mamu, vesie pa vindiriau vape moja' ¹¹Amana Jesus kievo so sia e dioyo. "Sa kaiwasa ruin ariri kavo ninesi va, i ma maso kaiwasa Sien Allah dietapu to manau pa semesari vea. ¹²Aso siniotu veririau va pa esiaja, aso ima setoa to manau, nana setavi sia pa. E esia kota sendiriau va pa, aso siniotu vevesiei sinanari sia toa. E esia kota ma, setiri na matau sia, ave sendiriau vape moja, ave amarno setenam usara Sie pai. Teini piaya so tiepur kavo aniau ninesi mamu, ave amamo tiepusi.

JESUS VIE BERKAT ATUMA KATU PA SIA PA. (MARKUS 10:13-16: LUKAS 18:15-17)

¹³Siniotu pesia senggor atuma pa sia so Jesus, ave amamo siasana vara pasi rawain sendumi pasi e dimbe nadi so sia. Amana murit pa sia senggasiu siniotu pa sia. ¹⁴Apa Jesus kievo so nie murit pa sia e dioyo; "Memu vedior sia vape moja. Metona ve atuma pa sendama so Yau, aso siniotu vetoapa nine sia sembe kaiwasa so Sien Allah pa". ¹⁵Janama Jesus siasan vara pasi tawana sendumi pasi e vie berkat sia.

AVORI SUVI E RIA VURUSU JANA. KATIEI VEVEKAYA.PAI. (MARKUS 10 17-31: LUKAS 18:18-30)

¹⁶Raria pesi pa siniotu pesi riana so Jesus kievore diyo; "Guru, pi viate vitoni nari inanari, ave amamo isamuai tenam vatarno vevata to woroi pai?" ¹⁷Apa Jesus kievo so i e diojo, "Aso vitopi butan Ya so pi viate pa? Pi viate pa ma siri to. Sanepai buojo tuenam mamu, kuor usara Sien Allah nie Prenta pasi pino".¹⁸ Amana siniotu pai duta e diojo; "Prenta tonina?" apa Jesus ruar so i e diajo, "Mun sinotu va; nuenari kavo vavi va, buemanana pi va; vue saksi viawia va; ¹⁹Tuetuan tamamui siniamui sandu; e sanepai siniotu vevesiei, ariri sanepai vera mataun au pa.²⁰ Amana katiei pai dioi aso Jesus e diojo, "Prenta jasi vura ma inanari aririasi to manau. Vitopi mandiu ea rami ne? ²¹Apa Jesus kievo so i, e diojo, "Buojo buon ariria ve simasi vura mamu, rua vuova nomu pisasera pasi vura. E sine pipi pasi, buonasi so siniotu vevaro pi pa sia, e au ma nari suemuai rar nana pa rora wa. Manau mamu, ruama rua usara Yau!"²² Katiei pai diediawa kavo nine pa, diarai e vievut tutir sane raro veve susah, aso vie kaya veja pana.²³ Janama Jesus kievo so nie murit pa sia e diojo, "Itopa so mia, marabat vesiri maso siniotu veve kaya pa si, sisua na Sien Allah nie Dunia Vavoru pai pa.²⁴ E yo itopa riwanea maso mia, e tapisa rawai maso binatan onta pasi sisua na ret kamberei pa, nanapi siniotu veve kaya pasi sisua na Sien Allah nie Dunia Vavoru pai pa."²⁵ Murit pa sia setadiawa Jesus kievo tonine pa, senggavo usara e setojo, "Tojana pavo, teini nari diadi siemuai slamat?"²⁶ Jesus dieduata sia vori kievo e diojo, "Maso siniotu pasi mamu, siojo sa diadi va, vabe maso Sien Allah mamu, diadi vei vea".²⁷ Avori Petrus kievo so Jesus e diojo, "Ite suejo, amambavur amane pi vepau pa vura e amanda usara au ne. Apa nari amasamuai vito?"²⁸ Apa Jesus kievo so sia e diojo, "Mesanemitiar vea, nanapi Dunia Vavoru wai mamu, Siniotu Atune nari imasoi sasana Yau, nana ine Karapesa Raja pai. Raria jani mamu, ine verausara Ya pa mia, nari memasoi sasana mia kota, nana karapesa suraemuandua pasi, e membe prenta usapui suraemuandua pasia, nanapi kaiwasa Israel pai."²⁹ E teini vievur nie anio pai to manau, pivai neta pa sia, pivai raruo vavi pa sia, pivai tamani siniani sandu, pivai atu pa sia, pivai romi, aso sanone, amamo nari siemuai soveraasi ve kali utin siri ea. E nari disamuai tenam viaroi pai kota.³⁰ Vape kaiwasa rabua nine si, vepapo pa sia nari sepuai ea, e rabua nine vepui pa sia nari sepuai ea."

KAVO SORATARAWA NANAPI SINIOTU VENANARIPI NANA ROMI ANGGUR PA SIA

¹Sien Allah nie Kerajaan pai ma vieva ariri kavo soratarawa nini; Siniotu vene romi anggur pesi, suvi sapa e siesera siniotu venanaripi nana nie romi anggur pai ²Kutu ariri vait pai so sia to manau toapa, raria siri mamu ropia vebera pa siri. Janama diemias e senanaripi na nie romi anggur pai. ³Diam rimeat sapa pa, vene romi pai ria ea, e siejo mana siniotu pesia setisisiosa vea na pasar pai pa. ⁴Apa kievo so sia e diojo, "Menda menanaripi na ine romi anggur wai. Nari ivait mia nanapi vait vetariai. Apa senda. ⁵Diam suraemuandu raria pai, tutir diam toru ravinena pai, siniotu vene romi pai suvi e nienari toa riwanea. ⁶E deriasi diam rim ravinena pa, suvi riwanea, apa siejo mana, esiaja setisisiosa pa. Apa dutan sia e diojo, "Aso vitopi metisisiosa vevea na raria vetutir nini na nine ne, menanari piesa va pa?" ⁷Amana senggavore setojo, "Varo siniotu viono nanaripi so ama". Apa siniotu vene romi pai kievo so sia e diojo, "Tojana mamu, menda ve menanaripi na ine romi wai. ⁸Ravinena pa ma, siniotu vene romi anggur pai kievo so mandor pai e diojo, "Suau venanaripi pa sia e vuait siri-siri nie gaji pai, retena nanapi siniotu vesua vepuiya pai, veito raama so vesua retena pai". ⁹Janama siniotu venanaripi na diam rim ravinena pa sendama. Siri-siri siemuai ropia veberapa siri. ¹⁰Avori siniotu venanaripi nana sapa mo, (veito ravinena) pa sia senda ea ma. Sene sanepaya pa sitoapa nari sesamuai e rawai. Arora e sesamuai ropia vebera pa siri kota. ¹¹Sesamuai pipi pasi to manau mana, senggasiou vene romi pai. Senggavore setojo, ¹²Siniotu vera vepuiya pa sia ma senanaripi diam siri vea. Mae ama ma amanaripi na raria vetutira pai e amataris wor, vape tuani vuait sia pa masi vaveri tutir ama pa. ¹³Amana Tuan vene romi anggur pai kievo so venanari romi pa sia esi e diojo, "Manetai, ya ma isasara so au va. Aso tanggutu vait pai to manau toapa, raria siri so ropia veberapa siri pa mana? ¹⁴Apavo kuor nomu vait pai e rua. Aso isanemivesie yono vait maso siniotu vesua vepuiya pai, nanapi vait vemasi vaveri, ariri vait yono so au pai pa mana? ¹⁵Ite ya ma sa inanari ariri yone sanevesie nanapi pi yone va te? Ite buerandu so yonate pae? ¹⁶Janama Jesus kievo riwanea e diojo; "Toapana kota, siniotu vepui mo pa sia, nari sembe vepapo mo, e siniotu vepapo mo pa sia, nari sembe vepui mo".

JESUS KIEVO NANAPI NIE VORU PAI, VE KALI VEVE TORUA PA. (NANAPI MARKUS 10:32-34; E LUKAS 18:31-34 PAI KOTA)

¹⁷Jesus dio ria so Yerusalem pa, vetiai ria rabua pa, avori siauruir nie murit pa sia mesari. Janama kievo so sia e diojo; ¹⁸"Nine ma tanda so Jerusalem pana, e Siniotu Atu ne Yau nari sembovo Ya so Imam Baba pa sia, tutir veve baba nana Torat pa sia. E nari sepit hukuman voru pai so Yau. ¹⁹Avori sesiwa Ya so siniotu Yahudi va pa sia. Nari sesisiayar Yau, sendora Yau, e setawakir Ya nana aitavat pai."

VAPE NANA RARIA VEVE TORUA PAI MAMO, NARI ISOBATA YAU EA. YACOBUS TUTIR YOHANES SUSINIAMIPI NIE SAU PAI(MRK. 10:35-45)

²⁰Avori Sebedeus vinie pai, ria tutir atu pa sandu ma so Jesus. Disan aebu pasi na Jesus aropo pa e dio siau piesa. ²¹Apa Jesus dutani e diojo, "Mai, piesana pe?" Amana vavi pai kievo so Jesus e dioyo, "Isanemi vesie ine atuma ne sandu sunggasir au na rawa sara pa tutir rawa vata pa, nana raria toni nari vue Raja pa." ²²Apa Jesus kievo so sia e diojo, "Aja menduin ariri pi mesauwa ne varami. Nari mepaya so metunu nanapi mok vitin marior nari junu nana paie? "Amana senduar e setoyo, "Ama paya". ²³Apa Jesus kievo so sia e dioyo, "Ma diadi metunu kota nana ine mok jitunuma pai. Mae nanapi kavo teini nari kiasir Yau, nana rawa sarane tutir rawa vatane pa ma, Ya ma ipa so ikutu pa va. Uta jasi ma sietapua maso siniotu Yai diri to manau pa sia". ²⁴Murit sura esi pa sia, setadiawa kavo nine pa, senggasiou Yakobus Yohanes sandu. ²⁵Apa joma Yesus siau ruir sia vori kievo so sia e dioyo, "Menduin toapa, veve Mananir so kaiwasa e veruin Sie va pa sia, setowawotu sene rayat pa sia. E sene veve baba pa sia, seto rarojara sia. ²⁶Vape mia ma sa toa va. Sovera ea e, teini dio vie baba so mia, amamo andi vie viadidina maso mia. ²⁷Mae teini dio vie ru so mia, amamo ima vie womi maso mia, ²⁸ariri Siniotu Atu ne Ya kota, irama ve amamo viadidin Ya va, vape ave yedidina, e Ivov Ine tenam nei e pieriri kalwasa vepau.

JESUS DIONA E SINIOTU VEREMI KABER PA SUPANAAM PA (MARKUS 10:46-52: LUKAS 18:35-43)

²⁹Rabua Jesus tutir nie murit pa sia sesuvi vurusu Kota Yeriko pa, kaiwasa pa sepau sendausara sia. ³⁰Apa siniotu veremi kabere pa sumbe muandu, sumasoi na ria dere pa. Suradiawa Jesus ria na ria pai pa, susau e suroyo, "Sie panau, Dauti atu pa nau, ka sanepai nandu!" ³¹Amana kaiwasa venana jasia, senggasiou sandu e setamias e supeya. Vape surumi to baba rawai ea e suroyo, "Sie pa nau, Dauti Atu pa nau, ka sanepai nandu!" ³²Apa Jesus diosaeti, e siau sandu. Avori dutan sandu e dioyo, "Musanemi vesie inanari vito maso mandu?" ³³Amana suroyo, "Sie pa nau, amusanemi vesie amusa e vesie" ³⁴Apa Jesus sanepai sandu pa janama dieka upis sundemi pasi. Apa nanapi diam jani kota e susajo to vesie. Apa surinda usara Jesus.

JESUS SUA SO KOTA YERUSALEM ARIRI RAJA PA. (MARKUS 11:1-11) LUKAS 19:28-40 YOHANES 12-12-19)

¹Jesus tutir nie murit pa sia, senda sederiasi Kota Yerusalem pa, senda ma so aniose Betfage nanapi suovavo Saitun. Apa Jesus diemias nie murit pa esandu e senda papo. ²Diemias sandu e dioyo, "Munda papo apo so aniose vena dopo jana. Ava nari musamuai keledai pesi, andia senggasiesi e diosa tutir atu pai. Amamo mundeku wai pai e munggor sandu maso Yau. ³Mae samuai esi duta mamo, mutopa so i, e muroyo, "Jesus siauwi", amamo nari siniotu jani sawawara e diona e munagori." ⁴Kavo nine ma toa pana, ave amamo masi tutir vitopi nabi pai kievora pa, toapa, ⁵"Metopa so kaiwasa venana Yerusalem pa sia, mene Raja paini riama so mia pa. I ma sienandiki va, e sia nana keledai nina, keledai atu vavoru nina." ⁶Janama Jesus nie murit pa sandu sunanari ariri pi vitopi Jesus dierera so sandu pa. ⁷Sunggor keledai pai tutir atu pai a so Jesus. Janama sesasara keledai atu pai karu pa nana sene sasu juba pasi. Avori Jesus siyai miesoi nana keledai pai karu pa. ⁸Kaiwasa borai venana ja sia. Sesiepara sene sasu jubah pasi nana ria pai, mae esia ma setaratu ai arawa pasi e setasies piriau pasi (ave Jesus riasasani nanasi). ⁹Avori kaiwasa verausara Jesus pa sia vura, ve papo e ve pui e sesodiaya e setoyo; "Sanandika pai so Dauti Atu panau: Riama tutir vesie, Sien Allah vie berkat verama nanapi Sien sanopai. Sanandika pai so Sien Allah vetariai mo pai ¹⁰Janama Jesus suapui so Kota Yerusalem pa, kaiwasa venana pa sia vura, setandor to baba vesiri. Apa setuta e setoyo, "Avo tei nina?" ¹¹Amana kaiwasa verausara Jesus pa setoyo, "Nabi nina, Jesus, na aniose Nasaret, nana uta Galilea."

JESUS SUAPUI SO ANIO ALLAH PAI PA (MARS 11:15-19 19:45 48. YOLMES 2.13- 22)

¹²Janama Jesus suapui so Anio Allah pai, e dietawar kaiwasa vevovo pi nana pa sia. Tiawa bari meja veriwa pipi nana pasi, e bangko sembovo aya kapura nana pai. ¹³Avori kievo so kaiwasa pai e dioyo, "Nanapi Surat Repo pai pa vevui toapa, Sien Allah kievore dioyo, "Ine Anio pai nari setap i ve Anio vimbe nadi. Vape metoni ve karai so viemanana pi pa sia". ¹⁴Avori senggor kaiwasa veremi kabere veraemi marera e pi pa sia maso Jesus nana Anio Allah pai, e Jesus diona e sepanaam. ¹⁵Vape imam baba pa sia tutir veve baba nana Torat pa sia, senggasiou, aso sesayo pi tandor Jesus nienari pasi pana. E senggasiou kota so setadiawa atuma katu pa sia sesodiaya nana Anio Allah pai e setoyo, "Vesie pai maso Raja Dauti Atu panau". ¹⁶Apa senggavo so Jesus e setoyo, "Buediawa atuma katu wasia kavo senggavora wae? Amana Jesus ruar so sia e dioyo, "I yediawa, Vape metap nanapi Surat Repo pai nie ayat verotu toapa ninei varami pe? Toapa, atuma katu pa sia tutir atuma katu mo viunu susu pa sia, Au bueniau sia ve amamo sesom sanandik Allah. ¹⁷Manau na jana pa, Jesus ria vurusu sia e suvi na Kota pai e ria so aniose Betania e diena na wana.

JESUS SIAWORA VEDIORA ARA RAVO PAI PA. (MARKUS 11:12-14, LUKAS 20-24)

¹⁸Kausapa pa sapa mo pa, nanapi Jesus nie rara vesovera so Jerusalem pai pa, vievisi ¹⁹Apa siejo ara ravo pesi, diosa na ria dere pa. Apa ria dieriasi ara ravo pai, vape sieyo samuai buo pesi va, e rau pa si vea. Apa Jesus kievo so ara ravo pai e dioyo, "Sa bimbe buo ea va". Jesus kievo tonine pa, ara ravo pai dimasa. ²⁰Jesus nie murit pa sesayo subata pitandor nini pa, senggavo usara veito. Apa setuta e setoyo, toane vori ara ravo pai miasa tandor vura pa? ²¹Amana Jesus kievo so sia e dioyo, Itopa so mia, mesanemitiar Ya ve vata mo, e mesanemi tura va, amamo nari menanari pi vitopi inanari to manau maso ara ravo nei pa. E jana mesari vea va, vape nari menggavo so suovavo nini (Saitun) e metoyo, "Tuesiasa e tuepira arau so rawana wa", amamo nari ariria. ²²Mesanemitiar mamo, mesau pi vitopina vea, nana mene nadi pasi mamo, nari mesamuaisi".

VIUTAN YESUS SO NIE PAYA PAI PA. (MARKUS 11:27-33, LUKAS 20:1-8)

²³Janama Jesus sioverai a so Anio Allah pai, avori sua e dieniau na jana. Andia dieniau rami e, imam baba pa sia tutir veve baba na Yehudi pa sia, sendama so le setoyo, "Tutir paya vitoni binanari pi nine si? Teini diono paya jani so Au?" ²⁴Apa Jesus kievo so sia e dioyo, "Ya kota yo yuta mia. E menduara ine kavo ne mamo, nari itopa so mia, tutir paya na teina vori jinanari pi ninesi pa. ²⁵Yohanes sioiv siniotu nanapi tei nie paya? Nanapi Sie pai te, nanapi siniotue? Apavo imam baba pa sia tutir veve baba na Yehudi pa sia, senggavo nanapi matau sia vavera e setoyo, "Masi tanggavore tatoyo, Tutir paya nanapi Sien Allah, amamo nari dioyo, tojana mamo aso vitopi mesanemitiar i va pa?" ²⁶Vape masi tanggavore tatoyo, tutir paya nanapi siniotu, amamo tamatai kaiwasa nei, aso sia vura senduin toapa, Yohanes ma nabi nina. Apa senduar e setoyo, "Amanduin va". Apa Jesus kievo so siae dioyo, ²⁷"Tojana pavo Ya kota sa itopa so mia va, nanapi tei nie paya ni yinanari pi ninesi vura pa."

KAVO SORATARAWA NANAPI SINIOTU PESI TUTIR ATUMUA PA SANDU

²⁸Avori Jesus dinggavora e dioyo, "Siniotu pa siri, nie atuma mua pa sumbe muandu. Siniotu nei ria so atuma baba pai e kievo soi e dioyo, "Komo raria nini ma rua nanaripi na romi anggur wai". ²⁹Amana atuma pai dioyo, 'Ikambarai' amana

vepui, sane sovera ea, e ria so romi anggur pai.³⁰ Avori tamani ria ea so atu madia pai e kievo so i toapana kota. Apa atu madia pai dioyo, "Jai, vesie pa na". Amana ria va.³¹ Apavo metone sanepaya pa sitoane? Nanapi atuma muandua ne sandu pa, teini nienari ariri tamani nie sane vesie pai? Amana imam baba pa sia tutir veve baba na Yehudi pa sia, senduar e setoyo. "Atuma baba pai". Apa Yesus kievo so sia e dioyo, "Itopa so mia, siniotu verae veruir pajak pa sia tutir vavi verae venanari kavo sararidioi pa sia, asia nari sembe kaiwasa maso Sien Allah papo, vurusu mia.³² Aso Yohanes viono Kambu Sren pai, rima e dioisara tenam Sien Allah sanevesiena pai maso mia, vape menggambarai mesanemitiar nie kavo aniau pasi; mae kaiwasa verae veruir pajak pa sia, tutir vavi verae venanari kavo sararidioi pa sia sesanemitiar i, apavo mesajosi vura to manau, vape mendiwa mene sanepaya pasi kota va, e menggambarai mesanemitiar i".

KAVO SORATARAWA NANAPI SINIOTU VENANARIPI NA ROMI ANGGUR PA SIA. (MARKUS 12:1-12, LUKAS 20:9-19)

³³Avori Jesus kievore dioyo, "Metadiawa kavo soratarawa pa nini riwanea. "Tuan vene kakopa pa esi, tiana romi anggur pesi. Apa rut war wawariri e sieriai kamberei so uta vinggusara anggur pai pa; avori nienari dora vemasoi e visajo vediora pai, na romi pai raro pa. Manau pa janama vie siewa romi anggur pai maso siniotu venanaripi nana pa sia, e ria so uta vevesiei.³⁴ Janama raria sendosu anggur buo pai miesi, apa Tuan vene kakopa pai, diemias nie womi pa sia e sendaso siniotu venanaripi nana romi pa sia, ave amamo senggur nie anggur sendu wasa e vevata so i tomanau pai.³⁵ Amana siniotu venanaripi nana romi pa sia, setapu womi pa sia esi ma sendorai, esi pa sia ma semun sia to semboru, e esia ma sesotatir sia na rovuki.³⁶ Apa Tuan vene kakopa pai, diemias nie womi pa esia ea, sepau rawal nanapi retena pa sia. Vape senanari maso sia toa kota.³⁷ Vepui pa Tuan vene kakopa pai, diemias mataun atu pai. Sanepai na sane raro pa toapa, 'Matau ine atuma pai na pavo, nari setatuan i.'³⁸ Vape ineri siniotu venanaripi na romi pa sia, sesayo Tuan vene kakopa pai atu pai pa, senggavo vavera sosia e setoyo, Jo, ara pai nine, vene pisia umaja paina. Mendama ve tamuni, ave tasamuai nie pi umaja nesi.'³⁹ Apa setaputawan atuma pai e senggei so vorira wa e semuni to vioru.⁴⁰ Janama Jesus duta, Jo, apavo vene romi anggur pai sioverai mamu, nari nienari vito maso siniotu venanari romi pa sia? ⁴¹Apa senduar soi e setoyo, "Nari mun siniotu venganggau warira jasia e semboru, e vie sewa romi anggur pai so siniotu vevesiei nari vesovera kakopa pai nie pi tatana pai maso i, ariri sine raria pai."⁴² Avori Jesus kievo so sia e dioyo, "Aja metap kavo vevui na Surat Repo pai warami pe? Kavo viojo, "Rovuki tukang venanari anio pa senggea pai vie rovuki retena vesasiara na anio pai sama bu pa. Nine ma Sien pi nienari pina; vesie pa rawai?"⁴³ Janama Jesus kievo e diayo, "Apavo mesanemipaya, wasa viator ve Sien Allah nie kaiwasa pai, nari sikor vura, vurusu mia e siona so kaiwasa nari venanari ariri Sien Allah nie Prenta pa, sia esi.⁴⁴ E teini tiawa e viata sasana nana rovuki jani mamu, nari piere, e teini rovuki jani via patatai mamu, nari pietata."⁴⁵ Imam baba pa sia tutir siniotu Parisi pa sia, setadiawa Jesus nie kavo soratarawa jasi, apa senduin toapa Jesus kievo wa ma isa sia.⁴⁶ Apa sesasera ria, ave amamo setapur i. Vape sematai kaiwasa pai, aso kaiwasa pai ruin toapa Jesus ma nabi nina pana.

22 KAVO SORATARAWA NANAPI PESTA VAVINDIRIAU PAI (LUKAS 14:15-24)

¹Jesus kievo so kaiwasa pai nanapi kavo soratarawa ea, ²kievore dioyo, "Sien Allah nie Kerajaan pai nie vava pa masi ariri kavo soratarawa nini; "Raja pesi nienari pesta vavindiriau so atu pai. ³Apa Raja pai diemias nie womi pa sia senda setariau kaiwasa vie undan to manau so pesta pa sia. Vape kaiwasa vie undan pa sia senggambarai sendama so pesta pai. ⁴Apa Raja pai diemias nie womi pa esia vesiei ea. Kievo so siae dioyo, 'Metopa so kaiwasa veve undan to manau pa sia. Pisias pesta pai miesi to manau. Ine sapi pasi tutir sapi atu viatate mo pasi, sikutu to manau. Pi vurae simasi. Menda vei ma so pesta ririau nei.⁵ Amana kaiwasa veve undana pa sia, setimbe paduri va. Senda so matau setone nanaripi pasi-esi vera so romi pa, esia ma setonda so sene nanaripis ⁶E sia kota ma setaputawana Raja pai nie womi pasia, avori setadiau sia e semun sia to semboru. ⁷Raja pai diediawa kavo nine pa, kiesiou vesiri. Apa diemias nie tentara pa sia ve amamo semun siniotu vemun nie womi pa sia, e setinggair sene kota pai.⁸ Manau pa janama siau nie womi pa sia, e kievo so siae dioyo. Pesta ririau pai miesi tomanau, vape kaiwasa veve undana pa sia setimbe paduri va. ⁹Nine ma menda so ria baba wasi, e mesau kaiwasa e sepau ma so pesta vavindiriau nei. ¹⁰Apa woni pa senda. Senda so ria baba wasi, avori senduir kaiwasa sesamuai pa sia vura, siniotu veruin to siniotu venganggau. Apa andiraro vavindiriau pai dionu so tamu pai. ¹¹Janama Raja pai sua ave siesir tamu pa sia. Amana siejo samuai siniatu pesi na pesta pai, siesuni nana sasus pesta va. ¹²Apa Raja pai dutan siniotu paie diojo; "Manetai, buo su mapui so nine vari suesun au nanapi sasus pesta va pa?" Amana siniotu pai dinggavo kavo pesa va.¹³ Avori Rajapai kievo so nie womi pa sia e diojo, 'Metavit siniotu nei ae pasi tutir vara pasi, e menggei ari so vorira vekumar wa. Ave siale diemuaus na wana'. ¹⁴Janama Jesus kievo toapa nine, 'Sesau pa sepau, vape setiria pa katu vea."

PARISI PA SIA SESOTOUR JESUS NANAPI VEVAIT PAJAK PA. (MARKUS 12:13-17, LUKAS 30:30-3-60)

¹⁵Avori Parisi pa sia senduir sia e senggavo ariri kavo vitosi nari senggavorasi ave amamo setitapur Jesus pa. ¹⁶Apa setamias sene siniotu verausar sia pa sia, tutir siniotu verausar Herodes pa esia, e senda so Jesus. Setutan Jesus e setoyo, "Guru, amandin toapa, Au ma siniotu vetindia ni Au. Bueniau e tuopa sasaar to tindi vesiri, nanapi Sien Allah nie sane

vesie pai maso siniotu pasi pa, e bitator kavo va, na teina vea. Aso Au ma biri siniotu va pana. ¹⁷Apavo ite tuopan ariri kavo ne so ama; Ariri tane atoran agama nei mamo, diadi tambait pajak so Kaisar pai te pivaie?"¹⁸Amana Jesus ruin sene sanepaya vekariria jasi pavo, kievo so sia e diojo, "Siniotu viona ve siniotu vesanemitiar vedia mia; Aso vitopi meto mesotour Ya pa? ¹⁹Ite metoisara pipi metimbait pajak pa esi so Yau!" Apa setona pipi perak vebera pesi so l.²⁰Janama Jesus dutan sia e dioyo, "Gambar siniotu nes, tutir sano venana nei ma teina? ²¹Amana setoyo, "Kaisar paina". Apa Jesus kievo so sia e dioyo, tojana pavo, pi vitopi Kaisar pai nieu pa, metona so Kaisar pai, e pi vitopi Sien Allah nieu pa, metona so Sien Allah". ²²Siniotu pa setadiawa Jesus kievo tonine pa, senggavousara veito.

APA JANAMA SENDA VURUSU JESUS. SOBATA NANAPI VORU PAI. (MARKUS 12:18-27, LUKAS 20:27-40)

²³Nanapi raria jani kota e siniotu Saduki pa esia, sendama so Jesus, Siniotu ya sia ma setone aniau pai toapa, siniotu vevoru pasi ma sa sisobatasi ea va Apa vo setutani e ²⁴setoyo, "Guru, Musai dieniau toapa nine: Mua pesi vionu, e siemual atuma va, amamo neta katu pai va neta vava pai, naut nie inar pai, ave amamo viediajara usapui maso siniotu vevoru to manau pai. ²⁵Apavo mambe baba pesia na nine, sembe rimemuandu, Baba pai iriau, avori vioru e siemuai atuma va. Apa inar pai riaut neta katu pai. ²⁶Vepui neta katu pai vioru ea, e siemuai atuma va. Kavo ne masi vaveri kota maso neta veve torua pai raaso veve rimemuandua pai. ²⁷Karupui pa vavi pai matauni vioru kota. ²⁸Jo, apavo nanapi raria vevoru wa sia sesobata sia riwanea mamo, nari tei vinie ni vavi nei? Aso mambe baba rimemuandua pa sia, sendauti vura pavo."²⁹ Apa Jesus kievo so siae dioyo, "Metatar vesiri, aso aja mendumi Surat Repo pai tutir Sien Allah nie paya pai va pana. ³⁰Aso raria vevoru pa sesobata sia riwanea pa mano, sa sendiriau ea va, vape setenam ariri Malaikat venana rora pa sia. ³¹Aja metap Sien Allah kievo nanapi vevoru pa sia nari sesobata sia riwanea pa varamie? Sien Allah kievore dioyo, ³²Ya ma, Abrahami nie Sie, Isaki nie Sie, Yakopi nie Sie pa yana mana? I ma Sie maso kaiwasa vevoru va, vape Sie so kaiwasa vetenam". ³³Kaiwasa pa i diediawa Jesus kievone pa, senggavousara veito, aso nie kavo aniau pasi.

PRENTA VEBABA MO PAI. MARKUS 12:28-34 LUKAS 10:25-28)

³⁴Siniotu Parisi pa sia, setadiawa mana Jesus kievo so siniotu Saduki pa sia to setinggavo va pa, setonduir. ³⁵Avori veve baba na Torat pa sia esi nina, duta e disotour Jesus e dioyo, ³⁶"Guru, prenta toni sieru nanapi atoran Agama nei?"³⁷ Apa Jesus kievo so i e dioyo, 'Sanepai Allah nomu Sie pai, nanapi saneraro vetutira, e nanapi nomu wainunu pai vura, e nanapi nomu pande pai vura. ³⁸Jani ma prenta vebaba e werawai mo paina. E prenta veve muandu pai, miesi kota, toapa: "Sanepai siniotu vevesiei, ariri sanepal vera matau nomu tarai pai pa. ³⁹E prenta veve muandu pai, miesi kota, toapa: "Sanepai siniotu vevesiei, ariri sanepal vera matau nomu tarai pai pa. ⁴⁰Atoran Agama Musai diona pasi vura, tutir nabi pa sene aniau pasi vura, sive umaja nanapa prenta nine sandu."

KRISTUS MA DAUTI NIE SIE PAI NA. (MARKUS 12:35-37 LUTES 20:41-44)

⁴¹Siniotu Parisi pa sia ja senduir na jana rami e, Jesus dutan sia e dioyo. ⁴²"Metone sanepaya pa sitoane maso Raja vekor Slamat pai? Vieva nanapi usapui tonina?" Amana senduar e setoyo, "Nanapi usapui Daut."⁴³ Apa Jesus duta ea, "Tojana mamo, aso vitopi Wainunu Sren pai vieruana so Dautie, diap Raja vekor Slamat pai ve, Sie pa? Aso Dauti kievore dioyo. ⁴⁴Sien kievo so ine Sie pal e dioyo, muesoi nana vara vatane, veito yonae, viomarova tutir au pa sia, setatuan so au.?" ⁴⁵Apavo masi Dauti diap Raja vekor Slamat pai ve, Sie', avori vieva nanapi Dauti nie usapui pa nari toane?" ⁴⁶Apa esi dindudara Jesus nie Kavo pa ea va. E nanapi raria jani, esi mias e dutan piesa nana Jesus ea va.

23 JESUS KIEVO NANAPI VEVE BABA NANA TORAT PA SIA TUTIR SINIOTU PARISI PA SIA SENE VAVA PASI. (MARTUS 12:38-39 LUKAS 22:43-46 20:45-40)

¹Avori Jesus kievo so kaiwasa pai, tutir nie murit pa sia e diojo, ²"Veve baba na Torat pa sia tutir siniotu Parisi pa siama, sepa so sesanemipai sasavu Torat pai pa. ³Apavo menggorusara e menda ariri prenta setona pasi vura. Vape, menanari ariri pi vitosi senanarisi pa vape moja, aso senda ariri pi vitosi setaniauwa si pa va. ⁴Setonggarakuai so mia nanapi atoran vemarabat, vape matau sia ma, senanari ariria si maso siniotu va. ⁵Pi menanari pasi vura ma, ave amamo siniotu sisayo vea. Veito sembe pake waikavavirai nadi vesavaveri, e rawe vesom nana sasu juba pa dere pasi ma, setonasi e sieririosi avav sievakakir. ⁶Sesanemi vesie uta masasoya viatate nanapi anio pesta pasi, e karapesa viate mo nana anio ari pasi. ⁷Sesanemi vesien kaiwasa tietuan sia nanapi pasar wa si, e sisau sia ve 'Guru Baba. ⁸Vape mia ma, metona e sesau mie ve 'Guru Baba" vape moja, aso mene Guru pa ma, siri to, e mia vura ma membe mambe neta. ⁹E mesau esi ve, 'Tama' nana dunia nei vape moja. Aso Metamami pa ma siri to, andina 'Tama' venana rora pai. ¹⁰E metona e sesau mia ve 'Veve Baba' vape moja, aso mene veve baba pa ma, siri to, andina Raja viono Slamat, Sien Allah dierera pai. ¹¹Teini vie baba na mia pa mamo, andi vie womi so mia, ¹²Teini dioni ve siniotu vetariai, amamo nari setoni ve siniotu vena dou. E teini dioni ve siniotu venana dou mamo, nari setoni ve siniotu vetariai".

JESUS KIEVO SISIAJARA VEVE BABA NANA TORAT PA SIA, TUTIR PARISI PA SIA PA. (MARKUS 12:40, LUKAS 11:39-42, 44,52, 20:47)

¹³Kawai so veve baba na Torat pa mia, tutir Parisi pa mia. Siniotu veve Sren vivu vedia mia. Memun vedior siniotu so sembe kaiwasa maso Sien Allah nie Kerajaan pai pa. Matau mia menggambarai membe kaiwasa maso Sien Allah nie Kerajaan pai, e siniotu vevesiei vemajar pa sia, memu vedior sia. ¹⁴Kawai so veve baba na Torat pa mia, tutir Parisi pa mia: Siniotu veve sren vivu vedia mia. Metawitituwa inar pa sia e metawara sene anio pasie, metau tawana sasara jasi nanapi mene nadi viaririosi pa si. Apa joma mene hukuman pai, nari mierabat pa. ¹⁵Kawai so veve baba na Torat pa mia, tutir Parisi pa mia; siniotu veve sren vivu vedia mia; menda to woririosi e mendatuwa rawana e menda pata sisandei e, ave amamo metona e siniotu pa siri vea su so mene agama pai. E siniotu jani su mene agama pai to manau mamu, metona e vie atuma naraka vinggariria rawai ve kali muandu nanapi matau mia. ¹⁶Kawai so veve baba veremi kabere ne mia; metaniaue metoyo, esi siawora nanapi Anio Allah pai mamu, siniotu jani tieisu nanapi sawora pai. mae masi siawora nanapi Mas venanapi Anio Allah pai, mamu tieisu vurusu nie sawora pai va. ¹⁷Siniotu venganggau veremi kabere ne mia, topi ve umaja, nie mas pai te, Anio Allah viona e mas pai vie sren pai e? ¹⁸Metaniau kota e metoyo, 'Esi siawora nanapi wavu som pai mamu, siniotu jani tieisu nanapi nie sawora pai, mae siawora nanapi pi som venana wavu som pai vavo pa mamu, tieisu vurusu nie sawora pai va. ¹⁹Mendemi pa sikaber veito; topi ve umaja, nie pi som pai te, wavu som viona e pi som pai vie sren pai e? ²⁰Apavo esi siawora nanapi wavu som pai mamu, ima siawora nanapi wavu som pai, tutir pi som venana pasi vura. ²¹E esi siawora nanapi Anio Allah pai mamu, ima siawora nanapi Anio Allah pai tutir Sien Allah venana pai pa na, ²²E, masi esi siawora nanapi rora pai, amamo toapa, siawora nanapi Sien Allah nie karapesa pai, e tutir Sien Allah vemaso nanapi Karapesa pai pa na. ²³Kawai so veve baba na Torat ne mia, tutir Parisi ne mia; siniotu veve sren vivu ne mia. Rampa-rampa vinunupi e sairara pasi, vetoapa, 'Isirirumi e, ada manis e, jintan e, diadi so menduwasa savaru veve suraa pai, e metonasi so Sie pai. Arora e verawai mo nanapi atoran Agama pasi, vetoapa, vetindia pai e, sanepaya pai e, korusara pai. Arora e pi nari menanari ariria mo pa sina, avori metinanari usara pi esi pasi kota. ²⁴Veve baba veremi kabere ne mia. Amumar vetau susa kambu metunu pasi ma membuvu irara amumar pasi, arora e meton onta pasi. ²⁵Kawai so veve baba nana Torat ne mia, tutir Parisi ne mia, siniotu veve sren vivu ne mia; Mene mok e paruasi e, menduas rurana rawa worira pasi veito sivaro rariai, arora e rawa raro pasi ma, sive rariai vesiri nanapi pi mesamuai nana, vian siniotu veveslei sine samajar pa, e sanekariria pi to rawai pai. ²⁶Parisi re kabere ne mial Mendois rurana mene mok pasi tutir paruasi pasi to sivaro rariai, nana rawa raro pasi papo ri, ave amamo rawa vorira pasi kota sivaro rariai pel. ²⁷Kawal so veve baba na Torat ne mia, tutir Parisi ne mia! Siniotu veve sren vivu ne mial Mambava ariri kubir sesimar to vemamara; vesayo na vorira wa mamu vesie, vape rawa raro wai ma, dionu tutir sina pai e vesaibau pai. ²⁸Metoapana kota. Kaiwasa sieyo mia na rawa vorira mamu, metate vesiri. Vape na rawa raro mamu, menanari ariri vetindia pesa va, e mendawain atoran pasi.

YESUS DIERERA HUKUMAN MASO VEVE BABA NA TORAT PA SIA TUTIR PARISI PA SIA PA. (FUKUS 11:47-51)

²⁹Kawai so veve baba na Torat ne mia, e Parisi ne mia! Siniotu veve sren vivu ne mia! Menanari papi viatate so nabi pa sia e memarandina siniotu vene tenam viate pa sia sene rovuki metaur nanapi sene sanevavo pasi. ³⁰E menggavore metoyo, 'Masi amatenam nana rabua metapumi vepo pa sia pa, areto sa ama tutir siae ama mun nabi pa sia va. ³¹Apavo matau mia metopa sasaar toapa, membe usapui nanapi siniotu vemun nabi pa sia. ³²Toapa jana pavo, menanari ariri tatar metapumi pa sia senanari to manau pasi. ³³Metatar, e usapui nanapi siniotu vetatar ni mia! Avo nari diadi metaisu vurusu hukuman venana adia naraka wai toane? ³⁴Metadiawa to vesie mo; nari jenatu nabi pesia maso mia, tutir siniotu veve pande, e guru pesia; vape nari memun esia, e esia ma nari mepa sia nana aitatat. Esia ma nari mendoratati sia nanapi anio ari pasi, e metusar sia nana kota pesi a so kota vevesiei pesi. ³⁵Apavo, nari mesamuai hukum, aso siniotu vevaro sasara memun pa sia, retena nana pa vemun Habel vevaro sasara pai, veitoro Sakaria, Berekia atu memun nanapi Anio Allah pai tutir wavu som pai sune kasau rabua pai. ³⁶Itopa so mia; kaiwasa rabua nine mia, nari mesariowa pi ninesi vura! ³⁷Yerusalem, Yerusalem! Nabi pa sia mun sia. E Sien Allah nie amias pa sia, suo sia nanapi rovuki veita semboru. Ve toi ato ma yo isoruir kaiwasa venana au pa sia, ariri kokori sinia pai so tievun ruir atu pasi nanapi vara samber pasi pa, vape menggambarai. ³⁸Apavo, sa Sien Allah tutir mia ea va. ³⁹Eitopa so au, nanapi rabua nine, sa sueyo Yau ea va, veitoro kuevore buayo, Berkat pai maso i, vera ma nanapi Sien sano pai."

24 JESUS KIEVO NANAPI ANIO ALLAH PAI NARI MIERURA PA MARKUS 12:1-2, LUKAS 21:5-6)

¹Jesus suvi nanapi Anio Allah pai pa, nie murit pa sendama so I, e setisatuir Anio Allah pai so nie pi marandi pasi.

²Apa Jesus kievo so sia e dioyo, "Apavo mesayosi vura to e? Itopa so mia, Anio nei rovuki veturae vetursasan ninesi, sa esi tur sasan nanapi uta viat nana pa va. Nari sendiar si vura."

KARIRIA NARI VERAMA PAI. (MARKUS 13:3-13 LUKAS 21:7-19)

³Janama Jesus ria so suo vavo Saitun, e miesoi na jana, apa nie murit pa sendama so I atapua e setoyo, "Tuopa so ama, raria toni pi ninesi vura nari sive diadi pa. E, tanda vitosi siveruana ruama pa e dunia nei kieriria pa". ⁴Apa Jesus kievo so sia e dioyo, "Mesanemipaya to vesie mo, aso esia setawivavera mia pe. ⁵Aso esia sepau sendama tutir sanone, e senggavore setoyo, Raja vekor Slammat pa Ya nine! Nari setawi kaiwasa borai. ⁶Nari metadiawa marova pai kuja pa, e amuna pasi sive sanopa, vape mematai vapemoja, aso pijasi ma nari sive diadi, vape dunia nei raria kieriria paina va rarni. ⁷Kaiwasa pa esia, nari setomamu tutir kaiwasa vevesiei pa esia, e negara pesi nari mututira negara vevesiei pesi. Vavisi pai nari mun, e mundiya pai piot na uta pasi vura. ⁸Vape jasi vura ma, suo retena paina rami, ariri vavimbiavi pasi sipota so sio siavipa. ⁹Nanapi raria jani, amamo nari setapur mia e semboov mia, ave amamo sendora tati mia e semu mia. Dunia nei vura nari miedidi mia, aso menda usara Ya pa na. ¹⁰Nanapi raria jani, amamo kaiwasa pau, nari setau so kariria pai, e sembaov sia e semadidi sia vavera. ¹¹Nabi vata va pa sepau, nari sesuvi e setawi tituwa kaiwasa pai. ¹²E aso nganggau pai riwai pavo, kaiwasa sanepai siniotu ea va. ¹³Vape, teini kierakuai ra so vimanaua pa, amamo nari siemuai slammat pai. ¹⁴E Sien nie kavo vesie pai tutir nie Kerajaan pai, nari tiopanusara ra so dunia nei vetutira, ave amamo kaiwasa vura diediawi, janama manau pino, dunia nei kieriria pa".

KARIRIA VINGGARIRIA MO PAI (MARKUS 13:14-23, LUKAS 21:20-24)

¹⁵"Nari mesajo kariria vinggariria rawai ariri nabi Daniel tiopana pai, vieva nanapi uta veve sren pai pa, (viap pa si sisanempai usara kavo ne tarai pa), ¹⁶Nanapi raria jani mammo, kaiwasa venana Yudea pa mia, membavu ajai so wi vavo wa. ¹⁷E Kaiwasa venana anio pa sos vavo pa mia, membiar avav menggor piesa nana anio raro pa vape moja. ¹⁸E Kaiwasa venana romi pai siovera so anio wa e kior nie sasu juba pai vape moja. ¹⁹Raria jasi ma sio mataiti vesiri maso vavi vesanemi vava pasi, e vavimbiavi vesusu atuma katu pasi. ²⁰Membe nadi ave amano membavu nanapi raria veve rama, pivai nanapi raria Sabat vape moja! ²¹Nanapi raria viomataiti vetoapa jasi, nari kariria vebaba rawai mo, aya veve diadi varami nanapi dunia nei vieva retena pa, veito rabua nine pasi nari sive diadi. Ima kariria windawai mo pasi na. ²²Masi Sien Allah sisui raria pai e tituwa va mammo, sa esi disamuai slammat va. Vape aso Sien Allah nie kaiwasa diria pai pavo, tituwa raria pai e tienam. ²³Nana raria jani, esi kievo so mia e dioyo, ite sueyo, Raja vekor Slammat pai andi nia nine, pivai andi nia jana! Amamo mesanemitiar siniotu jani va. ²⁴Aso siniotu vekor Slammat veve vata va pasia, e nabi veve vata va pa sia, nari senda. Nari senanari pi verawal pesasi, e pitandor pesasi, ave diadi mammo, setitawi Sien Allah nie kaiwasa pai kota. ²⁵Apavo mesanempai tawana! Itopa papo so mia to manau, nanapi kavo ne aja vediadi varami ne. ²⁶Masi esi kievo so mia e dioyo, ite sueyo, andi nia mapar rubua wai, amamo menda soa vape moja, pivai setojo: 'Suejo andi dieniwa na andiraro ninei amamo mesanemitiar vape moja. ²⁷Aso siniotu Atu ne Irama mammo, ariri ververa pai piot nana rawa wor pai sia na pa, e disambiar ra so wor pai tiawa nana pa. ²⁸Uta topi pi vevoru pesi niana pa, aya vian pi vevoru pai, andia niana jana kota".

NANAPI RARIA SINIOTU ATU NE IRA NANA MA PA. (MARKUS 13:14-17, LUKAS 21:25-26)

²⁹Kariria venana rabua jasi simanau mammo, woroi va e wor pai nari kumar e sembai pai sa disambiar ea va. Siverere pasi nari sitawa na rora wa, e paya venana rora wa si nari simanawar. ³⁰Tomanau mammo, Siniotu Atune Ine tanda pai nari vieruana nana rora wa; nana raria jani, kaiwasa venana dunia nei vura, nari sesai. Nari sesayo Siniotu Atune I ra na arepa pai vavo pa ma, tutir marandi vemarawas e paya verawai pai, ³¹Terompet pimasa pai nari riotu e Siniotu Atu ne nari jemias ine malaikat pa sia e senduir ine kaiwasa pai nanapi dunia nei samabu ata pasi, nana rora wa soperersi wa veito soperesi wa". ³³

VEKOR KAYO ANIAU NANAPI ARA RAVO PAL. (MAKIS 13.28 31, LUKAS 21:29:33)

³²Menggor pi aniau nanapi ara ravo pai. Arawa pa sikake e simararia e sive kikitiri mammo, mendum toapa, deriasi ve wor. ³³Toapana kota, mesajo pi ninesi sive diadi mano, mendum toapa, raria pai dieriasi vesiri. ³⁴Itopa so mia; Pi ninesi nari sive diadi nana kalwasa vetenam nana rabua nine sia aja semboru vura varami pa. ³⁵Rora pai tutir dunia nei, nari sunai, vape Ine kavo pai ma viata to woroi- worol vea". Sa esi ruin raria pai va e diam pai va.

(MARKUS 13:32 37, LUKAS 17.26-30 34-36)

³⁶Sa esi ruin nie raria pai va, pivai nie diam pai va, malaikat venana rora wa sia kota pivai, Allah Atu pai kota pivai, mae jai matauni andi ruina. ³⁷Nana rabua Siniotu Atune nari I rama pa, amamo nie vava pa masi ariri rabua Noak na papo pa. ³⁸Nanapi raria diekariya baba pai varami pa, kaiwasa pai diapi e dunu e, ririau e, toapa jana veito raria Noak su susa kapal pai pa. ³⁹Nanapi rabua die karija baba pai rutub kaiwasa pai vura pa, janama setandor pi vitopi ve diadi pa. Toapa jana kota Siniotu Atune Irama mammo, Ine vava pa toapana kota. ⁴⁰Nanapi raria jani, siniotu pa sumbe muandu sunanaripi na romi mammo, esi pai nari senggori, e esi pai nari sembavuri. ⁴¹Vavi pa esandu suso pas mammo, esi pai nari senggori, e esi

pal nari sembavuri. ⁴²Apavo mesanemipaya, aso sa mendum raria toni mene Sie pai nari ria ma pa va. ⁴³Mesanemipai nine! Masi siniotu vene anio pesi ruin viemanana pi pai nari ria na diru wa ma, na diam toi, amamo sa diena va. Ave amamo siniotu viemanana pi pai su so nie anio pai vape moja pe. ⁴⁴Apavo mia kota, metarama. Aso Siniotu Atune nari I rama nana raria metinduin va pesi.

WOMI VESANEMI RUINA PAI TUTIR WOMI VESANEMI NGANGGAU PAI, (LUKAS 12:41-48)

⁴⁵Jesus kievo rea e dioyo, "Apavo, womi pa toni sane pa tindia e ruina pa? Andi nie tuan pai rusasani e vie mananir so womi esi pa sia pa; ave amamo dion ariri pisias maso sia nanapi diam pai pe. ⁴⁶Vesie vesiri maso womi vetoapa jani, aso nie tuan pai sioverai ma mamu, nari ria samuai i so andia nienari pi pa. ⁴⁷Itopa so mia, nie Tuan pai nari rusasani e vie baba, ave amamo sieyo vedior pi vepau pa vura. ⁴⁸Vape womi jani ngienggau mamu, nari kievo nana sane raro pa e dioyo, ⁴⁹Ine Tuan pai sa sioverai sair va; janama diarai e riora tatir womi esi pa sia, e dunu, e diapi tutir kaiwasa viunu sua pa sia. ⁵⁰Janama nie Tuan pai sioverai nana raria vinduin va pesi. ⁵¹Amamo nari nie Tuan pai subi soi veito kaririona vesiri, e dietori tapur siniotu vetatar pa sia. Nari sesai e setamuaus nana wana.

25

KAVO SORA TARAWA NANAPI KARAVI SURA PA SIA

¹ Nanapi raria Siniotu Atune Irama ariri Sie pa mamu, ne vava pa masi ariri kavo sora tarawa nini: Karavi sura verausara siniotu vio veririau vavoru pa sia, senggor pelita e senda vedior mua vio veririau pai. ²Apa sembe rim senggangau, e rim esi pa sia senduina. ³Karavi rim venganggau pa sia senggor pelita, vape senggor mani verawai va. ⁴Mae karavi rim veruina pa sia senggor pelita tutir mani verawai. ⁵Vape mua veririau pai sisieu, apa karavi pa sembe remo pavo setena. ⁶Veito diru rabua pa, janama setadiawa raopui viumi pai, dumie dioyo, "Mua vio veririau pai ria ma tol Menda vediori ma!" ⁷Apa karavi sura pa sia, sesobata sia e senggair sene Pelita pasi. ⁸Apavo karavi rim venganggau pa sia, sesau so karavi rim veruina pa sia e setoyo, 'Metu mene mani pa katuesa so ama, ava amane pelita nesi sio sivoru. ⁹Amana karavi rim veruina pa sia setoyo, 'Sa diadi val Aso toa mamu, mani nesi sa simasi tata vura ea va! Apavo menda membori na kios. ¹⁰Apa karavi rim venganggau pa sia senda sembori mani. Asiaja senda rami e, mua vio veririau pai ria ma. Amana karavi rim viarama to manau pa sia, setisua usara mua vio veririau pai apui so andiraro pesta pai, e rature pai disioria! ¹¹Janama karavi esi pa sia sendama. Sesau e setoyo, 'Tuani, Tuani, sueva rature pai so ama ¹²Amana mua veririau pai dioyo, 'Ya ma iruin mia va'. ¹³Janama Jesus kievo riawanea e dioyo, "Apavo metaran, aso mendum nie raria pai pivali nie diam pai va.

KAVO SORATARAWA NANAPI TUAN VIO VERA SO UTA VIAROI PAI. (LUKAS 19:11-27)

¹⁴Nanapi raria Siniotu Atune Ira na ma ariri Sie pa mamu, ne vava pa kota, masi tutir kavo soratarawa nini. Siniotu pesi, dio ria so uta viaroi. Apa siau nie womi pa sia e dion dol borai vesiri so sia. ¹⁵Diona e pau so sia pa ariri siri-siri nie vava pa. Dion so esi pa, pipi mas pa siaran rim. Maso esi vesiei ea pa, dion pipi mas pa siaran muandu. E maso esi ea pa, dion pipi mas pa siaran siri. Manau pa ria. ¹⁶Womi vesamuai pipi mas siaran rim pai, sawawara e ria viori pi e dievayana, apa siemuai untun pipi mas pa siaran rim riwanea. ¹⁷Toapana kota womi vesamuai pipi mas siaran muandu pai, siemuai untun siaran muandu riwanea. ¹⁸Mae womi vesamuai pipi mas siaran siri pai ma, ria sieriai kamberei na kakopa wa, e dieniwara nie Tuan pai nie pipi pasi. ¹⁹Woroi vesiri, avori janama womi pa sene Tuan pai vievu ma, apa siauruir sia, ave amamo senduar ariri doi baba dion so sia pai. ²⁰Apa womi vesamuai pipi mas siaran rim pai riama, e diono siaran sura. Kievore dioyo, Tuani, buono pipi mas pa siaran rim maso yau. Ite sueyo, jevajanasipa isamuai untun siaran rim riwanea". ²¹Apa nie Tuan pai kievo so i, e dioyo, "Vesie vesiri, au ma womi viate ne vesanemi tindia ni au. Aso nanapi pi katu nine sie, isanemitiar au pavo, nari yono vepau rawai pesasi so au. Sua e sane vesasie tutir Yau. ²²Janana wormi vesamuai pipi mas siaran muandu pai ria ma, kievore diayo, 'Tuani, buono pipi mas pa siaran muandu so ya to manau, Ite sueyo, jevajanasipa ive untun siaran muandu riwanea.' ²³Apa nie Tuan pai kievo so i e diayo, vesie vesiri, au ma womi viate ni au. Aso nanapi pi katu nine si e, isanemitiar au pavo, nari yono pi vepau rawal pesasi so au. Sua, e sane vesasie tutir yau. ²⁴Janama womi vesamuai pipi mas siaran siri pai, ria ma, kievore dioyo, 'Tuani, iruin au ma siniotu vene kavo so wawotu ni au pana. Ruosu ai buo nanapi uta tuana pi nana va. E buena pi nanapi uta tuetap pimor nana va. ²⁵Imatai pavo, ira itup tuani nomu pipi pai nana kakopa wa raro wa Tuani nomui andi nine. ²⁶Apa Tuan pai kievo so i, e dioyo, 'Au ma womi vetatar e vekawawaru ni au!! ruin to manau toapa, ya ma irosu aibuo nanapi uta itana pi nana va. E jena pi nanapi uta itetap pi mor nana va. ²⁷Tojana mamu, kuor ine pipi pasi pisi nanapi Bank pai vae, ave raria ivavu na ma pai mamu, isamuai sovera ine pipi pasi tutir sine bunga pai vae. ²⁸Apavo menggor pipi pai vurusus, e metoni so siniotu vesamuai pipi mas siaran sura pai ²⁹Aso teini siemual to manau pa, nari setono soi to pau rawai ea, e nari dindawaina. Mae teini viero pa, katu venana i rami pa, nari senggor vurusus kota. ³⁰E wami veve guna va jani, kie ari so vorira vekumuar wa. Ave siai e diemuaus na wana.'"

HUKUMAN VENANAPI RARIA DUNIA NEI KIERIRIA PAI

³¹Samuai Siniotu Atune Irama ariri Raja pa e Ine malaikat pa sia vura sendausara Ya amamo nari Imasoi sasan Yau nanapi Ine karapesa Raja pai. ³²Kaiwasa venana dunia nei vura, nari sioruiri na aropo ne. Avori ipowasa sia ve muandu, ariri gembala pai piowasa domba pasi nanapi kambin pasi pa. ³³Kaiwasa venanari ariri Sien Allah nie sanevesie pai pa sia, nari iruir sia na rawa varavatane, e esi pa sia na rawa vara sarane. ³⁴Janama Raja ne nari ikavo so kaivasa venana vara vata ne sia e jojo, 'Kaiwasa Yai vie berkat pa mia vura, mendama. Mesua na kerajaan vevata somia to manau, nanapi dunia nei vieva retena pa. ³⁵Aso nanapi rabua ivavisi pa, metona e japi, e rabua rao ne parai pa, metona e junu. Ira ve wasa pa, metono uta so Yau, nana mene anio pasi. ³⁶Nana rabua ivaro avavar pa, metono avavar so Yau. Ipota pa, mendemiwari Yau, Inana bui pai pa, menda e metira Yau. ³⁷Amamo nari siniotu jasia senggavore setoyo, 'Sie pa nau, avo raria toni ama sayo Sie pa nau vuevisi e amatona e Sie pa nau buapi pa. Pivai e raomu pa parai e ama tona e Sie pa nau bunu pa? ³⁸Raria toni amasayo Au ariri siniotu vera ve wasa e amatono uta so Au nana amane anio pasi pa? Raria toni vueru avavar e amatono avavar so Sie panau pa? ³⁹Rana toni amasayo Sie panau puota e pivai nuana bui pai e amandemiwari Sien Au pa? ⁴⁰Amamo nari Raja ne Yau, ikavore yoyo, Itopa so mia, nana raria toni menanari pi vetoapa jana, maso ine maneta vekariria nine sia esi pa, amamo ima masi ariri menanari maso Ya pana. ⁴¹Janama nari jara Yau e ikavo so venana rawa sara pa sia e yoyo; "Menda vurusu nine, siniotu vio kambarai ne mia. Mesua na adia naraka vevoru moja va wai. Vevata e vimbe aramana Bilis pai tutir nie malaikat pa sia pai. ⁴²Aso rabua ivavisi pa, metona e yapi va; nanapi rabua raone parai pa, metonae junu va ⁴³Ira ve wasa pa, metono uta so Ya nana mene anio pasi va. Nana rabua ivaro avavar pa, metono avavar so Ya va. Ipota e inana bui pa, mesayo Yau e mendemiwari Ya va. ⁴⁴Amamo nari senggavore setoyo; "Sie panau, avo raria toni ama sayo vuevisi pa, raomu pa parai pa, pivai rua ve siniotu wasa pa, pivai vueru avavar pa, pivai puota pa, pivai nuana bui pai pa, e amandemiwari au va pa?" ⁴⁵Amamo nari Ikavore yoyo: Rabua menggambarai mesayore mendemiwari ine maneta vekariria nine sia esi pa amamo masi ariri menggambarai mesayo Yau e mendemiwari Ya pa. ⁴⁶Amamo siniotu jasia ma nari sesamui hukum, nanapi hukuman vevata to woroi-woroi pai, mae siniotu venanari ariri Sien Allah nie sane vesie pai pa sia ma, nari setenam na vesie pai tutir Sien Allah."

26 BABA YAHUDI PA SIA SESASERA RIA VE AMAMO SETAPUR JESUS PA (MARKIS 14.1-2 LUKES 22.1-2. YOHANES 11:45-53)

¹Jesus tiopan kavo jasi to manau pa, janama kievo so nie murit pa sia e dioyo, ²Menduin toapa raria muandu ea mamo, Raria Baba Paskah pai na, e nari sesiwa Siniotu Atu ne Yau, ave sepa Ya nana akitabai pai. ³Nana rabua jana Imam baba pa sia tutir Yahudi pa sene veve baba pa sia, senduir nanapi Imam Baba mo pai, Kayapas nie anio pai. ⁴Senggavo ariria ve amano setapur Jesus manana e semuni. ⁵Apa senggavore setoyo, "Vape, tananari kavo nine nana Raria Baba wai vape moja, aso nari vediyara e, kaiwasa pai vieririwi vavera."

SEMBUVU MANI VESAIRARA PAI SO JESUS PA. (MARKUS 14:3-9. YOHANES 12:1-6)

⁶Nana rabua Jesus niana Kota Betania pa, nanapi Simon papone vesamui poti pado pai nie anio pai, ⁷Apa vavi pesi riamu so Jesus. Apa kior mani vesairara mo, vian to tariai mo pesi, sesari nanapi botol senanari nana rovuki viate mo nina, Jesus andia miesoi e diapi, amamo vavi pai vuvu mani vesairara pai nana ru pa pa. ⁸Jesus nie murit pa sesayo pa senggasiou. Apa senggavo e setoyo, "Avo mani nei dio meir sararidioi tonine ve? ⁹Mani vesairara nini ma diadi viov e dian to tarai, e nie pipi pasi siona so siniotu vevaro pi pa sial. ¹⁰Jesus ruin sene sanepaya pasi, apa kievo e dioyo, "Aso vitopi metoi suara vavi nei pa. I ma nienari pi viate nina e samui sanandika maso Yau. ¹¹Aso siniotu vevaro pi pa sia ma, asiaja tutir mia tawana, vape Ya ma itutir mia tawana va. ¹²Aso vuvu mani vesairara nini so ine tarai nei pa ma, nienari ariri papo so Yau, aso nari vepir Ja na papi pai pana. ¹³Itopa so mia, nana dunia nei vetutira, na uta topi Sien Allah nie Kavo Vesie pai tiopan nana pa, vavi nei nie pi nienari nine, nari ve topanusara e visanemipai tawana vavi nei kota."

YUDAS VIOV JESUS PA. (MARKUS 14: 10-11, LUKAS 22:3-6)

¹⁴Avori Jesus nie murit suraemuandua pa sia esi nina, vesanomi nanapi Yudas Iskariot pai, ria so imam baba pa sia. ¹⁵Kievo so sia e dioyo, "Ivov Jesus maso mia mamo nari meton vito so yau?" Apa setator pipi ropia perak pa siniotu siri e sura, avori setonasi so Yudas. ¹⁶Nanapi raria jani e, Yudas siesera ria ve amamo viov Jesus.

JESUS DIAN PISIA PASKA PAI TUTIR NIE MURIT PA SIA PA. (MARKUS 14:12-21, LUKAS 22:7-14, 21-23, YOHANES 13:21-30)

¹⁷Nana raria retena pai, nanapi Raria Baba Roti vevaro ragi pai, apa Jesus nie murit pa sia, sendama so I. Setutani e setoyo, Avo uta topi sanevesie ama nanari ariri pisia Paska pai nana maso Au?" ¹⁸Apa Jesus kievo so sia e dioyo, "Menda so siniotu pesinina na Kota wai, metopa so i, e metoyo, "Gurui kievo e dioyo, ine raria pai miesi to manau; Yo inanari Paska pai nana nomu anio nei, tutir ine murit ne sia. ¹⁹Apa Jesus nie murit pa sia, senanari ariri kavo Jesus diemias sia soa pa. Senda sepir ariri pisia Paska pai. ²⁰Diru pa mana, Jesus tutir nie murit suraemuandua pa sia, semasoi e setapi. ²¹Asiaja setapi rami e, Jesus kievo e dioyo, "Metadiawa, mia esi nari viov Yau". ²²Jesus nie murit pa sia setadiawa pa, sesanemi pa

sikariria veito. Apa sia siri- siri dutan Jesus e dioyo, 'Sie panau, jokama ya pe?'²³ Apa Jesus kievo e dioyo, "Siniotu vesuan roti susa mok siri tutir ya pai, andi nari viov ya pa."²⁴ Siniotu Atu ne nari ivoru, ariri vevui to manau nanapi Surat Repo pai pa. Vape, kawai maso siniotu vevov Siniotu Atu ne Ya pai. Vesie pa siniotu jani ma, siniani diavini vape moja va pana".²⁵ Avori Yudas vekavo kavo vata va pai kievo e dioyo, "Sie panau, jokama ya pe? Apa Jesus ruar so i e dioyo, "Ariri kuevo vedia."

JESUS NIENARI MEJA SREN PAI PA (MARKUS 14:22-26 LUKAS 22:15-20 | KARINTUS 11.23-25)

²⁶Seto setapi pa, Jesus kior roti pai, avori diap nadi trima kasi pai. Janama pio savu roti pai, nanapi vara pasi, avori dionasi so nie murit pa sia e dinggavora dioyo, "Menggori, e metani; nini ma ine tarai pai na."²⁷ Manau pa kior mok baba vesara anggur pai, avori vie trima kasi so Sien Allah. Janama dion mok pai so nie murit pa sia e dinggavora e dioyo, "Metunu, mia vura."²⁸ Aso nini ma ine veria venanari ariri Sien Allah nie arer pai na, veria vetavuvu so kaiwasa vepau, ave sesamui ampon so sene tatar pasi.²⁹ Vape itopa so mia, "Sa yunu anggur nini ea va, veitoro nana raria yunu anggur vavoru pai tutir mia, nanapi Yai nie Dunia Vavoru pai."³⁰ Manau pa sendoi ranu som pesi. E manau na jana pa senda so suovavo Saitun.

PETRUS DIASANI SO SA VIEVUR JESUS VA PA. (MARKUS 14:32-42, LUKAS 22:39-46)

³¹Avori Jesus kievo so nie murit pa sia e dioyo; "Nanapi diru nini kota, nari mia vura, membavu vurusu Yau; aso vevui nanapi Surat Repo pai toapa, Sien Allah kievo e dioyo, 'Nari imun gembala pai, e nie domba tau pai miesasiepar.'³² Vape isobata Ya riwanea mamo, nari ipapon mia so Galilea."³³ Apa Petrus kievo so Jesus e diayo, "Veitoro esi ne sia vura sembavur au wo, ya ma sa pivai!"³⁴ Amana Jesus kievo so i e dioyo, "Nanapi diru nini kota, aja kokori pa sisau varami e, nari puoras Ya ve toru".³⁵ Apa Petrus kievore diayo, "Veitoro ivoru tutir Au wo, sa iporas au va! E murit esi pa sia vura, senggavo toa kota.

JESUS VIE NADI NANA ROMI GETSEMANI PA. (MARKUS 14:32-42, LUKAS 22:39-46)

³⁶Manau pa janama Jesus ria tutir nie murit pa sia so uta vesanomi na Getsemani. Avori kievo so sia e dioyo, "Memasoi na nine, e ira so wana e Ive nadi."³⁷ Apa kior Petrus tutir Sebedeus atu pa sandu e sendausari, Janama Jesus sane pa kariria e disamui saneraro vemanasi pesa va.³⁸ Avori kievo so nie murit pa sia e dioyo, "Saneraro ne kariria veito, masi Yo jimboru veivea. Memasoi na nine, e metaran tutir Yau."³⁹ Janama Jesus ria to ve kasau katu, avori disanaebu pasi e vie nadi e kievo e dioyo, "Yai, diadi mamo, buona e kariria nari veter Ya nini, vie kasau vurusu Ya reto. Vape, ariri ine mayar pai va, ariri yai nomu mayar pai vea."⁴⁰ Manau pa Jesus sioverai so nie murit pa setoru, e sieyo mana setoru setena. Apa kievo so Petrus e dioyo, "Avo miama sa mepa va so metaran diam siri tutir Ya vae?"⁴¹ Metaran e membe nadi, ave amamo metera sotoura pai vape moja. Tindia mamo, mene wainunu pasi reto simayar sinanari ariri vetindia pai, vape mepaya va, aso rurawa siniotu pai ma pia va."⁴² Janama Jesus sioverai vie nadi riwanea e kievo e dioyo, "Yai, kariria nini nari tier Ya to, e sa tierir Ya va, amamo ariri Yai nomu sanevesie pai vea."⁴³ Manau pa Jesus sioverai riwanea e so nie murit pa setoru, e sieyo mana setoru setena rami, aso sembe remo veyo.⁴⁴ Apa Jesus ria vurusu sia riwanea vie nadi ve torua pa, e vienadi e kievo na kavo reu kievo na pasi.⁴⁵ Manau pa sioverai riwanea so nie murit pa sia e kievo so sia e dioyo, "Aja metena e memanau marior ramie? Ite mesayo, raria pai miesi to manau so sembovo Siniotu Atu ne Yau, maso siniotu veve tatar pa sembarami pasi pa na."⁴⁶ Mesobata mia, mendama ve tanda. Mesayo! Siniotu vevovo Ya pai, riama to manau."

SETAPU JESUS PA. (MARKUS 14:43-50, LUKAS 22:47-53, YOHANES 18:3-12)

⁴⁷Jesus andia kievo ramie, Yudas, murit suraemuandua pa sia esi nina, riama tutir kaiwasa borai pa esia, senda tutir i, senggor sumbe tutir airora. Imam baba pa sia, tutir veve baba na Yahudi pa sia setamias sia.⁴⁸ Siniotu vevovo Jesus pai tiopan ariri so sia to manau, toapa, "Siniotu teini isum na tararei pa, amamo andina. Metapu tawani."⁴⁹ Sendama so uta pa mana, Yudas ria bura Jesus e kievo e dioyo, "Tabe so Guru au". Janama sum na Jesus tararei pa.⁵⁰ Apa Jesus kievo so i, e dioyo, "Manetai, vitoini ruama soi na nine pa? Janama kaiwasa vepau pa sia sendapo setapu tawan Jesus."⁵¹ Jesus nie murit vena tutir I na jasia esi, piati nie sumbe pai e ditaratuwa Imam Baba mo pai nie womi pai, taradiau pai to tieitu vesiri.⁵² Apa Jesus kievo so nie murit pai e dioyo, "Suosuruv nomu sumbe pai riwanea apui so nie sor pai. Aso teini dio rura tutir sumbe, nari vioru na sumbe."⁵³ Au ma muemon diadi Isau so Yai e dienatu tentara Malaikat pa tau surae muandu e rawai sawawara ma senggota tata pa vae?"⁵⁴ Vape toa mamo, kavo veve arer to manau nanapi Surat Repo pai, nari sive diadi toane? Toapa ave sive diadi mo, ariri nine pino.⁵⁵ Avori Jesus kievo so kaiwasa pai e dioyo, "Avo siniotu viomamu ni Ya te? Apa menda tutir pimamuna e airora ma metitapur Ya pa? Raria pasi vura ma Yeniau na Anio Allah pai, vape metapur Ya va!"⁵⁶ Vape ima toapana to, ave amamo masi tutir nabi pa sembui nana Surat Repo pai pa. Janama Jesus nie murit pa sia vura, sembavur Jesus.

SENGGOR JESUS SO AGAMA PAI NIE RUIR BABA VEKUTU KAVO PAI PA. MARKUS 14:63-65, LUKAS 22:54-55, 63-71, YOHANES 18:13-14, 19-24)

⁵⁷Kaiwasa vetapu tawan Jesus pa sia senggoria so Imam Baba mo, Kayapas, nie anio pai. Yahudi pa sene veve baba pa sia, tutir veve baba na Torat pa sia, senduir sia na wana to manau. ⁵⁸Mae Petrus ma pui usara Jesus e vekasau, ra so Imam Baba mo pai nie varavu pa. Avori Petrus suapui so Imam Baba mo pai nie varavu pa, e miesoi tutir siniotu viarama vediora pa sia, ave amamo sieyo tawan Jesus so nari setoni toane. ⁵⁹Apa imam baba pa sia tutir Agama Yahudi pa sene Ruir Baba Vekutu kavo pai, sesasera veve saksi viawia, ave amamo sepir hukuman voru pai so Jesus. ⁶⁰Apa veve saksi viawia pa sepau vesiri, vape sesamuai ria pesi so setimbe karaki pa va. Avori siniotu pa sumbe muandu, ⁶¹Asandu suroyo, "Siniotu nini kievore dioyo, Ya ma diadi so irura Anio Allah nei e ivauni riwanea nana raria toru vea pa." ⁶²Avori janama Imam Baba mo pai biatai e kievo so Jesus e dioyo, "Avo au ma sa kuevo rera au vurusu saksi ne sia sene kavo setimbe karak au nesi vae?" ⁶³Amana Jesus pie vea. Apa Imam Baba mo pai kievo riwanea so I e dioyo; "Isawor au nanapi Allah vetenam pai e, tuopa so ama, Raja Vekor Slamat, Allah Atu pai andi au mo e?" ⁶⁴Apa Jesus ruar so i e dioyo, "Ariri Tuani kuevo pa. Vape itopa so au, nanapi rabua nine, nari mesayo Siniotu Atune Imasoi ariri Raja nana vepaya na pi vura pai vara vata pa, e nari ira na arepa nana rora wa-ma." ⁶⁵Imam Baba mo pai diediawa Jesus kievo tonine pa, pioraban matauni nie sasu pai, e kievo e dioyo, "Siniotu nei kievo sisiyara Sien Allah, apavo tasasera saksi ea va. Mataun metadiawa nie kavo vesisiyara ne to manau. ⁶⁶Apavo metone sanepaya pasi sitoane?" Amana senduar e setoyo, "Siesara, apavo vioru vea". ⁶⁷Apa sengganisu nanindu re pasi e setumi, esia ma sebasari, avori senggavo so I e setoyo. ⁶⁸Raja vekor Slamat pai andi Au ve vata mo mamu, buap, teini riora Au ne?"

PETRUS PIORAS JESUS PA. (MARKUS 14:66-72, LUKAS 22:56-62, YOHANES 18:15-18, 25-27)

⁶⁹Apavo Petrus ma miesoi na varavu vorira wa. Avori womi vavi pesi rima kievo so Petrus e dioyo, Jokama au kota tutir Jesus siniotu Galilea wai mana. ⁷⁰Amana Petrus pioras na sendemi pasi vura e dioyo, "Ya ma iruin kavo kuevora vedia va." ⁷¹Janama Petrus ria so rature repo vorira wai ea. Apa womi vavi pesi vesiei, sieyori ea, apa kievo so kaiwasa vena ja sia, e dioyo, "Siniotu nini, erine andia kota, tutir Jesus nanapi aniose Nasaret pai." ⁷²Amana Petrus pioras riwanea e siawora e dioyo, "Vata mo e Ya ma iruin siniotu jani va." ⁷³Vorabua va mana, siniotu viosa na jasia, senda ma so Petrus e setoyo, vata mo e au ma sia esini au. Ima veruana vesiri nanapi nomu raopui ne." ⁷⁴Amana Petrus siawora e dioyo, "Vata mo e, ya ma iruin siniotu jani va!" Nanapa diam jani kota e, kokori pa sisau. ⁷⁵Janama Petrus sanepai aso Jesus kievo soi pa, toapa, "Aja kokori pasi sisau varami e, puoras Ya ve toru to manau! Apa Petrus suvi ari so vorira wa, e siai veito miesasera.

27 SENGGOR JESUS A SO PILATUS PA. (MARKUS 15:1, LUKAS 23:1-2, YOHANES 18:28-32)

¹Kausapa vavoru mo pa, Imam baba pasia tutir Yahudi pa sene veve baba pa sia, senggutu kavo ve amamo semun Jesus. ²Apa senggaisu wangga pasi na vara pasi e, senggoria setonia so Pilatus, veve Gubernur nanapi pemerinta Roma pai.

YUDAS NIE VORU PAI. (KISA RASUL-RASUL 1:18-19)

³Avori Yudas vevova Jesus pai, sieyo mana senggutu hukuman voru pai so Jesus pa, mu sane pa. Apa kior sovera ropia vebera siniotu siri e sura pasi a so imam baba pa sia tutir Yahudi pa sene veve baba pa sia. ⁴Yudasi kievore dioyo, "Ive tatar to manau, aso ivova siniotu vevaro sasara pai, veito siemuai hukuman voru pai pa!" Amana senggavo so Yudasi e setoyo, "Ama ma amanduin va. Mataun au ruara!" ⁵Apa Yudasi sio pipi pasi susa Anio Allah pai, e janama suvi e ria dievakiri e mun riwani. ⁶Imam baba pa sia senduri pipi pa sia senggavore setoyo, "Pipi ninesi ma pipi veria. Apavo ariri atoran Agama pai mamu, pipi ninesi ma, sa tapisi nana aiku vepir pi som nanapi Anio Allah pai va." ⁷Janama senggavo arin kavo to manau pa, senggor pipi pasi a setimbori kakopa pesa, setap kakopa jana ve. Venanari kabesu pa sene kakopa pana. Kakopa janama setona ve papi maso siniotu vera ve wasa pasi. ⁸Apa joma veito rabua nine, setap kakopa jana ve, "Kakopa Veria." ⁹Topa jana ve masi tutir nabi Yeremia nie kavo pa, toapa, "Sembe trima ropia tarai vebera pa siniotu siri e sura, kaiwasa Israel pa sia vait senggutu paina, sive vait maso i" ¹⁰E pipi jasi setonasi e setimbori kakopa nana siniotu venanari kabesu, ariri Sien dierer to manau maso ya pa."

PILATUS VIE URUS JESUS PA (MARKUS 15:2-5 LUKAS 23:3-5 YOHANES 18:33-38)

¹¹Diam senggor Jesus a so Pilatus pa, veve Gubernur nanapi uta jana paina, avori Pilatus dutan Jesus e dioyo, "Avo Yahudi pa sene Raja pai andi aue? Apa Jesus ruar e dioyo, "Ariri Tuani kuevo pa." ¹²Vape imam baba pa sia tutir Yahudi pa sene veve baba pa sia, sembe karak Jesus na kavo pa pau, vape dinduar esa va, ¹³Apa Pilatus kievo so Jesus e dioyo, "Avo au ma buediawa kavo borai setimbe karak au wa si vae?" ¹⁴Vape Jesus ruar kavo pesa va. Apa Gubernur pai kievousara veito.

SENGGUTU HUKUMAN VORU PAI SO JESUS PA (MRK. 15:6-15; LUK. 23:13-25; YOH. 18:39-19:16)

¹⁵Nanapi raria Baba Paskah pasi mamo, Gubernur pai suvir siniotu venana bui pa siri, siniotu teini kaiwasa pai sanevesieni. ¹⁶Nana rabua jana pa, siniotu bui veve sano pesi. Sano pa Yesus Barabas. ¹⁷Apa kaiwasa pai ruir to manau pavo, Pilatus dutan sia e dioyo, "Teini mesanemivesie isuviri na bui nei e joni maso mia? Yesus Barabas pai te, Yesus sesau ve Kristus pai e?" ¹⁸Pilatus kievo tojana pa ma, ruin toapa, veve baba na Yahudi pa sia sembova Yesus maso i pa, aso semadidi pana. ¹⁹Pilatus andia miesoi nana anio vekutu kavo pai rami e, vinie pai diemias aso i e dioyo, "Tuetiowara siniotu vevaro sasara vediai nie kavo nei vape moja, aso andi diona mamo, isayo anamiaya viomataiti pasi na radurane pa." ²⁰Amana imam baba pa sia, tutir veve baba na Yahudi pa sia, senggavo amias kaiwasa pai vea, ave amamo sesau so Pilatus e siuvir Barabas, mae Jesus siemuai hukuman voru pai! ²¹Apa Gubernur pai dutan sia riwanea e dioyo, "Nanapi siniotu muandu vedia sandu, teini mesanemivesie isuviri maso mia?" Amana senduar e setoyo, "Amasanemivesie Barabas". ²²Apa Pilatus dutan sia e dioyo, "Tojana pavo, Yesus sesauwa ve Kristus nei ma joni toane? Amana sia vura setoyo, "Pia na akitabat pai!" ²³Apa Pilatus dutan sia e dioyo, "Vape nienari sasara vito? Amana setananar to rawai ea e setoyo, "Pia na akitabat pai!" ²⁴Apavo Pilatus sanepaya mana, diadi so dion plesa es va e kawasa pai dio dingguja. Apa kior, kambu pal, ayori rois rurun vara pasi nara kaivata pal aro po pa e dinggavora e dioyo, "Ya ma ivaro sasara, maso siniotu nei nie veria pail Mia menduaral!" ²⁵Apa kaiwasa pai yura, ruar e dioyo, "Aviri vei vea, ama tutir armane aturma pa sia, amasariowa hukuman pai so nie veria pail" ²⁶Apa janama Pilatus riera Barabas e dioni aso sia, e diemias e sendora Yesus, e dioni a so sia, ave amamo sepai nana akitabat pal.

TENTARA PA SESIAYARA JESUS PA. (MARK 15:16-20 YOHANES 1973)

²⁷Janama Pilatus nie tentara pasia, senggor Jesus apui so anio Gubemur pai, e tentara pa sia vura sesorum wawarir Jesus. ²⁸Avori setita Jesus nie sasu pasi, e sesasuni nana juba veve slanggono pai, ²⁹Senanari wai veve sina pasi ve topi Raja, avori setoni e Jesus tiaruvi. Janama setono ai tato pe si so I, na vara vata pa, avori setisan sene aebu pasi so le sesiajari e setoyo, "Tabe so Raja Yahudi panau!" ³⁰Sengganisu so I, e senggor aitato pai e setindorai na ru pa. ³¹Sesisiajari to manau pa, setita juba veve sianggono pai, avaori sesasuni riwanea nanapi matauni nie sasu pasi, Janama senggori a ve amamo sepa i nana akitabat pai Sepa Jesus nana altabat pai pa. (Makin 1521-32, Lukas 2326-43 Yohanes 1917-27) ³²Senda so ria rabua wa pa, senda samuai siniotu pesi, riana anlose Kirene, sano pa Simon. Setosawawari e sier Iowa Jesus nie akitabat pai ³³Janama sendama so uta vesanomi na Golgota, tandiwa mamo, "Uta siniotu ru sina. ³⁴Na jana pa setona e Jesus dunu anggur vetitiovora tutir pi wopi pai. Vape Jesus riep tatoi to manau pa, kienbarai dunumi. ³⁵Avori sepa I nana akitabat pai, e sembov nie sasu pasi ariri sia nanapi onde. ³⁶Manaupa janama semasol e setarama vedior I na wana. ³⁷Sembui kavo setimbe karaki pat, nanapi ru pa rawa vavo pa, toapa: "Jesus nina, Raja Yahudi paina." ³⁸Sepa siniotu venganggau pa sumbe muandu na akitabat pai kota, tutir Jesus, esi pai na rawa vata, e esi pai na rawa sara pa. ³⁹Kaiwasa vera na jasia, senini sendumi pasi e sesisiajara Jesus. ⁴⁰Senggavore setoyo, "Au buo buari Anio Allah pai e, vuaun riawani nana raria toru pae? Allah Atu pai ni Au ve vatamo mamo, vuar vurusu akitabat pai mesu, ave tueisu vurusual!" ⁴¹Toapana kota, imam baba pa sia, tutir veve baba nanapi Torat pa sla, tutir veve baba nanapi Yehudi pa sia, sesisiajara Jesus kota. Senggavore setoyo, ⁴²Siniotu vevesiei pa sia vori, diona e setaisu vurusu kariria pasi, mae matauni ma diona ve tieisu vurusu kariria pai va, Raja Israel pai na mamo, vesie pa viar vurusu akitabat pai, apino amasanemitiar i pe. ⁴³Sanetiar Sien Allah, e kievore dioyo, I ma Allah Atu paina. Apa ite tasayo so Sien Allah tierir I vurusu kariria nei pe." ⁴⁴Siniotu venganggau sepa nana akitabat tutir I pa sandu kota, sunggavo sisiajari toa pana kota. Jesus nie voru pai. (Markus 15:33-41, Lukas 23:44-49, Yohanes 19:28-30) ⁴⁵Raria rabua pa uta pai vura kumuar jam toru. ⁴⁶Jam toru ravinena pa, Jesus diananar to baba vesiri e dioyo, "Eli, Eli, lama sabakhtani?" tandiwa mamo; "Ine Allah panau, Ine Allah panau, aso vitopi vuvu vurusu Ya pa?" ⁴⁷Siniotu venana ja sia, setadiawa diananar pa, apa senggavore setoyo, "Siau Elia!" ⁴⁸Apa sia esi sawawara e kior bunga karan pai e, suani nana anggur vesiasa pai. Janama suruv kepani nana sasa pai sope pa, avori siosari ajai so Jesus sorepa pa. ⁴⁹Amana esi pa senggavore setoyo, "Nanariari, ave tasayo so Elia riana diona e, tieisu vurusu kariria veteri nei pe!" ⁵⁰Avori Jesus diananar riwanea to baba vesiri e siosorewayou vimanaua pai. ⁵¹Sis gorden vievakir na Anio Allah pai raro pai, miesabu ve muandu, nana vavo wa ravav so douwa. Kakopa pai niniya e wi rovuki pasi simasavu. ⁵²Kubir pa sitasieva e kaiwasa vesanemitiar e vevoru to manau pa sia, sesobata sia riwanea. ⁵³Jesus siobatai nana voru pai to manau pa, vevoru pa sia sesuvi nana kubir pasi, e sesuapui so Kota Yerusalem e kaiwasa pau sesayo sia na wana. ⁵⁴Komandan pai tutir tentara viarama vedior Jesus pa sia, sematai vesiri, aso sesayo mundiya pai tutir pi veveruana pasi vura pa. Apa senggavore setoyo, "Vatae, I ma Allah Atu paina!" ⁵⁵Vavi pa sepau senana jana kota, e sesayo veina viaroi. Asia sendausara Jesus na Galilea e setonanusari pa. ⁵⁶Nanapi vavi nine sia pa, Maria Makdalenai tutir Maria Yakobus-Yusupi susiniami pai, e Sebedeus atu pa sia sesiniami pai.

SEPIR JESUS NA PAPI PAI PA. (MARKUS 15:42-47, LUKAS 23.50-56, YOHANES 19.38-42)

⁵⁷Diru jani pa siniotu kaya pesi, riana uta Arimatea, sanopa Yusup, Jesus nie murit pa esi nina kota. ⁵⁸Ria so Pilatus e siau Jesus nie tarai vevoru pai. Apa Pilatus diemias e setono Jesus nie tarai vevoru pai so Yusuf. ⁵⁹Avori Yusup kior Jesus nie tarai vevoru pai e tievani nanapi sis vemamara vesararepa e vevavoru pesi. ⁶⁰Janama Yusup pir Jesus nie tarai vevoru pai, nanapi matauni nie papi vavosa senanari nana suovavo vietarai vevpal. Manau pa kiediduir rovuki pimasa pesi a disiori

papi pai sore pa, e janama ria. ⁶¹Vape Maria Makdalena tutir Maria vevesiei pai, sumasoi na jana e sundaromi bur papi pai. Siniotu viarama vedior papi pa sia. ⁶²Kasusapa nana raria Sabat pai pa, imam baba pasia tutir Parisi pa sia, senduir e. ⁶³Senda so Pilatus, e setoyo, "Tuani, amasanemi pai so siniotu viawi tituwa wai aja tienam pae kievore dioyo, 'Raria toru to manau mamu, nari isobata Yau'. ⁶⁴Apavo buemias siniotu pesia ve setarama vedior papi pai veito raria veve torua pai, ave amamo nie murit pa sia setamanana nie tarai vevoru pai vape moja, avori setopa so kaiwasa e setoyo siobatai nanapi voru pai to manau. E awia vepui nini ma nari dinggariria rawai retena pa. ⁶⁵Apa Pilatus kievo so sia e dioyo, "Nari jono tentara viarama vediora pesia, janama diemias sia e dioyo; "Menda, ave metarama vedior papi pai to karakuai mo." ⁶⁶Janama senda so papi pai e sembe cap ravuki vesioria pai, e sepir siniotu viarama pa sia, ave amamo esia senda setovavera papi pai vape moja.

28 ²

JESUS SIOBATAI NANAPI VORU PAI PA (MARKIS 16:1-10, LUKAS 24:1-12, YOHANES 20:1-10)

¹Raria Sabat pai kiara to manau e, nana raria ari pai kausapa vavoru mo pa, Maria Makdalena tutir Maria esi pai, sunda susayo papi pai, 2. Worabua va mana mudiya pimasa pesi piot. Sien nie Malaikat pesi viar na rora wa mesu avori kiediduir rovuki visioria pai, e miesoi sasan na rovuki pai vavo pa. ³Malaikat pai re pasi sivava ariri ververa, e nie sasu pasi simamara veito sipokara. ⁴Tentara viarama na ja sia, sematal veito sendiririoyar, e sembava ariri. ⁵Siniotu vevoru. Malaikat pai kievo so vavi pa sandu e dioyo, "Mumatai vape moja! Iruina mana musasera Jesus sepa nana aitavat pai. ⁶Niana nine va. Siobatai to manau, ariri tiopa to manau papo pa. Munda ma musayo uta viata nana ne. ⁷Janama saira e munda, mutopa so nie muirt pa sia, 'Siobatai to manau, e nine ma piepon mia so uta Galilea. Nari mesayori nanapa wana! Musanemi pai tawana kavo vitopi itopana maso mandu to manau pa. ⁸Sawawarae vavi pa sumbavu vurusu papi pai. Susanemi raro pasi sive matai tetiovara sanevesie, surapai a sutopa kavo pa so Jesus nie murit pa sia. ⁹Amana Jesus ria tandoro vavi pa sandu e kievo so sandue dioyo, "Tabe so mandu!" Janama sunda suderiasi, avori sutapu nana ae pasi, e susomi. ¹⁰Avori Jesus kievo so sandu e dioyo, "Mumatai vape moja, e munda ve mutopa so ine maneta pa sia, ave amamo senda so Galilea, nari sesayo Ya na wana."

VEVE BABA NANA YEHUDI PA SIA, SESANEMI SIRI E SETAWIA PA.

¹¹Vavi pa sunda to manau pa, tentara viaran vedior papi pa esia, sesovera so Kota, e setopa sasaar kavo veve diadi ninesi vura so imam baba pa sia. ¹²Apa imam baba pa sia tutir veve baba na Yehudi pa sia, sesanemi siri e setono pipi borai pasi so tentara viarama vedior papi pa sia. ¹³E senggavo so sia e setoyo, "Nari menggavo toapa, metena pavo, Jesus nie murit pa sia senda na diru pa ma senggor nie tarai vevoru pai. ¹⁴E Gubernur pai diediawa kavo nine mamu, nari amanggavo arariai, ave amamo mesamuai hukum vape moja". ¹⁵Apa tentara viarama vedior papi pa sia, senggor pipi pasi, e senanari ariri kavo setarera so sia pasi. Apa joma topanusara ninei, miesiepar usara kaiwasa Yehudi pa sia veito raria nini.

JESUS VIERUANI MASO NIE MURIT PA SIA PA (MRK. 16:14-18; LUK. 24:36-49; YOH. 20:19-23; KIS. 1:6-8)

¹⁶Jesus nie murit surae-siria pa sia, senda so suovavo Galilea, ariri Jesus dierer so sia pa. ¹⁷Sesayo Jesus na wana pa, setisan sene ae bu pasi e sesomi. Vape esia ma sematitiati. ¹⁸Jesus ria dieriasi sia vori kievore dioyo, "Paya saserai venana rora wa, to na dunia nei, sisiwa maso Ya to manau. ¹⁹Apavo menda so kaiwasa vura na dunia nei vetutira, metona e sembe murit so Yau. Mesoiv sia nanapi Tama pai sano pa, e Atu pai e Wainunu Sren pai. ²⁰Metaniau sia ve amamo senanari ariri kavo vitosi itopanas maso mia to manau pa. E mesanempaya, nari itutir mia tawana, veito raria vemanau wai.

Markus

1 YOHANES VIONO KAMBU SREN PAI NIE KAVO ANIAU PAI (MARKUS PASAL 1:1-20)

¹Kavo vesie vetopanusara Jesus Kristus, Allah atu pai andi nine. ²Kavo vesie jani, retena vieva pa, ariri nabi Yesayai vui pa, toapa nine: "Sien Allah kievore dioyo: Ine amias pai nine, Yerniasie piepon au, ave amamo dierara ria so au. ³Siniotu pesi dumi nana mapar rubua pai e diojo: "Venanari ria pesi papo so Sien. Ria nari ria nana pasi, vionasie simasisis. ⁴Ariri kavo vevui ne pa, ariria e Yohanes vieruana nana mapar rubua pai. Sioiv siniotu na Kambu Sren pai, e ditopana Sien Allah nie Kavo pai, e diojo: "Memanau nanapi mene tatar pasi e mesoiv Kambu Sren, ave amamo Sien Allah vie ampun mia pe". Apavo Yohanes kievo toapa jana, ⁵Apa kaiwasa pai vura, nana uta Yudea, e nana Kota Yerusalem, senda setadiawa Yohanes kievo pa. Apa setopa sasaar sene tatar pasi vura, e janama Yohanes sioiv sia nana maria Yordan. ⁶Yohanes siesuni nana sasus juba binatan onta ruvavuru, nie kavavirai pai ma nana binatan rawa. E nie pisia dian pasi ma, nginggisi pai tutir unu venana rei pai. ⁷Kievo toapa nine e dioyo; "Nana karupui ne mamu, nari siniotu vebaba rawai

ya pesi, riamana. E jama diadi so itatuane ireku Nie wai ⁸Sapatu pasi va. Ya ma, isoiv mia nana kambu, vape I ma nari sioiv mia nana Wainunu Sren pai."

YOHANES SIOIV JESUS PA (MAT. 3:13-17; LUK. 3:21-22)

⁹Nana rabua jana pa, Jesus ria nanapi aniose Nasaret, nana uta Galilea ma, e Yohanes sioiv Jesus ¹⁰.Nana maria Yordan, e Jesus tupar nana maria Yordan pa, siejo rora pai tiesieva e Sien Allah Nie Wainunu Sren pai vieva ariri aya kapura e viar avav so Yesus, ¹¹Avori viadiawa Sien Allah raopui pai, kievore diojo; "Au ma Ine Atuma isanemi paya pa au na, au buonae sanene vesie pa."

BILIS PAI SIOTOURA YESUS PA (MAT. 4:1-11; LUK. 4:1-13)

¹²Manau na jana pa, Sien Allah nie Wainunu Sren pai diedidin Jesus raso mapar rubua pai. Niana jana ¹³Raria siniotu muandu, e bilis pai siotouri. Niana jana sesiorana tutir binatan venana rei pasi, e malaikat pasia asiaya setarama vedior I.

JESUS SIAU SINIOTU VERAUSARI RETENA PASIA PA

¹⁴Nana rabua Yohanes niana bui pai pa, Jesus ria so uta Galilea, e tiopana Sien Allah nie kavo vesie pai nana wana. ¹⁵Kievo e diojo: Raria pai miesi to manau. Sien Allah nie Kerajaan pai dieriasi to manau. Memanau mene tatar pasi, e mesanemitiar Injil pai"

YESUS MEMILIH BEBERAPA MURID (MAT. 4:12-22; LUK. 4:14-15; 5:1-11)

¹⁶Jesus ria nana ruru Galilea dere pa, apa siejo siniotu vernupi pa esandu. Simon tutir neta katu Andarias, sunda e sungge diara. ¹⁷Nana ruru pai. Apa Jesus kievo so sandue diojo: "Mundausara Yau. Nari jeniau mandue, mungge." ¹⁸Diara vetapu siniotu". Apa sumbavuru sune diara pasie, surinda usara Jesus. ¹⁹Janama Jesus ria ea, avori siejo samuai mambe-neta pa esandu ea, Yakobus tutir Yohanes, Zebedeus atu pa sanduna. Sumasoi na wa raro pa, e surawar sune diara pasi. ²⁰Jesus siejo sandu pa, disau sandu, apa susobata sandue, sumbavu tamani Zebedeus na wa pai, tutir siniotu sembaite vera usara sia pa sia, e surinda usara Jesus.

SINIOTU WAINUNU VEKARIRIA PASI SISU SOA.PAI (LUK. 4:31-37)

²¹Avori Jesus tutir nie vera usari pa sia, senda so Kota Kapernaun. Janama raria sabat veso usara pai, Jesus sua nana anio ari pai e dieniau kaiwasa pai. ²²Apa kaiwasa viadiawa pasia senggavo usara, aso Jesus nie kavo aniau pasi, aso dieniau kaiwasa pai tutir paya, ombesiei vesiri, nanapi guru agama pa sia. ²³Nanapi diam jani kota, siniotu vetera wainunu vekariria pesi, andiya kota nana anio ari pai raro pa, ²⁴Apa dumie diajo; ne Jesus, siniotu Nasaret vedia nau, avo buo buono vitoi tutir ama? Buo ruama so nine ve mun ama e? Iruin teini au pa. Au ma Sien Allah nie amias veve Sren pai, andi Au. ²⁵Amana Jesus pienesi wainunu vekariria pai e diojo; "Pueja, suvi vurusu siniotu nei". ²⁶Apa wainunu vekariria pasi siono siniotu pai e kiei a kiei ma e dienanar veito baba koburi vesiri e janama wainunu vekariria pasi sisuvi vurusu siniotu pai. ²⁷Apa kaiwasa pai vura setandor veito. E senggavo vavera na matau sia e setojo; wa, avo vitoni tio nine, aniau vavoru nina ea te? Apa tutir paya vebabae, pienesi wainunu vekariria pasie, sisuvi e sikorusari pa. ²⁸Apa sawawara vesiri Jesus vie sano usara uta Galilea vetutira.

JESUS DIONA PANAAM MASO PETRUSI NIONI VAVI PAI TUTIR KAIWASA VEPAU PA ESIA(MARKUS PASAL 1.29-34)

²⁹Jesus tutir nie murid pa sia, sesuvi nana anio ari pai pa, setimasopae senda so Simoni Andriasi sune anio pai. Yakobus, Yohanes sanduya sunda usara sia kota. ³⁰Amana Simoni nioni vavi pai andia visi e viata nana patar diena na pal. Apavo setopani so Jesus. ³¹Apa Jesus ria sieyori, avori dieka rut nana varapa e piobatai, apa nie pota pai mienau e pienaam. Yanama vavi nei biatai diono pi so setapi pa. ³²Ravinena avav to wor pai dio disua pa, amana senggor-rurui kaiwasa vepota pasia, tutir veve pisavi pa sia, maso Jesus. ³³Apa kaiwasa venana aniose pai, siorum nana anio pai repo pa. ³⁴Yanama Jesus diona e kaiwasa vepota pa sia, sepanam nana sene pota sasera pa, e dietavar pisavi pasi vurusu veve pisavi pa sia, e kiembarai diona e pisavi pasi sikavo, aso siruin Jesus to manau pana.

JESUS DIENIAU.NANA GALILEA PA. (MARKUS PASAL 1.35-39)

³⁵Kausapa vavoru mo, aya sapa rami pa, Jesus siobataie ria so uta veseya pesa e, vie nadi nana wana. ³⁶Apa Simoni tutir nie maneta esi pa sia, sesasera Jesus. ³⁷Yanama sesamuai, apa setopa so le setoyo; "Gurue, kaiwasa pai ni siesera Au wa!"³⁸Amana Jesus kievo so sia e diojo; "Mendama ave tanda so aniose esi wasi kota. Ave amamo Itopanusara vesie pai

nana wana kota. Aso pi nine a ona mamu, Irama soa pa." ³⁹ Apa joma Jesus ria e dieniau kaiwasa pai nana anio ari pasi nana uta Galilea vetutira, e ditatavara pisavi pasi pa.

JESUS DIONA E SINIOTU VEPOTA PADO PAI PIENAAM PA (MARKUS PASAL 140-45)

⁴⁰ Siniotu vepota pado pesi rima so Jesus, e disan aebu pasi nana Jesus aropo pa e siau so I e dioyo; "Jai, ka muayar reto nari buona e ipanaam mana." ⁴¹ Apa Jesus sanepai siniotu pai e dieka ruti, avori kievo soi e dioyo; "Imayar. puenam!"

⁴² Nana diam yani kota, nie pota pado pai niai, e pienaam. ⁴³ Yanama Jesus diemiasi e vievu, e ditarera soi e dioyo;

⁴⁴ Sanepaya, sa tuopanusara kavo ne so esi vesiei va, vape rua vueruana au so imam pai e, buona pisom aso puenam to manau pa, ariri Musai dierer pa, ave vueruana so kaiwasa vura, toapa puenam to manau. ⁴⁵ Amana siniotu nei ria e tiopanusara kavone e wopai usara uta pasi vura. Veito Jesus tietar sua e vieruani nana aniose pasi. Miesoi veivea, nana vorira veseya wasi. Toa saridioi e kaiwasa pai ria nana uta vura sendama sol.

2 JESUS DIONA E SINIOTU VETERA POTA TARAI MARERA PAI E PIENAAM PA (MARKUS PASAL 2:1-12)

¹ Kara raria pa esasi to manau, avori Jesus ria so Kapernaum, avori kaiwasa pai diediawa so andia niana anio pai pa.

² Apa sepau vesiri sendama. Sesorum veito uta pai kiotar e, setosa tup rature pai kota. Yanama Jesus tiopanusara kavo Sie pai, maso kaiwasa pai. ³ Apavo andia kievo rami, amana siniotu pa sembe at, sesariowa siniotu vetera pota tarai marera pesi, senggori maso Jesus. ⁴ Vape kaiwasa pai piau veyo pavo, diadi so senda sederiasi Jesus pa va. Apa sesayai so anio pai karu pa, e setita nandau pasi tatera uta Jesus miesoi nana pa ajai. Yanama setuwa siniotu vetera pota tarai marera pai, tutir nie andiau viata nana pai avav. ⁵ Jesus sieyo mana sesanemitiar vevata mo pa, yanama kievo so siniotu vetera pota tarai marera pai e dioyo; "Ine atuma panau, suemuai ampun so nomu tatar pasi to manau." ⁶ Amana siniotu veve baba nana Torat pa esiaya semasaai nana yana kota. Apavo senggavo nana sesanemi raro pasi e setoyo; ⁷ "Siniatu nei vie barani vesiri, apa kievo toyana pa. Sisiyara Sien Allah. Siniotu pesi ma sa piaya so vie ampun tatar pai va, Sien Allah matauni pino?" ⁸ Vape Jesus ruin ariri sene sanepaya pasi to manau. Apa kievo so sia e dioyo; "Aso vitopi menggavo nana mesanemi raro pasi toyana pa?" ⁹ Apavo kavo topi tapisa so tanggavora maso siniotu vetera pota marera nei? Tanggavo toapa; "Suemuai ampun so nomu tatar pasi to manau pa, te? Ite, tanggavo toapa; "Suobatau e kuor nomu andiau pai e yanama rua e?" ¹⁰ Vape, ave amamo Iveruana so miave mendiuna, toapa: "Nana dunia nei vavone, Siniotu Atu ne Yau, Isamuai paya so Ive ampun tatar pa, ¹¹ Yanama Jesus kievo so siniotu vetera pota marera pai e dioyo; "Itopa so au, suobata au e sueriowa nomu andiau pai e, vevu so nomu anio pai." ¹² Apa siniotu pai siobatai e sieriuwa nie andiau pai e suvi e ria siepara kaiwasa pai e vievu. Apa kaiwasa pai tiendor e kievo usara veito, e setisanandika Sien Allah e, setinggavora e setoyo; "Veito nine, vape aya tasayo pi vetonine esa varami.

JESUS SIAU LEWI AVE RIAUSARI PA (MARKUS PASAL 2:13-17)

¹³ Manau na yana pa, Jesus suvi e ria so ruru Galilea dere pai. Apa kaiwasa pai siorum maso-l e dieniau sia. ¹⁴ Jesus ria nana yana pa, sieyo Lewi, Alfeus atu pai, miesoi na kantor vevait pajak nana pai. Apa kievo so i e dioyo; "Rua usara Yau!" apa Lewi siobatai e ria usara Jesus. ¹⁵ Apavo Jesus andia miesoi e diapi nana Lewi nie anio pai. Apa siniotu vera e veruir pajak pa sepau setutir siniotu veve tatar pa sia, semasol e setapi tutir Jesus e tutir Jesus nie verausari pa sia. Aso sepau sendausara Jesus to manau pana. ¹⁶ Apa veve baba nana Torat pa sia, tutir parisi pa sia, sesayo mana Jesus diapi tutir siniotu vera e veruir pajak pa sia, tutir siniotu veve tatar pa sia. Apa setuta Jesus nie murid pa sia e setoyo; "Aso vitopi mene guru pai diapi tutir siniotu vera e veruir pajak pa sia, tutir siniotu veve tatar pa sia pa?" ¹⁷ Jesus diediawa mana senggavo tonine pa kievo so sia e dioyo; "Siniotu vepanaam pai ma siesera dokter va, vape siniotu vepota pai, andi siesera dokter pa. Apavo Irama ne, ave Isau siniotu vetindiya pasi va, vape Isau siniotu veve tatar pasi."

NANAPI VEVE PUASA PA (MAT. 9:14-17; LUK. 5:33-39)

¹⁸ Raria pesi pa, Yohanes viona kambu sren pai nie murid pa sia, tutir Parisi pa sia, sembe puasa. Apa esia sendama setuta Jesus e setoyo; "Aso vitopi Yohanes viono kambu sren pai, nie murid pa sia, tutir Parisi pa sene murid pa sia, sembe puasa. Mae nomu murid ne sia ma piva pa?" ¹⁹ Apa Jesus ruar so sia toapa nine; "Mua veririau vavoru pai andia nia tutir nie tamu pa sia, nana pesta ririau pai raro pa mamu, setapi ri, sa sembe puasa va." ²⁰ Vape nai raria pesi, amamo mua veririau vavoru pai, nari senggori vurusu nie maneta pa sia, apino yanama sembe puasa pe. ²¹ Sa esi diawar sis vevavoru pesi nana sasusawa vemaraba pesi va. Toa mamu nari mieraba ea. Aso nari sis vevavoru pai, piorabana sis tawa pai, amamo vemaraba pai bieba rawai ea. ²² Toapa na kota, sa esi siara anggur vavoru pesi nana kantung binatang rawa vetawawari pesi va. Aso toa mamu, nari anggur pai piorabana kantung pai. Amamo nari anggur vavuru pai tievuvu e kantun pai kota nari miesavu, amamo sanduvurae sunai. Apavo anggur ve vavoru pai ma, siara nana pi kantung vevavoru kota."

MURID PA SETEMA PADI NANA RARIA SABAT PAI PA (MAT. 12:1-8; LUK. 6:1-5)

²³Raria pesi pa, raria sabat nina, apavo Jesus tutir nie murid pa sia senda savu romi padi pesi. Apa murid pa sia setema padi buo pa esasi. ²⁴Apa Parisi pa sia senggavo so Jesus e setoyo; "Aso vitopi nomu murid pa sia, senanari toyana rawain raria Sabat pai pa?"²⁵Amana Jesus kievo so sia e dioyo; "Apavo aya sa metap aso Daudi pi nienari nana rabua Abiatar vie Imam baba pa varami pe? Rabua Daudi tutir nie murid pa sia sembaro pisia e sembavisi pa?"²⁶Amamo Dauti sua nana anio ari baba pai e dian Roti vepir ve pisom so Sien Allah pai e, dioni kota so nie murid pa sia e setani pa. Mae ariri mo mammo sa toa va. Aso Imam pa sia pino seta roti yani pe?"²⁷Yanama Jesus kievo so sia riwanea e dioyo; "Raria Sabat pai ni viediayara mammo siniotu pasi pa va. Vape joma' siniotu pasi sivediayara mammo raria Sabat pai pa." ²⁸Apavo, Siniotu Atune Ya kota, Irawai nanapi raria Sabat pai."

3 SINIOTU VEVARAMI MARERA RAWA SIRI PAI (MARKUS PASAL 3:1-6)

¹Jesus sioverai riwanea e ria so anio ari pai. Apa siemuai siniotu vevarami marera rawa siri pesi. ²Vape siniotu pa esiaya senana yana e separamat Jesus, so diona e siniotu vepota pa sepanaam nana raria Sabat pe, ave amamo sengge sasara so-l. ³Avori Jesus kievo so siniotu vevarami marera rawa siri pai e dioyo; "Ruama, buosa nana rabua ne." ⁴Yanama dutan kaiwasa venana jasia, e diojo; "Ariri atoran agama pai mammo, vitoni diadi so tananari nana raria Sabat pai? Tananari vesie te, tananari kaririae? Tananari vesie maso siniotu e tenam pa te, tamun siniotu e vorue?" Amana, setinggavo va. ⁵Apa Jesus kiesiou e dieduata wawarira sia. Vape sane pa kariria kota, aso sendumi pa sikarakuai veyo pa, yanama kievo so siniotu nei e dioyo; "Buora varamu pai! Apa diorai, amana vara pai pienaam." ⁶Apa siniotu Parisi pa sia sesuvi vurusu anio ari pai e sesanemi siri tutir siniotu Herodiani pa sia, ave amamo semun Jesus.

KAIWASA PAI SIORUM NANA RURU PAI DERE PA (MARKUS PASAL 3-7-12)

⁷Apa Jesus tutir nie murid pa sia sepasi sia e senda so ruru pai dere pa. Apa kaiwasa pa sepau vesiri senda na Galilea, sendausara Jesus, ⁸Sepau kota senda na Yudea, nana Yerusalem, nana uta Idumea e nana maria Yordan rawesi wa, e vena wawarira kota Tirus tutir Sidon. Sia vura sendama so Jesus, aso setadiawa pi nienari pasi pana. ⁹Apavo diemias nie murid pa sia e senggor wa pesi asoi. Ave sia e dievoi nana. Ave amamo kaiwasa pai siorum kobari vape moya. ¹⁰Aso diona e kaiwasa pa sepau sepanaam pavo, esi vepota pasia, setawa papidiara sia bur-l, ave sederiasi mammo setaka buasi veyo ave sepanaam. ¹¹Apa siniotu veve pisavi pa sia ma, sesayo Jesus mammo, sesavaya nana aropo wa avori setanar e setoyo; "Allah Atu pai andi Au!" ¹²Amana Jesus dierer e dioi suara pisavi pasi, ave amamo sitopanusari vape moja. Jesus diri nie murid sura e muandua pa sia pa (Mat. 10:1-4; Luk. 6:12-16) ¹³Avori Jesus siayai so suo vavo pesa. Yanama sia siniotu sane vesiena pa sia. Apa sendama so-l. ¹⁴Yanama diri sembe sura e muandu,, avori kievore diojo; "Jiri mia, ave metutir Jau, ave amamo jemias mia e" ¹⁵Metopanusara Sien Allah nie Kavov Vesie pai, e nari mesamuai paya, so metatavar wainunu vekariria pasi pa. ¹⁶Siniotu sura e sesau ve: (Petrusi, muandu diria pa sia sesanomi pasi nine; Simon), ¹⁷Yacobus tutir neta Yohanes, Sebedeus atu pa sanduna, sandu ma sesau sandu ve; "Boanerges", nana tane kavov mammo: "Atuma kuruya"), ¹⁸E Andarias e Pilipus e Bartholomius, e Matius, e Tomas, e Yakobus, Alpius atu pai e Tadius, e Simon siniotu Zelot pai., ¹⁹E Yudas Iskariot, vevovo Jesus pai.

PARISI PA SIA SESIAYARA WAINUNU SREN PAI PA. (MAT. 12:22-32; LUK. 11:14-23; 12:10)

²⁰Avori Jesus sioverai maso anio pa. Apa kaiwasa pai ria ma siorumi riwanea. Apavo seto setapi mana diadi va. ²¹Apa Jesus nie neta pa sia setadiawa pavo, setoyo senda ma sol, ave setoi suari, ava kaiwasa pai dioyo "Vie pisavi pavo." ²²Siniotu veve baba nana Torate vera nana Yerusalem ma pa sia, senggavo toa kota e setoyo; "Beelzebul su soi", sietan pa sine veve baba paina andi diono paya soi e ditatawara pisavi pasi pa." ²³Avori Jesus sia kaiwasa vesorumi pai vura e kievo ariri so sia, nanapi kavov soratarawa pesi e dioyo; "bilis paima sa dietawar riwana bilis pai va." ²⁴Aso negara pesi sa vie marova tutir matauni riwanea va. Toa mammo, nari negara yani sa diosa to karakuai va. ²⁵Masi toapa anio raro pesi, sesanemi siri va e sembaririwi vei veyo, amamo anio raro yani ma nari kieriria. ²⁶Toapana kota, bilis pai sa biatai e vie marowa tutir matauni riwanea va. Toapana mammo, ima nie raria mienau nana pai, miesi to manau nana pana. ²⁷Kasa esi sua e diewara piesa nana siniotu vepaya pesi nie anio raro pa va. Toa mammo, sa diavit tawana siniotu ve paya wani papori, apino yanama diewara pi nana i pe." ²⁸Itopa so mia ve vata mo, toapa: Siniotu pasi diadi sisamuai ampun so sine tatar pasi, tutir sine kavov sisiayara pasi. ²⁹Vape, teini kievo sisiayara Wainunu Sren pai mammo, i ma sa siemuai ampun va veito woroi-woroi, e nie tatar pai viata to woroi". ³⁰Jesus kievo toapa yana pa ma, aso setoyo wainunu vekariria pai su so I pana."

JESUS TUTIR SINIANIE TUTIR NETA ESI PASIA (MAT. 12:46-50; LUK. 8:19-21)

³¹Yanama Jesus siniani e tutir neta esi pasia sendama, vape setosa nana vorirawa, avori setamias apui so Jesus. ³²Vape kaiwasa pai miesoi wawariri. Apavo setopa so I e setoyo; "Siniamui tutir nomu neta esi pasia, asia sena vorirawa e sesasera Au." ³³Amana Jesus ruar so sia e dioyo; "Siniapai andi teina, e neta pasia teisia?" ³⁴Yanama siesir kaiwasa vemasoi wawariri pai, to masi vori kievore e diayo; "Sinia pai tutir neta pasia nine." ³⁵Aso teini nienari ariri Sien Allah nie sane vesie pai mammo, i ma neta mua paina, e neta vavi paina, e sinia paina."

YESUS TIOPAN ARIRI KAVO SORA TARAWA NANAPI SINIOTU VETETAPA PI MOR PAI NIE TARAI PAL (MARKUS PASAL 4 1-9)

¹Raria pesi pa, Jesus dieniau kaiwasa pal nana ruru pai dere pa. Apa kaiwasa pa sepau vesiri sendama sesorum. Apa ria sia e miesol nana wa viavoi pal, mae kaiwasa vepau pa senana dorei ruru pai dere pa. ²Avori Jesus dieniau kalwasa pai nanapi kavo sora tarawa pesi, ³Dieniau pa kievo so sia toapa nine: "Metadiawal Siniotu viono romi pesi tietapa pi mor nina. ⁴Tietapi pa, pi mor pa esasi sitawa na ria dere pa, apa aya pasi sirama siasi to sikai. ⁵Esasi sitawa na uta veve rovuki e veve kakopa mo va. Apavo saira e sitipu, aso ve kakopa mo va pana. ⁶Vape wor pai disa pa, simaninu e simasa, aso war pasi sisua avav va pana. ⁷Esasi sitawa na uta veve wal sina, apavo wai sina pasi sisop tup asi, to simbaro buo. ⁸Vape pi mor pa esasi kota, sitawa nana kakopa viate, apa pi mor pasi sitipu to vesie, e sive buo e simanua vesiri. Esasi ma sive buo veito rawai na siniotu siri e sura pa, siniotu toru pa, esasi ma veito rawai na utin siri." ⁹Tiopana kavo sora tarawa nini to manau pa, kievore dioyo; "Teini vie taradiau so diediawa pa mamo, ineri diediawa."

ASO VITOPAI JESUS KIEVO NA KAVO SORA TARAWA PAI!" (MARKUS PASAL 4 10-12)

¹⁰Yanama ineri Jesus miesari pa, nie siniotu vera usari pasia, tutir nie murid sua e muandua pasia sendama so I, e sesau e tiopan ariri kavo sora tarawa erine kievo nana pai, tarai pai. ¹¹Apa Jesus kievo so sia e dioyo; "Mia ma mesamuai ria vinduin ariri, Sien Allah nie vava vianiwara pai to manau. Mae kaiwasa vorira pai ma, tatopanusara pi ninesi ma so sia nanapi kavo sora-tarawa pino. ¹²Ave amamo; 'Sesayo nana sendemi, vape sa setapur va. Setadiawa nana sene taradiau, vape sa senduin va. Ave amamo sendama so Sien Allah e Sien Allah vie ampun sia vape moya."

JESUS TIOPAN ARIRI KAVO SORA-TARAWA NANAPI SINIOTU VETETAPA PI MOR PAI. (MAT. 13:18-23; LUK. 8:11-15)

¹³Avori Jesus kievo so sia e dioyo; "Avo menganggau kavo sora tarawa erine pai e ? Avori, kavo sora tarawa esi pasi. Nari menduin asi toane? ¹⁴Siniotu vetetapa pi mor pai, I ma siniotu vetopana Sien Allah nie kavo paina. ¹⁵Mae, pi mor vetetapa nana ria dere pai, i ma siniotu viadiawa Sien nie kavo pai, to masi, vepui bilis pai riam, kior Sien nie kavo vetetapa pai, nana sesanemi raro pasi. ¹⁶Toapana kota, pi mor vetetapa nanapi uta veve rovuki pai, i ma siniotu viadiawa Sien nie kavo pai e, tutir sawawara e sembe tirimai, nana sane vesasie vesiri. ¹⁷Vape, kavo pasi sive war nana sesanemi raro pasi e sikarakuai va. Ineri Sien nie kavo pai, viediyara e, kariria pai tutir susa pai, riam mana sawawara e sesisui sia riwanea. ¹⁸Mae ineri pi mor vetetapa nanapi uta veve wai sina pai, i ma siniotu viadiawa Sien nie kavo pai, vape sesanemi sasera sia so sene tenam pasi, e sane kariria veiso samuai pi to pau rawai pa. ¹⁹Soresisu saserai vura, sisu nana sesanemi raro pasi, apa joma Sien Allah nie kavo pai, kiepa tawana nana sesanemi raro pasi, apa joma sive buo. ²⁰Va pa. e, pi mor vetetapa na kakopa viate pai ma, siora tarawa siniotu viadiawa Sien Allah nie kavo pai e veve tirimai pa sia, asia sembe buo to pau pa, esia ma sura, esiam siniotu toru, esia ma utin siri.

KAVO SORATARAWA NANAPI PELITA VEKUKUV TAWANA NANA KABESU PAI (LUK. 8:16-18)

²¹Avori Jesus kievo so sia e dioyo; "Avo menggair pelita pai mamo, senggukuv tawani nana kabesu e, ite sepiri nana patar pai vavar pae? Mae sepiri nana pelita ae vetur sasana pai vae? ²²Aso, sa piesa itaniwara va, nari veruana, e sa piesa aniwa va, nari masivu. ²³Apavo teini vie taradiau mamo, diediawa!" ²⁴Yanama Jesus kievo so sia riwanea e dioyo; "Mesanempai tawana pi metadiawa nesi; aitato vitoni metitatoa so siniotu vevesiei pa mamo, nari Sien Allah tieto nana kota maso mia e, nari dionae indawai ea maso mia. ²⁵Aso teini siemuai to manau pa, nari setono soi to pau rawai ja. Mae teini dine esa va, amamo nari katu venana I pa, senggor vurusui kota.

KAVO SORATARAWA NANAPI PI MOR VETIPU PAI (MARKUS PASAL 4:26-29)

²⁶Avori Jesus kievo usara nie kavo pa riwanea e dioyo; Sien Allah dio vie pareta ariri Raja pa mamo, siora tarawa ariri siniotu vetetapa pi mor nana romi. ²⁷Apavo diru sasaar, diena-siobatai. Mae pi mor wai andiwa tipu e bieba. Vape, pi mor wai tipu e bieba wa ma, I ma ruin moyara vieva wa va. ²⁸Kakopa pai matauni, andi suvir buo pai. Retena pa kai pai, avori sumo pai, avori buo pasi. ²⁹E gandum wai miasa to manau mamo, diemiase senggor niol sabit vitemana pai, ave setitemani, aso raria pai miesi to manau so viemani pa."

KAVO SORATARAWA NANAPI SESAWI MOR PAI (MAT. 13:31-32; LUK. 13:18-19)

³⁰Avori Jesus kievorea e dioyo; "Apavo nari vitoni tanggavo nanai e, tati tatoariri Sien Allah vie prenta pa? ³¹Nie vava pa, masi ariri sesawi mor pai tietapa e tiana pa. Mor pai miedia rawai pi mor saserai venana dunia nei, ³²Vape, tietapa to manau pa, tipu e bieba e riwai rau esi pasi vura e, vie arawa apavo aya pasi siono karai nana." ³³Tiopanariri kavo Sie pai,

nanapi kavo soratarawa ve toyana pa, pau vesiri maso kaiwasa pai ariri topi tapisa e senduina pa. ³⁴Apavo Jesus dieniau kaiwasa pai mamo, sa vurusu kievo nana kavo soratarawa pa va. Mae ineri miesari tutir nie murid pasia pino, tiopanariri kavo wa tarai wasi maso sia pe.

JESUS DIONAE DIOBARA PAI MIERI PA (MAT. 8:23-27; LUK. 8:22-25)

³⁵Nana raria yani, ravinena to manau pa, Jesus kievo so nie murid pasia e dioyo; "Mendama ve tambo avaru so ruru nei rawesi wa. ³⁶Yanama Jesus sia so wa pai tutir nie murid pasia, vurusu kaiwasa pai nana ruru pai dere pa. Wa pa esasi sinana jana kota. Yanama Jesus tutir nie murid pa sia, sembo avaru so ruru pa dere rawesi pa. ³⁷Worabua vamanya diobara pimasa pesi mun, apa bata pasi sisa so wa pai veito vare semarutu. ³⁸Mae Jesus ma andiya diena nana wa pui wa. Apa nie murid pasia sembauni e setoyo; "Guru, Au ma buena paparo tatae, tatinggariria pa nine?" ³⁹Avori Jesus siobatai e pienesi wana pai e dinggavora so ruru pai e dioyo; "Pueya, e mueri!" Apa yanama wana pai mienau e, ruru pai mieri vesiri. ⁴⁰Yanama Jesus kievo so nie murid pasia e dioyo; "Aso vitopi mematai vey a? Aya mesanenitiar Ya varamie?" ⁴¹Apa sematai veito, e senggavo vavera nana matau sia e setoyo; "Avo siniotu nei ma teinina mo ne, api wana pai tutir bata pasi sikorusara kievo ne pa!"

5 JESUS DIETAVAR WAINUNU VEKARIRIA PASI VURUSU SINIOTU GERASA PAI PA (MARKUS PASAL 5: 1-20)

¹Yanama sendavaru so ruru pai rawesi pa, nana uta vesanomi na Gerasa. ²Erine vori Jesus viar na wa pai pa e, siniotu vetera wainunu vekariria pesi suvi nana suep setona ve papi wasi e ria bur Jesus. ³Siniotu nini ma wainunu vekariria pasi sinana-i, apavo nia veina papi wasi, e sa esi piaya so kiesie tawani pa va, kiesie nana wangga, vape diadi kota va. ⁴Aso senggasia tawana ae vara nana wangga ora, vape piotuwasi. Wangga verutawana ae pasi, pio wawotuasi. Piaya vey a pavo, esi piaya so rutawani pa va. ⁵Diru sasaar mamo, nia veina papi e, suovavo e pi wasi, e ria e dienanar e riora riwani nana rovuki. ⁶Vape ineri sieyo irara apo so Jesus nana dopo wa pa, diepai buria tietuan sol. ⁷E dienanar to baba vesiri e dioyo; "Ne Jesus, Allah atu vetariai mo panau, avo buo buono vito tutir yau? Isau wora nana Sien Allah sano pa e, buo vaveri ya vape moya!" ⁸Kievo toapa yana pa, aso Jesus kievo soi e dioyo; "Wainunu vekariria panau, suvi vurusu siniotu nei pana!" ⁹Yanama Jesus dutani e dioyo; "Sanomu pa teina?" apa ruare dioyo: "Sano pa Legion, aso ama pau pana." ¹⁰Avori siau nendiwana so Jesus, ave amamo diemias wainunu vekariria wasi e sisuvi vurusu uta yana vape moya. ¹¹Na yana kota, pimuna aum pa pau vesiri, siosa deriasi na jana, e siapi na veve sambav pa. ¹²Apavo wainunu vekariria wasi sisau so Jesus e sioyo; "Buemias ama e, arma sua nana pimuna tau wai." ¹³Apa Jesus miayar. Apa wainunu vekariria pasi sisuvi vurusu siniotu pai e, sivavura sira savu pimuna tau pai. Apa pimuna pasi siepai nana veve sambav pa veito sikopa nana veve derewisi pa sasa ruru pai e, sivoru e simarutu. Pimuna pa sipau pa nari siaran muandu. ¹⁴Apa, siniotu vesayo vediora pimuna pasia, setapai setopanusara so kaiwasa venana kota, ra so aniose vena warira pasi vura. Apa kaiwasa pai suvi e ria sieyo. ¹⁵Apa, sendama so Jesus e sesayo mana siniotu vetera wainunu vekariria pai miesoi na jana pa. dievavar to vesiene, mienasi pa, apa kaiwasa pai vura sematai. ¹⁶Yanama kaiwasa vesayo subata siniotu pai tutir pimuna pasi, setopanusarasi ariri vava pai. ¹⁷Apa yanama siniotu vene uta pasia sesau so Jesus, ave amamo vievu vurusu sene uta pa. ¹⁸Yanama Jesus dio sia so wa pal mana, siniotu erine vetera wainunu vekariria nei siau so Jesus ave amamo diota. ¹⁹Amana Jesus miayar va. Apa kievo so sinlotu pai e dioyo; "Vuevu so nomu anio pai, so nomu pasia e tuopanusara pi Sien nienari maso au pa e, diete maso aupa," ²⁰Apa yanama ria e tiopanusara nana aniose Dekapolis, pi Jesus nienari masol pa, apa kaiwasa pai diediawa pa senggavousara veito.

JESUS DIONAE YAIRUS ATU VAVI VEVORU PAI TIENAM EA PA, TUTIR VAVI VESAMUAI POTA SAMIR NIAR PAI PIENAAM PA (MAT. 9:18-26; LUK. 8:40-56)

²¹Jesus sia so wa paie sesovera so ruru pai rawesi pan-ea. Apa kaiwasa pai siorum masoi ea, nana ruru pai dere pa. ²²Apa siniotu veve baba so anio ari pesi nina, sano pa Yairus sieyo Jesus pa ria disanaebu pasi nana Jesus aropo pa e. ²³Siau so-l e dioyo; "Ine atuma vavi wai piota to dio dimborua pa wana, muayar mamo rua suasana varamu pasi rawaini reto, ave amamo pienaam e tienam ea." ²⁴Apa Jesus ria usara Yairus. Vape kaiwasa pa sepau setawa papidiara sia usari. ²⁵Apa vavi pesi kota piota samir-niar pai, tapur pota sembal pai, taun surae muandu. ²⁶Nie pi saserai pa viova to kai, aso dimbait dokter pa sia pa, vape sia esi diona ve pienaam va, e nie pota pai dimanau va. ²⁷Vavi nei diediawa to pau, aso Jesus nie nanaripi pai apa ria siesiorana kaiwasa vepau pai e ria dieriasi Jesus na karupa. ²⁸Aso nie sanepaya pai toapa; "Ivarami buasa nie sasu juba pai vea, nari ipanaam." ²⁹Apa vara buasa Jesus nie sasu jubah pai, apa nanapi diam jani vea, nie veria veriaawa pai mienau. E sane riruin toapa, pienaam to manau. ³⁰Nanapi diam jani kota Jesus sane riruina nanapa nie paya pasi sisuvi nana nie tarai pai. Apa diaraie dieduata kaiwasa pai e duta e dioyo; "Teini dieka buasa ine sasu jubah nei pa?" ³¹Amana nie murid pa setoja so-l e setoyo; "Matau suevo kaiwasa nei piau e setombeito sesobabuasa sia wawarira Au ne vae, 'avori buta e buoyo teini vara buas ya pa?'" ³²Apavo Jesus siejo sasera, ave amamo siejo siniotu teini dieka buasi pa. ³³Apa vavi pai sanepai so pi veve diadi soi to manau ne pa, mietai veito ririojar, apa tiar apo disanaebu pasi na Jesus aro po pa e tiopa sasaar nie vava pa vura. ³⁴Apa Jesus kievo so vavi pai e dioyo; "Ine atuma panau, aso sanetiar Ya pa,

puenaam pa, vuvu tutir vesie, e puenaam na nomu pota pai."³⁵ Jesus andia kievo ramie. Siniotu pesia senda nana Yairus nie anio pa ma, setopa so Yairus e setoyo; "Tuani, nomu atuma vavi pai vioru to manau. Apavo buovaveri Gurui ea vape moja?"³⁶ Amana Jesus diombe ruin va, so kavo setopana wa apavo kievo so Yairus e dioyo; "Muetai va, sanetiar vea!"³⁷ Apa yanama Jesus ria, vape kiembarai esi ria usari. Mae kior pa Petrusi, Yacobus tutir neta katu Yohanes.³⁸ Yanama senda so Yairus nie anio pai. Apavo Jesus sieyo mana sesai e setombeya pa.³⁹ Yanama sua apui kievo so sia e dioyo; "Avo metosai e metombeya so? Atuma nei ma vioru va, i ma diena vea."⁴⁰ Apa semari Jesus. Vape yanama diemias kaiwasa pai vura e suvi to manau pa, kior atuma pai tamani tutir siniani e, tutir siniotu toru verausari pasia e, sesuapui so atuma pai nana uta viata na pa.⁴¹ Apa dieka rut nana atuma pai vara pa e dinggavo soi e dioyo; "Talita kumi!", (tanggavo na tane kavo mamo; "Ne kavi, itopa so au, suobata au!")⁴² Apa vavinggatu pai siobatai e ria, aso vie umur tahun sura e muandu ato, apa kaiwasa vesayo pasia senggavo usara veito.⁴³ Apa dierer kararotu vesiri, ave amamo setopanusara kavone vape moya. Yanama diernias sia e diojo; "Metona e atuma pai diapi".

6²

SETOI-IRARA JESUS NA ANIOSE NAZARET PA (MARKUS PASAL 6 :1-6)

¹Manau nana yana pa, Jesus tutir nie murid pasia, e sendama so matauni nie aniose pa. ²Apa nana raria Sabat pasi mamo, dieniau nana anio ari pai. Apavo kaiwasa viadiawa Jesus nie aniau pai pasia, senggavo usari veito, e setoyo; "Avo siniotu nei dio samuai pi vetoninesi nana topina? E pande vitoni siemuaine, avori dinanari pi viotandori nesi nana vara pasi pa? ³Yokama siniotu nini ma tukang kayu nina mana, Maria atu paina e, Yakopi tutir Yosepi e tutir Yudas e, tutir Simoni e, sene neta paina mana? Yokama raruo vavi pasia sena tutir tatane mana?" Apavo kaiwasa pai dioi pidiari.⁴ Apa Jesus kievo so sia e dioyo; "Nabi pesi nana aniose vevesiei mamo, kaiwasa tietuani. Mae nana matauni nie aniose raro pivai nanapi nie kaiwasa to nie anio raro, amamo sa esi tietuani va."⁵ Apavo Jesus nienari pi viotandori pesa nana aniose yana va. Mae siniotu vepota pa katu esia vea, asia siasana vara pa rawain sia e sepanaam. ⁶Apa Jesus kievo usara veito, aso sesanemitai va pa.

YANAMA JESUS RIA SO ANIOSE VENA WAWARIRA UTA YASIE, DIENIAU KAIWASA PAI (MAT. 10:1, 5-15; LUK. 9:1-6)

⁷Apa, Jesus siau nie murid sura e muandua pasia e, diemias sia e sembe muandu-muandu e diono paya so sia, ave amamo setitativara sietan pasi. ⁸Yanama ditarer so sia toapa sa senggor piesa nana sene rara pai va, senggor aitato vea, mae roti pa ma moya, pipi pa kota moya, ⁹Diadi sembe pake sapatu, vape sa menggor sasu pa muandu va.¹⁰ Avori kievorea e dioyo; "Meto mesua e menana anio pesi mamo, menana yana to, veito mesuvi ea nana kota jani. ¹¹Vape, menda so uta pesa e siniotu venana uta yasia sembe tirima mia va e setadiawa mia va mamo, membavur uta yana. E, mendora upisa wavu venana mendaemi pasi, ave ve sanepaya so sia."¹² Apa yanama Jesus nie murid sura e muandua pa sia sesuvi e senda e setaniau toapa, siniotu pasi ave simanau ve vatamo, nanapi sine tatar pasi. ¹³Jesus nie murid pa sia setatavar wainunu vekariria pasi vurusu siniotu e sesokiara siniotu vepota pa sepau nanapi mani saitun e sepanaam. Yohanes viono Kambu Sren pai nie voru pai (Mat. 14:1-12; Luk. 9:7-9)¹⁴ Apavo, topanusara nanapi Jesus pi Nienari pasi vura, sitopa nusara kota maso raja Herodes, aso Jesus vie sano usara uta pasi vura pana, apavo esia setoyo; "Yohanes viono Kambu Sren paina, andi siobatai na voru pai e tienam riwanea pa, apayoma siemuai paya so nienari pi vio tandori pa."¹⁵ Vape esi pa setoya e setoyo; "I ma nabi Elia nina". Mae esi pasia setoyo; "Nabi nina, ariri nabi ve po mo pasia esi nina."¹⁶ Herodes diediawa pa dioyo; "Yohanes yemias e setara tuwa verumi paina, andi sa siobatai e tienam riwanea ne ¹⁷Aso Herodes ni diemias siniotu e setapur Yohanes e senggovari e niana bui pai raro pa, aso Herodes riaut riwana neta Pilipus, vinie Herodiah pana. ¹⁸Apavo Yohanes kievo so Herodes e dioyo; "Sa ruaat riwana nemetapi vinie pai va." ¹⁹Apayoma Herodiah sane pa kariria so Yohanes e siesera ve mun Yohanes, vape diadi va, aso Herodes dio vedidiori pana. ²⁰Aso Herodes mietai Yohanes, aso ruina, Yohanes ma siniotu vetindia e, Sien Allah nie amias nina pavo, dionae setarama vediori nana bui pai, apavo Herodes kievo tutir Yohanes mamo, Herodes sane raro wa vesie va. Toa saridioiye, Herodes sane vesie diediawa Yohanes nie kavo kievora pasi.²¹ Avori janama Herodias siemuai kasau pesa nana Herodes nie raria vie diadi pai. Raria jani ma Herodes nienari pesta tutir nie Pegawai vetariai pa sia, tutir veve baba na verut pimamuna pa sia, e veve baba nana uta Galilea pa sia. ²²Apavo Herodias atu vavi pai, miesari sua e mieyai-tarian nana pesta pai. Apa Herodes tutir nie kaiwasa vemasoi e viapi tutiri pasia, sesanemi pa sietate vesiri. Apa Herodes kievo so atuma vavi pai e dioyo; "Vitoni sane vesieni e suawi nana ya mamo, suau vea nari yoni so au."²³ Apavo Herodes dierer so atuma vavi pai tutir sawora. Herodes dioyo; "Suau vito vea nari joni. Buoyo suau ine kerajaan nei savaru esa o, nari yona."²⁴ Apa yanama atuma vavi pai suvi e ria duta siniani e dioyo; "Mai avo nari isau vito?" amana siniani ruar soi e dioyo; "Suau Yohanes viono Kambu Sren pai ru pai." ²⁵Apa atuma vavi pai sawawara e sioverai aso Herodes e dioyo; "Isau e buona Yohanes viono Kambu Sren pai ru pa e, tini nana baki pesi maso yau."²⁶ Herodes diediawa kavo nine pa, sane pa ve sai. Vape diadi so dioi irara pa va, aso siawora to manau nana tamu pasia sendaromi po pasi pavo. ²⁷Apa diemias nie siniotu viarama vediori pesi, ave amamo kior Yohanes viono Kambu Sren pai ru pa. Apa ria so bui pai raro pa e, piera tuwa Yohanes ru pai. ²⁸Yanama tina siniotu ru pai

nana baki pai, e kiori dioni so atuma vavi pai. Avori atuma vavi pai kioria dioni so siniani ea. ²⁹Yohanes nie murid pasia setadiawa pa, senda senggor Yohanes nie tarai vevoru pai e sepiri nana papi pai. Jesus dionae kaiwasa siaran rima pasia setapi pa (Mat. 14:13-21; Luk. 9:10-17; Yoh. 6:1-14) ³⁰Yanama rasul Jesus diemiasae vera pasia, sesovera ea ma senduir tutir Jesus e setopanusara sene nanaripi pasi, tutir pianiau senda e senanari to manau pasi so-I. ³¹Apa kievo so sia e dioyo; "Mendama ve tasovera tata tara ve seya pesari, ave amamo memanau marior katuri". Aso kaiwasa pai piau vey e vera e verama pavo, Jesus tutir nie murid pa sia seto setapi mana diadi va. ³²Apa sembo nana wa pai aso uta ve seya pesa. ³³Vape kaiwasa pai sieyo sia e senduin uta senda soa pa to manau pavo, sesuvi nana aniose pasi vura e senduir e senda na dorei vedior sia papon setanota. ³⁴Apavo Jesus viar nana wa pa e sieyo mana sepau vey pa Jesus sanepai sia, aso sieyo mana sembava ariri domba vevoro gembala. Apa dieniau sia nana kavo aniau pa pau. ³⁵Yanama vava ravinena to manau pa, nie murid pasia sendama so-I e setoyo, "Uta ve taitu pina e, o idirua pa nine. ³⁶Vesie pa buemias kaiwasa nei e vievu, ave amamo sembori pisia setan nana aniose vena warira nesi. ³⁷Amana Jesus kievo so sia e dioyo; "Mia metona e setapi". Apa nie murid pa setoyo; "Apavo ama amanda amabori roti vian pipi dinar utin muandu ma ve amatitaum kaiwasa nei e?" ³⁸Apa Jesus kievo so sia e dioyo; "Mae mepir roti pa toi? Ite mesayosi tatoa". Sesayosi to manau pa setoya so I e setoyo; "Roti pa rim, e dia pa muandu." ³⁹Apa yanama diemiase setonae kaiwasa pai miesoi nana samue pa e sembe kuti. ⁴⁰Apa yanama semasoi e sembe kut, utin siri nanapi kut esi, siniotu muandu e sura nanapi kut esi. ⁴¹Yanama Jesus kior roti rima pasi tutir dia muandua pa sandu, avori siasana re pasi so rora wa e siau berkat, manau pa yanama piotatepu roti pasi e dionasi so nie murid pasia, ave amamo sembovsi usara kaiwasa pai vura. ⁴²Apa kaiwasa pai diapi veito miosir. ⁴³Yanama, Jesus nie murid pa sia senduir pisia tamua pai pa, bade sura e muandu sionu. ⁴⁴Siniotu vian roti pasia sepau pa, mua vei vey e sembe siaran rim.

JESUS RIA SASANI NANA KAMBU VAVO PA (MAT. 14:22-32; YOH. 6:15-21)

⁴⁵Manau na yana pa, Jesus diemias nie murid pasia e sesa so wa pai e sembo papo avaru so aniose Betsaida, nana ruru pai rawesi wa, mae diemias kaiwasa pai e vievu. ⁴⁶Manau pa yanama Jesus diauta ayai so wi pai, ave dio vie nadi. ⁴⁷Vava kumuar pa mana, wa pai vietiai ruru wai rabua wa to manau, mae Jesus miesari niana dorei wa rami. ⁴⁸Vape sieyo mana wana pai sio sun sia pavo, sembo to sepava. Apa jam toru sasa vava pa, avori ria sasani nana kambu vavo pa maso sia, e diombe ria kara sia. ⁴⁹Avori sesayo mana ria sasani nana kambu pa vavo pa pa, setoyo wori nina, apa sematai e setananar, ⁵⁰Aso sia vura sesayori to setandor. Amana sawawara e Jesus kievo aso sia e dioyo; "Mepeya/memanasi! Jesus Ya nine, mematai va." ⁵¹Yanama Jesus siayai so sia nana wa pa e, wana pai dimarina. Apa murid pasia senggavo usara veito. ⁵²Aja senduin ariri pi tandor nana roti rima pasi varami. Marabat so senduin aririasi pa.

JESUS DIONAE KAIWASA VEPOTA VE NANA KOTA GENAZARET PASIA SEPANAAM PA (MAT. 14:34-36)

⁵³Yanama Jesus tutir nie murid pasia, sembo avaru sesirieu nana ruru Genazaret, dere pa, e setavoi na yana. ⁵⁴Avori sembiar nana wa pai, amana kaiwasa pai sieyo riru Jesus, ⁵⁵Apa setapai usara uta pasi e senggor kaiwasa vepota pasia e sesariouwa sia tutir patar setena nana pasi, e senggor sia sasera Jesus, nana uta niana pa. ⁵⁶Apavo uta topi Jesus ria soa pa, nana aniose to Kota to Desa pasi, amamo miayar e vepota wasia setaka sendut nana nie sasu juba pai dere pa vey. Apa siniotu vieka verut nana pasia sepanaam vura.

7 SIEN ALLAH NIE PRENTA PASI E, YEHUDI PA SENE BUAI TAWAWARI PASI (MARKUS PASAL 7:1-23)

¹Raria pesi pa Parisi pesia tutir veve baba nana Torat pa esia, senda nana Yerusalem maso Jesus. ²Aso sesayo mana Jesus nie murid pa esia, setapi mamu, setapi tutir sembarami veve rariai pasi e, sendois rurana sembarami pasi papo va ariri atoran agama pai. ³Aso Parisi pasia tutir kaiwasa Yehudi pai vura ma, setapi mamu, sendois rurana sembarami pasi to vesie mo, apino setapi pe. Aso sendu tawana setapumi pasia sene buai tawawari pasi to karakuai pana. Apavo sa setapi varami, ave sendoisa sembarami pa si mo ariri atoran pasi. ⁴Toa pana kota, vitosi semborisi nana pasar wasi mamu, sendois rurana pasi papo, apino setasi pe. E, atoran vevesie pa pau nana setapumi pasia e, sendu tawana to karakuai pa, esa kota. Vetoapa; atoran verois rurana gelas vitunu mae mok e pi senanari nana tembaga pasi. ⁵Apa joma siniotu Parisi pasia tutir veve baba nana Torat pasia, setutan Jesus e setoyo; "Aso vitopi nomu murid pasia, senda ariri tatapumi pasia sene buai tawawari pasi va e, pivai e setapi tutir sembarami verois rurana varami pa?" ⁶Apa Jesus kievo so sia e dioyo; "Siniotu matau vियो vesanemitiar ne mia, nabi Yesayai nie kavo arer kievora e veter mia pai, dimasi mo. Aso vui e dioya e dioyo Sien Allah kievo toapa nine; "Siniotu nine sia, sesom Ya nana sesoremi pa vey. Vape sesanemi raro wasi ma, sive kasau Yau. ⁷Setosom Ya sararidiori vey, aso pi aniau setaniauwa so kaiwasa pasi ma, siniotu sine atoran sina, masi vei ine atoran sina. ⁸Mae Sien Allah nie prenta pasi ma, membe paduriasi va, e siniotu pasi sine atoran pasi mendu tawanasi to karakuai vesiri. ⁹Avori Jesus kievo so sia riwanea e dioyo; "Membe pande vesiri so metawa irara Sien Allah nie prenta pasi pa. Ave amamo mendu tawana matau mene pi aniau pasi. ¹⁰Aso Musai vui e dioyo; Tuetuana tamamui siniamui sandu e; teini kievo sisiayara tamani siniani sandu, amamo siemuai hukuman voru pai. ¹¹Vape mia metoyo; esi kievo so tamani siniani sandu e dioyo; pi yo yona so yai mai mandu pai ni joni ve pisom so Sien Allah tomanau pa," ¹²Arorae I ma metoi suari na pi dio diona so tamani siniani sandu pai, ¹³Apavo matau mene aniau pasi, metonasi so kaiwasa e metawa irara Sien Allah

nie kavo pasi. Vava vetoapa ninesi asia sipau, asi menanarisi pa."¹⁴Yanama Jesus siau kaiwasa pai riam e, kievo sosia e dioyo; "Metadiuwa ve mesansemipai usara to vesie mo. ¹⁵Varo vera nanapi vorira ma vesua na siniotu pasi e vediayara viomadidi pai maso siniotu pasi pa. Soverae pi vesuvi nanapi siniotu pasi, asi sivediayara viomadidi pai maso siniotu pasi pa." ¹⁶"Teini vie taradiu so diediawa pa mamo, yanama ineri diediawa!"¹⁷Yanama Jesus vievu vurusu kaiwasa pai to manau e, suapui so anio pai. Avori nie murid pa sia sendama setutanusari so kavo soratarawa nini. ¹⁸Avori kievo so sia e dioyo; "Avo aya menduina kota varami e? Aya menduina ariri pi vera nanapi vorira wa ma, vesua nana siniotu pasi ma sa sivediayara vio madidi maso siniotu pasi pa vae? ¹⁹Aso vesua wasi ma, sisu sane raro vetindia wai va. Vape sisu so sanewai wasi e sisuvi riwanea nana kambai pai." (Jesus kievo tonine pa ma, veruana toapa Pisia tatan pasi ma siete vura)²⁰Avori Jesus kievo riwanea e dioyo; "Pi vitosi sisuvi nanapi siniotu pasi, asi sivediayara rariai maso siniotu pasi pa. ²¹Aso nanapi raro wa, nanapi siniotu pa sisanemi raro pasi, sanepaya ve kariria sasera vura, sivava nana pa; venanari kavo vavi e, amanapani e, mun siniotu, ²²Venanari kavo tutir veririau e, viawi tituwa e, kavo sisijara e, vinanari kariria sasera vura, vioso pi veja, veruin buai va, sane kariria pi, sanandika, vekambarai viadiawa kavo e kavo nendiwa. ²³Kariria borai ninesi vura, sivava nanapi raro wa e, asi sionae siniotu pasi siomadidi pa."

VAVI SIROPUNIKI VE SANEMITIAR PAI (MAT. 15:21-28)

²⁴Yanama Jesus biatai nana yana pa, ria so uta ve sanomi na Tirus. Apa suapui so anio pesi e niana yana, aso kiembarai esia senduini so niana yana pa. Vape dio dieniwa mana, diadi va. ²⁵Aso vavi pesi nina, atu vavi pai vie pisavi pavo, diediawa Jesus vie sano pa, riam so Jesus e disanaebu pasi nana Jesus aropo pa e tietuan so-l. ²⁶E siau so Jesus, ave amamo dietavar pisavi pasi e sisuvi vurusu atu vavi pai. Vavi nini ma vavi Yehudi nina va, vie diadi na aniose Fenisia na uta Siria.²⁷Amana Jesus kievo soi e dioyo; "Nave atuma pasi siapi papori, aso vesie va so tanggor roti pasi vurusu atuma pasi e tanggeasi so wona pasi pa." ²⁸Apa vavi pai ruar so Jesus e dioyo; "Gurui, ka I ma vata; vape wona venana meja vavar pasi, sian atuma pa sene pisia setane moma vetau avav pasi kota." ²⁹Apa Jesus kievo so vavi pai e dioyo; "Vuevu, aso nanapi nomu kavo kuevora nine, viediayara e pisavi pasi sisuvi vurusu atumbavi to manau." ³⁰Yanama vavi pai vievu so nie anio pai e sieyo mana atu vavi pai viata nana patar pai pa. E pisavi pasi sisuvi vurusui to manau.

JESUS DIONAE SINIOTU VENE TARADIAU POYA E VISOREMI MUMUYA PAI, PIENAAM PA (MARKUS PASAL 7-31-37)

³¹Yanama Jesus suvi nanapi uta Tirus e ria nanapi Sidon maso ruru Galilea, nanapi uta Dekapolis. ³²Apa senggor siniotu vene taradiu poya to visoremi mumuya pesi maso Jesus e, sesau e Jesus siasana vara pasi rawai ni, ave amamo pienaam. ³³Apa yanama Jesus dionae siniotu nei diosa vesiei vurusu kaiwasa pai. Avori siosara varakia pai susa taradiu pasi, avori kienisu e ditaka a rut nana siniotu nei tapare pai. ³⁴Yanama Jesus siasana re pasi e sieyo sasana so rora wa, avori sierap sasie to masi vori kievo so siniotu nei e dioyo; "Efata", tandiwa nana tane kavo mamo: "Tuesivu!" ³⁵Apa taradiu pasi sitasivu e tapare ve marabat pai tiepisa e, yanama kievo to vesie. ³⁶Yanama Jesus dierer so kaiwasa pai vura, ave amamo setatopanusara kavo nine maso esi ea vape moya. Vape Jesus dierer toao, setatopanusara to. ³⁷Apa kaiwasa viadiawa pai kievo usara veito. Senggavore setoyo; "Pi nienari pasi vura siete. Dionae vene taradiu poya pasi siediawa to vesie ne, vesoremi mumuya pasi sikavo to vesie."

8 JESUS DIEUM KAIWASA SIARAN ATA PASIA PA (MARKUS PASAL 8:1-10)

¹Worabua vae kaiwasa pa sepau vesiri senda ea ma. Apa varo pisia so sia. Apa Jesus siau nie murid pasia e dioyo, ²Isanempai kaiwasa nei vey. Aso senda usara ya raria toru e, sembaro pi setan ato. ³Apavo yemias e sembavu tutir sane vavisi mamo, nari sendemi pa sisapuer e setawa na ria rabua wa, aso esia ma senda nanapi uta viaroi ma". ⁴Apa nie murid pasia, setoya soi e setoyo; "Avo nari tatosamuai pisia vepau to sina nanapi uta veseja nine maso kaiwasa borai nini?"⁵Apa Jesus duta nie murid pasia e dioyo: "Mae mepir roti pa toi?" amana murid pa senduar asoi e setoyo: "Rimemuandu." ⁶Yanama Jesus diemiasa kaiwasa pai e, semasoi nana kakopa wa. Avori kior roti rimemuandua pasi e, tiopa trima kasi so Sien Allah e, pio tatepuasi nana vara pasi, avori dionasi so nie murid pasia, ave amano sembovsi so kaiwasa pai. Apa murid pasia senanari ariria. ⁷Sesamuai dia katu pesasi kota. Apa Jesus vie trima kasih so Sien Allah so dia pasi yanama diemiasa nie murid pasia e sembovsi kota. ⁸Apa setapi veito semosir. Yanama murid pasia senduir pisia tamua pai pa, bade pa rimemuandu sionu. ⁹Kaiwasa viapi pai, sepau pa nari sembe siaran at toyana. Avori Jesus dierniasa kaiwasa pale vievu. ¹⁰Mae Jesus tutir nie mirid pasia, sesa so wa pai e semboaso uta vesanomi na Dalmanuta.

SINIOTU PARISI PASIA SESAU PI TANDOR NANAPI JESUS PA (MAT. 16:1-4)

¹¹Siniotu Parisi pasia, senda so Jesus e senggavo vavera tutir Jesus, seto sesotouri e sesau pi tandor pesi, ave veruana toapa riam nanapi Sien Allah. ¹²Apa Jesus diemuaus nana sane raro pa e dinggavora e dioyo; "Aso vitopi kaiwasa rabua nine sia seto sesau e jono pi tandor ne? Piva, sa jono pi tandor vetoapa jani so sia va." ¹³Apa Jesus vievu vurusu sia e, sia so wa pai riwanea e, sembo avaru so ruru pai rawaes pa.

NANAPI SINIOTU PARISI PASIA TUTIR HERODIANI PASIA SENE RAGI PASI (MAT. 16:5-12)

¹⁴Apavo Jesus nie murid pasia, separo senggorg rotie rawai pa, senggorg roti pa siri to vea, nana wa wa. ¹⁵Yanama Jesus kievo so sia e dioyo; "mesanemi pai to vesie mo, ave amamo metarir mia vurusu siniotu Parisi pasia tutir Herodiani pa sene ragi pasi. Ragi pai ma, airawi vinanari roti ave roti pa sisa." ¹⁶Apa senggavo vavera na sia e setoyo; "Kievo wa ma aso tambaro roti pana. ¹⁷Amana Jesus ruin senggavo wa. Apa joma duta sia e dioyo; "Aso vitopi menggavo usara varo roti pa? Aya menduin varami e? Mesanemi raro pa situpe?" ¹⁸Membe re mana mesayo va e? Membe taradiau mana metadiawa va e? ¹⁹Meparo ato pe, raria ipotatepu roti rima pasi so kaiwasa siaran rima pasia pae. Apa nanapi roti tamua menduira pai pa, bade vionu pa toi?" apa senduar soi e setoyo, "Bade surae muandu." ²⁰"Mae nana raria roti rimemuandua pasi, so kaiwasa siaran ata pai pa, bade vionu pa toi, nanapi roti tamua menduira pai? Apa senduar soi e setoyo; "Bade rime muandu." ²¹Yanama Jesus kievo so sia e dioyo; "Aya menduin varami e?"

JESUS DIONAE SINIOTU VEREMI KABER PAI NA ANIOSE BETSAIDA E PIENAAM PA (MARKUS PASAL 22-26)

²²Yanama Jesus tutir nie murid pasia, sendama so aniose Betsaida. Apa senggorg siniotu veremi kabere pesi maso Jesus e, sesau soi ave amamo dieka a rut siniotu veremi kabere pai, ave amamo pianaam. ²³Apa Jesus dieka a rut siniotu vereni kabere pai, vara pa e kiori e susuvi vurusu aniose raro pa. Avori yanama Jesus kienisu susa siniotu veremi kabere pai re pasi e, disasana vara pasi e vara tawana siniotu nei re pasi. Avori dutani e dioyo: "Yanama sueyo samuai piesa e?" ²⁴Apa siniotu veremi kabere pai sieyo topo, avori dioyo: "Isayo siniotu siana, vape sembava ariri ai vera." ²⁵Yanama Jesus siasana vara pasi e, vara tawana siniotu pai re pasi ea, apa yanama siniotu pai diosasera ve siejo. Janama re pasi sipanaam e siejo to vesie. ²⁶Manau, pa Jesus diemiasi e vievu so nie anio pai e, ditarer soi e dioyo: "Vuevu, e suovera ea so kota wai vape moja."

PETRUSI TIOPA VERUANA JESUS PA (MAT. 16:13-20; LUK. 9:18-21)

²⁷Yanama Jesus tutir nie murid pasia, senda so aniose vena siwara Kaisarea Pilipi pasi. Asiaya sena ria pa rami e, Jesus duta nie murid pasia e dioyo?" ²⁸Avo kaiwasa nei diotoyo teini Yau? Apa senduar soi e setoyo: "Esia setoyo, Yohanes vesoiv siniotu nana kambu Sren pai, andi Au". Vape esia kota setoyo: "Elia". Mae esi pa siama setoyo: "Nabi pasia esi nina." ²⁹Avori Jesus duta sia ea e dioyo; "Mae mia ma metotoyo, teini Yau?" Apa Petrusi ruar soi e dioyo; "Au ma Raja vekor vesie pai, andi-Au" (Kristus pai andi Au) ³⁰. Apa yanama Jesus dierer so sia to karakuai vesiri, ave amamo setopanusari so esi vape moya.

JESUS TIOPA WERUANA KARIRIA NARI VETER-L PAI E DITOPANARIRI NIE VORU PAI PA (MAT. 16:21-28; LUK. 9:22-27)

³¹Manau na jana pa, Jesus dieniau nie murid pasia, toapa; "Sien Allah Nie amias ne Yau, nari isamuai kariria pa pau vesiri e, veve baba pasia, tutir Imam baba pasia, tutir guru agama Yehudi pasia, nari semun Ya to Ivoru. Vape, raria veve toru pai, nari isobata Yau e itenam riwanea. ³²Jesus tiopa sasaar kavo ne to masivu vesiri so nie murid pasia. Amana Petrusi sierap irara Jesus tara dere pa e pienesi. ³³Apa Jesus diarai e siesir nie murid pasia, avori mias Petrusi e dioyo: "Rua vurusa, Sietan! Aso au ma sanepai ariri nanapi sanepaya Sie va, vape sanepai ariri nanapi sanepaya siniotu vea." ³⁴Yanama Jesus siau ruira kaiwasa vesorum nana yasia, tutir nie murid pasia. Avori kievo so sia e dioyo: "Teini dio ria usara Ya mamo, vievur nie pi vura. Avori sieriuwa nie akitabai pai e dinda usara Yau. ³⁵Aso teini dioyo siesera tenam viaworoi pai nana matauni, tarir Ya mamo, i ma sa disamuai va. Vape teini viova nie tenam pai e niai, aso sano ne e ine kavo nei mamo, I ma nari siemuai tenam via woroi pai. ³⁶Esi dio sasera ve siemuai dunia nei vetutira e piero Sie pai e, diombeito nie tenam pai kieriria e niai pa. Guna vito? ³⁷Aso nari vitoni tatoni e tatindiwa vori nie tenam pai? ³⁸Teini miemaya ruara Yau tutir ine kavo nei, nanapi kaiwasa ve kariria e ve tatar rabua nini, amamo nari Sien Allah nie amias ne Yau, imamaya iruara siniotu yani kota, nanapi raria isovera na ma tutir Yai nie paya pai pa e, tutir malaikat veve Sren pasia pa."

⁹ ¹Avori Jesus kievo riwanea so kaiwasa vesorum pasia, tutir nie murid pasia e dioyo: "Itopa so mia, toapa: kaiwasa vesorum nine mia, esia ma sa semboru varami, veitoro sesayo Sien Allah nari vie Prenta ariri Raja pa.

JESUS VIERUANA NANAPI NIE RURAWA SIE PAI PA (MAT. 17:1-13; LUK. 9:28-36))

²Manau na janae, kara raria rimesiri toyana. Avori kior Petrusi e Yakobusi e, tutir neta katu pa Yohanes e, senda usari e setauta ayai so wi vavo ve tariai pesi e, semesari nana yana. Yanama sesayo mana Jesus riwa nie vava pa vesiei pa. ³E nie sasusasi simamara to sisanggapara. Siniotu vepap avavar nana dunia ne sia esi kotao, sa piap to mamara e toa va. ⁴Avori nie murid ne setoru sesayo mana, Jesus kievavo tutir Elia Musai sandu pa. Elia Musai sandu ma sumboru papo vesiri,

avori sumberuana sandu tutir Jesus pa⁵ Apa Petrusi kievo so Jesus e dioyo: "Gurue, vesie vesiri so tanana uta nine pa. Vesie mamu, amanggena java pa toru; siri so Gurui Au e, siri so Musai e, siri so Elia." ⁶Petrusi kievo wa ma, ruin ariri kavo kievora wa va. Aso setoru sematai veyu pana.⁷Masi mana arepa pesi riama tievun sia. Avori setadiawa mana raopui pesi kievo nana arepa pai raro pa e dioyo: "Ine atuma isanemipaya pai nine, menggorusara nie kavo pasi!" ⁸Manau e sesayo sasera mana, sesayo samuai siniotu pesi ea va. Jesus miesari tutir sia.⁹Sembiar nana wi pai avav pa, Jesus dierer so sia e dioyo: "Sa metopanusa pi erine mesayora pa so esi vesiei ea va, veitoro Sien Allah nie amias ne Isobata Yau nanapi voru pai." ¹⁰Apavo senggorusara kavo arer ne, vape senggavo usara nana matau sia so Jesus nie kavo vioyo: sobata vurusu voru pai.¹¹Avori setutan Jesus e setoyo: "Aso vitopi Guru Agama Yehudi ne sia senggavore setoyo, Elia nari ria papo ma pa?" ¹²Apa Jesus ruar so sia e dioyo: "Maite Elia nari ria papo ma, ave dionariri pi vura to simasi. Vape nari toane tutir Sien Allah nie amias ne Yau? Aso vitopi vevui nana surat repo pai toapa, nari isamuai kariria pa pau vesiri e, nari kaiwasa sisiyara Ya pa?" ¹³Vape itopa so mia: Elia riama to manau e, kaiwasa dioni sararidiori ariri sene sane vesie. Imasi ariri surat repo pai tiopani pa.

JESUS DIETAVAR WAINUNU VE KARIRIA PAI VURUSU ATUMA PAI PA (MAT. 17:14-20; LUK. 9:37-43A)

¹⁴Yanama Jesus tutir Petrusi e, Yakobusi e, Yohanesi e sesovera so murid esi pasia ea. Apavo sesayo mana kaiwasa pa sepau e sesorum wawarira murid pasia pa. Mae guru agama Yehudi pa esia, senggavo vavera tutir Jesus nie murid pasia pa. ¹⁵Avori kaiwasa vesorum pasia sesayo samuai Jesus pa, setandor veito sawawara e setavuvua so-I.Apa Jesus duta nie murid pasia e dioyo. ¹⁶Vitoni menggavo vavera tutir guru agama Yehudi pasia soi pa?"¹⁷Amana siniotu vesorum pasia esi, kievore diayo: "Gurue ikor ine atuma nei maso Au. Sore pa mumuya, aso wainunu vekariria pai siasai nana pana. ¹⁸Wainunu vekariria pai dio sia soi mamu, kiei a kiei ma e sore pai vie wopapus e, tiorana dere pasi e, sio ve wonggei. Ka isau so nomu murid ne sia, ave amamo setatavar wainunu vekariria pai vurusui, vape diadi va." ¹⁹Apa, Jesus kievo so sia e dioyo: "Siniotu ne mia ma omasi. Mia ma vata moe siniotu vesanemitiar va pa miana. Yokama imasoi tutir mia to woroi e, itituwa usara mia ra so topina ea? Menggor atuma pai maso nine!"²⁰Apa senggor atuma pai aso Jesus. Avori wainunu vekariria pai sieyo samuai Jesus pa, sia so atuma pai e sio ve wonggei e tiawa avav rioyari nana kakopa pa e, vie sore wopapus. ²¹Avori Jesus duta atuma pai tamani e dioyo; "Nie pi vioni nei dioni to woroi ato e?" Apa tamani ruar e dioyo: "Nanapi aya miedia pa" ²². Apavo pi vioni nei dioni to dio muni mamu, kiei susa adia, pivai kiei susa maria. Apavo Sie panau, ka diadi so vue tolong, amamo sanepai ama e, vue tolong ama."²³Amana Jesus kievo soi toapa nine: "Erine kievore buoyo; diadi mamu? Vape teini sanetiar mamu pi vura sive diadi vea." ²⁴Apa atuma pai tamani ditananara e dioyo: "Sie panau isanemitiar, vape ine sanetiar nei miera. Sanepai yau, ave amamo ine sanetiar nei piaya" ²⁵Jesus sieyo mana kaiwasa pai siorum asoi pa, pienesi wainunu vekariria pai e dioyo: "Winunu vekariria viona sore mumuya e, taradiau poya panau. Yetawar au: Suvi vurusu atuma nei e, su riwanea soi vape moyu!"²⁶Apa wainunu vekariria pai dinenanar e dionae atuma pai kiei a kiei ma veito kaririona vesiri yanama suvi vurusu atuma pai. Apa atuma pai buomasi vei vioru. Apavo kaiwasa pai dioyo sa vioru tomanau. ²⁷Amana Jesus dieka rut nana atuma pai vara pa e rusasani. Yanama atuma pai siobatai. ²⁸Manau pa yanama Jesus suapai so anio pai e, nie murid pa sia semesari tutir- I, avori setutani e setoyoa; "Avo toane vori amatatavar wainunu vekariria pai mana diadi va pa?" ²⁹Apa Jesus kievo so sia e dioyo: "Pi veto ninesi ma tatatavarsi mana sa diadi va. I ma tutir nadi pino."

JESUS KIEVO RIWANEANANAPI NIE VORU PAI PA (MAT. 17:22-23; LUK. 9:43B-45)

³⁰Jesus tutir nie murid pasia, sesobata sia nana yana pa, senda kara Galilea, Jesus kiembarai esi ruin uta topi niana pa. ³¹Aso dio dieniau nie murid pasia pana. Apa kievo so sia e dioyo, "Sien Allah nie amias ne Yau, nari sesiwa Ya so siniotu pa sivarami pasi pana e nari semun Yau. Vape semun Yau e kara raria toru mamu, nari isobata Yau ea." ³²Murit pa sia setatara kavo Jesus kievora so sia ne, vape sematai setutani soa.

MURIT PA SENGGA VO VAVERA SO TEINI VIE BABA NA SIA PA (MAT. 18:1-5; LUK. 9:46-48)

³³Yanama Jesus tutir nie murid pasia, sendama so aniose Kapernaum. Senda so anio wa to manau pa, yanama Yesus dutan nie murid pasia e dioyo; "Vitoni erine menggavo vavera soi nana ria rabua wa pa?" ³⁴Amana setindua kavo pesa va, aso senggavo vavera nana ria rabua wa so teini vie baba na sia pa pana. ³⁵Apa Jesus miesoi avav to manau avori, siau nie murid sura e muandua pasia e kievo so sia e dioyo: "Teini dioyo andi vie nomor siri, amamo andi vie siniotu vepui e, vie womi so kaiwasa vura." ³⁶Avori Jesus kior atuma katu pesi a dionae diosa nana sene kasau rabua pa. Yanama Jesus tiepur atuma pai, avori kievo so sia e dioyo, ³⁷Teini vie trima atuma pesi toapa nine nana sano ne (Jesus), amamo i ma vie trima Yau. E teini vie trima Yau, amamo vie trima Yai viamias Ya pai pana."

MURID PA SETARANDUNA SINIOTU VIETAVAR WAINUNU VEKARIRIA NANAPI JESUS SANO PAI (LUK. 9:49-50)

³⁸Avori Yohanes kievo so Jesus e diayo; "Gurue, amasayo siniotu pesi nina, dietavar wainunu vekariria pasi nanapi sanomu pa. Apa amataranduni aso i ma ria usara tata va pana". ³⁹Amana Jesus kievo so sia e dioyo; "Metaranduni vape moya. Aso sa esi nienari pi viotandori pesa nana sano ne, ave disisiyara Ya va. ⁴⁰Aso teini kiorusara tata mammo, i ma niana rawa tata. ⁴¹Mesanemipaya, teini diono kambu pesa e metunu, aso menda usara Raja vekor vesie ne Ya pa, amamo i ma nari siemuai nie vait pai".

TARAI PAI VIEDIAYARA TATAR PAI KOTA, MASO SINIOTU PASI (MAT. 18:6-9; LUK. 17:1-2)

⁴²Teini dionae atuma katu nine esi, sanetiar yau ea va mammo, vesie pa rovuki pesi kiesie nana siniotu yani rao pa e kie nana rawana wa. ⁴³Masi varamu pai viediyara tatar maso au mammo, tuara tuwa varamu pai. Aso tuenam to woroi tutir Sien Allah, nanapi vara rawa siri vea pa, a vesie rawal varamu pa sututira vura e, sua tutir sandu riana adia naraka vevoru moya va wai pa, ⁴⁴wana ma adia pai vioru moya va, e avi pasi sivoru moya va. ⁴⁵E aemu pai viediyara tatar maso au mammo, tuaratuwa aemu pai. Aso tuenam to woroi tutir Sien Allah, nanapi ae rawa siri vea pa, a vesie rawal aemu pa sututira e, sengge au susa adia naraka pa. ⁴⁶wana ma adia pai vioru moya va, e avi pasi sivoru moya va. ⁴⁷E remu pai viediyara tatar maso au mammo, kuewar remu pai. Aso tuenam to woroi tutir Sien Allah, nanapi re rawa siri vea pa, a vesie rawai remu pa sututira e, sengge au susa adia naraka pa. ⁴⁸Wana ma adia pai vioru moya va, e avi pasi sivoru moya va. ⁴⁹Aso siniotu pa siri-siri, nari vie sren rurana nana adia pai, ariri binatan tarai viona ve pi som pasi, nari vie sren rurana nana sasi tarai pai pa. ⁵⁰Sasi tarai pai reto diete, vape vie kambu mammo, sa diadi so tatonaie vie sasi ea va. Apavo membava ariri sasi tarai pai. Metenam nana sane siri pai vavera so mia.

10 JESUS DIENIAU NANAPI VEKE VEVINIEMI PA (MARKUS PASAL 10:1-12)

¹Manau nana yana pa, Jesus ria so uta Yudea, e dinda so uta ve nana maria Yordan rawesi wasi. Nana wana kota kaiwasa borai pesia sendama sesorumi, apa dieniau sia riwanea. ²Apa siniotu Parisi pa esia kota, sendama so Jesus, ave amamo sesotouri. Apa setutani e setoyo; "Ariri tane atoran agama pai, apa diadi so sawa pesi kie vinie pai e?" ³Amana Jesus kievo so sia e dioyo; "Mae Musai nie prenta pasi sirotu toane maso mia?" ⁴Apa senduar so Jesus e setoyo; "Musai ma miayar so veke veviniemi pa, vape vevui surat vingge veviniemi papo ri." ⁵Yanama Jesus kievo so sia e dioyo; "Musai vui prenta nini maso mia pa ma, aso joma mendumi pasi sikarakuai pana. ⁶Aso nanapi dunia nei vieva retena pa, 'Sien Allah nienari siniotu pa sandu, mua pai tutir vavi pai.' ⁷Apa yoma mua pai tierira tamani siniani sandue, vie siri tutir vinie pai, ave amamo sumbe siri pa. ⁸Apa yoma sa sumbe muandu ea va, vape sumbe siri. ⁹Apavo pi vitopi Sien Allah pio ruira to manau pa, sa siniotu pa sipo siepara va." ¹⁰Yanama, senda so anio pa to manau pa, murid pasia setutan Jesus riwanea nanapi kavo erine kievora pa. ¹¹Apa kievo so sia e dioyo; "Teini kie vinie pai e riaut vavi vevesiei pesi, amamo masi ariri nienari kavo tutir vavi yani. ¹²Toapana kota, vinie pai kie sawa pai e, riaut mua vevesiei pesi, amamo masi ariri nienari kavo tutir mua yani."

JESUS VIE BERKAT ATUMA KATU PASIA PA (MAT. 19:13-15; LUK. 18:15-17)

¹³Raria pesi pa, siniotu pesia senggor atuma katu pasia so Jesus, ave amamo vie berkat sia. Amana Jesus nie murid pasia, senggasiou sia. ¹⁴Amana Jesus sieyo pa kiesiou, e kievo so nie murid pasia e dioyo; "Metona atuma pasia ve sendama so Yau. Metoi suara sia vape moya. Aso siniotu vetoapa nine sia, sembe kaiwasa nana Sien Allah nie uta vie prenta nana wa pa. ¹⁵Itopa so mia; "Teini riama so Sien Allah ariri atuma katu va mammo, sa vie kaiwasa nana Sien Allah nie uta vie prenta nana wa va. ¹⁶Jesus kievo tonine to manau mana dieka tiepur atuma pasia, yanama siasan vara pasi rawai sia, siri-siri, avori vie berkat sia.

SINIOTU VEVE KAYA PAI (MAT. 19:16-30; LUK. 18:18-30)

¹⁷Manau na yana pa, Jesus dio suvie ria ea. Amana siniotu pesi, diepai ma soi. Siniotu ne disanaebu pasi nana Jesus aropo pa, avori dutani e dioyo; "Guru viate panau, nari inanari vito, ave amamo isamuai tenam vata viaworoi pai?" ¹⁸Apa Jesus dutani e dioyo; "Aso vitopi buoyo: 'Yete pa? esi ditate va. Sien Allah miesari andi diete pa. ¹⁹Ruin Sien Allah Nie prenta pasi to manau: 'Mun siniotu va, nuenari kavo vavi va, buemananapi va, vue saksi awia va, buawi tituwa va, tuetwana tamamui siniamui sandu.' ²⁰Amana siniotu nei kievo so Jesus e dioyo; "Gurui, prenta ninesi vura, ira aririasi to manau, nana aya ivavoru pa." ²¹Jesus siesir siniotu nei e disanemi pai. Avori kievo soi e dioyo; "Pi pa siri ni andia miesi varami; rua, vuov nomu pi pasi vura, e pipi pasi buonasi so siniotu vevaro pi pasia, ava nari suemuai rar nana rora wa. Manau mammo, yanama ruama, ave rua usara Yau." ²²Siniotu nei diediawa Jesus kievo tonine pa, sanesaserai veito, apa biatai e vievu, aso sanepai usara mana marabat veva, aso vie kaya veva pavo. ²³Apa Jesus siesir wawarira nie murid pasia, avori kievo so sia e dioyo; "Marabat vesiri maso siniotu veve kaya pasi sisua nana Sien Allah nie uta vie prenta ariri raja nana wa. ²⁴Murid pasia setandor e setanuara Jesus nie kavo pa. Amana Jesus kievo riwanea e dioyo; "Ine atuma pa mia, marabat vesiri so vesua nana Sien Allah nie uta vie prenta ariri raja nana wa! ²⁵Onta pesi sua susa ret kamberei pa, ima tapisa rawai siniotu veve kaya pasi sisua nana Sien Allah nie uta vie prenta ariri Raja nana wa." ²⁶Jesus kievo tonine pavo,

nie murid pasia senggavo usara veito, e setuta vavera sia e setoyo; "Toapa yana vori, nari teini siemuai slamat ne?" ²⁷Jesus siesir sia vori kievo so sia e dioyo; "Maso siniotu pasi mammo, sioyo sa diadiva,"

VAPE MASO SIEN ALLAH MAMO, DIADI VEA (MAT. 19:27-30; LUK. 18:28-30)

²⁸Yanama Petrusi kievo so Yesus e dioyo; "Ite sueyo, amambavura amane pisasera pa vura, eamandausara Au ne!" ²⁹Apa Yesus kievo e dioyo; "Itopa so mia ve kavo vatamo, toapa; "Teini vievur nie anio raro pa, pivali neta vava tutir neta katu, pivali raruo vavi, pivali siniani, pivali tamani, pivali atu pasia, pivali nie romi pai aso sanone tutir Sien Allah nie kavo vesie pai pa. ³⁰Siniotu yanima, nanapi rabua nine, nari siemuai to pau rawai ayai ea, so utin siri; nanapi anio to, neta vava e neta katu e, raruo vavi e, siniani e, atuma e, romi e, e nari disamuai kariria pa pau kota. Vape raria dopui mammo, nari siemuai tenam viaworoi pai. ³¹Vape kaiwasa rabua nine vepapo pasia, nari sembe vepui ea. E kaiwasa rabua nine vepui pasia, nari sembe vepapo ea."

JESUS TIOPANA NIE VORU PAI PA (MAT. 20:17-19; LUK. 18:31-34)

³²Jesus tutir nie murid pasia, nanapi sene rara vera so Yerusalem pai pa, Yesus ni piepo sia. Apavo nie murid pasia sesanemisasera. Mae kaiwasa vepui usara sia pasia, sematai. Avori yanarna Yesus siau atapu nie murid pasia riwanea, e tiopana kariria nari veter-l pai, ³³Ninema tanda bura kota Yerusalem pana. Nana wana pino, Sien Allah nie amias ne Yau, sembov Ya so Imam baba pasia, tutir guru agama Yehudi pasia pe. E nari sepir hukuman voru pai so Yau. Manau mammo, sesiwa Yau ea so siniotu kapir pasia sembarami pasi. ³⁴Nari sesisiyara Yau e, sengganisu Yau, sendora Yau, e semun Yau. Vape raria veve toruapai mammo, nari Isobata Yau ea.

YAKOBUS TUTIR YOHANES SUSAU SO JESUS, AVE AMAMO SUNGGASIRI PA (MAT. 20:20-28)

³⁵Avori Yakobus tutir Yohanes, sanduma Sebedeus atupa sanduna. Sundama so Yesus, e sunggavo so-l e suroyo: "Gurue, amusanemitiar toapa, nari buono pi amuro amusauwa nana Au ne, so nandu. ³⁶Apa dutansandue dioyo: "Avo vitoni muro musawi nana Ya pa? Apa sutopa?" ³⁷So-l e suroyo: amuroyo, buonave amunggasir Au, nanapi raria buo veta pareta ariri Raja pa. Ave amamo nandu esi pai, niana rawa vata pa, e nandu esi pai niana rawa sara pa. ³⁸Amana Yesus kievo so sandu e dioyo: Aya munduin ariri pi musawa ne varami. Yokama mupa so murunu susa gelas vesara kariria baba nari yunu nei va pe? E yokama mupa so musua nana kariria baba nari isua nana nei va pe? ³⁹Apa sunduar e suroyo: 'amupaya'. Amana Yesus kievo so sandu ea, e dioyo: "Maite, nari mupaya so murunu susa gelas vesara kariria baba nari yunu nei pa. E nari mupa so musua nana kariria baba nari isua nana nei pa. ⁴⁰Vape ineri maso siniotu nari vekasir Yau nana rawa vata pai, tutir rawa sara pai, Ya ma sa ipa so ikutu pa va. I ma Sien Allah matauni, andi dietapu siniotu tei sia nari semaso nana uta yasi pa. ⁴¹Murid sura esipasia setadiawapa, senggasiou Yakobus, Yohanes sandu. ⁴²Apa Yesus siau ruir sia vura e kievo so siae dioyo: "Menduina toapa, pareta veruin Sie va pasia, sembe pareta kaiwasa mammo, seto wawotu kaiwasa, e sene veve baba pa sia, seto wawotu sia. ⁴³Vape mia ma, sa toa va. Apavo teini diojo vie baba nana mia, amamo siniotu yani, andi tietuana mia, ⁴⁴Mae teini dioyo andi piepo retena nana mia, amamo siniotu yani, andi vie womi so mia vura. ⁴⁵Aso Sien Allah nie amlas ne Yau, irama ve amamo meto adadura Ya va. Vape irama ve amamo Yona adadura kalwasa vepau. E ivovo ine tenam nel, e yimbait vori kaiwasa vepau."

JESUS DIONAE BARTIMEUS VEREMI KABER PAL, SIEYO TO VESIE PA (MAT. 20:29-34; LUK. 18:35-43)

⁴⁶Jesus tutir nie murid pasia, senda so Kota Yeriko to manaue, sesuvi nana Kota Yeriko riwanea, tutir kaiwasa verausari pasia. Amana sendasamual siniotu veremi kabere pesi, miesole dionusara pi, nana ria dere pa. Sano pa Bartimeus, Timeus atu paina. ⁴⁷Diediawa samuai Yesus siniotu Nazaret paini ria tuwa pa, apa siau e dioyo: Yesus, Dauti atu panau, sanepal yaul!" ⁴⁸Amana kaiwasa pai miasi, e setamiasi ve pieya. Vape dumi to ibaba rawal ea, e dioyo, "Dauti Atu panau, sanepal yaul!" ⁴⁹Apa, Yesus ria to diosa eti, avori klevo e dioyo: "Mesawi ma". Apa sesau siniotu veremi kabere pai, e senggavo soi e setoyo: "Pueya, Yesus siau au." ⁵⁰Apa siniotu veremi kabere pai, siototapa nie sasu juba pai e viata, e slobataia sawawara e ria so Yesus. Avori Yesus dutani e dioyo. ⁵¹Avo, sanevesie yonau toane. Amana siniotu veremi kabere pai, ruar so Yesus e dioyo: "Guru, isanemi vesie re nesi sitasivu e isayo." ⁵²Apa Yesus kievo soi e dioyo: "Rua, aso sanetiar ya pavo puenaam to manau". Nanapi diam yani kota, siniotu veremi kabere pai, re pasi simasivu e, sieyo to vesie. E dinda usara Yesus, nanapi nie rara pai.

11 JESUS SUAPUI SO KOTA YERUSALEM PA (MARKUS PASAL 11:1-11)

¹Jesus tutir nie murid pasia, senda sederiasi Kota Yerusalem apa sendama so Kota Betfage tutir Betania, nanapi suovavo Saitun. ²Avori Yesus diemiasa nie murid pa esandu e, supapo. E kievo so sandu e dioyo: "Munda papo apo so aniose venana dopo yana, musua nana aniose yana mammo, nari musayo keledai atu pesi, senggasesi e diosa, e aya esi sia

nana varami. Mundeku wai pai e munggori ma. ³Mae esi dio duta mandu so vitopi mundeku keledai pai pa, amamo muroya soi e muroyo: "Sien siauwi e dio sia nanai e nari sawawara e kior soverai ea ma."⁴Jesus nie murid ne sandu sunda. Apa susamuai keledai atu pesi, senggasesi diosa nana anio pai repo ria dere pa. apa sundeku wai pai. ⁵Siniotu viosa nana yasia, setutan sandu e setoyo; "Avo vitoni mureni vedia, mundeku keledai atu vedia so vito?" ⁶Amana sunduar so sia, ariri Jesus kievo so sandu pa. Apa setonae sunggor keledai atu pai.⁷Sunggori maso Jesus pa, sesasiara keledai pai karu pa nana sene sasu juba pasi, avori Jesus sia e miesoi nana. ⁸Kaiwasa pa sepau setasies sene sasu juba pasi nana ria pai. Esia ma sunggor piriau pasi vori setasiesasi nana ria pai, (Ave setimbe tirima-l e ria sasani nanasi). ⁹Avori kaiwasa verausara Jesus pasia, vepapo e vepui usara e, sia vura sesodiaya e setoyo. ¹⁰Som so Sien Allah! Berkat maso-l, verama nanapi Sien sano nei. Nie Kerajaan nari verama pai, viata to woroi. Tatapumi Dauti nie kerajaan pai na. Som sanandika pai so Sien Allah vetariai mo pai."¹¹Yanama Jesus riamu so Yerusalem. Janama sesuapui so Sien nie anio pai, e ria e siesir wawariri. Manau e, ravinena to manau pa, suvi tutir nie murid surae muandua pasia e, senda so aniose Betania.

JESUS KIESIOU E, PIORASA ARA RAVO PAI PA (MAT. 21:18-19)

¹²Kausapa pa, sesuvi nana aniose Betania pa Jesus vievisi. ¹³Apa sieyo samuai ara ravo pesi diosa na yana, mieriewa veito. Apa Jesus riaburi, dio sieyo so viebuo pe. Amana disayo samuai buo pesi va e, sieyo rau vevereri pasi vea. Aso nana rabua yanama, ara pa aya vebuo varami pana. ¹⁴Apa Jesus kievo so ara ravo pai e dioyo: "Sa bimbe buo ea va". Murid pa setadiawa Jesus kievo pa."

JESUS DIETAVAR KAIWASA PAI VURUSU BAIT ALLAH PAI PA (MAT. 21:12-17; LUK. 19:45-48; YOH. 2:13-22)

¹⁵Yanama Jesus tutir nie murid pasia, sendama so Yerusalem. Avori Jesus ria so Bait Allah pai. Apa dietavar kaiwasa vevovo pi nana pasia. E biari meja sendiwa pipi nana pasi, tutir bangko setimbova aya kapura pasi, ¹⁶E kiembarai esia sunggor pi e, setinda nana Bait Allah pai varavu pa.¹⁷Avori kievo so sia e dioyo: "Sembui nana surat repo pai toapa nine: "Sien Allah dioyo; 'nari setap ine anio pai ve, anjo kaiwasa vura vie nadi nana. Vape metonive, karai maso siniotu viemanana pi pasi." ¹⁸Imam baba pasia tutir veve baba nana Torat pasia, setadiawa kavo nine. Apa sesasera ria ve amamo semün Jesus. Aso semataiti, ava kaiwasa vura, senggorusara prusara nie kavo pasi ato. ¹⁹Vava kumuar pa mana, Jesus tutir nie murid pa sia, sesuvi riwane, nana Kota Yerusalem.

ARA RAVO VEMASA PAI E JESUS DINGGAVO NANA NADI PAI PA (MAT. 21:20-22)

²⁰Kausapa sapa pa, Jesus tutir nie murid pasia, sendasiwara ara ravo pai ea, apa sesayo mana miasa ravav so war wasi. ²¹Apavo Petrusi sanepaiaso kavo ravine Jesus kievo so ara ravo pai pa. Apa Petrusi kievo so Jesus e dioyo; "Gurue, ite sueyo. Ara ravine puorasa paini, miasa to manau ne!"²²Apa Jesus kievo so nie murid pasia e dioyo; "Mesanemitiat Sien Allah. ²³Vevatamo mamu, menggavo so suovavo Zaitun nei e metoyo; "Tuepati arau tuau na dorauwa", amamo nari masi ariri menggavo pa vape mesanemitura va, mesanemitiat toapa pi vitopi mesauwa pa vata mo, nari ariria. ²⁴Apavo mesanemipai tawana, meto membe nadi mesau piesa mamu, mesanemitiat toapa, Sien Allah diono pi mesauwa pa to manau, apavo nari mesamuai. ²⁵E meto membe nadi mamu, e mesanemi rarowasi asia sikariria so esi rami, amamo membe ampun siniotu jani ri. Ave amamo metamami venana rorawai kota, vie ampun mene tatar pasi pe!" ²⁶(Mae membe ampun siniotu vevesi va mamu, metamami venana rora wal kota, sa vie ampun mene tatar pasi va)."

YEHUDI PA SENE VEVE BABA PASIA SETUTAN JESUS PA (MAT. 21:23-27; LUK. 20:1-8)

²⁷Jesus tutir nie murid pasia, sesovera ea so Yerusalem. Apavo Jesus ria wawarira Bait Allah pai raro pa. Apa Imam baba pasia e, veve baba nana Torat pasia tutir Yehudi pa sene veve baba pasia, sendama so-l. ²⁸Apa, setutani e setoyo: "Tutir umaja vito, avori nuenari pininesi pa? teini dion hak jani so au?"²⁹Amana Jesus ruar so sia e dioyo; "Ya kota Yo Juta mia vura, e menduar ine kavo ne mamu, nari Itopa teini nie hak so Jinanari pi ninesi vura pa. ³⁰Yuta toapa: "Yohanes, sioiv kaiwasa nana pi tei nie hak. Nanapi Sien Allah te, nanapi siniotue!"³¹Apa Imam baba pasia, tutir Yehudi pa sene veve baba pasia, senggavo vavera nana matau sia e setoyo: "Tanggavore tatoyo Sien Allah ni diemias Yohanes. Amamo nari dioyo; Avori mesanemitiat Yohanes va pa. ³²Mae tanggavore tatoyo Sien Allah ma diemias Yohanes va, amamo nari kaiwasa nei vieririwi tutir tata!" (Aso kaiwasa nei vura, sesanemitiat toapa, Yohanes ma nabi nina.) ³³Apa senggavo so Jesus e setoyo "Amatinduin va". Apa Jesus kievo so sia e dioyo; "Toyana pavo, Ya kota sa iruara kavo metutana pa va."

12 SORATARAWA NANAPI SINIOTU VENANARIPI NANA ROMI ANGGUR PASIA (MARKUS PASAL 12:1-12)

¹Yanama Jesus kievo so Imam baba pasia, veve baba nana Torat pasia, tutir Yehudi pasia sene veve baba pasia, nana kavo soratarawa pesi e dioyo; Siniotu pesi, tiana romi anggur nina, apa nienari war pesi wawariri. Avori sieriai kamberei

pesi so vinggusara anggur buo pasi pa e, dinanari dora vetariai pesi, ave amamo siniotu viavut pasia, setarama nana. Manau pa yanama dionae siniotu pesia senanaripi nana romi anggur pai. Mae suvie ria so uta vevesiei.² Yanama anggur pa vebuo, e seto sendosui pa, vene romi pai, diemiasa nie siniotu venanaripi soi pesi, e ria so siniotu venanaripi nana romi anggur pasia. Ave amamo setono vait pai, savaru rawesi pai so-I.³ Amana siniotu venanaripi nana romi anggur pasia, setapu tawana siniotu amias nei, avori sendorai e setamiasi e vievu vara vereri.⁴ Apa vene romi pai, diemias siniotu venanaripi soi pesi ea. Amana siniotu venanaripi nana romi anggur pasia, sendora savu rubabua pai, e senaya tatiri e setatavari.⁵ Apa vene romi pai, diemias siniotu venanaripi soi pesi riwa nea. Amana siniotu venanaripi nana romi pasia, semun siniotu amias pai. Apavo senanari toyana vea, maso amias pasia vura; sendora rawesi e semun rawesi.⁶ Apavo vene romi pai tietara siniotu diemiasa ea. Apa vipuia pa, mataun atu mua siri sanepaya mo paina. Andi diemiasi, aso dioyo matauni atu paina pavo, nari setatuani.⁷ Amana siniotu venanaripi nana romi anggur pasia, sesayo riruini atuma pai pavo, setoyo; "Atuma nari verutvori pi vepau pai nine. Mendama ve tamuni, ave amamo tandutvori nie pi vepau nesi ve tata."⁸ Apa setapu tawana atuma pai e, semuni to vioru e, senggei ari so war pai dere vorira pa.⁹ Avori Jesus duta sia e dioyo: "Apavo sinotu vene romi pai nari, diotoane? Nari ria mun siniotu venanaripi nana romi pasia, e diono romi anggur pai so siniotu vevesiei pesi ea."¹⁰ Yokama metap kavo nine nana surat repo to manau, toapa: "Ravuki tukan batu pa senggea pai andi vieva ve, rovuki retena nana, anio rovuki pai samabu pai pa."¹¹ Ninema Sien nie nanaripi baba, viotandori maso tata nina.¹² Yehudi pa sene veve baba pasia, setadiawa kavo soratarawa Jesus kievo nana nei pa, senduin toapa, kavo soratarawa nei, tier sia. Apa setosasera ve, setapur Jesus.Vape sematai kaiwasa pai. Apa senda vurusu Jesus.

SINIOTU PARISI PASIA TUTIR SINIOTU VERAUSARA HERODES PA SIA, SESOTOURA JESUS PA (MAT. 22:15-22; LUK. 20:20-26)

¹³Avori setamias siniotu Parisi pasia, tutir siniotu verausara Herodes pasia, e sendama so Jesus, e sesotouri nana kavo pesa, ave kievo sara mammo, setapuri.¹⁴ Apa sendama so Jesus, e setoyo: "Guru, amanduini toapa Au ma vueruana vetindia pai vea, e kuorusara siniotu pesi nie kavo va. E tuopa Sien Allah nie sanevesie pai to siesaar maso siniotu pasi, e bitator siniotu pa esi va. Apavo ite tuopannariri kavo ne, maso ama, ariri tane atoran agama pasi mammo, nari vevait pajak pai so Kaisar venana Roma wai te, pivae? Nari tambait pajak pai te piva."¹⁵ Amana Jesus ruini sene sanepaya pasi pavo, kievo so sia e dioyo; "Aso vitopi meto mesotoura Ya pa, ite menggor pipi dinar pesi maso Yau."¹⁶ Apa senggor pipi dinar pesi maso-1. Avori Jesus dutan sia e dioyo: "teini sembui nana pipi nei ne?" Apa senduar so-I e setoyo: "Kaisar paina."¹⁷ Yanama Jesus kievo so sia e dioyo; "Toyana pavo, pi vitopi Kaisar pai niu pa, metona so Kaisar pai. Mae pi vitopi Sien Allah niu pa, metona so Sien Allah". Setadiawa Jesus kievo tonine pa, senggavousara veito.

SINIOTU SADUKI PASIA SETUTAN YESUS NANAPI SOBATA VURUSU VORU PAI PA (MAT. 22:23-33; LUK. 20:27-40)

¹⁸Avori siniotu Saduki pa esia, sendama so Jesus. (Saduki pa siana, sene aniau pai dioyo; 'Vevoru pasi sa sisobatasi e, sitenam riwanea va). Apa senggavo so Jesus e setoyo,¹⁹ Gurue, Musai vui kavo pesae ve prenta so tata toapa: "Mua veririau pesi, siemuai atuma va veito vioru, amamo neta katu pai riaut inar pai ea, ave amamo viediyara atuma so netavava vevoru pai."²⁰ Mambe neta pa esia, sembe rimemuandu. Baba pai ririau, vape siemuai atuma va veito vioru.²¹ Avori neta katu pai riaut inar pai, vape I kota siemuai atuma va veito vioru.²² Toapana kota, maso neta katu veve rimemuandua pai. To masi mana, vavi pai vioru kota.²³ Apavo nana raria vevoru pasia sesobata sia pa mammo, nari teini vie sawa soi mo? Aso mambe neta rimemuandua pasia, sendauti vura pavo."²⁴ Apa Jesus kievo so sia e dioyo: "Metatar, aso aya mendum ariri surat repo pai, tutir Sien Allah nie paya pai varami?"²⁵ Aso vevoru pasi sisobatasi nana voru pai ea mammo, sa siririau ea va. Vape sitenam ariri malaekat venana rora pasia.²⁶ Mae maso vevoru pasi sisobatasi ea pa, yokama aya metap nanapi Musai nie buku pai so adia pai sier nana ai parani madidia pasi pa vae. Nanapi ayat yasi sembui toapa: Sien Allah kievo so Musai e dioyo: "Abrahami, Isaki, Yakopi, sene Sie pa Ya nine?"²⁷ Sie yanima, siniotu vevoru pasi sine Sie nina va, vape siniotu vetenam pasi sine Sie nina"

PRENTA VEBABA MO PAI (MAT. 22:34-40; LUK. 10:25-28)

²⁸Avori siniotu vebaba nana Torat pa esi, diediawa mana Jesus kievo tutir siniotu Saduki pa sia pa. E siniotu veve baba nana Torat pai, sieyo mana Jesus ruara kavo setutan pasi to vesie pa. Apa diotutana Jesus riwanea e dioyo: "Prenta to ni bieba rawai nana prenta esi pasi?"²⁹ Jesus ruar so i e dioyo: "Prenta vebaba mo pai, andi: 'Ne kaiwasa Israel pa mia, metadiawa, Sien Allah tane Sie pai, I ma Sien vemesari atapua nina."³⁰ Sanepai Sien Allah, nomu Sie pai, nana saneraro vetutira, e nana nomu wainunu pai vura, e nana nomu pande pai vura, e nana nomu paya pai vura."³¹ Prenta veve muandua pai, andi: "Sanepai siniotu vevesiei pai, ariri sanepai riwana mataun au pa. Prenta muandu nine sandu, subaba rawai prenta esi pasi vura."³² Avori siniotu veve baba nana Torat pai kievo so Jesus e dioyo: "Gurui tindi vesiri. Kavo kuevora vediaa, vevata: "Sien Allah, Sie vemesari atapua nina, Sie pesi vesiei ea va."³³ Apavo siniotu pasi sisanemipai Sien Allah tutir sane raro vetutira, tutir pande pai vura, tutir paya pai vura. E sisanemipai siniotu vevesiei pasi ariri sisanemipai riwa mataunasipa. Nine a vesie rawai pi som saserai viona maso Sien Allah pasi."³⁴ Jesus sieyo mana siniotu

veve baba nana Torat pai, ruar ariri kavone to tindi vesiri. Apa Jesus kievo so i e dioyo: "Aurna vue kasau Sien Allah va ato, na nie uta nari vie prenta nana ariri Raja pa. Manau na yana pa, esi piaya so dutananusara Jesus ea va.

APAVO, RAJA VEKOR SLAMAT PAI MA DAUTI ATU NINA E (MAT. 22:41-46; LUK. 20:41-44)

³⁵Jesus dieniau kaiwasa pai, nana Bait Allah pai pa, duta e dioyo: "Aso vitopi veve baba nana Torat pasia, senggavo e setoyo: "Kristus ma Raja Dauti atu nina pa?" ³⁶Areto Dauti matauni ri Wainunu Sren pai su nana i e kieveo dioyo: "Sien Allah kievo so ine Sie paie dioyo: 'muesoi nana vara vatane, veito yonae veve marova tutir au nesia, setatuan so Au ri'

³⁷Apavo Dauti matauni ri siau Kristus ve nie Sie paina, avori siawi ea ve atu pa, nari toane. Kaiwasa vesorum nana Bait Allah pasia, sesanemi vesie vesiri, so setadiawa Jesus dieniau pa.

JESUS DIONO KAVO SANEPAYA, NANAPI VEVE BABA SO TORAT PASIA SENE VAVA PASI (MAT. 23:1-36; LUK. 20:45-47)

³⁸Apa kievo so sia e dioyo: "Mesanemipaya to vesie, aso veve baba nana Torat ne sia, seto senda mammo, sesasun sia nana sasu jubah viaririoisi, e sesanemi vesie kaiwasa tietuan sia nana pasar wasi. ³⁹E nana anio ari pasi mammo, sesanemi vesie semasoi nana uta siniotu veve baba pasia, semasoi nana pasi. ⁴⁰Setawi inar pasie, senggor sene pi sasera pa, to kai vesiri. E setotatupa sene kariria wasi, nanapi nadi viaririoisi. Siana nari sesamuai kariria vemarabat rawai, aso sene tatar ninesi.

INAR PESI NIE PI SOM PAI (MAT. 26:36-46; LUK. 22:39-46)

⁴¹Jesus niana Bait Allah pai pavo, miesoje arokora aiku katu vetin pipi pai. Apa miesoie siesir kaiwasa vesuae veke pipi susa aiku pasia. Apavo siniotu veve kaya pasia ma, setono pipi to pau vesiri. ⁴²Avori inar vevaro pi pa esi, ria kota apa diono nie pipi sen pa, muandu to. ⁴³Apa Jesus siau nie murid pasia, avori kievo so sia e dioyo: "Itopa so mia, toapa, inar nei nie pi diona wa, a pau rawai kaiwasa esiwasia, pi setona wasi. ⁴⁴Aso siana, pi sesamuai to verawai pasina, asi setonasi wa. Mae inar pai ma, viero pi vesiri, vape pi katu siemuai, nari tienam nana pasina, asi dionasi vura wa."

13 JESUS KIEVO NANAPI BAIT ALLAH PAI SO NARI MIERURA PA (MARKUS PASAL 13:1-2)

¹Jesus suvi nana Bait Allah pai pa, nie murid pa esi, kievo so-l e dioyo: "Gurui, ite sueyo, anio sembauna nesi, siete vesiri. E siesir rovuki setaur nesi, sietate vesiri" ²Avori Jesus ruar soi, e dioyo: "Sueyo anio rovuki baba viosa ninesi, nari simarura. E, sa rovuki pesi tur sasana nana esi ea va vura nari sitabari.

JESUS KIEVO NANAPI, KARIRIA VIPUI MO WAI PA (MAT. 24:3-14; LUK. 21:7-19)3

³Yanama Jesus ria so suo vavo Saitun, e miesoi nanae aro bura Bait Allah pai, avori Petrusie, Yakobusie, Yohanesie, tutir Andariasie, semesari tutir Jesus pa, yanama senggavo so-l, e setoyo, ⁴"Ite tuopandariri so ama. Raria toni nari kavo tuopana ninesi sive diadi? e pi vitosi nari siveruana, raria pai miesi nana pa?" ⁵Apa Jesus ruar so sia e dioyo: "Mesanemipaya to vesie mo, ave esia setawitituwa mia vape moya. ⁶Aso nari esia sendama, e senggor sanone setoyo: "Kristus pa ya nine. Amamo nari setawitituwa kaiwasa pa sepau. ⁷E nari metadiawa mamuna pai riotu, tutir marova pai. Amamo mematai vape moya. Aso nari simasi ariria to. Vape, raria vimanauwa pai ma, aya piva rami. ⁸Aso nari kaiwasa pai biataie mun vaveri, e negara pasi sibatasie sive marova vavera. Nari mundiya pimasa pai piot, nana uta pasi vura. E vavisi pai mun. Vape yasi vurama, kariria pai retena paina rami, ariri vavi mbiavi pasi sio siavi pa. ⁹Apavo mesanemi paya to vesie mo. Aso nari setapur mia, e nari sepapara mia bura, siniotu veve baba nana agama pasia. Nari sendora mia, nana anio ari pasi. Nari senggor mia bura Pemerinta pasia, tutir raja pasia, aso mendusara Ya pa. na yana pino, metopanusara Ya so sia pe. ¹⁰Vape Sien Allah nie kavo vesie pai, tiopanusara papo, so kaiwasa vura ri. ¹¹E seto setapur miae, senggor mia so pengadilan mammo, mesanemisasera mia so, kavo menggavora vape moya. Menggavo nana kavo vitosi nari Sien Allah vieruanasi nana mesanemi raro pasi pa, na diam yani pa. Aso sa memesari menggavo va, vape Wainunu Sren pai, andi nari diedidin mia, na kavo menggavora pasi. ¹²Nari esi viovo neta katu paie semuni, e neta katu pai viovo neta vava paie semuni. Atuma pasia nari sembovo setamamie sesiniamie sia, e semun sia. ¹³Nari sanone vediayarae, kaiwasa miedidi mia. Vape, teini sun sane pa to karakuai ra so raria vimanauwa wai, amamo nari siemuai vesie pa."

KARIRIA BABA NARI VERAMA PAI TUTIR KRISTUS VIAWIA PASI (MAT. 24:15-28; LUK. 21:20-24)

¹⁴Nari mesayo kariria viomadidi mo pai, niana uta veve Sren pasi mammo, (viap pa mia mesanemipaya) kaiwasa venana Yudea pasia, sembavu ayai so wi vavo wa. ¹⁵Siniotu venana anio pa sos vavo pasia, sembiar avav sesuae senggor piesa nana, anio raro pa ea va. ¹⁶E siniotu venana romi pasia, sesovera ea so anio wae, senggor avavar ea va. ¹⁷Raria yani ma, kawai vesiri maso vavi vesanemi vava pasia tutir vavimbiavi pasia. ¹⁸Membe nadi, ave amamo pininesi, sivava nana

rabua veve rama vape moya. ¹⁹ Aso kariria raria yani, ima dinggariria rawai kariria borai veveruana to manau, nana dunia nei retena Sien Allah nienari pa veito nine, aso kariria vimanaua paina e sa riwa ea va. ²⁰ Raria vekariria yasi, Sien sisuiasie sitanam va mamo, sa siniotu pesi ditenam va. Vape, aso siniotu Sien Allah diria pasiana, amamo yoma Sien sisui raria paie tienam pa. ²¹ Nana raria yani, esi kievo so miae dioyo: "Raja vekor slamat pai, nia nine. Pivai, andi nia yana". Amamo mesanemitiar siniotu yani va. ²² Aso Kristus viawitituwa pasia, tutir nabi viawitituwa pasia, nari sendama. E nari senanari pitandor pesasi, ave amamo, Sien Allah nie kaiwasa diria pasia kota setawa. ²³ Mesanemipaya to vesie, Itopanasi maso mia vesiri papo. ²⁴ Kariria baba pai to manau, amamo nari wor pai sa disa va, e sembai pai sa disambiar ea va. ²⁵ Siverere pasi nari sitawa nana rora wa mesu, e paya venana rora piaisi nari sininiaie simaniniawar."

JESUS DIO SIOVERAI MA PA (MAT. 24:30-36; LUK. 21:27-33)

²⁶ "Nana raria yani, nari siniotu pasi sisayo Sien Allah nie amias ne Yau, so Ira nana arepa ma, tutir ine paya pai pa. ²⁷ Nari diemias nie malaikat pasiae, senduira kaiwasa Sien diria to manau pasia, nana dunia nei sama bu ata pasi, nana dunia nei sope-sope wasi, ra so rora wai sope-sope wasi. ²⁸ Jesus kievo e dioyo: "Menggor pianiau nanapi soratarawa na ara ravo pai, arawa pasi sive sesiwa, rau pasi sisuvi mamo, menduin toapa, deriasi ve wor. ²⁹ Toapayana kota, mesayo samuai pi Itopana to manau nesi mamo, menduina toapa, raria pai dieriasi vesiri, e niana rature sore pa to manau. ³⁰ Itopa so mia: "Vata vesirie siniotu rabua ninesia, sa semboru varami, veito pininesi siveruana vura. ³¹ Rorae kakopae, nari sinai, vape ine kavo pai ma, sa nia va, veito woroi-woroi.

SA ESI RUIN RARIA PAI TUTIR JAM PAI VA (MARKUS PASAL 13: 32-37)

³² "Jesus kievo ea e dioyo: "Toa saridioje, sa esi ruin raria pai, tutir diam pai va. Malaikat venana rora pasia piva, mae Yai miesari, andi ruini. ³³ Apavo mesanemipaya to vesie, aso menduin raria pai va pavo. ³⁴ Nie vava pa, masi ariri siniotu vesuvi vurusu vene anio e, vera so uta viaroi. Apavo diemiase siniotu venanaripi soi pasia, sesayo vediora anio pai. E viov ariri nanaripi so sia vura, siri-siri tutir nie nanaripi. Avori ditarera so viarama nana rature pai, ave amamo dierama to vesie mo. ³⁵ Apavo mesanemipaya, ave amamo metarama to vesie mo. Aso menduin raria vene anio pai siovera ma pa va, nana ravinena te, nana dirurabua te, nana sasavava te, nana wor pai sia pa te, ³⁶ Ave ria tandor ma mamo, ria kora metena pa vape moya. ³⁷ Vitoni Itopani maso mia pa, Itopani kota maso kaiwasa vura, toapa: 'Metarama!'"

14 YEHUDI PA SENE VEVE BABA PASIA, SESASERA RIA, AVE SETAPUR JESUS E SEMUNI PA. (MARKUS PASAL 14:1-2)

¹ Raria muandu ea so Raria baba Paska pai, tutir raria baba Roti vevaro mur pai pa; amamo Imam baba pasia tutir veve baba nana Torat pasia, sesasera ria ve setapur Jesus manana, ave amamo semuni pa. ² Aso setoyo: Nana raria baba wai mamo, nari kaiwasa pa vieririwi vavera pana.

VAVI PESI VUVU MANI VESAIRARA PAI SO JESUS PA (MAT. 26:6-13; YOH. 12:1-8)

³ Raria pesi pa Jesus ria so aniose Betania, e miesoi nana Simon papo pae, vesamuai pota pado pai, nie anio pai. Jesus miesoi diapi, avori vavi pesi riam so-l, e kior mani vesairara mo pesi, sano pa narwastu, niana botol rovuki viate mo nina e dindama so Jesus, avori vavi pai riorasavu botol pai sore pa, e vuvu mani vesairara pai, nana Jesus ru pa. ⁴ Apa siniotu venana yasia, senggasioue senggavo nana matau sia vaverae setoyo: "Mani vesairara veve harga nini, diomeira sararidloi pa? ⁵ Vesie pa viov, ave pipi pasi siona so siniotu vevaro pi pasi. Apa senggasiou vavi pai. ⁶ Amana Jesus kievo so sia e dioyo: "Metovaverai va, aso pi nienari maso Ya nine ma, pi vesie nina. ⁷ Mae siniotu vevaro pi pasia ma, asiaya sena tutir mia tawana, e raria vura ma, metono so sia. Vape Ya ma, sa ina tutir mia tawana va. ⁸ Apavo vavi nei diotonariri pi vitopi dioto nienari pa. Ava vuvu mani so Ya nema, pieponi raria Isu papi pai pana. ⁹ Itopa maso mia, toapa; "Sien Allah nie kavo vesie nei, nari tiopanusara nana dunia nei vetutira. Vape nana topina vea, vavi nei pi nienari nine ma, nari kaiwasa tiopanusara e sesanandiki soa.

YUDASI VIOVO VERA JESUS PA (MAT. 26:14-16; LUK. 22:3-6)

¹⁰ Avori Yudas Iskariot, murid suraemuandu verausara Jesus pasia esinina, ria so Imam baba pasia, ave amamo viov vera Jesus so sia. ¹¹ Imam baba pasia setadiawa pa sesanemi pasi siete vesiri, e setarer toapa, nari sembait Yudas nana pipi. Apa yanama Yudas siesera ria viate pesi, ave amamo viov vera Jesus pa.

YESUS DIAN PISIA PASKA PAI, TUTIR NIE MURID PASIA PA (MAT. 26:17-25; LUK. 22:7-14, 21-23; YOH. 13:21-30)

¹²Nanapi Raria Baba Roti vevaro mur pai, nie raria retena pai, nana raria senggutu domba Paska pai pa, apa murid pasia setutan Jesus e setoyo: "Uta topi sanevesie tanda soave amanarari ariri pisia Paskah paie buani nana?" ¹³Apa Jesus diemiasa nie murid pa esandue dioyo: "Munda so kota wai, amamo nari musamuai siniotu pesi, kior kabesu nina, kambu pai niana. ¹⁴Amamo mundausari ra so anio su soa pai, e mutopa so vene anio pai e muroyo; Gurui duta toapa, nari uta topi dian pisia Paskah pai tutir nie murid pasia nana?" ¹⁵Amamo nari siniotu yani, dioisara andiraro vebaba pesi, nana anio pai sos venana vavo pai so mandu. Andiraro yanima, setona ariri e miesi to manau. Apavo munanari ariri pisia Paskah pai nana so tata." ¹⁶Yanama murid pa sunda so kota wai, apa kavo Jesus kievora so sandu pasi, simasi ariri kievo pa. Apa yanama senanari ariri pisia Paskah pai. ¹⁷O idirua pa mana, Jesus tutir nie murid suraemuandua pasia, sendama. ¹⁸Yanama seto semasole setapi pa, Jesus kievore dioyo: "Itopa so mia, nari mia esi, viapi tutir Ya pai, andi nari viovo vera Ya pa." ¹⁹Murid pasia setadiawa kavo nine pa, sesanempai sasera siae sembe susa veito. Apa sia siri-siri dutanie dioyo: "Sien panau, yokama ya pe?" ²⁰Apa Jesus ruar so sia e dioyo; "Siniotu yanima, siniotu suraemuandua pa mia esinina. Siniotu viapi paruasi siri tutir Ya paina. ²¹Sien Allah nie amias ne Yau, nari Ivoru, ariri nabi pa sembui nana surat repo pai e, ve arer papo to manau pa. Vape, kawai maso siniotu vevovo Ya pai. Vesie pa siniotu yanima, siniani diavini vape moya vae!."

SIEN NIE MEJA SREN PAI (MAT. 26:26-30; LUK. 22:15-20; I KOR. 11:23-25)

²²Yanama Jesus tutir nie murid pasia seto setapi pa, Jesus kior roti pai, e vie nadi so Sien Allah, e vie berkat roti pai. Avori piotatepu roti pai nana vara pasi, e dionasi so nie murid pasiae dinggavorae dioyo: "Menggorie, metani, nini ma Ine tarai paina." ²³Manaupa yanama kior mok vitunu anggur pai, avori vie nadi so Sien Allah e vie berkat anggur pai, yanama diono mok vitunu anggur pai so nie murid pasia, apa sia vura setunu anggur pai. ²⁴Avori kievo so siae dioyo: "Nini ma ine veria vetavuvu ariri Sien Allah nie arer, veria vetavuvu so kaiwasa vepau paina. ²⁵Itopa so mia ve vata mo, sa junu anggur nini ea va, veitoro nana raria junu anggur vavoru pai tutir mia vura, nanapi Jai nie Dunia Vavoru pai." ²⁶Yanama sendoi ranu som pesi. Manau pa sesuvie senda so suovavo Zaitun.

JESUS TIOPA VERUANA NARI PETRUSI PIORASI PA (MAT. 26:31-35; LUK. 22:31-34; YOH. 13:36-38)

²⁷Avori Jesus kievo so siae dioyo; "Mia vura nari mambavur Yau. Aso sembui nanapi surat repo pai toapa; "Nari Sien Allah mun gembala pai, e domba tau pai miesasiepar". ²⁸Vape Itenam ea mamo, nari ipapon mia so uta Galilea. ²⁹Apa Petrusi kievo so Jesus e dioyo: 'Aranesia nari sembavur Au pa, ya ma sa piva.' ³⁰Amana Jesus kievo so Petrusi e dioyo: "Itopa so au ve vatamo, diru nini, kokori pasi aya sisau ve muandu varamie, nari puoras Yau, ve toru." ³¹Apa Petrusi kievore diayo: "Vesie pa ivoru tutir Au vea. Mae iporasa aue yoyo iruin au va pama, sa piva. "Murid esi pasia senggavo toa kota.

JESUS VIE NADI NANA GETSEMANI PA (MAT. 26:36-46; LUK. 22:39-46)

³²Yanama Jesus tutir nie murid pasia, senda so uta vesanomi na Getsemani. Avori kievo so nie murid pasia e dioyo: "Memasoi nana nine e ira ive nadi." ³³Apa Jesus kior Petrusie, Yakobusi tutir Yohanes, ³⁴Setoru sendausari, avori matai pai sia so Jesus e ririoyar, apa kievo so sia e dioyo: "Sanerarone ve susa veito, masi Yo Yimborua. Memasoi nana nine e metaran." ³⁵Yanama tiar topo katu, avori disanaebu pasie vie nadi. Nana nadi pai pa, siauve diadi mamo, kariria wai tieri vape moja. ³⁶Apa siau e dioyo: "Yai, maso Auma sa vurusu va, pi vurae sive diadi vea. Apavo kuor kariria nini vurusu Yau. Vape, ariri ine sane vesie pai va, vape ariri nomu sane vesie pai." ³⁷Manau pa yanama Jesus sioverai maso nie murid pa setoru, amana setena, apa kievo so Petrusi e dioyo: "Simone, buenae? Avo auma, sa diadi buaran diam pa siri vae?" ³⁸Metarane membe nadi, ave amamo, mesamuai sotoura pai vape moya. Maite, mene wainunu pasi reto simayar sinanari ariri vetindija pai, vape mene tarai siniotu pasi ma, simarui va." ³⁹Yanama Jesus sioveraia vie nadi riwanea nana kavo reu kievo nana pasi. ⁴⁰Avori siovera riwanea maso nie murid pasetoru, amana setena rami, aso sembe remo veja. Apavo setatar kavo senggavora so Jesus. ⁴¹Yanama sioverai riwanea ve torua pa, kievo so siae dioyo: "Aja metenae memanau mene marior pasi ramie? Manauto, diam pai miesi to manau, aso seto sesiwa Sien Allah nie amias ne Yau, so siniotu veve tatar pasia sembarami pasi pana. ⁴²Mesobata mia, mendama ve tanda. Mesayo, siniotu vevovo Ya pai riama to manau.

SETAPUR JESUS PA (MAT. 26:47-56; LUK. 22:47-53; YOH. 13:3-12)

⁴³Jesus andia kievo ramie, nie murid suraemuandua pasia esi nina, Yudasi, ria tutir kaiwasa borai pesia, senggor pimamunae, airorae, setindama. Imam baba pasia, tutir guru agama pasia, tutir Yehudi pasia sene veve baba pasia, asia setamias sia. ⁴⁴Apavo siniotu vevovo Jesus pai, tiopanariri so sia to manaue dioyo: Siniotu teini nari isum tararei pasi mamo, andina, metapurie menggori." ⁴⁵Yanama Yudasi riama so Jesus, e kievore dioyo: "Guru", avori tiepu tawanie disum tararei pasi. Yehudi pa setombe tabe pa toapana. ⁴⁶Yanama kaiwasa veratutira Yudasi pasia, setaputawanie setaviti. ⁴⁷Apa

siniotu veratutira Jesus pasia esi nina, piatin nie sumbe paie, pieratuwa Imam baba pai nie womi pai taradiau pai.

⁴⁸Amana Jesus kievo so sia e dioyo: "Mendama so Ya ne, ariri siniotu vio mamu ni Yau. Avori menggor pimamunae, airorae, mendama metitapur Ya ne." ⁴⁹Yoka raria vura ma, I na tutir miae Yeniau nana Bait Allah paie, amana metapur Ya va. Vape ima toapana pino, simasi ariri kavo vevui nana surat repo pai pe." ⁵⁰Yanama Jesus nie murid pasia, sembavuri vura. ⁵¹Mae katiei pesi nina, sisini nana sis vemamarae ria usara Jesus, apa seto setapuri kota, ⁵²Amana siotetap sis paie, vievu kakavir.

JESUS SIEMUAI URUSAN NANA VEVE BABA NA AGAMA PASIA PA (MAT. 26:57-68; LUK. 22:54-55, 63-71; YOH. 18:13-14, 19-24)

⁵³Yanama senggor Jesus aso Imam baba mo pai nie anio pai. Imam baba pasiae, veve baba nana Yehudi pasia, tutir Guru agama pasia, senduir sia nana wana to manau. ⁵⁴Mae Petrusi ma vie kasau Jesus, avori pui usari ra so Imam baba mo pai nie anio pale, suapui miesoi sesiorana siniotu viarama pasia. Miesoi siwara adia paie kieruri. ⁵⁵Imam baba pasia, tutir agama Yehudi pa sene ruir baba vekutu kavo pai, sesasera ria nari vevediayarae, senggutu hukuman voru pai so-l pa. Vape setisamuai ria pesi so, setimbe karaki pa va. ⁵⁶Sesau siniotu veve saksi pa sepau, ave amamo sembe saksi viawia so Jesus, vape sene kavo pasi simanindiu vavera. ⁵⁷Avori siniotu veve saksi viawia pasia sebata sia e setoyo, ⁵⁸Amatadiawa siniotu nini kievore dioyo: "Nari Irura Bait Allah siniotu sinanari nei, e nana raria toru, amamo ivaun esi vesiei ea, ima siniotu sinanari vanina." ⁵⁹Vape sene kavo setimbe saksi pasi, simanindiu vavera. ⁶⁰Apa Imam baba mo pai, biatale diosa nana ruir pai rabua pa, avori devo Jesus e dioyo; "Avo pai, bisa kuevo rera Au vurusu saksi ne sia, sene kavo setimbe karak Au nesi va e?" ⁶¹Amana Jesus pie veasi vdinduar kavo pesa va. Apa Imam baba mo pai, dutani riwanea e dioyo: "Avo Raja vekor slamat, Allah Atu pai andi Au ve vatamo e?" ⁶²Apa Jesus ruar soi e dioyo: "Maite, Yana. E nari mesayo Imasoi ariri Raja, nana Vepa pivura pai vara vatapae, Ira na arepa, nana rorawa ma pal." ⁶³Jesus kievo tonine pa, Imam baba mo pai, piorabana matauni nie sasu disasuni pai, Maso Yehudi pasia mamo, veruana toapa, Jesus vie sasara to baba vesiri? ⁶⁴Apa Imam baba mo pai, klevore dioyo: "Tasasera saksi ea ve? Metadiawa nie kavo vesisiyara Sien Allah ne to manau. Apavo metone sanepaya pasi sitoane. Apa senduar na raopui siri vurae senggutu toapa, siemuai hukuman voru pai vea. ⁶⁵Apa yanama esia senggaganis nanindunie, senggasie kumu re pasie, setumie setisiyara le setoyo: "Nabi panau ite buap, teini riora Au ne". Siniotu viosae viarama nana yasia, sendorai kota.

PETRUSI PIORAS JESUS PA (MAT. 26:69-75; LUK. 22:56-62; YOH. 18:15-18, 25-27)

⁶⁶Petrusi andia niana Imam baba mo pai, nie anio pai varavu vorirawa. Apavo Imam baba mo pai, nie vavi venanaripi na anioraro pa esi nina, riasamuai na wana. ⁶⁷Apa sieyosamuai Petrusi so miesoi siwara adia paie kieruri pa, siesir Petrusi re pasi, avori kievo soje dioyo: "Au kotama tawana vesiri, rua usara Jesus siniotu Nasaret pai". ⁶⁸Amana Petrusi pioras e dioyo; "Yama iruin siniotu yani va, e iruin kavo kuevora vedia va". Yanama Petrusi ria diosa nana rature venana Imam baba mo pai, nie anio pai repo pa. Amana kokori pai disaua. ⁶⁹Avori vavi erine pai sieyo samuai Petrusi ea, apa kievo so kaiwasa viosa na yasiae dioyo: "Siniotu nini ⁷⁰kota ma, sia esinina. Amana Petrusi pioras ea. Worabua vamana, siniotu venana yasia, senggavo so Petrusie setoyo: "Au kota ma sia esini au, aso au ma siniotu Galilea ni au." ⁷¹Apa Petrusi siaworae dioyo: "Yama iruin siniotu metap vediani va" ⁷²Petrusi kievo tonine mana, kokori pasi sisau ve muandua pa. Apa Petrusi sanepaiso Jesus kievo soie dioyo: "Aya kokori pasi sisau ve muandu varamie, nari puoras Ya ve torupa". Apa Petrusi siai veito miesasera.

15 JESUS SIEMUAI URUSAN NANA PILATUS PA. (MARKUS PASAL 15:1-5)

¹Kausapa vavoru mo pa mana, Imam baba pasiae, veve baba nana Yehudi pasiae, Guru agama pasia, senduir nanapi sene ruir baba vekutu kavo pai, e senggutu ariri kavo to manau. Apa setavit Jesus, e senggoria setoniso Pilatus, ²Yanama Pilatus dutan Jesus e dioyo: "Vata mo e Yehudi pa sene Raja paini Aue? Apa Jesus ruar soi e dioyo: "Maite, ariri tuani kuevo vedia." ³Apa Imam baba pasia, sembe karak Jesus nana kavo pa pau vesiri. ⁴Avori Pilatus dutanie diayo: "Avo Au ma binduar kavo pesa vae. Ite buediawa kavo borai setimbe karak Au nesi!" ⁵Amana Jesus dindua kavo sope katu esa va, apa Pilatus kievousara vesiri.

SENGGUTU HUKUMAN VORU PAI SO JESUS PA (MAT. 27:15-31; LUK. 23:13-25; YOH. 18:39-19:16)

⁶Nana raria Baba Paskah pasi ora mamo, sesuvir siniotu vesamuai hukuman pa sirie, suvi vurusu nie hukuman pai. Vape, maso siniotu teini kaiwasa pai sanevesieni. ⁷Apavo nana rabua yana, siniotu vekorusara prenta va pa esi nina, sano pa Barabas. Siemuai hukume miesoi nana bui pai raro pa. ⁸Apa kaiwasa pasia, senduir siae sendama sesau so Pilatus, ave amamo suvira siniotu pesi. ⁹Apa Pilatus dutan sia e dioyo: "Mesanemi vesie isuvir Raja Yehudi nei so miae?" ¹⁰Aso Pilatus ruin toapa, Imam baba pasia semadidi Jesus, apa yoma sesiwi maso i pa. ¹¹Apavo Imam baba pasia, senggavo amias kaiwasa pai, ave amamo sesau so Pilatus, suvir Barabas maso sia. ¹²Apa Pilatus kievo so kaiwasa paie dioyo: "Toapa yana mamo, nari inanari toane maso siniotu mesauave: "Raja Yehudi nei?" ¹³Amana sia vura setumine setoyo: "Pia nana aitabat

pai!"¹⁴ Apa Pilatus dutan sia e dioyo: "Vape, nienari sasara vitonina?" amana setumin to indawaina e setoyo: "Pia nana aitabat pai to" ¹⁵Pilatus dioyo dionave kaiwasa pai sanevesie pavo, suvir Barabas maso sia. Yanama dionae sendora Jesus, avori setonia, ave amamo sepa-I nana aitabat pai.

TENTARA PASIA SESISIAYARA JESUS PA (MAT. 27:27-31; YOH. 19:2-3)

¹⁶Avori tentara pasia senggor Jesus aso, andiraro veve urus kavo e, vekutu nana pai, nana Gubernur Pilatus anio pai. Yanama sesau tentara pasia vura, e senduir. ¹⁷Avori sesasun Jesus nana sasu jubah veve sianggono nina. Mae setanu makota pesi nana wai veve sina nina, avori setona e tiaruvi. ¹⁸Manaupa yanama setatuan so-l, e setoyo: "Tabe so Raja Yehudi panAu!"¹⁹Sendora pori Jesus ru pa nana aitato pai, avori sengganisu naninduni, e setisa aebue setatuan so-l. ²⁰Sesisiayari to manau pa, yanama setita sasu jubah veve sianggono pai vurusu-l e, sesasuni riwanea nana matauni nie sasu pai. Yanama senggoria sesuvi tutir-l, ave amamo sepai nana aitabat pai.

SEPA JESUS NANA AITABAT PAI PA (MAT. 27:32-44; LUK. 23:26-43; YOH. 19:17-27)

²¹Senda sembetiai ria rabua pa, amana senda samuai siniotu pesi, apa sepaniesi siniotu nei, ave sier Iowa Jesus Nie aitabat pai. Siniotu ninei dio ria so kota. Sano pa Simon, e vieva nana aniose Kirene, Alexander tutir Rufus, sutamami paina. ²²Yanama senggor Jesus aso uta vesanomi nana Golgota, (tandiwa nana tane kavo mamo: "Uta siniotu sina, pivai Siniondu") ²³Avori setono anggur vetetiovara pi sesauwa ve mur nina, ave Jesus diunumi. (Ave amamo saneriruina vepota pai vapermoya). Vape Jesus kiembarai dunumi. ²⁴Yanama sepai nana aitabat pai to manau pa, sendut onde so Nie sasu pasi, ave amamo sembovsi ariri sia. ²⁵Jam rimeat sapa pai mamo sepai nana aitabat pai pa. ²⁶Sembui kavo vevediyarae siemuai hukuman soane, e sepai nana aitabat pa ru pae, setoyo: "Yehudi pasia sene Raja paina." ²⁷Sepa siniotu venganggau pa sumbe muandu nana aitabat pa muandu kota. E sunggasir Jesus, esi pai niana rawa vata pae, esi pai niana rawa sara pa. ²⁸Toapa yana ve, masitutir kavo vevui nana surat repo pai riotu toapa: "Nari setatori tapura siniotu venganggau pasia." ²⁹Kaiwasa veratituwa na yasia, senini sendumi pasie sesarap so-l, e setoyo: "Yokama Au buoyo nari rura Bait Allah paie, vuauni riwanea nana raria toru vea pa mana, ³⁰Yanama ite vuar vurusu aitabat pai mesu, ave tueisu vurusu kariria pai!"³¹Toapana kota, Imam baba pasia, tutir guru agama pasia, sesisiayara Jesus. Senggavo nana matau siae setoyo: "Siniotu vevesiei pasia vori, dionae setaisu vurusu kariria veter sia pasi. Mae matauni ma, diadi so dionae tieisu vurusu kariria veter-I nei vae!" ³²Raja Israel paina mamo, ite viar vurusu aitabat pai, apino tasanemitiar I pe!" Siniotu muandu sepa nana aitabat tutir-l pa sandu, sunggavo sisiayara toa kota.

JESUS NIE VORU PAI (MAT. 27:45-56; LUK. 23:44-49; YOH. 19:28-30)

³³Nana diam suraemuandu raria pa, kumuar pai tup uta pai vura, veito diam toru ravinena pa. ³⁴E nana jam toru pai mana, Jesus diananar to babae dioyo: "Eloi, Eloi, Lama sabakhtani?" tandiwa nana tane kavo mamo: "Ine Sie panau, Ine Sie panau, aso vitopi vuvur Ya pa?" ³⁵Siniotu viosa nana yasia, setadiawa Jesus diananar pa. Apa senggavore setoyo: "Ite metadiawa, siau Elia." ³⁶Avori sia esi nina, sawawarae kior bunga karang paie suani susa anggur vesiasa pai. Yanama disa turuvi nana ai pai e, siwi ayai tiera Jesus sore pae ditoyo: "Ite tasayo so nari Elia riana dionae viar vurusu aitabat pai pe." ³⁷Yanama Jesus diananar to babae, dimborua. ³⁸Apa sis gorden viavakir vediora andiraro Bait Allah pai, miesavu vemuandu, nana vavowa raso douwa. Ninema tanda veveruana nanapi Sien Allah nina. ³⁹Tentara pasia sene veve baba viosa siwara aitabat pai sieyo Jesus Nie voru pai pa, kievore dioyo: "Vata, siniotu nini ma, Sien Allah atu paina!" ⁴⁰Vavi pesia kota, setosae vekasau vori sesayo pi veve diadi ninesi pa. vavi yasia pa, Salomeie, Maria Magdalenaie, Maria Yakobus vavoru pai sinianie, tutir Yosesi. ⁴¹Siana vavi verausarae veremiwari Jesus, nana rabua niana Galilea pa. E vavi borai verausara Jesus so Yerusalem pa esia senana yana kota.

SEPIR JESUS NA PAPI PAI PA (MAT. 27:57-61; LUK. 23:50-56; YOH. 19:38-42)

⁴²Nana raria yani ravinena pa, ima ravinena vimbe aramana raria Sabat kausapa paina. Sabat paima, Yehudi pa sene raria semanau nanaripi paina ⁴³Apavo Yusupi siniotu Arimatea pai, I kota ma viebaba nana Yehudi pa sene ruir baba vekutu kavo pai. I ma siniotu vesanemitiar nina, e i kota dienota raria nari Sien Allah vie prenta ariri Raja nana pai. Ria so Gubernur Pilatus, e siau Jesus nie tarai vevoru pai. ⁴⁴Apa Gubernur Pilatus tiendor vesiri so diediawa Jesus vioru to manau pa. Apa diemias aso tentara pa sene veve ru pai e, dutan sasiri so Jesus vioru pa. ⁴⁵Tentara pa sene veve ru pai, tiopananiriri so I to manau pa, Pilatus diemiase Yusupi kior Jesus nie tarai vevoru pai. ⁴⁶Yusupi viori sis viatate vesiri. Avori viara Jesus nie tarai vevoru pai avav, vurusu aitabat pai, e tievani nana sis viatate viori pai. Yanama pir Jesus nie tarai vevoru pai nanapi papi pai i ma, rovuki kamberei sepatira nina. Avori kiedidura rovuki pimasa pesi a, disiori vediora papi pai sore pa. ⁴⁷Maria Magdalenaie tutir Maria Yesus siniani, susayo ariri uta Yusupi pir Yesus e viata nana pa.

JESUS SIOBATAI NANA VORU PAI PA. (MARKUS PASAL 16:1-8)

¹Raria sabat pai kiara to manau pa, Maria Magdalenai tutir Maria Yakobus siniani, tutir Salomei, senda sembori mani vesairara, ave amamo senggosia sembuvasi so Jesus nie tarai vevoru pai na papi pai. ²Apa kausapa vavoru mo pa, na raria retena nanapi ari yani, amamo senda so papi pai pa. ³Senda sembetiai ria rabua pa, avori setuta vavera sia, so nari teini tiawa irara rovuki pimasa visiori papi pa sore pai, aso rovuki pai bieba veja. ⁴Vape senda sederiasi papi paie sesayo mana, rovuki pimasa pai kiediduiira vurusu to manau. ⁵Apa sesuapui so papi pai raro pa, e sesayo mana katiei vavoru pesi, siesuni nana sasu vemamarae, miesoi nana rawa vatapa. Apa setandor veito. ⁶Amana katiei vavoru pai, kievo so siae dioyo: "Mematai vape moya! Ava iruina mana mesasera Jesus siniotu Nasareth, sepa nana aitabat pai. Niana nine va. Siobatai to manau. Ite mendama mesayo, uta viata nana nei viereri. ⁷Apavo yanama menda, ave metopa so Nie murid pasia, e Petrusi, toapa: "Jesus siobatai to manau, e nari piepon mia so Galilea, Nana wana pino mesayori pe, ariri tiopa so mia to manau pa." ⁸Apa sesuvi vurusu papi pai e setapai, vape setopa kavo ne so esi va, aso setandor e sematai.

JESUS VIERUANI SO MARIA MAGDALENAI PA (MAT. 28:9-10; YOH. 20:11-18; LUK. 24:13-35)

⁹Jesus siobatai nanapi voru pai pa, nana raria ari pai sapa pa. Retena mo pa, vieruani so Maria Magdalenai. (Maria nini, andi Jesus dietavar pisavi rimemuandua pasi vurusu pa. ¹⁰Apa Maria Magdalenai, riae tiopanusara Jesus siobatai pa so Jesus nie maneta vemandate vesai pasia. ¹¹Vape setadiawa Yesus tienam ea pa, e Mariai sieyori pa, amana sesanemitiar va. ¹²Avori Jesus vieruani so nie murid pa esandu pa, i ma ombesiei ea nanapi rabua susuvi e sunda so aniose pesana. ¹³Apa susovera ea, e sutopanusara so sune neta esi pasia. Amana sesanemitiar va.

JESUS VIERUANI SO NIE MURID PA SIA PA (MAT. 28:16-20; LUK. 24:36-49; YOH. 20:19-23; KIS. 1:6-8)

¹⁴Vepui pa, Jesus vieruani so nie murid suraesiria pasia, nanapi rabua semasoi e setapi pa. Apa sierap so sia, aso sesanemitiar mo vapa, e sendumi pasi sikarakuaie sesanemitia siniotu vesayori to manau so siobatai pasia va pa. ¹⁵Avori Jesus kievo so siae dioyo: "Mendausara dunia nei vura, e metopanusara Sien Allah nie kavo pai so kaiwasa vura. ¹⁶Teini sanetiar siemuai kambu Sren pa, nari siemuai slamat pai. Mae teini sanetiar va pa, nari siemuai hukum. ¹⁷E teini sanetiar pa, nari yono paya so i, ave ditatavara wainunu vekariria pasi na sanone, e senggavo nana kavo vavoru senduin va. ¹⁸E seto sendut sara korou vekari, pivali setunu pi vemamur, amamo sa semboru va. Toapana kota, sesasana sembarami pasi rawaina siniotu vepota mamu, nari siniotu yani pienaam.

YESUS TERANGKAT KE SURGA (LUK. 24:50-53; KIS. 1:9-11)

¹⁹Jesus kievo tonine so sia to manau mana, tiesiasa e sia so rorawa, e miesoi nana Sien Allah vara vata pa. ²⁰Yanama nie murid pasia, sendae setopanusara Sien Allah nie kavo vesie pai, usara uta pasi vura. E Sien tutir sia nanapi nanaripi pasi. E veruana nana pitandor senanari pasi, toapa: "Kavo setopanusara pai vie vata.

Lukas

1

KAVO VEPAPONIA PA (LUKAS PASAL 1:1-80 1-4)

¹Teopilus, atuma veruina panau! Kaiwasa pa sepau to manau setosasera ve sembui ariri pi veve diadi nanapi tata pasi to vesie mo. ²Sembuisi pa masi tutira siniotu vesajo subata kavo ninesi sivava retena mo e, setopanusarasi maso tata pa, e vepui setopanie diemasi para pa ³Isasir usara pininesi vura nanapi retena pa to manau pa, isanemipai toapa, vesie pa ivui riwanasi to vesie maso au, ⁴Inanari toapa yana pa, ave amamo ruin toapa, pi aniau vitosi sitopana maso au pa mamu sive vata.

TOPA VERUANA YOHANES VIONO KAMBU SREN PAI NARI VIE DIADI PA

⁵Nanapi rabua Herodes vie Raja na Yudea pa, Imam pa esi sano pa Zakaria. I ma dietor nana rawa imam Abia. Vinie pai sanopa Elizabet, vieva nanapi usapui imam pai kota. ⁶Sien Allah sanevesien mambe vinie nine sandu sune tenam pai. Sunggorusara Sien Nie Prenta pasi vura, tutir Nie hukum pasi to vesie mo. ⁷Susamuai atuma va, aso Elizabet sane masa pana, e sumbe masa-visa to manau pana. ⁸Raria pesi pa, Imam viator nana rawa Abia pasia, setera nanaripi pai, apavo Zakaria, andi ria nanaripi imam pai nanapi Sien Allah aropo pa. ⁹Ariri biasa, imam pasia senanaripi mamu tutir onde, apavo onde pai disatuir Zakaria, ave suapui so Anio Allah pai e, nunu pi som kemenyan pai. ¹⁰Andia nunu pisom mamu, kaiwasa vepau pasia sembe nadi nana vorira wa. ¹¹Raria yani pa, Sien nie Malaekat pai vieruani so Zakaria. Malaekat pai diosa nana meja vinunu som pai rawa vata pa. ¹²Zakaria siejo Malaekat pai pa, tiendore mietai. ¹³Amana Malaekat pai kievore diojo: "Zakaria, muetai vape moja! Sien Allah diediawa nomu nadi pai. Viniemu pa Elisabet, nari diavi atuma mua pesi. Amamo buonae sano na Yohanes. ¹⁴Atuma nei vie diadi mamu, nari sanemu pa vesie, e kaiwasa pau nari sesanemi vesieni. ¹⁵Nari vie siniotu baba nana Sien aropo pa, e sa dunu anggur pivali sua vemasa va. Nanapi vie diadi pa,

amamo Wainunu Sren pai nari miesoi nana-i.¹⁶ Nari diedidin kaiwasa Israel pa sepau, sesovera so Sien Allah.¹⁷ Nari vie amias vepaya nanapi Sie pai e playa ariri Elia. Nari dionae tama pasi tutir atu pasie sive dame, e siniotu vekorusara kavo pasi nari diedidin sie sisovera so ria sanepaya vetindia pai. Toapana veamamo nienari ariri kaiwasa viri to manau pesia maso Sie pai.¹⁸ Apa Zakaria dutan Malaekat paie dioyo: Avo nari iruin kavo nine nai ve diadi pa toane? Aso ive maso to manau, e vinie nei kota vie visa tomanau.¹⁹ Amana Malaekat pai ruar soie dioyo; "Gabriel ni yau. Ya ive amias maso Sie pai, e andi diemias yaue ikor kavo vesie nine maso au."²⁰ Pi vitopi itopana pa, nari vediadi ariria. Vape aso sanetiar va pavo, sa kuevo va; nari soremu pa mumuja veito pi itopana pa ve diadi.²¹ Apavo kaiwasa pai andia dienota Zakaria na vorira wa. Senggavo usara veito, aso vitopi Zakaria niana Anio Allah pai to woroi pa.²² Avori janama suvi, vape kievo so kaiwasa pai va. Diono vara pasi ariri veivea, e sore pa mumuja. Apa janama kaiwasa pai ruar toapa, Zakaria siejo piesa nana Anio Allah pai raro pa to manau.²³ Zakaria nie raria nienaripi nana Anio Allah pai raro pa simanau pa janama vievu so anio wa.²⁴ Worabua va mana vinie pai Elisabet sane vava, apa Elisabet miesoi veivea nana anio raro pa sembai rim.²⁵ Apa Elisabet kievore dioyo: "Saneraro vekariria pa, Sien ki rurana to manau."

TOPA VERUANA JESUS NARI VIE DIADI PA

²⁶ Nana rabua Elisabet sanevava sembai rimesiri to manau pa, Sien Allah diemiasa Malaekat Gabriel so Kota Nasaret, Kota venana uta Galilea pa esi nina.²⁷ Gabriel siemuai amias so karavi tarai pesi nina, sano pa Maria. Karavi tarai nini vie sawa aru to manau, tutir mua pesi sano pa Yusup, vieva nanapi Raja Daut nie usapui pai.²⁸ Malaekat pai rima so Maria e dioyo; "Vesie pai rima so au, Sien vie berkat au ! Sien tutir au!".²⁹ Maria tiendor so diediawa Malaekat pai nie kavo ne pa, e duta na sane raro pa so kavo nine nari toane.³⁰ Amana Malaekat pai kievo soi e dioyo: "Maria, muetai vape moja, aso au suemuai vesie pai nana Sien Allah aropo wa pa."³¹ Nari sanevava e buavi atuma mua pesi, amamo buonae sano nana Jesus.³² Nari vie siniotu baba, e nari setap sano pa ve Atuma Allah vetariai mo, nari Sien Allah dionae miesoi nana tapuni Raja Daut nie karapesa Raja pai.³³ E nari vie prenta ariri Raja, maso Yakop nie usapui pai to woroi-woroi, Nie Kerajaan pai ma mienau moja va.³⁴ Amana Maria kievo so Malaikat paie dioyo; "Vape aya iririau varami, apavo nari kavo ne vava toane?"³⁵ Vape Malaekat pai kievo soi e dioyo: "Wainunu Sren pai nari viar mesu so au e, Sien Allah nie paya pai tievavun au. Apa joma atuma nari buavi vediai, nari setap-I ve Sren, Allah atu nina." Aso sanepaya: Nemeta pa Elisabeth, i-ma vie visa to manau, e kaiwasa dioyo sanemasa. Vape sanevava sembai rimesiri to manau pa nine.³⁶ Aso maso Sien Allah ma, nana pi vura, sive diadi vea."³⁸ Janana Mariai dioyo; Ya ma Sien nie womi ni yau; apavo kavo tuopana maso ya pa, ariri vei vea. Manau pa janama Malaekat pai ria vurusu Maria.

MARIA RIA SO ELISABET PA

³⁹ Manau na jana e, raria pesi pa Mariai riana suovavo vera so Kota venana uta Yudea pesi.⁴⁰ Ria so Zakaria nie anio pai, e dio suapui so anio pai pa tiopa tabe so Elizabet.⁴¹ Elisabet diediawa Mariai tiopa tabe so-i pa, atuma venana Elisabet sane raro pai mienawar. Apa Wainunu Sren pai siasai nana Elisabet. Apa kievo to baba e dioyo.⁴² Au suemuai berkat verawai nanapi vavi pasi vura pa! Berkat pai maso Atuma nari buavi vediai.⁴³ Avoka teini yau, avori Sien sinia ne buonda rama so ja ne?⁴⁴ Yediawa tuopa tabe pa pa, atuma venana sane nei sane vesasiene mienawar.⁴⁵ Vesie vesiri maso au, aso sanetiar toapa, vitopi Sien tiopana maso au pa nari vediadi!."

MARIA NIE NADI TRIMA KASI PAI

⁴⁶ Maria kievore dioyo; "Sane raro ne sanandik Sie pai,⁴⁷ E ine wainunu nei sane vesie, aso Sien Allah viono Slamat maso ya pai.⁴⁸ Sanepal nie womi vekariria nine yau! Nana rabua nine ma, kaiwasa vura senggavore setojo, vesie maso yau."⁴⁹ Aso Allah vepaya nana pi vura pai nienari pi vebaba maso yau. Sano pai vie Sren.⁵⁰ Sien dioisara nie sanepaya pai maso kaiwasa vemataiti pasia, nana usapui veriwa usapui.⁵¹ Piosasiepara kaiwasa vesanandika pasia, nanapi vara vepaya pasi, e dionae sesanemi pasi sitatar nanapi, kavo setato ariri veivea pasi.⁵² Dionae Raja pa sembiar vurusu sene karapesa raja pasi, e siniotu venana dou pasia piosasana sia so vavo wa.⁵³ Siniotu vevavisi pasia, dionae semosir vesiri nanapi nie onate pasi, mae veve kaya pasia, sembavu vara vereri.⁵⁴ Vie tolong nie womi pai Israel, ariri nie arer pir tutir tatapumi pai.⁵⁵ Sien piero nie arer pai va, pir sanepaya pai maso Abrahami e nie usapui pai veito woroi.⁵⁶ Maria miesoi tutir Elisabet vare sembai toru, avori janama vievu so nie anio pai.

YOHANES VIONO KAMBU SREN PAI VIE DIADI PA

⁵⁷ Janama Elisabet nie sembai pasi simasi so diavi pa. Apa diavi atuma mua nina.⁵⁸ Nie maneta vederiasi pasia, tutir nie usapui pai, setadiawa Sien vieruana nie sanepaya maso Elisabet pa, sesanemi vesasie tutir i.⁵⁹ Atuma katu pai vie diadi raria rimetoru to manau pa, sendama ve amamo sembe sunat-i. Apa seto setonae atuma katu pai sano nana Zakaria, ariri tamani sano pa.⁶⁰ amana siniani dioyo, "Piva! Sano pa Yohanes."⁶¹ Apa senggavo soie setoyo, "Sapiva, aso nana nomu usapui pai ma, esi sano toa va pana."⁶² Apa seto sembarami pasi aririae setitutana Zakaria, aso wasa vitopi sanevesie

diono so atuma pai. ⁶³ Apa Zakaria siau robuki vevui pai, avori vui e dioyo 'Sano pa Yohanes', apa kaiwasa pai vura, senggavo usara veito. ⁶⁴ Nanapi diam jani kotae Zakaria sore pa masivue kievo e disanandik Sien Allah. ⁶⁵ Nie maneta pa sia vura sematai, e kavo pa masiepar e wopai usara suovavo Yudea vetutira. ⁶⁶ Karwasa viadiawa kavo nine pasia, senggavo nana sesanemi raro pasie setoyo, "Atuma nei nari viera toane. Aso Sien tutir-i pavo.

ZAKARIA TIOPANA SIEN NIE KAVO PAI PA

⁶⁷ Apa Zakaria, atuma pai tamani, Wainunu Sren pai siasai nana pa tiopana Sien nie arer pai. Kievore diayo, ⁶⁸ "Mendama tasom Sien, Israel pa sene Sie pai! Riama to manau ave vie tolon nie kaiwasa pai, e riera sia. ⁶⁹ Diano siniotu vepaya Vekor Slamat maso tata pai, nanapi nie womi pa Daut nie usapui pai, ⁷⁰ Papo pa, Sien diono nie arer pai to manau nanapi nie Nabi diria pasia, ⁷¹ . ave riera tata nanapi viomamuna tutir tata pai, e nanapi siniotu vemadidi tata pasia vura sembarami pasi. ⁷²

72AVE VIERUANA NIE SANEPAYA PAI MASO TATAPUMI PAI, E NARI ARIRI NIE ARER VEVE SREN PAI,

⁷³ Siawora diono tata to manau so tatamami pai, Abrahami, e dierer e dioyo ⁷⁴ E tataisu vurusu viono mamuna tutir tata pai, ave tasomi nanapi sane matai vape moja, ⁷⁵ E tanda usar-l tawana, e tatono sanevesieni so-1 nana tane tenam pai vetutira. ⁷⁶ Ine atuma panau, nari setap au ve, Sien Allah vetariai mo pai nie nabi ni au. Vue amias e puepon Sie pai, ave buerara ria so-I. ⁷⁷ Ave vetopa sasaar maso nie kaiwasa pai, toapa Sien Allah vie ampon sene tatar pasi to manau mamu, nari sesamuai Slamat pai. ⁷⁸ Tane Sie pai ma dionate e vie sanepaya; Riama ve amamo diono slamat maso tata. Ariri wor pai disa sapa pa. ⁷⁹ Toapana kota diono nie sasaar pai maso kaiwasa vura, kaiwasa vetenam nanapi kumuar pai e matai pai. Diedidin tata nana ria vera so dame pai. ⁸⁰ Zakaria atu pai vie tamba bieba e nie wainunu pai kota vie tamba piaya. Niana mapar rubua pai nana rei wa, veitoro raria nari vieruani so kaiwasa Israel pai pa.

2

JESUS VIE DIADI PA (LUKAS PASAL 2:1-52 1-7)

¹ Nana rabua yana pa Kaiser Agustus vie prenta, ave amamo kaiwasa venana Negara Roma pai vura dietor piau pa. ² Viator kaiwasa retena mo nini sendai nana rabua Kirenus vie Gubernur nana uta Siria pa. ³ Nana rabua yana kaiwasa vura siovera, ave dietor nana matau nie aniose pa. ⁴ Yusupi kota suvi nana Nazaret na uta Galilea, e ria so Betlehem na uta Yudea. Raja Daut nie uta viera nana pana, aso Yusupi ma viera nanapi Daut nie usapui pai pana. ⁵ Yusupi dietor tutir Maria, vinie aru vesanemi vava pai. ⁶ Rabua sunda so Betlehem pa, Maria nie sembai pasi simasi so diavi atu pai pa. ⁷ Apa diavi atuma mua pesi, atuma retena paina. Atuma yani sunduani nana sis savaru, avori supiri e viata nana uta pi aum pasi siapi nana pai, aso susamuai uta nanapi anio vesoruir kaiwasa pai va pana.

GEMBALA PASIA TUTIR MALAEKAT PASIA

⁸ Nanapi uta yana, Gembala pesia semasoie setaran vediora sene domba pasi na diru yani nana mapar veve samue pesi. ⁹ Avori Sien nie Malaikat pesi vieruani so sia. Apa Sien nie paya pai vie sasaar e disambiar sia, apa sematai veito. ¹⁰ Amana Malekat pai kievo so sia e dioyo: "Mematai vape moja! Aso irama nine ma, ikor kavo vesie maso mia vura kaiwasa vura. kavo viosanevesieni rawai maso ¹¹ Aso nanapi raria nini, Raja vekor vesie maso mia pai, andina Kristus Sie pai, siniani diavini to manau, nanapi Duti nie aniose pa. ¹² Nari mesajo riruini nanapi: Atuma katu pesi senduani na sis e viata nana uta piaum pasi siapi nana pai. ¹³ "Worabua va mana, Malaekat erine nei tutir Malaekat vepau pasia, sendoi sesanandik Sien Allah e setoja, ¹⁴ "Sanandika pai sia so Sien Allah nana rora piais, na uta vetariai mo pai! E vesie pai riama so siniotu vio sanevesieni maso Sien Allah pa sia, na dunia nei vavo ne! ¹⁵ "Janama Malaekat pasia sembavu sia e sesovera so rora wa. Apa gembala pasia senggavo vavera so sia e setoyo; "Mendama ve tanda so Betlehem, e tasayo pi veve diadi nana wai, ariri pi Sien tiopana maso tata pai. ¹⁶ "Apa sebata sia sawawarae senda, janama sesamuai Maria e Yusupi sandu tutir atuma katu vevata nana uta piaum pasi siapi nana pai. ¹⁷ Gembala pasia sesajo atuma katu pai pa, janama setopanusara kavo Malekat pasia setopana so sia pasi. ¹⁸ Kaiwasa pai diediawa gembala pasia kavo setopana pasi pa, senggavo usara veito. ¹⁹ Vape Maria ma sanepai tawana kavo pasi nana saneraro wa e, disanempai usara nari sivava pa. ²⁰ Janama gembala pasia sesovera ea so mapar samue pai, e sesom sanandik Sien Allah, aso kavo setadiawa e pi sesayora e, simasi ariri Malaekat pai kavo tiopana pasi.

JESUS SIEMUAI SANO PA

²¹ Vie umur raria rimetoru to manau pa, atuma pai vie sunat. Apa setonae sano nana Jesus, ariri Malaekat pai sano diono soi nanapi aya nana siniani sane avi pai varami pa.

SESIWA JESUS SO SIE PAI NANA ANIO ALLAH PAI PA

²²Raria pasi simasi to manau pa, Yusup tutir Maria sunanari ariri buai veve sren, ariri atoran Musai diona pasi. Apavo senggor atuma pai so Yerusalern, ave amamo sesiwi aso Sie pai. ²³Aso nanapi Sien nie hukum pasi mammo vevui toapa, "Atuma mua retena pasia ma, tasiwa sia so Sie pai" ²⁴Sandu kota susanempai surono pisom, ariri setopana nana Sien nie hukum pasi pa, toapa surono aya tekukur pa muandu, (mua pesie vavi pesi), piva mammo aya kapura atu vavoru pa muandu. ²⁵Nana rabua yana, siniotu pesi na Yerusalem, sano pa Simeon. I ma siniotu vene buai viate nina, mietai Sien Allah, e andia dienota raria Sien Allah diono vesie pai maso Israel pai pa. Wainunu Sren pai andia tutir-I, ²⁶E Wainunu Sren pai tiopa so i to manau, toapa, sa vioru varami veitoro, sieyo Raja Vekor Slamat Sien dierera pai pino. ²⁷Wainunu Sren pai diedidina Simeon e suapui so Anio Allah pai. Nanapi diam yani, Yusupi tutir Mariai susua tutir Jesus, aya vemadia rami pai, ave sunanari ariri atoran agama pai tiopana pa. ²⁸Apa Simeon kior atuma paie tiepuri, avori sienandik Sien Allah, e dinggavorae dioyo, ²⁹"Sie panau, yanama nuenari ariri nomu arer pai to manau, apavo yanama nomu womi ne ivoru tutir sane vemari; ³⁰aso nanapi matau re nesi, isayo subata Vekor Slamat ma nanapi Au pai to manau, ³¹Vekor Slamat yani ma nuenari ariri to manau, maso kaiwasa vura, ³²vieva ariri sasaar veve viara ria maso kaiwasa vevesiei, ave senda maso Au; sasaar vekor sano vetariai maso nomu kaiwasa Israel pai." ³³Aturna pai tamani siniani suradiawa Simeon kievo tonine so sune atuma pai pa, sutandore sutanuar. ³⁴Simeon vie berkat sia, e kievo so atuma pai siniani Mariai, e dioyo; "Atuma nini ma Sien Allah diri to manau, ave dionae kaiwasa Israel pa sepau sesamuai kariria paie sepau semauai vesie pai. Nari vieva ve tanda nanapi Sien Allah, e nari kaiwasa pau diovaririwi tutir-I. ³⁵e toapa yana ve amamo sesanemi raro pasi simarura. Sai pai nari sievar titituwa saneraro pa, ariri sumbe vamasai". ³⁶Nabi vavi pesi kota, vie visa to manau. Sano pa Hanna, Fanuel atu paina, nanapi Azeri nie usapui pai. Ririau taun rimemuandu to manau mana. ³⁷Hanna vie inar, e ninema vie umur taun siniotu at e vemandiu at. Dimanau sua so Anio Allah pai pa va. Diru sasaar mammo vie ari nana jana, maso Sien Allah, e vie nadie dimbe puasa. ³⁸Nanapi raria yani kota riama, sienandik Sien Allah e kievavo nanapi atuma pai, maso kaiwasa vianota raria Sien Allah dionae Yerusalem diosa na matauni pa.

VESOVERA EA SO NASARET PA

³⁹Yusupi Mariai sunanari ariri Sien nie atoran pasi vura to manau pa, yanama sumbavu so Kota Nasaret nana uta Galilea.

⁴⁰Atuma pai yanama biebae piaya. Vie pande vesiri, e Sien Allah sanevesieni.

JESUS NIANA ANIO ALLAH PAI PA

⁴¹Taun pasi ora mammo, Jesus nie baba pasia senda so Yerusalem, ave amamo senanari Raria Baba Paskah pai nana wana.

⁴²Nana rabua Jesus vie umur taun surae muandu pa, senda so raria baba pai, ariri senda ora pa. ⁴³Raria Baba pai mienau pa sembavu, vape Jesus, atuma pai, andia niana Yerusalem e tamani siniani sunduin va. ⁴⁴Apavo suroyo sa andiria sesiorana kaiwasa pai. Apa senda raria siri, avori sesaseraie setutani nanapi kaiwasa senda vura pasia. ⁴⁵Vape setisamuai va, apa susovera ea so Yerusalem e susaserai. ⁴⁶Susaserai raria toru, avori janama susamuai nana Anio Allah pai raro pa. Miesoie diediawa guru agama pasia e dutananusara sia. ⁴⁷Kaiwasa viadiawi pasia senggavo usari veito, aso setadiawa nie kavo ruara pasi pa. ⁴⁸Matauni nie baba pasia kota, senggavo usara veito. Avori siniani kievo soje dioyo; "Atuma panau ma, buotojana so nandu pa. Tamamui amusanemisasera au veito!" ⁴⁹Amana Jesus ruar so siniani e dioyo: "Avo yai-mai murosanemisasera ya ve. Mandu ma mumamona inana Yai Nie anio raro ne pa vae?" ⁵⁰Vape sutatara kavo Jesus ruara wa. ⁵¹Manau pa janama Jesus tutir nie baba pasia e, sembavu so Nasaert, e kiorusara sene kavo pasi. Kavo yasi vura, siniani sanepai tawanasi nana sane raro pa. ⁵²Jesus vie tamba bieba, e vie tamba na pande pai, e Sien Allah sanepai. E siniotu sisanemi vesieni.

3 TOPANUSARA NANAPI YOHANES VESOY SINIOTU PAI (LUKAS PASAL 3:1-3811-20)

¹Nanapi taun veve suraerim pai, nana rabua Kaiser Tiberius vie pareta pa, e Pontius Pilatus vie Gubernur nana uta Yudea pa, e raja Herodes vie pareta nana uta Galilea pa. Mae Pilipus, Herodes netakatu pai, vie pareta nana uta Iturea tutir Trakontis, mae Lisania vie pareta na uta Abilene. ²Mae verut wasa imam baba mo pasia, Hanas tutir Kayafas. Nanapi taun yani mammo Sien Allah kievo so Yohanes Zakaria atu pai, na mapar rubua pai pa. ³Apa Yohanes ria usara uta pasi vura, wawarira Maria Yordan, e tiopana Sien nie kavo pai. Yohanes kievare dioyo; "Mia vura memanau nganggau pai, e mesovera so Sie pai, e mesoiv kambu Sren pai, ave amamo Sien Allah vie ampon mia pe." ⁴Nanapi Nabi Yesayai nie buku pai pa, vevui toapa nine; Siniatu pesi dumin nana mapar rubua pai "Menanari ariri ria maso Sie pai, mendiar ria pasie simasisis maso-I. Vevekurumi pasi sitaur." ⁵Wi pasi tutir suo vavo pasi siriar ve simasisis. Ria vekapau pasi siona ve sitindia, e ria vemarou e vetabuar pasi siona ve simasisis. Kaiwasa venana dunia vetutira, nari sesayo Sien Allah diono Slamat so. ⁶siniotu pasi pa!" ⁷Kaiwasa pau sendama so Yohanes, ave sesoiv Kambu Sren pai. Yohanes kievo so siae dioyo; "Siniotu vetatar ne mia! Teini dioyo nari metaisu vurusu Sien Allah nie hukuman nari verama wai?" ⁸Memberuana nanapi mene tenam pasi nganggau pasi to manau toapa, memanau mene Menggavore metoyo, Abrahami ma amatapumi paina, mesanempaya, Syen Allah piaya so nienari rovuki ninesi e sive usapui maso Abrahami! ⁹Tama pai andia to manau, so vindova ai pai ravav so war pasi pa. Ai vesuvir buo viate va pai, nari riova, e kie susa adia pai. ¹⁰Apa kaiwasa pai dutan Yohanes, e setoyo; "Apavo nari vitoni amananari?" ¹¹Amana Yohanes ruar so siae dioyo; Esi nie sasu pa muandu mammo,

dion esi so vevaro pais e esi sienuai pisia mamō, viov.¹² Siniotu verae veruir pajak pasia kota, sendama so Yohanes, ave sesoiv kambu Sren pai. Setutan Yohanes e setoyo; "Guru, vitoni nari amananari?" Amana Yohanes ruare diayo; ¹³Mesau pipi pajak pai mamō, rawai nanapi atoran pai vape moja".¹⁴ Tentara pa esia kota setutanie setoyo: "Toane tutir ama? Vitoni amananari?" Amana Yohanes ruar so sia e dioya e dioyo: "Metan siniotu pesi nana nie samayar pai nanapi awia pai vape moja. Metenam e."¹⁵ Nana rabua yana, kaiwasa pai duta vaverai; "Setoyo sa Yohanes ma Raja Vekor Slamat setanota paina. ¹⁶Apa joma Yohanes kievo so sia vura e diojo: "Ya ma isoiv mia nanapi kambu, vape siniotu vebaba rawal na ja pesi, nari nama, ya ma ipa so ireku nie wal vekasie sapatu pasi va. Andi nari sioiv mia nana Wainunu Sren pai tutir adia."¹⁷ Susir pai andia niana vara pasi, ave dindayana nie pas pasi veito sivaro nganggena. Pas tarai pal sloruiri nana gudang pai, mae rawa pai vura ma nari kiarsi nanapi adia vevoru moya va pai."¹⁸ Apavo nanapi rabua Yohanes tiopanusara Kavo Vesie pai pama, diono kavo sanepaya maso kaiwasa pai, nanapi ria saserai. ¹⁹Raria pesi nina ma, Yohanes kievo bura Herodes veve Raja nana uta Galilea pal, aso riaut riwana neta katu pai vinie vesanomi nanapi Herodia pai, tutir sasara vevesiei nienari ora pasi, ²⁰Avori Herodes disasara riwaneana so dionae Yohanes sua nana bui pai pa.

JESUS SIOIV KAMBU SREN PAI PA (MAT. 3:13-17; MRK. 1:9-11)

²¹Kaiwasa vepau pai sioiv Kambu Sren pai to manau pa, janama Yesus kota sioiv Kambu Sren pai. E andia vie nadi rami mana, rora piaisi tiesieva, ²²e Wainunu Sren pai viar avav so I, e vieva ariri aya kapura. Avori viadiawa Sien Allah raopui pai kievo e diojo; "Au ma ine atuma isanemipaya pa Auna. Au buonae sane ne vesie pa."

JESUS NIE WAMUS PAI (MAT. 1:1-17)

²³Nanapi rabua Jesus ria nie nanaripi pai pa, vie umur taun siniotu sirie sura tojana. Ariri siniotu sine topanusara pa mamō, Jesus ma Yusupi atu nina, Eli atu. ²⁴Matat atu, Lewi atu, Malki atu, Yanai atu Yusup atu. ²⁵Matica atu, Amos atu, Nahum atu, Hesli atu, Nagai atu, ²⁶Maat atu, Matica atu, Simeu atu, Yosek atu, Yoda atu. ²⁷Yohanan atu, Resa atu, Serubabel atu, Sealtel atu, Neri atu, ²⁸Malki atu, Adi atu, Kogam atu, Elmadam atu, Er atu, ²⁹Yesua atu, Elieser atu, Yorin atu, Matat atu, Lewi atu. ³⁰Simeon atu, Yehuda atu, Yusup atu, Yonam atu, Elyakim atu. ³¹Melea atu, Mina atu, Matata atu, Natan atu, Daud atu. ³²Isai atu, Obet atu, Boas atu, Salom atu, Nahason atu, ³³Aminadap atu, Admin atu, Arni atu, Hesron atu, Peres atu, Yehuda atu, ³⁴Yakop atu, Isak atu, Abrahami atu, Terah atu, Nahor atu, ³⁵Serug atu, Rehu atu, Peleg atu, Eber atu, Salmon atu. ³⁶Kenan atu, Arpaksat atu, Sem atu, Nuh atu, Lameckh atu. ³⁷Metusalah atu, Henok atu, Yeret atu, Mahalael atu, Kenan atu. ³⁸Enos atu, Set atu, Adam atu, Allah atu. Pasal Bilis pai siotoura Jesus pa.

4

BILIS PAI SIOTOURA JESUS PA

¹Jesus sioverai nanapi maria Yordan pa, Wainunu Sren pai siasai nana. Apa Wainunu Sren pai diedidini ra so mapar rubua pai. ²Niana jana raria siniotu muandu e, bilis pai siotouri. Nana raria siniotu muandu yasi ma ditapiesa va. Apa janama vievisi. ³Janama bilis pai kievo soie dioyo: "Au ma Allah Atu ni Au mana? Apavo, buemias rovuki nesie sive roti." ⁴Amana Jesus ruar soie diayo; "Vevui nana surat repo pai toapa, Siniotu pasi sitenam nanapi roti pai vea va."⁵ Avori bilis pai kior Jesus ra so uta vetaria pesa, e sawawara vesiri dioisara Kerajaan venana dunia nei pasi vura so Jesus. ⁶Avori kievo so Jesus e dioyo; "Paya saserai e kaya saserai ninesi vura, nari jonasi matu so Au. Aso pininesi vura sisiwa maso ya to manau, e jonasi ea so teini sanevesie jonasi soi pa. ⁷Apavo, tuetuane suom ya mamō, pisaserai ninesi vura, jonasi so Au."⁸ Amana Jesus ruar so bilis paie dioyo; "Vevui nana surat repo pai toapa, "Metatuan so Allah mene Sie pai e mesomi mesari vea!"⁹ Avori bilis pai kior Jesus so Yerusalem, e pir Jesus nanapi anio Allah pai babua pa e kievo so Jesuse dioyo; "Au ma Allah Atu ni Au mana? Ite kuopa nana nine avav. ¹⁰Aso vevui nana surat repo pai toapa, "Sien Allah nari diemias nie Malaekat pasia e, setaraman vedior Au. ¹¹E Malaekat pasia nari seser vedior Au nana sembarami pasi, ave amamo aemu pasi sitera nana rovuki pasi vape moja."¹² Amana Jesus ruar so bilis paie dioyo: "Vevui nana surat repo pai toapa, suotoura Allah nomu Sie vape moja". ¹³Apavo bilis pai siotoura Jesus nana ria pa pau to manau pa, janama vievur Jesus, e dienota raria viate pesi ea.

JESUS DIOSARA NIE NANARIPI PAI RETENA NANA GALILEA PA (MAT. 4:12-17; MRK. 1:14-15)

¹⁴Manau na yana pa Jesus sioverai so Galilea, e Wainunu Sren pai andia tutiri. Apa sano pa masiepare wopai usara uta Galilea vetutira. ¹⁵Riae dieniau nana Anio Ari pasi, e kaiwasa vura sesanandiki.

KAIWASA VENANA NASARET PASIA, SETOI IRARA JESUS PA (MAT. 13:53-58; MRK. 6:1-6)

¹⁶Avori Jesus ria ea so Nasaret, uta bieba nana pa. Apavo, ariri ria ora so Anio Ari pasi, nana raria Sabat pasi pa, apa siobataie diap Surat Repo pai. ¹⁷Apavo setona Nabi Yesayai nie buku pai asoi, e rusiepara buku veroyar nini to manau pa, janama siemuai ayat nini, ¹⁸Wainunu Sren pai niana yau, aso rurasana yau, ave amamo itopana Kavo Vesie pai maso kaiwasa vevaro pi pasia. Diemias yau ave itopa veruana maso kaiwasa veve womi pasi sitaisu pa, e panaam pai maso

kaiwasa veremi kabere pasia; Ave siniotu setaroyara pasia, setaisu vurusa,¹⁹ e vetopana Sien nie raria pai riana, kior vesie so nie kaiwasa pa."²⁰ Yanama Jesus rioyara buku pai riwanea, e dion soverai ea so siniotu vioni soi pai, yanama miesoi. Apa kaiwasa vesorum nana anio ari pasia vura setaduata Jesus.²¹ Apa yanama Jesus kievo so sia, toapa nine: "Ayat venana repo nei nesi, raria nini, simasi ariri mo, nanapi raria metadiawasi nei." ²² Kavo kievora pasi ma siete vesiri, apavo kaiwasa viadiawa pasia senggavo usari, e senduar usara nie kavo pasi. Senggavore setoyo: "Jokama Yusupi atu paina mana?"²³ Avori, Jesus kievo so sia, e dioyo, "Nari senggavo kavo sosiau nine so yau, e metoyo, Dokteri, buonave matau puenaam. Pitandor amatadiawa nuenari na uta Kapernaum pasi, nuenarisi kota na matau nomu aniose raro ne."²⁴ Jesus kievo riwaneae dioyo, "Mesanemipaya, Nabi pesi sa siemuai sanandika nanapi matauni nie aniose raro pa va." ²⁵ Vape ite metadiawa; Nana rabua nabi Elia pa, rabua varo rama vemun taun torue tamua pa, vavisi baba pai mun uta nei vura. Nana rabua yana inar pa siaya sepau na uta Israel. Toa saridioie, Sien Allah diemias nabi Elia e ria so inar yasia esi va. ²⁶ Vape diemiase ria so inar pesi nana aniose Sarfat, na uta Sidon. ²⁷ Toapana kota, nana rabua Nabi Elia pa, esiaya sepau na uta Israel, sesamuai pota pado, vape sia esi disamuai panaam pesa va, mae Naaman siniotu Siria pai miesari."²⁸ Kaiwasa vesorum nana anio ari pasia, setadiawa kavo nine pa, senggasiou vesiri. ²⁹ Apa sebata siae setatavar Jesus, ra so Kota pai rawa worira pa, e senggoria so veve derewisa pa. Setoyo ave amamo setawa irari nana vesotera pa. ³⁰ Vape Jesus siotetara e vievur kaiwasa pai.

SINIOTU VEVE PISAVI PAI (MRK. 1:21-28)

³¹ Manau na yana pa, Jesus ria so Kota Kapernaum na uta Galilea. Apa dieniai kaiwasa pai nana raria Sabat pai. ³² Kaiwasa pai tienuara nie kavo aniau pasi, aso kievo tutir paya. ³³ Apavo siniotu veve pisavi pasi niana Anio Ari pai raro pa. Dienanar e dioyo, ³⁴ "Ne Jesus siniotu Nasaret vedianau, avo buo buono vito tutir ama? Ruama ve amamo mun ama e? Iruin teini Au; Au ma Sien Allah nie amias veve Sren pa Auna!"³⁵ Amana Jesus pienesi pisavi paie dioyo: "Suvi vurusa siniotu neil Apa pisavi pasi sisuvi asisi vurusa siniotu pai e sio mamuna ea va." ³⁶ Apa kaiwasa pai vura kievo usara, e senggavo vavera na matau siae setoyo: "Kievo tutir paya, e diemias wainunu vekariria pasie sisuvi, apa aririae sisuvi kota!" ³⁷ Apa Jesus sano pai miesepare wopai usara uta pai vura. Jesus dionae kaiwasa vepota pasia sepanaam pa (Mat. 8:14-17; Mrk. 1:29-34).³⁸ Jesus suvi nanapi Anio Ari pai pa, ria so Simoni nie anio pai. Apa ria samuai Simoni nioni vavi pai visi pa, e esia setopana kavo nine so Jesus. ³⁹ Apavo Jesus dinda so uta visa pai viata nana pa, avori dietawar visi pai. Apa visi pa manau vurusa Simoni nioni, apa siobataie dinunupi so sia. ⁴⁰ Janama wor pai dio riavav pa, kaiwasa pai vura, senggor sene vepota pasia, nanapi pota saserai vura maso Jesus. Apa Jesus siasana vara pasi rawain sia siri-siri e dionae sepanaam. ⁴¹ Pisavi pasi kota sisuvi vurusa kaiwasa pa esia, e sienanar, e sioyo: "Au ma Allah Atu pai ni Au! Amana Jesus pienesi pisavi pasie mun vedior sikavo pa, aso siruin to manau toapa Jesus ma Raja vekor Slamat paina pana.

JESUS DIENIAU NANAPI ANIO ARI PASI PA (MRK. 1:35-39)

⁴² Deriasi wor pai sia pa, Jesus suvi nanapi Kota yanie, ria so uta veseja pesa. Apa kaiwasa pai sieserai, avori sesamuai pa setoisuari, ave vievur sia vape moja. ⁴³ Amana Jesus kievo so siae dioyo: "Sien Allah nie Kavo Vesie pai e nie Kerajaan pai, Itopanusari nanapi Kota vevesiei pasi kota, aso joma Sien Allah diemias Ya mesu so dunia nei toapana." ⁴⁴ Apa joma Jesus dieniai nanapi Anio Ari pasi, na uta Yudea vetutira pa.

5 JESUS DIRI NIE MURID RETENA PA SIA PA (LUKAS PASAL 51-1911-11)

¹ Raria pesi pa, Jesus diosa nana ruru Genasaret dere pa. Apa kaiwasa pa sepau sesorum, ave setadiawa Sien Allah nie Kavo pai, ² Apavo Jesus siejo samuai wa vimupi pa muandu, suravoi na ruru pai dere pa. Vene wa pa sembiar arei so dorei wae sepap rurana sene diara pasi. ³ Apa Jesus sia so wa pa esi pai, Simoni nie wa pai, avori diemias Simonie tiawasosara wa pai e vie kasau arau so dorau pa katu, Avori Jesus miesol nana wa vavo pae dieniai kaiwasa pai. ⁴ Dieniau to manau pa, janama kievo so Simonie dioyo: "Muesosar arau so vekarija wa, e tuetapa nomu diara paie, bitapu dia pesi. ⁵ Amana Simoni ruar sole dioyo; 'Guru, diru woroi pai amatombeito, vape amatimu dia pesi val Vape aso buenias pavo, vesie; nari itetapa diara nei riwanea.'" ⁶ Setonariria to manau pa, sesamuai dia pai to pau vesiri, apa sene diara pai mieraba. ⁷ Apa sesau so sene maneta venana wa esi pasia e senggot sia. Apa sene maneta pasia senda senggot sia e, setariaun dia pai veito wa pa suronu, veito vare sumarutu. ⁸ Simoni sieyo subata pa, disanaebu pasi nana Yesus aropo pae dioyo: "Sie panau, vuvu vurusa yaul Aso ya ma siniotu veve tatar ni ya pana" ⁹ Simoni tutir kaiwasa vekoti pasia, senggavo usara so sesayo dia borai setapur pasi pana. ¹⁰ Toapana kota, tutir Simoni nie maneta pasia; Yakobuse, Yohanese, Sedebeus atu pasiana. Amana Jesus kievo so Simonie dioyo; "Muetai vape moja! Nana rabua nine ma nari kue diara vitapu siniotu." ¹¹ Janama Simoni tutir nie maneta pa sia, sepapara wa pasi arei so sasidere pa. Avori sembavurasi vurae, janama sendausara Jesus.

JESUS DIONO PANAAM SO SINIOTU VEPOTA PADO PAI PA (MAT. 8:1-4; MRK. 1:40-45)

¹² Raria pesi pa, Jesus niana Kota pesi. Apa siniotu vesamuai pota pado pesi niana jana. Avori sieyo samuai Jesus pa, disanaebu pasi nana Yesus aropo pa, avori siau so Jesus e dioyo: "Yai, muayar mamu ka buonae ipanaam reto!" ¹³ Apa

Jesus siosara vara pa rut siniotu paie dinggavora e dioyo; "Imayar, puenaam!" Apa nanapi diam yani kotae nie pota pai pianaam.¹⁴Vape Jesus mu vediora siniotu pai, ave amamo tiopanusara kavone so esi vape moja, e dioyo; "Rua so Imam pai, e vueruana au so i. Avori rua buono pisom, ariri Musai nie pareta pai, ave veruana so kaiwasa toapa vatae puenaam to manau."¹⁵Vape Jesus vie topanusara so topina vea, e kaiwasa pau sendama so-l, setadiaw-l, e ave diona e sepanaam na sene pota pasi. ¹⁶Manau na jana pa, Jesus ria so uta veseja pesae vie nadi.

JESUS DIONO PANAAM SO SINIOTU VEMARERA PAI PA (MAT. 9:1-8; MRK. 2:1-12)

¹⁷Raria pesi pa, Jesus andia dieniau, avori siniotu Parisi pesia, tutir Guru Agama pesia, semasoi nana yana. Senda nanapi Yerusalem, e nanapi Kota venana Galilea tutir Yudea pasi. Sien nie paya pai andia niana Jesus, ave diono panaam so siniotu vepota pa.¹⁸Nanapi diam jani, siniotu pesia sendama, senggor siniotu vemarera pesi, viata nana nie patar pai. Setoyo ave amamo, senggor siniotu pai susa anio pai raro pa, ave sepiri nana Jesus aropo pa. ¹⁹Vape kaiwasa pai piau veyo pavo, setatara senggoriapui toa. Apa senggoriajai so anio babua pa. Avori seses nandau pasie setuwi tutir nie patar pai ava so Jesus aropo pa sasiepara kaiwasa vesorum pai. ²⁰Jesus siejo siniotu pasia sene sanetiar pai bieba pa, kievo so siniotu vemarera paie dioyo; "Manetai, nomu tatar pasi sive ampon to manau." ²¹Guru Agama pasia tutir kaiwasa Parisi pasia, senggavo vavera na matau siae setoyo; "Siniotu nei ma teinina, apa kievo sisijara Sien Allah pa?"²²Vape Jesus ruin sesanemi raro pasi to manau. Apa kievo so siae dioyo; "Aso vitopi metutanasara nanapi mesanemi raro pasi tojana pa?"²³Apavo topi tapisa rawai, vekavore vioyo, Nomu tatar pasi sive ampon to manau te? Pivai vioyo, suobataue rua?" ²⁴Vape nine ma nari iveruana so mia vura, toapa, Siniotu Atu ne Jau, ipaya na dunia nei vavone, so ive ampon tatar pa". Janama Jesus kievo so siniotu vemarera pai e dioyo; "Suobata au, sueriowa nomu patar paie, vuevu!"²⁵Apa sawawarae siniotu pai siobatai e diosa nana sene kasau rabua pa, janama sieriuwa nie patar pai e vievu e disanandik Sien Allah. ²⁶Kaiwas pai vura kievo usara vesiri, janama sesom Sien Allah. Sematai, e senggavore setoyo, "Pi raraia nini tasayo subata ne, ono tandori ve siri!" Jesus siau Lewi pa (Mat. 9:9-13; Mrk. 2:13-17)²⁷Manae Jesus suvi e ria, apa sieyo samuai siniotu veruir pajak pesi, sanopa Lewi, miesoi nanapi nie kantor pai. Avori Jesus kievo soi e dioyo; "Ruausara Yau." ²⁸Apa Lewi siobataie vievur pi pasi vura, janama riasara Jesus.²⁹Manau pa Lewi diono anunu pesi nana nie anio pai, so Jesus. Siniotu veruir pajak pa sepau, tutir kaiwasa vevesiei pesia kota setapi tutir sia. ³⁰Amana siniotu Parisi pesia, tutir Guru Agama pesia, setarandu, apa senggavo so Jesus nie murid pasia e setoyo, "Aso vitopi mia vura, metapie metunu tutir siniotu veruir pajak pasia, tutir siniotu veve tatar pasia pa?" ³¹Apa Jesus ruar so sia e dioyo, siniotu vepanaam pai ma sa siesera dokter va, mae siniotu vepota pesi pino siesera dokter pe. ³²Iramane ave isau siniotu viojo vetindia to manau pasi va, vape isau siniotu veve tatar pasia, ave amamo semanau e sesovera vurusu sene tatar pasi."

VEKAVO VAVERA NANAPI PUASA PAI PA (MAT. 9:14-17; MRK. 2:18-22)

³³Raria pesi pa, siniotu Parisi pesia, senggavo so Jesus e setoyo; "Yohanes nie murid pasia, tutir Parisi pa sene murit pasia, esa mamo sembe puasa e setimbe nadi. Mae nomu murit pasia ma, setapie setunu." ³⁴Apa Jesus ruar so siae dioyo, "Apavo tamu pasia senda so pesta vavindiriau pesi, e mua veririau pai andia tutir sia mamo, nari metoisuara siae sembe puasae? Piva mana!"³⁵Vape nari raria pesi mamo, senggor mua veririau pai vurusu sia. Nana raria yani pino, sembe puasa pe."³⁶Avori Jesus tiopa kavo soratarawa pesi so sia toapa nine; "Sa esi riaba sasu vavoru pesi ve ditawar tupa sasu tawa wemaraba pesi va. Aso nari piorabana sasu vavoru pai pana. Avori sis vavoru vitawara tupa pai kota, sa miesi tutir sasu tawa pai va."³⁷Toapana kota, sa esi siara anggur vavoru pesi susa vote tawawari setawar na binatan rawa pesi va. Aso toa mamo, anggur vavoru pai nari piorabana vote pai, e anggur pai nari tievuvu, e vote pai kota mietotap. ³⁸Apavo anggur vavoru pai ma, siara nana vote vavoru pai kota. ³⁹Toapana kota, esi dunu anggur tawa pai to manau mamo, sa sore sisu dunu anggur vavoru pai va. Aso diojo, anggur tawa pai ni diete rawai."

6 VIUTANARIRI NANAPI RARIA SABAT PAI PA (LUKAS PASAL 6:1-49:1-5))

¹Nanapi raria Sabat pesi pa, Jesus ria savu romi padi pesi, apa nie murid pasia setema padi pai. Avori sesokiara patitiatasi nana sembarami pasi, avori setasi. ²Apavo siniotu Parisi pesia, senggavo so siae setoyo; "Aso vitopi mendawain tane atoran agama pasie, menanari pi agama pai mun vediora pasi nana raria Sabat pai pa?"³Amana Jesus ruar so sia e dioyo; "Apavo mia ma metitapa Daut pi nienari pasi varamie? Nanapi rabua vievisi tutir nie kaiwasa vera usari pasia pa. ⁴E suapui so Anio Allah paie kior roti setona ve pisom to manau so Sien Allah pasie, diasi pa. Arorae tane atoran agama pai mamo, Imam pa semesari sia diadi so setan roti yasi. ⁵Avori Jesus kievore dioyo, "Siniotu Atu ne Yau, irawai nanapi raria Sabat pai".

SIEN JESUS DIONO PANAAM SO SINIOTU VEVARAMI MARERA RAWA SIRI PAI PA (MAT. 12:9-14; MRK. 3:1-6)

⁶Nanapi raria Sabat pesi vesiei ea pa, Jesus ria dieniau nana Anio Ari pesi. Apa siniotu vevarami marera rawa siri pesi andia nianapi jana. ⁷Apavo Guru Agama pesia, tutir siniotu Parisi pesia, seto sesasera ria nari Jesus siesara nanai, ave

amamo sembe karaki. Apavo sesayo vediori vea, aso nari dion siniotu e panaam nana raria Sabat pe. ⁸Vape Jesus ruin sene sanepaya pasi. Apa kievo so vevarami marera paie dioyo; "Ruama buosa na dopo ne!" Apa siniotu pai siobatai apo diosa na dopo wa. ⁹Janama Jesus dutan kaiwasa venana jasiae dioyo; "Ariri agama pai mamu, vitoni diadi tananari nanapi raria Sabat pai? Tananari vesie te tananari kariria so siniotu e voru e?" ¹⁰Jesus siejo wawarir sia vura, avori kievo so siniotu paie dioyo; "Buora varamu pai". Apa siniotu pai diora vara pa mana, vara pai pienaam. ¹¹Amana guru agamaa piesia tutir siniotu Paririsi pasia, senggasiou vesiri, apa janama setato ariri kavo, ave senanari ria vito nina maso Jesus.

JESUS DIRI RASUL SURAEUANDU PASIA PA (MAT. 10:1-4; MRK. 3:13-19)

¹²Nana raria jani pa. Jesus diauta ajai so suovavo pesa, ave dio vie nadi. Apa vie nadi so Sien Allah nana jana diru woroi pai. ¹³Janama bera to manau pa, siau nie verausari pasia. Avori diri sembe suraeuandu nanapi sia. Siau siniotu suraeuandu nine sia ve Rasul. Siniotu nine asia: ¹⁴Simon sesauwa kota ve Petrus pai, e Andrias Simoni neta katu pai; Yakobus tutir Yohanes e, Pilipus tutir Bartolomeus, ¹⁵Matius tutir Tomasi, Yakobus Alpeus atu pai, e Simon sesauwa ve Patriot pai, ¹⁶e Yudas Yakobus atu pai, e Yudas Iskariot vepui ineri viono ria vekariria pai. Jesus dieniau e diono panaam so kaiwasa pa. Lukas Pasal 6 17-19 ¹⁷Manau na jana pa, Jesus mierura nana suovavo pa avav, tutir nie Rasul pasia, janama semanaue setosa nana uta veve mapar pa esa. Jesus nie siniotu verausari pa esia sepau senana jana kota, e kaiwasa borai verama nana uta vura nanapi Yudea vetutira e, Yerusalem e, tutir Kota venana Tirus tutir Sidon venana sasi dere pasia. ¹⁸Sendama ave setadiawa Jesus, e ave amamo dionae sepanaam nana sene pota pasi. Veve pisavi pasia sendama kota, apa dionae sepanaam. ¹⁹Kaiwasa pai vura, setoyo ave amamo setaka a sendut Jesus, aso paya pesi suvi nana Jesus nie tarai pai pavo, andi dionae sia vura sepanaam pa.

SANEVESASIE TUTIR SANE VEVE SAI (MAT 5 : 20-26)

²⁰Jesus dieduata nie murid pasia vori kievo so sia e dioyo, "Vesie vesiri maso siniotu vevaro pi pa mia, aso Sien Allah nie Kerajaan pai, mia menewi. ²¹Vesie maso rabua nine vevavisi pa mia, aso nari memosir! Vesie maso rabua nine vesai pa mia; nari memari!. ²²Vesie maso mia, aso siniotu Atu ne Jau, ivediayarae siniotu simadidi mia, setawa irara mia, sesisiajara mia, senggavor mia pa!. ²³Nabi vepo mo pasia, setono sia toa kota. Masi kavo nine ariria mamu, mesanemi pa sietate, e memajai tutir sane vesie, aso vait pai bieba, dienota mia na rora wa. ²⁴Vape, kariria maso veve kaya na rabua nine mia; aso mesamuai viate pai to manau!. ²⁵Kawai maso rabua nine vemisir pa mia; aso nari membavisi! Kawai maso vemari nana rabua nine mia; aso nari mesanemi pasi sikariria e mesail. ²⁶Kawai maso mia, aso kaiwasa vura sienandik mia mamu; aso setapumi pasia setoa kota, raria papo mamu, sesom nabi vata va pasia pa.

TAMBERUANA SANEPAYA MASO SINIOTU VEKASIOU TATA PASIA PA (MAT. 5:38-48; 7:12A)

²⁷Vape maso viadiawa Yau, nana rabua nine pa mia, jerera kavo nine; sanepai siniotu vekasiou au pai, e nuenari vesie maso siniotu vemadidi au pai. ²⁸Suau berkat so siniotu veporas au pai, e vue nadi so venganggau so au pai, siniotu. ²⁹Masi esi biasar tararei rawesi pai mamu, buonave biasar tararei rawesi pai kota. Masi setawara nomu sasu juba pai mamu, buono sasu vata pai kota. ³⁰Masi esi siau piesa nanapi au mamu, buono pi jana so te masi setawara nomu piesa mamu, suau sovera vape moja. ³¹Nuenari so siniotu vevesiei pa, ariri sanevesie senanari so au pa. ³²Masi mesanemipai siniotu vesanemipai mia pasia vea mamu, guna vito nina? Siniotu veve tatar pasia kota, sesanemipai siniotu vesanemipai sia pasia. ³³E masi metonate so siniotu vionate so mia pasia vea mamu, guna vito nina? Siniotu veve tatar pasia kota, senanari toa pana. ³⁴E masi metono pinjam pipi so siniotu e nari sesoverasi, guna vito nina? Siniotu veve tatar pasia kota, setono pinjam pipi so siniotu veve tatar, avori sesau soverasi!. ³⁵Ariri mo mamu, ima toava! Sovera mamu, mia mesanemipai vekasiou mia pai, e metonate so sia. Mia metono pinjaman, e mesanemitiar mesamuai sovera pa vape moja. Ima toa mamu, mene vait pai nari bieba, e nari mambe aturma so Sien Allah vetariai mo pai. Aso Sien Allah diete maso siniotu veve trima kasi moja va pasi tutir vetatar pasi kota. ³⁶Apavo membe sanepaya, ariri Tamamui kota vie sanepaya pa!."

NANAPI VEVE HAKIM SINIOTU PA (MAT. 7:1-15)

³⁷Membe hakim siniotu vevesiei vape moja, ave amamo Sien Allah vie hakim mia kota vape moja. Membe hukum siniotu vevesiei vape moja, ave amamo Sien Allah vie hukum mia kota vape moja. Membe ampon siniotu vevesiei, ave amamo Sien kota vie ampon mia pe. ³⁸Metono so siniotu veve siei, ave amano Sien Allah kota diono so mia pe; ima nari mesamuai nanapi pi vinggauwa to vionu mo, e viondewari matu so mia. Aso pi vinggauwa e metitatoa so siniotu veve siei pai, nari Sien Allah ditato nana kota matu so mia. ³⁹Janama Jesus tiapanusara kavo sora tarawa pesi so sia toapa nine, "Siniotu veremi kaber pesi diedidina siniotu veremi kaber vevesiei pesi mamu, nari sandu vura sutawa susa kamberei pai? ⁴⁰Atuma vianiau pesi ma sa riwai nanapi nie guru pai va. Vape atuma vianiau to vemanau mo nanapi aniau pai ma, nari miesi vaveri tutir nie guru pai. ⁴¹Aso vitopi mesajora kaena venana manduesipi re raro pai pa, mae balak rabua venana matau re raro pai ma, suejori va pa? ⁴²Avo nari buonggavo so nemetapie buoyo, "manetai, ruama, ave isuvira kaena vediai, vurusu remu vediai ri areto balak rabua venana matau re raro vediai ri, suejori vae? Ne, siniotu matau vijojo

vetindia vedianau! Suvir kaena venana matau re mu pai ri. Apino suejo to vesie ne, janama suvira kaena venana nemetapi re pai pel!"

AI RAVO PAI TUTIR NIE BUO PAI (MAT. 7:17-20; 12:34B-35)

⁴³Ai ravo vesie pai ma sa suvir buo vekariria pesi va. Toapana kota ai ravo vekariria pai ma, sa suvir buo viate va. ⁴⁴Ai ravo pai tasajo riruini nana pa buo pai. Ai parani veve waisina pesi ma, sa suvir ara buo pesi va, e wai titi veve sina pasi ma, sa sisuvir anggur buo pesi va. ⁴⁵Siniotu viate pai ma siuvir pi viate, aso sane raro pai dionu nanapi viate pai pavo. Mae siniotu vekariria pai ma, siuvir pi vekariria, aso sane raro pai dionu nanapi kariria pai pana!." Siniotu veve pande pai tutir veve bodo pai sumbaun anio pa (Mat. 7:24-27) ⁴⁶Aso vitopi mesau ya ve, 'Sien, Sien', vape menanari ariri pi itopana maso mia pasi va pa? ⁴⁷Siniotu verama so Yau e viadiawa Nie kavo e venanari ariria pa, nari tasora tarawai ariri teina. Vesie mamo itopa veruana maso mia toapa nine. ⁴⁸I ma miesi ariri siniotu vevaun anio e vesariai to veraro mo, avori tiaur rovuki pasi na sama dou wai. Apavo nanapi rabua veposar pa, posar pai sia so anio pai, vape anio pai mienawar va, aso diosa sasani na sama dou vepaya pavo. ⁴⁹Vape siniotu viadiawa ine kavo e, venanari ariri va pai, ima dimasi ariri, siniotu vevaun anio, vape sama dou pai viero rovuki vesasiara. Apavo posar pai vuvu mana, anio pai sairae tiebari; e mierura to kieririona vesiri!."

7 JESUS DIONO PANAAM SO KOMANDAN ROMA PESI, NIE WOMI VEPOTA PAI PA (LUKAS PASAL 7:1-5011-101)

¹Jesus kievoro kavo pasi so kaiwasa pai to manau pa, janama ria so Kota Kapernaum. ²Apa Komandan Roma pesi nana uta yana, nie womi sanepaya mo pesi. Womi jani piota veito vare vioru. ³Janama Komandan pai diediawa Jesus pa, diemiasa veve baba nana Yehudi pa esia so Jesus, siau ve amamo riam diono panaam so nie womi pai. ⁴Sendama so Jesus to manau pa, sesau so I, ave amamo vie tolon Komandan pai. Senggavo so Jesus e setoyo; 'Komandan nei ma vue tolon i mo, ⁵aso i-ma sanepai tane kaiwasa nei pana, e viaun anio ari pesi so ama to manau." ⁶Apa Jesus ria tutir sia. Jesus ria dieriasi anio pai to manau, amana Komandan pai diemiasa nie maneta pesia senda vedior Jesus, ave amamo setopa so I e setoyo; "Tuani, ruausara ra so ine anio wai vape moja. Ava diadi so ive tirima Au nana ine anio wai pa va. ⁷Apa joma diadi so matau irama so Tuani Au va pa. Apavo kuevor kavo pesa vea, ave ine womi wai pienaam. ⁸Aso mataun ya kota ma itatuan prenta nanapi ine mananir pai, e ine vena dou pa sia kota ma, tentara siana e setatuan ine prenta pasi mo. Masi jemias tentara pesie jojo, 'Rual' amamo i kota ria; e masi jojo so esi vesiei e jojo, 'Ruama so nine!' amamo i kota riam. E masi jemias ine womi pai e jojo, 'Nuenari pinine!' amamo nienari." ⁹Jesus diediawa kavo nine pa, kievo usara veito. Apa diarai e kievo so kaiwasa verausari pasia e dioyo, "Ite mesayo, siniotu nei. Nanapi kaiwasa Israel nei pa, aja isamuai sanetiar vebaba vetonine esi varami!" ¹⁰Amias pa sesovera so Komandan pai nie anio pai mana, womi vepota pai pienaam to manau. Jesus dionae inar pesi atu mua katiei vevoru pai, tienam riwanea pa (Mat. 7:11-17) ¹¹Raria pesi pa, Jesus ria so aniose pesi sano pa Nain. Nie murid pasia tutir kaiwasa vepau pasia kota sendausari. ¹²Jesus ria to dieriasi ria sore vera so aniose jana, amana sesariowa wominggo pesi e sesuvi tutir nana riasore pa. Wominggo nei ma, inar pesi atumua siria paina. Apa kaiwasa venana aniose jasia sepau senda usara inar pai. ¹³Jesus sieyo inar pai veito sanepai vey. Apa kievo soie diojo; "Suai vape moja. ¹⁴Janama Jesus dieka a tiawa eta varasa setisariowa woninggo pai. Apa vesariowa pasia setosa eta sia. Avori Jesus kievo e dioyo, "Ne katiei panau, itopa so au e suobata au!" ¹⁵Apa katiei vevoru pai biataie miesoi e kievavo. Avori Jesus dio soverai ea so siniani. ¹⁶Kaiwasa vesajo pasia vura sematai e sesanandik Sien Allah, apa senggavo e setoyo, "Nabi baba pesi ni vieruani so tata to manau ne. Sien Allah diono vesie pai maso nie kaiwasa pai ato!." ¹⁷Jesus nie topanusara nini miesepar usara Yudea vetutira e uta vena warira pasi vura.

YOHANES VIONO KAMBU SREN PAI NIE AMIAS PA SANDU (MAT. 11:2-19)

¹⁸Yohanes nie murid pasia, setopanusara pi Jesus nienari pasi vura. Apa Yohanes siau nie murid pa sumbe muandu, ¹⁹avori diemias sandue sunda so Jesus e surutani e suroyo, "Avo siniotu nari verama ariri Sien Allah nie arer pai andi au mo te, ite amatanota siniotu vevesieie? ²⁰Apa Yohanes nie murid pa sunda so Jesus e surutani suroyo, "Yohanes viono Kambu Sren pai, diemias nandu e amurutan Au toapa, Siniotu nari verama ariri Sien Allah nie arer pai andi au mo te, ite amatanota siniotu vevesieie?" ²¹Rabua yana ma Jesus diona panaam so kaiwasa borai, e dietavar pisavi vemas pasi e ditonae veremi kabere pa sepau sesajo to vesie. ²²Apavo Jesus ruar so amias pa sandue dioyo; "Musovera so Yohanes e mutopana pi vitosi muradiawasi e musayosi pa; veremi kabere pa sesayo, veraemi marera pa senda, vepota pado pa sepanaan, vene taradiau poya pa setadiawa, vevoru pa setenam riwanea, e Sien Allah nie Kavo Vesie pai tiopana maso siniotu vevoro pi pasia. ²³Vesie maso siniotu vetawairara ya va pasia. ²⁴Yohanes nie amias pa sunda to manau pa, Yesus tiopanariri nanapi Yohanes, maso kaiwasa pai e dioyo; "Vitoni menda mesajori nana mapar rubua pai pa? Samue wana pai sio riria ninae? ²⁵Vitoni menda mesayori pa? Siniotu vesasuna nana sasu viate ninae? Siniotu vesasuna nana sasu viate ne, vene pi vepau pai ma, miesoi nana anio Raja. ²⁶Apavo, vitoni mesuvie mesayori pa? Mesayo nabi nina te? Maite, vape ima riwal nanapi nabi. ²⁷Aso Yohanes nini, andi ayat venana surat repo pai tiopanie dioyo, Sien Allah kievore dioyo, Ine amias pai nine, nari jemiase piepo nanapi Au, ave amamo sies ria pai so Au!." ²⁸Jesus kievo riwanea e dioyo,

"Mesnemipaya, nana dunia nei ma siniotu pesi sa bieba rawai Yohanes viono Kambu Sren pai va. Vape, siniotu vemadia rawai nanapi Sien Allah nie kuaruvi pai, i ma bieba rawai Yohanes viono Kambu Sren pai."²⁹ Kaiwasa vura tutir siniotu verae veruir pajak pasia, setadiawa Jesus tiopana pininesi pa; sia ma siniotu vektorusara Sien Allah nie kavo tomanau, vesanemivesie pa siana. vesamuai Kambu Sren nanapi Yohanes³⁰ Vape siniotu Parisi pasia tutir guru agama pasia, senggambarai Sien Allah nie sanepaya pir maso sia pai. Aso senggambarai Yohanes sioiv sia pa.³¹ Avori Jesus kievo riwanea e dioyo, avo kaiwasa rabua nine sia, nari jona e jitato sia nanapi vito? Sembava ariri vito? ³²Sembava ariri atuma vemasoi nana pasar, apavo kut esi pasi siau aso kut esi pal e dioyo, "Amandoi ranu viate so mia, vape menggambarai memajai amandoi ranu sai so mia, vape menggambarai mesail."³³ Yohanes viono Kambu Sren pai rima vie puasa e dunu anggur va, e mia vura metojo, 'Vie pisavi!!' ³⁴Siniotu Atu ne Irama Japi e Junu, apa menggavo e metoyo, 'Ite mesayo siniotu wai! Dianggutu e, dunu e, kaiwasa vera e veruir pajak pasia tutir kaiwasa veve tatar pasia, sene maneta paina' ³⁵Toa sridioi e, Sien Allah nie vesieru pai, vieruana nanapi kaiwasa vektorusari pasia."

JESUS NIANA SIMONI NIE ANIO PAI PA (LUK. 7: 36-50)

³⁶Siniotu Parisi pesi, sano pa Simoni, siau Jesus e diapi. Apa Jesus ria so anio paie miesoi e diapi. ³⁷Vavi pesi nanapi Kota yani, I ma nie tenam pai kieriria, aso nienari kavo pa. Vavi nei diediawa Jesus diapi nana siniotu Parisi pai nie anio pai pa, kior mani vesairara pesi nana botol senanari nanapi rovuki viate mo nina. ³⁸Diosa nanapi Jesus karu pa, siwara ae pasi e siai, e rerukaru pasi sitatura so Jesus ae pasi. (Aso Yehudi pasia ma setapi mamu, sembata kasire nana bangko semasoi nana pasi pana), Janama ki rura Jesus ae pasi nanapi runandau pasi, avori sum na Jesus ae pasi e dimbuvu mani vesairara pai soasi.³⁹Siniotu Parisi vesau Jesus pai siejo kavo nine pa, kievo nana saneraro pa e dioyo; "Sinioyu nei ma, Nabi nina reto, nari ruu vavi vieka ma soi nei nie vava ne, e aso vavi nini ma, vie tatar pana!" ⁴⁰Avori Jesus kievo so Simoni e dioyo; "Simon, yo Ito pa kavo pina maso au." Apa Simon ruar e dioyo; "Guru, tuopa vea." ⁴¹Apa Jesus kievore dioyo, "Siniotu pa sumbe muandu, sumbe niaki pipi nanapi siniotu vene pipi pesi. Apa esi pai vie niaki pipi perak pa utin rim, e esi pai vie niaki siniotu muandu e sura. ⁴²Sandu vura, diadi so sumbait niaki jasi va, apa siniotu vene pipi pai dietor irara niaki pasie sinai. Apa nanapi siniotu muandu nine sandu pa, teini nari sanepai siniotu vene pipi pai to rawai?" ⁴³Amana Simoni ruar so Jesus e dioyo; "Isanemipaya mana, siniotu vene niaki to rawai e, viator irara e venai pasi". Apa Jesus ruar Simoni e dioyo; "Nomu kavo pa tindia."⁴⁴Janama Jesus sieyoraso vavi pai e dinggavo so Simoni e diayo; "Sueyo vavi neie? Irama so nomu anio nei, vape pir kambu pesi so jinduas ae nesi pa va, vape vavi nei riois ae nesi nana re rukaru pasi, e ki rurana nana runandau pasi. ⁴⁵Irama so nine mana au ma sum Ya va, mae vavi nei ma mienau sum na ae nesi pa va."⁴⁶Au ma vuvu mani vesairara na rune va, vape vavi nei ma, vuvu mani vesairara nana ae nesi. ⁴⁷Vata mo; Nie sanepaya vebaba nini, vieruani toapa, nie tatar borai pasi sive ampon to manau! Esi siemuai ampon katu, amamo nari veruana sanepaya pai katu kota."⁴⁸Avori Jesus kievo so vavi pai e dioyo, "Nomu tatar pasi sive ampon to manau." ⁴⁹Kaiwasa vemasoi e viapi tutir Jesus pasia, senggavo na matau sia e setoyo, "Siniotu vitoni nine, api diadi so vie ampon tatar pa?" ⁵⁰Amana Jesus kievo so vavi pai e dioyo; "Nomu sanetiar pai diono Slamat pai so au to manau. Vuvu tutir vesie!."

8 VAVI VIONO ADADURA JESUS PA SIA. (LUKAS PASAL 8:1-56 [1-3])

¹Manau na yana pa, Jesus ria so Kota pasi tutir aniose pasi, ave tiopana Kavo vesie pai toapa, Sien Allah dio vie prenta ariri Raja. Nie murid surae muandua pa sia senda tutir-l. ²Vavi dionae sepanaam nanapi pisavi, tutir pota vevesiei pasi, esia kota senda tutiri. Vavi pasia sesanomi pasi: Maria sesauwa ve Magdalena pai (andi pisavi pa rimemuandu sisuvi nanai pa); ³tutir Yohanai, Kusai veve pegawai nana Herodes nie anio pai vinie paina, e Susanai tutir vavi vevesiei pa esia sepau. Vavi nine sia sesuvir matau sene pi e setimburi pi so Jesus tutir Nie murid pasia.

KAVO SORA TARAWA NANAPI SINIOTU VETETAPA PI MOR PAI (MAT. 13:1-17; MRK. 4:1-12)

⁴Kaiwasa pai ria vea nanapi Kota vura, sendama so Jesus. E kaiwasa veruir pasia sepau to manau pa, janama Jesus kievo kavo sora tarawa pesi maso sia toapa nine; ⁵Raria pesi pa, siniotu viono romi pesi, ria tietapa pi mor. Tietapa pi mor pai pa, esasi sitawa na ria pai. Apa esasi ma setar patatasi, e esasi ma aya pa siasi. ⁶Esasi sitawa kota nana uta veve rovuki. Vape sisiwara ajai to manau mana simaninu, aso kakopa pai sienaja pana.⁷Pi mor pa esasi sitawa kota, nanapi uta veve waititi. Apa waititi pasi sitipu tutir pi mor pasi, apavo sisop tupa pi mor pasi veito sivoru. ⁸Vape pi mor pa esasi ma sitawa nana kakopa viate, apa sitipu e sisuvir buo vemanua to rawai vesiri, Jesus kievor kavo sora tarawa pai to manau pa, dioyo, "Teini vie taradiau mamu, diediawa!" ⁹Jesus Nie murid pa sia, setutani nanapi kavo sora tarawa erine kievo nana pai nie tarai pa ¹⁰Apa Jesus ruar so sia e dioyo, "Maso mia ma, Sien Allah diono sane veruina pai so mia, ave amamo menduin Sien Allah nie Kerajaan vianiwara pai vieva pa. Mae siniotu vevesiei pasi sisamuai pi aniau nanapi kavo sora tarawa, ave amamo setaduata, vape sesajo va; e setadiawa, vape senduin va".

JESUS TIOPANARIRI KAVO SORA TARAWA NANAPI SINIOTU VETETAPA PI MOR PAI, NIE TARAI PA

¹¹Kavo sora tarawa pai nie tarai pai tioapa nine: Pi mor pai, i-ma Sien Allah Nie Kavo paina. ¹²Pi mor vetawa nana ria pai ma, masi tutir siniotu viadiawa Sien Allah nie kavo pai pa siana. Vape bilis pai rima diewara Sien Allah nie Kavo pai vurusu sesanemi raro pasi, ave amamo sesanemitiar e sesamuai Slamat pai vape moja. ¹³Pi mor vetawa nana uta veve rovuki pai ma, masi tutir siniotu viadiawa Sien Allah Nie Kavo pai e veve trimai tutir sane vesasie. Vape Sien Allah Nie Kavo pai vie war nana sesanemi raro pasi va. Apavo sesanemitiar katu vea, e nanapi raria sotoura pai rima mana, sanetiar pasi sinai. ¹⁴Pimor vetawa nana uta veve waititi paima, masi tutir siniotu viadiawa Sien Allah Nie Kavo pai, vape sesanemi sasera sia so sene tenam pasi, e setoso samuai pi to pau e setenam to vesie na dunia nei pa. Pijasi vura sipokorum sia veitoro setisuvir buo viate pasi va. ¹⁵Pi mor vetawa nana kakopa viate pai ma, masi tutir siniotu viadiawa Sien Allah Nie Kavo pai, e vepitawani nana vesanemi raro viate ne vetindia. Senggarakuai veito sesuvir buo".

PADAMARA VEKUKUV TAWANA NANA KABESU PAI (MRK. 4:21-25)

¹⁶Sa esi kiair padamara pesi e kukuv tawani nana kabesu va, pivai piri nana patar vavar va. Vape vepir sasana padamara pai nanapi padamara ae pai, ave amamo siniotu vesua pasi, sisayor nie vesasaar pai pe. ¹⁷Aso pi vitopi aniwara pa, nari veruana to; e pi vitopi tautawana pa, nari masivu to. ¹⁸Apavo pi vitosi metadiawasi pa, mesanemipai tawanasi to vesie mo. Aso teini siemuai to manau pa nari viono soi to pau rawai ea; mae teini siemuai va pa, katu venanai rami pa, nari vekor vurusui kota".

JESUS SINIANI TUTIR NETA KATU PASIA (MAT. 12:46-50; MRK. 3:31-35)

¹⁹Jesus siniani tutir neta katu pa sia, sendama so Jesus, vape setisamuai va, aso kaiwasa pai piau veja. ²⁰Apa siniotu pesi kievo so Jesus, e diayo; "Guru, siniamui tutir nemetakatu sia, asia sena vorira wa. Sesasera Au veito!" ²¹Amana Jesus kievo so siae dioyo, "Siniotu viadiawa Sien Allah nie Kavo pai e viono ariri pasia, sia pa mamu, sinia pa siana, neta katu pa siana".

JESUS DIONAE DIOBARA PAI MIERI PA (MAT. 8:23-27; MRK. 4:35-41)

²²Nana raria pesi pa Jesus tutir Nie murid pa sia, sesa na wa pesi. Avori Jesus kievo so sia e dioyo; tambo avaru so ruru nei rawesi wa". Apa janama sembo. ²³Janama setapai pavo, Jesus diena. Worabua va mana, diobara pesi mun nana ruru pai. Apa bata pasi sisa so wai pai pavo, seto setinggariria. ²⁴Apa murid pa sia, senda sembaun Jesus. Setoyo; "Guru, Guru, tanggariria! Apa Jesus siobatai vori pienesi diobara pai tutuir bata veve bibiya pasi. Apa diobara pai tutir bata pasi simanau e ruru pai mieri vesiri. ²⁵Avori Jesus kievo so nie murid pasia e dioyo; "Metotopi mesanemitiar Ya va pa?" apa senggavo usara e sematai. E senggavo na matau sia vavera e setoyo "Avo siniotu nei ma teinina mone, api kievo so wana pai tutir bata pasi e sikorusari pa!"

JESUS DIONAE SINIOTU VEVE PISAVI.PAI PIENAAM.PA (MAT. 8:28-34; MRK. 5:1-20)

²⁶Yesus tutir nie murid pa sia setapai avaru so Ruru Galilea rawesi sesauwa ve uta Gerasa. ²⁷Apa Jesus viar arei so rei pa, amana siniotu veve pisavi pesi ria bur Jesus. Siniotu nini ria nanapi Kota. Vape kiekabir to woroi ato, e kiembarai niana anio. Niana rovuki kamberei senanari ve kubir pasi. ²⁸Sieyo ra so Jesus pa, dienanari vori janama disanaebu pasi nana Jesus aropo pa e siau so Jesus e diojo, "Jesus, Allah Atu Vetariai mo panAu! Nari buono ya toane? Isau so Au e, buo vavera ya vape moja!" ²⁹Siniotu nei kievo toapa jana pa ma, aso Jesus diemias pisavi pasie, sisuvi nana i pana. Pisavi wasi sisa so i mamu, senggasie tawan vara pasi tutir ae pasi nanapi wangga, vape piotuwa wangga pasi e pisavi pasi siepairi ra so mapar veve rubua wasi. ³⁰Apa Jesus dutani e dioyo, "Sanomu pa teina?" amana siniotu pai ruar e dioyo, "Sano pa Legion", aso pisavi pa pau sira savui to manau pana. ³¹Apa pisavi pa sisau so Jesus, ave amamo Jesus dietavarsie sivavu sivoru nana uta vesotera pai vape moja. ³²Nana uta jana kota, pimuna aum pa tau pimasa pesi, sirae siapi nana veve sambav pa. Apavo pisavi pa sisau so Jesus, ave Jesus e miayar mamu, pisavi pasi sivavu sisua nana pimuna pasi. Apa Jesus miayar. ³³Janama pisavi pasi sisuvi vurusu siniotu pai e, sisua na pimuna pasi. Apa pimuna pasi sivavu ra sikopa na vesotera pa susa ruru pai e simarutu. ³⁴Siniotu vesayo rora pimuna pasia, sesayo subata kavo nine. Apa setapai e setopana kavo ne nana Kota pai, tutir Desa venana jasi. ³⁵Apa kaiwasa pai suvie ria sieyor kavo veve diadi nine. Apa sendama so Jesus, e sesayo mana siniotu veve pisavi pai pienaam to manau e, miesoi siwara Jesus ae pasi pa. Siesuni to manau e, ru pai siesaar to manau. Apavo sematai. ³⁶Siniotu vesayo subata kavo nine pa sia, setopanusara so kaiwasa pai, nanapi siniotu nei so pienaam pa. ³⁷Apa kaiwasa venana uta Garasa pa sia, sesau so Jesus, ave vievu vurusu sene uta pa, aso sia vura sematai vesiri. Apa Jesus sia so wa pa e, sesovera ea. ³⁸Siniotu vepanaam nana pisavi pai, siau so Jesus, ave amamo ria usar Jesus. ³⁹Amana Jesus diemiasi e dioyo; "Vuevu, e tuopanusara vitoni Sien Allah nienari maso au to manau pa. Apa siniotu pai ria e tiopanusara so Kota pai vura, nana pi Jesus nienari maso-i pa.

JESUS DIONAE, YAIRUS ATU VAVI VEVORU PAI TIENAM EA PA, TUTIR VAVI VEPOTA SAMIR NIAR PAI PIENAAM PA (MAT. 9:18-26; MRK. 5:21-43)

⁴⁰Jesus sioverai avaru so ruru pai rawesi wa pa, kalwasa vianota-l pasia, sesorum ma soi tutir sane vesasie vesiri. ⁴¹Avori siniotu veve baba nana anio ari pa esi, sano pa Yairus. Ria disana aebu pasi nanapi Jesus aropo pa, e siau ve amamo Jesus ria soi nana nie anio wal. ⁴²Aso atu vavi siria pai vie umur tahun surae muandu, deriasi vioru. Apa Jesus ria tutir Yairus so nie anio pai, vape kaiwasa pai siorum kobar Jesus veja. ⁴³Apavo vavi pesi kota, siemuai pota samir niar pai, taun surae muandu, vape pienaam va. ⁴⁴Vavi nini, ria dieriasi Jesus karu pa, avori diekaa vara buasa Jesus nie sasu juba pai dere dou pa. Apa nanapi diam jani kota e, vavi pai nie pota samir niar pai pienaam. ⁴⁵Apa Jesus duta e dioyo, "Teini vara buasa Ya pa?" amana kaiwasa pai vura pioras. Apa Petrusi dioyo, "Guru, kaiwasa pai piau e sesorum Au pa joma sembarami buasa Au pa. ⁴⁶Amana Jesus dioyo, "Vape, esini dieka ma vara buasa Ya pa. Sane riruina, aso ine paya pa esa suvi pa" ⁴⁷Apavo vavi nei saneriruina mana, Jesus ruini to manau. Apa mietai to ririojar e, riapo disanaebu pasi nana Jesus aropo pa. avori tiopanariri so kaiwasa pai vura, aso vitopi vediayarae vara buasa Jesus soa pa, e nie pota pai pienaam nana diam jani kota pa. ⁴⁸Apa Jesus kievo soi e dioyo, "Ine atuma panau, aso joma sanetiar pa, puenaam pa. Vuevu tutir vesie pai." ⁴⁹Jesus andia kievo rami, amana siniotu amias pesi, ria nana Yairus nie anio pai ma. Tiopa so Yairus e dioyo, "Atumbavi vioru to manau. Apavo buovavera Gurui ea vape moja." ⁵⁰Jesus diediawa pa kievo so Yairus e dioyo, "Muetai vape moja. Sanetiar vea e, atumbavi nari pienaam." ⁵¹Senda so Yairus nie anio pai to manau pa, Jesus dioi suara e, sa esi ria usari apui va. Mae Petrusi e, Yohanes e, Yakobus, tutir atuma pai tamani-siniani sandu vea. ⁵²Kaiwasa pai vura, asiaya sesai, aso atuma pai vioru pa. Amana Jesus kievore dioyo, "Mesai vape moja. Atuma nei vioru va, diena vea!" ⁵³Apa semari Jesus, aso senduin toapa, vavinggatu pai vioru to manau. ⁵⁴Yanama Jesus rut nana atuma pai vara pa e dioyo, "Atuma panau, suobata au." ⁵⁵Apa atuma pai nie wainunu pai, sioverai so atuma pai ea, e nana diam yani kotae siobatai. Manau pa Jesus diemias e, seto pisia so atuma pai. ⁵⁶Atuma pai nie baba pasia, senggavousara veito. Vape Jesus mun vedior sia ave setopanusara kavo ne so esi vape moja.

9 JESUS DIEMIAS NIE MURID SURAE MUANDUA PA SIA PA

¹Jesus siau Nie murid surae muandua pa sia, avori diono paya so sia e setitavara pisavi e, setono pota pasi e sipanaam. ²Janama diemias sia e senda setona e vepota pa sia sepanaam e, setopanusara toapa Sien Allah dio vie prenta ariri Raja to manau. ³Apa Jesus kievo so sia e dioyo; 'Sa menggor piesa nana mene rara pasi va. Sa menggor aitato va, pivai rota sua vetin pipi va, pivai pisia va, pivai pipi va, pivai sasu pa muandu va. ⁴Sembe trima mia nana uta pesa mamo, menana jana, veito mesuvi nana uta jana ea. ⁵E sembe trima mia nana uta pesa va, e raria mesuvi vurusu uta jana mamo, mendora upisa wavu venana mendaemiva pasi, ave sive sanepaya so sia." ⁶Janama Jesus Nie murid pa sia sesuvi, e sendausara Desa pasi e setopanusara Kavo Vesie pai e setitona e vepota pa sia sepanaam.

HERODES SANE SASERA PA (MAT. 14:1-12; MRK. 6:14-29)

⁷Herodes Raja veve prenta nana uta Galilea pai, diediawa kavo ninesi pa, sane sasera. Aso esi pa setoyo, Yohanes viono Kambu Sren pai, tienam riwanea pana. Esi pa sia kota senggavo toapa, Elia suvi riwanea. ⁸Esia kota senggavo toapa, nabi vepo mo pa sia, esini tienam riwanea pa. ⁹Apavo Herodes kievore diayo, "Yemiasa siniotu e setaratuwa Yohanes ru pa to manau. Vape siniotu nini ma, teinamo? Yediawa kavo pa pau to manau, aso siniotu nei". Apavo Herodes diosasera, ave amamo sieyo Jesus.

JESUS DIEUM KAIWASA SIARAN RIM PA SIA PA (MAT. 14:13-21; MRK. 6:30-44; YOH. 6:1-14)

¹⁰Jesus nie Rasul pa sia sesovera e setopanusara pi senanari to manau pasi vura, maso Jesus. Janama Jesus kior sia e, sesovera sia so Kota Betsaida. ¹¹Vape kaiwasa pai ruina kavo nine pavo, senda usara Jesus. Apavo Jesus vie trima sia, avori kievavo so sia nanapi Sien Allah nie Kerajaan pai. E dionae kaiwasa vepota pa sia sepanaam. ¹²Janama wor pai dio disua pa, Jesus nie murid suraemuandua pa sia, sendama so-l e setoyo, "Nine ma, uta vetaitu pina. Apavo buemias kaiwasa nei e vievu, ave amamo sesasera pisia tutir uta setena nana, nana aniose tutir Desa venana ninesi." ¹³Amana Jesus dioi aso sia e dioyo, "Mia metono pisia so sia. Apa Jesus nie murid pa sia setoyo, "Vape amane roti ne rim, e dia ne muandu vea. Apavo nari amanda amambori pisia so kaiwasa borai ninie?". ¹⁴(Aso kaiwasa veruir pa sia, mua veivea e, sepau pa vare sembe siaran rim) Apa Jesus kievo so nie murid pa sia e dioyo, "Metamias kaiwasa nei e, semasoi e sembe kut, sembe siniotu muandu e sura nana kut siri." ¹⁵Jesus nie murid pa sia senanari ariri kavo kievora so sia pa. ¹⁶Janama Jesus kior roti rima pasi tutir dia muandua pasi, avori sieyo sasana so rorawa e tiopana trima kasi ajai so Sien Allah. Janama piotatepu roti pasi tutir dia pasi, avori dionasi so nie murid pa sia, ave amamo sembovsi usara kaiwasa pai. ¹⁷Apa kaiwasa pai vura, diapi to miosir. Avori Jesus nie murid pa sia senduir pisia tamua pai pa, baya pa surae muandu sionu.

PETRUSI TIOPA VERUANA JESUS PA (MAT. 16:13-19; MRK. 8:27-29)

¹⁸Raria pesi pa, nana rabua Jesus andia vie nadi mesari pa, apa nie murid pa sia sendama so-I. Avori Jesus dutan sia e dioyo, "Avo kaiwasa nei dioyo teini Yau?" ¹⁹Apa murid pa senduar so-l e setoyo, "Esia ma setoyo Johanes viono Kambu Sren paina. Esia kota ma setoyo, Elia, esia vesiei ea ma setoyo, nabi vepo mo pa esi ni tienam riwanea pa."²⁰Avori Jesus dutan sia riwanea e dioyo: "Mae mataun mia ma metotoyo teini Yau?" Amana Petrusi ruar e dioyo, "Au ma Raja vekor slamat Sien Allah dierera pai, andi Au".

JESUS KIEVAVO NANAPI KARIRIA NARI VETER I PAI, E NIE VORU PAI (MAT. 16:20-28; MRK. 8:30-9:1)

²¹Avori Jesus kievo so nie murid pa sia e dioyo, "Metopana kavo ne so esi vape moja." ²²Jesus kievo kota e dioyo, "Nari Siniotu Atune Isamuai kariria pa pau, e veve baba pa sia tutir Imam pa sia, tutir guru agama pa sia, setawa irara yau. E nari semun yau, vape raria veve torua pai mamo, isobata yau ea."²³Avori janama Jesus kievo so kaiwasa pai e dioyo, "Teini dio riasara ya mamo, karutarera matauni pi nie, e sieriowa nie tenam vio marabati so i nana raria vura pasi, e janama dinda usara yau." ²⁴Aso teini diayo die riori nie tenam pai mamo, nari nie tenam pai niai. Mae teini viovio nie tenam pai e niai aso sano ne, amamo i-ma nari siemuai tenam viaworoi pai. ²⁵Guna vitopi esi siemuai dunia nei vetutira, vape kieriria e nie tenam pai?²⁶Aso esi miemaya ruar yau, tutir ine kavo aniau nei mamo, nari ya kota imamaya iruara siniotu jani nana raria ira ea ma wa, tutir ine paya pai, e tutir ine Malaekat veve sren pa sene paya pai. ²⁷Itopa so mia, toapa, nanapi siniotu nine mia, esia ma sa semboru varami veitoro sesajo Sien Allah vie pareta pa pino."

JESUS VIERUANA NANAPI NIE RURAWA SIE PAIPA (MAT. 17:1-8; MRK. 9:2-8)

²⁸Jesus dieniau nana kavo aniau ninesi vura to manau e kara ari siri to jana. Avori kior Petrusi e Yohanes e tutir Yakobus e, setauta ajai so wi vavo pesa, ave amamo Jesus dio vie nadi ²⁹Jesus andia vie nadi na jana pa, rurawa Sie pai veruana nana-l, apa re pasi siombesiei e nie sasu pasi simamara to sisanggapara. ³⁰Worabua va mana siniotu pa esandu, sumberuana sandu nanapi sasaar pesi ³¹vieva nana rora wa. Siniotu nine sandu ma, Musai Elia sandu. Sunggavo tutir Jesus, so nie voru Sien Allah pir so-l to manau e worabua va so riai nana Yerusalem pai. ³²Petrusi tutir nie maneta ne sandu ma, sembe remo pavo setena. Vape ineri setandor sane mas, e sesajo mana Jesus disanggapara e, siniotu muandua pa sandu surosa tutir-l pa. ³³Janama siniotune sandu suro sumbavur Jesus pa. Petrusi kievo so Jesus e dioya: "Guru, vesie vesiri so tanana uta nine pa. Vesie mamo amananari java pa toru: siri so gurui au e, siri so Musai e, siri ea so Elia". (Petrusi kievo wa, ruin ariri kavo kievora wa va). ³⁴Petrusi andia kievo tonine rami mana, arepa pesi riana tievun sia, apa sematai. Aso senana arepa pai raro pa pa. ³⁵Worabua va mana raopui pesi kievo nana arepa pai raro pa e dioyo; "Ine Atuma jiri to manau pai nine, apavo metadiawa-I". ³⁶Raopui vekavo nei kievo to manau mana, sesajo Jesus miesari nana jana. Musai Elia sunana jana ea va. Rabua jana murid pa sia, sepe tutir kavo ne vea, e setopanayasa pi sesajora nesi so esi ea va.

JESUS DIONO PANAAM SO ATUMA VEVE PISAVI PAI PA (MAT. 17:14-18; MRK. 9:14-27)

³⁷Kausapa pa mana Jesus tutir nie murid pa setoru sembiar nana wi pa, apa kaiwasa pai siorum ma so I ³⁸Avori sia esi dumina so-l e dioyo; "Guru, ka sueyo ine atuma nei ri. I ma ine atuma siria paina." ³⁹Wainunu vekariria pai dio sia soi mamo, diananar sanemas e sio ve wonggei veito sore nei vie wopapus. Wainunu vekariria pai dio sia soi mamo, suvi vurusus va. ⁴⁰Isau so nomu murid pa sia to manau, ave armamo setatavar wainunu vekaariria pai vurusus, vape diadi va."⁴¹Apa Jesus kievore dioyo; "Siniotu ne mia, vata mo e mendumi ne sikarakuai e mesanemitiar kawawaru vesiri. Ina tutir mia e Itituwa usara mia raso topina ea. Kuor atumui ma!" ⁴²Janama atuma pai ria bur Jesus, amana wainunu vekariria pai biari e diona e nie tarai pai tienandor e sio ve wonggei. Amana Jesus mias wainunu vekariria pai, e dionae atuma pai pienaam. Janama diosovera atuma pai so tamani.

JESUS KIEVO NANAPI NIE VORU PAI PA.

⁴³Kaiwasa pai kievo usara, aso sesajo subata Sien Allah Nie paya baba veveruana jani pa. Kaiwasa andia kievo usara so sesajo subata pi Jesus nienari pasi rami e, Jesus kievo so nie murid pasia e dioyo; ⁴⁴"Mesanemipaya to vesie mo, e meparao ine kavo nesi vape moja; "Nari sembova Siniotu Atu ne Yau, maso siniotu pa sivarami pasi". ⁴⁵Vape murid pa sia, senganggau Jesus nie kavo pa. Kavo ne aniwara so sia, ave amamo senduin vape moja. Vape sematai setutan kavo ne nanapi Jesus.

MURID PA TEINI BIEBA RAWAI? (MAT. 18:1-5; MRK. 9:33-37)

⁴⁶Jesus nie murid pa sia sembaririwi, aso teini nari bieba nanapi sia. ⁴⁷Amana Jesus ruin sene sanepaya pasi, apa siau atuma katu pesi e diemiasi e diosa siwar-I. ⁴⁸Avori kievo so nie murid pa sia e dioyo; "Teini vie tirima atuma nei nanapi

sanone, amamo ima vie tirima ya pana. E teini vie tirima ya mamo, ima vie tirima viamias ya pai pana. Aso teini miedia rawai nana mia pa, amamo ima vebaba rawai mo pina!"

TEINI KIORUSARA MIA MAMO, IMA NIANA RAWA MIA (MRK. 9:38-40)

⁴⁹Raria pesi pa Yohanes kievo so Jesus e dioyo; "Gurui, amasayo siniotu pesi dietavar wainunu vekariria pasi vurusua, nana Gurui sanomu pa. Apa amatoi suari, aso i ma tutir tata va pana." ⁵⁰Amana Jesus kievo so Yohanes tutir murid esi pa sia, e dioyo: "Metoi suari vape moja, aso teini vieririwi kavo tutir mia va mamo, i ma niana rawa mia".

ANIOSE PESA NA UTA SAMARIA, SETOI IRARA JESUS PA

⁵¹Jesus nie raria pai dieriasi so sia so rora pa, kutu so ria so Yerusalem pa. ⁵²Apa diemias siniotu e sepaponi. Apavo siniotu diemiasa pa senda, sesua na aniose pesa, na uta Samaria. E sesayo ariri pi vesiri, nana uta jana, anota Jesus. ⁵³Vape siniotu venana aniose jasia, setoi irara Jesus, aso veruana vesiri so Jesus nie rara pai ria so Yerusalem pana. ⁵⁴Janama Jesus nie murid pa sandu, Yakobus tutir Yohanes, sunduin kavo nine pa, sunggavore suroyo, "Sie panau, nari muajar so amusau adia pesie viar na rorawa mesu dian tatir kaiwasa nei e?" ⁵⁵Amana Jesus diara e kiesiou sandu. ⁵⁶Manau pa janama senda so aniose vevesiei pesa.

SINIOTU VIO VERAUSARA JESUS PA SIA (MAT. 8:19-22)

⁵⁷Raria pesi pa Jesus tutir murid pa sia senda. Apavo asiaja nana sene rara pai ramie, siniotu pesi kievo so Jesus e dioyo: "Guru, yo ira usara Au ra so topina vea." ⁵⁸Amana Jesus kievo soi e dioyo: "Wona rei pai nie kamberei e aya pai ni nie karai pa, vape Siniotu Atu ne Ya ma, ivaro uta ivata nana." ⁵⁹Avori Jesus kievo so siniotu pesi vesiei ea e dioyo; "Rua usara Yau!" Amana siniotu pai dioyo: "Toa mamo, nanaria ve ivavura ive kubir yai papori." ⁶⁰Amana Jesus ruar soi e dioyo: "Vuevur siniotu vevoru pa sia e sembe kubir sene siniotu vevoru pai. Mae au ma, rua e tuopanusara kavo pai toapa, janama Sien Allah dio vie pareta pana."⁶¹

61SINIOTU VEVESIEI PA ESI KOTA KIEVORE DIOYO: "GURU, YO IRA USARA AU KOTA, VAPE AMAMO IVAVURA ITOPA SO INE WASIA PAPO RI.

⁶²Amana Jesus kievo soi e diaya: "Siniotu pesi dio vie bajak, avori mienawer tara karu mamo, sa sua e dietor ve kaiwasa nanapi Sien Allah Nie Kerajaan pai va."

10 JESUS DIEMIASA NIE KAIWASA SINIOTU TORU E SURU VERA USARL PASIA PA

¹Avori Jesus diri siniotu verausari pa sembe siniotu toru e sura ea, e diemias sia e sembe muandu-muandu, e sepapono Jesus e senda so Kota pasi tutir uta dio ria soa pasi. ²Janama Jesus kievo so sia e dioyo: "Pitatana vio viema pai reto piau, vape siniotu viema pa sipau va. Apavo mesau so Sien vene romi pai, ave amamo dienatu siniotu venanaripi pasia, ave amamo setema nie pitatana pai." ³Yo, apavo menda. Jemias mia ariri domba pasi sira sesiorana wona rei pasi pa. ⁴Menggor dompet visubata pipi va, pivai rota visubata pisia va, pivai sapatu va. Memanau nana ria rabua pae metopa tabe so siniotu pesi kota va. ⁵Mesua so anio pesi mamo, mesau papo e metoyo: "Ama sau e, saneraro veve dame pai riana so anio raro nini!" ⁶Masi siniotu vesanemi vesien dame pesi niana jana mamo, nomu tabe dame jani, nari viata soi, mae piva mamo, suerap sovera nomu tabe dame jani. ⁷Memasoi pepiai nana anio pa siri vea. Memasoi atitieri anio pa esi to manau e esi vesiei ea vape moja. Metan pisia vitosi senunusi na jana matu so mia pa, aso siniotu venanari pi pai ma, nari siemuai nie vait pai. ⁸Meto mesua nana Kota pesi e, sembe trima mia tutir vesie mamo, metan pisia vitosi senunusi na jana matu so mia pa, e metitopa so kaiwasa venana jasia, toapa, ⁹woroi va so Sien Allah nari vie paretah ariri Raja nanapi mene kasau rabua ne pa. ¹⁰Vape masi mendama so Kota pesi, e setawa irara mia mamo, mesuvi ari so ria wai e menggavo toapa, ¹¹Wavu venana mene Kota nei e vetetiai na amandaemi nesi, amandora upisasi, ave sive sanepaya so mia. Vape mendumu toapa raria pai dieriasi to manau, so Sien Allah dio vie pareta ariri Raja nanapi mene kasau rabua ne pa!" ¹²Mesanemipaya, raria dunia nei kieriria pa mamo, kaiwasa venana Kota nini, siemuai marabat pai rawai, nanapi kaiwasa venana uta Sodom pai. Kota vekambarai vesanemitir Jesus pasi (Mat. 11:20-24) ¹³"Kawai maso mia, Kota Korasim! E kawai maso mia, Kota Betsaida. Masi pitandor inanari nana mene kasau rabua ne pasi, inanarisi nana Kota Tirus tutir Kota Sidon, areto kaiwasa venana pa sia semanau sene tenam veve tatar pasi, to manau, e sesasun sia nanapi sasuvemandat e senggamu wavu so sendumi pasi. ¹⁴Nana raria dunia nei kieriria pa mamo, mesamuai marabat pa rawai, nanapi kaiwasa venana Kota Tirus tutir Sidon pa sia. ¹⁵E Kapernaum ne mia! Mesanemipai metoyo nari metariai ayai so rora wa e. Pivai! E nari sengge mia susa adia naraka!" ¹⁶Avori Jesus kievo so nie murid pasia e dioyo, Teini diediawa mia mamo, i ma diediawa Yau. E teini tiawa irara mia mamo, i ma tiawa irara Yau. E teini tiawa irara Ya mamo, i ma tiawa irara viamias Ya pai kota."

MURID SINIOTU TORUE SURASIA SENDA TO SESOVERA PA

¹⁷Murid siniotu torue surasia, sesovera tutir sane viatate pimasa vesiri. E setinggavo so Jesus e setoyo, "Sie panau, pi sararidioi pasi kota siediawa ama, aso amatatavarasi nana sanomu pa pana." ¹⁸Avari Jesus kievo so sia e dioyo: "Isayo Bilis pai tiawa nana rorawa, ariri ververa." ¹⁹Nine ma, menduin toapa, jono paya so mia to manau, ave amamo metapatata korou e pikarari e, metinggarotu paya nanapi vekumuar pai, e kariria pesa itera mia va. ²⁰Toa saridioi e, mesanemi pa sietate so wainunu vekariria pasi siediawa e sikorusara mia pa vape moja. Vesie rawai pa, mesanemi pa sietate so mesanomi pasi sivui tawana na rora wa pa".

JESUS SANAPA VESIE PA (MAT. 11:25-27; 13:16-17)

²¹Nanapi rabua jana, Jesus sanapa vesie so Wainunu Sren pai sua so I pa. Apa Jesus kievore dioyo, "Yai, Sie vene rora e kakopa panAu! Ive trima kasi so Au, so pijasi vura, bueniwarasi so siniotu veve pande pasia pa, mae vueruanasi so siniotu vianiau va pasi. Nine a ono sane vesieni maso Yai Au pa." ²²Pi vura ma Yai siwasi maso Ya to manau. Esi dinduvin Ya va, Yai muesari. Esi dinduvin Yai Au kota va, Imesari e maso siniotu teini Isanemi vesie Iveruana Yai Au soi pa." ²³Avori Jesus mienawer so Nie murid pasia, e janama kievo so sia mesari e dioyo: "Vesie maso mia, aso mesayo pi diam nini mesayora to manau ne pa." ²⁴Aso mesanemi paya, nabi pa tutir raja pa sepau, sesanemi kariria sesayo pi diam nini mesayora ne, vape sa sesayora va. Sesaneni kariria setadiawa pi diam nini metadiawa ne, vape sa setadiawa va."

KAVO SORATARAWA NANAPI SINIOTU SAMARIA VEVERUANA SANEPAYA PAI

²⁵Raria pesi pa veve baba nana Torat pesi, biataie dio siotoura Jesus. Apa dutanie dioyo, 'Guru, avo vitoni inanari, ave amamo isamuai tenam viaworoi pai?" ²⁶Apa Jesus ruar soi e dioyo: "Mae vitoni vui nana surat repo pai pa? E buosanemipai usari pa toane?" ²⁷Apa siniotu pai ruar so Jesus e dioyo: "Sanepai Allah nomu Sie pai nanapi sanemu raro vetutira, nanapi nomu wainunu pai vura, nanapi nomu pande pai vura; e sanepai nomu neta vevesiei pai ariri sanepai riwan mataun au pa". ²⁸Apa Jesus kievo soi e dioyo: "Nomu kavo pa tindiya". Nuenari ariria, amamo nari tuenam." ²⁹Amana veve baba nana Torat pai dioyo nie pa tindiya pavo, dutan riwane e dioyo: "Neta vevesiei pai i ma teina?" ³⁰Apa Jesus tiopanariri soi e dioyo; "Raria pesi pa, siniotu pesi viar na Yerusalem so Yeriko. Ria vietiai ria pa rabua, amana rai vera e viawar pi pesia setau soi, apa setawara nie pi kior pasi vura, e sendoral veito vare vioru e sembavuri e ria viata nana ria rabua pa, tutir nie tarai veve kapapor pasi." ³¹Amana Imam pesi ria kota nana ria jani, e siejo siniotu nei, vape ria tariri e dinda. ³²Avori siniotu Lewi pesi kota, ria nanapi jana, e siejo siniotu nei, vape ria tariri e dinda kota. ³³Vape ineri siniotu Samaria vionda pesi, ria nanapi jana kota. Siejo siniotu nei pa, sanepai veito! ³⁴Apa ria dieriasi siniotu pai, avori ki rurana kapor pasi nanapi mani tutir anggur, to masi, janama piat tawana kapor pasi. Manau pa janama siasana siniotu pai ajai so matauni nie keledai pai, e kioria so anio vesoruira kaiwasa vera vavera pai, ave amamo setono airawi soi. ³⁵Kausapa pa, kior ropia tarai vebera pa muandu, e dionasi a so siniotu vene anio vesoruiri kaiwasa vera vavera pai, e dinggavora e dioyo; 'Buono airawi soi, e nomu marior esi pasi ma isovera ea ma mamu, nari ivaitisi.'" ³⁶Jesus kievo tonine to manau pa, janama dutani toapa nine, 'nanapi buone sanepaya mamu, teini vie neta maso siniotu semu tatira pai?" ³⁷Amana veve baba nana Torat pai ruare dioyo, "Siniotu veveruana sanepaya maso siniotu pai". Apa Jesus ruar soi e dioyo: "Yo, apavo rua ve nuenari toapana kota!"

JESUS RIA SIEYO MARTAI MARIAI SANDU PA

³⁸Manau na jana pa, Jesus tutir Nie murid pasia senda, apa senda ra so Desa pesi. Nanapi uta jana pa, vavi pesi sano pa Marta. ³⁹Martai nie neta pesi, sano pa Mariai. Mariai ma miesoi siwara Jesus e diediawa Nie kavo aniau pasi. ⁴⁰Mae Martai ma rewari nie nanaripi vena anio raro pasi. Apavo ria so Jesus e dioyo: "Sien, avo buopeya usara Mariai e, inanaripi mesari veae? Buemiasie nienaripi tutir yau!" ⁴¹Apa Jesus ruar so Martai e dioyo: "Marta, Marta! Sane sasera e rewari pi pa nine-wana veito, ⁴²arorae, pi verawai mo pa ma siri to. E Mariai diri viate pai to manau, viate sa vekor vurusui ea va pai."

11

JESUS DIENIAU NIE MURID PASIA NADI PAI

¹Raria pesi pa Jesus vie nadi nana uta pesa. Vie nadi to manau pa, Nie murid pasia esi dioyo, Sien ite bueniau ama e amambe nadi ariri Yohanes dieniau nie murid pasia e sembe nadi pa" ²Apa Jesus kievo so sia e dioyo: "Meto membe nadi mamu, menggavo toapa nine; "Jai, Au ma Sie vemesari pa Au na. Au suemuai som sanandika pai reto." ³Buono pisia amatan nana raria vura pasi. ⁴Vue ampon amane tatar pasi, aso ama kota amambe ampon siniotu vesasara so ama pa sia. E tituwa ama e amane sanetiar pasi sinai nana rabua ama sarnuai sotoura pai vape moja

MINTALAH, CARILAH, DAN KETUKLAH (MAT. 7:7-11)

⁵Avori Jesus kievo so Nie murid pa sia e dioyo, "Mia esi ria so nie maneta pesi na nie anio pai, nana diru rabua, e kievo soi e dioyo, maneta, isau roti pa toru, ⁶aso ine maneta pa esi nina, erine vori sirieu ma niana ine anio wai, e ivaro pisia soi!" ⁷Masi nomu maneta ruama soa pai, kievo nana anio raro wa toapa nine, buo vaveri ya va! Ava rature pai siori to manau e atuma nesia ama tena to manau. Apavo sa ibata yau e yono piesa so au va. ⁸Avori Jesus kievo riwanea e dioyo: "Apavo itoane?" "Itopa! Nie maneta ni au, vape kiembarai biataie dion pisia so au. Vape aso jorna muemaja va e suau tawana vea pa, joma nari biataie, diono pi suauwa nana i pa, maso au pa." ⁹Apavo itopa so mia; "Mesau, ava nari viona maso mia; mesasera, ava nari mesamuai, metov, ava rature pai nari tiesieva maso mia. ¹⁰Aso siniotu vesau pai ma nari viono soi; e siniotu vesasera pai ma nari siemuai, e siniotu vetov pai ma nari rature pai tiesieva soi. ¹¹Nanapi mia pa, tama pa teisau atumui siau dia mamu buono korou soi? ¹²Pivai siau kokori ponori mamu, buono pikarari soi? ¹³Apavo menganggau, vape menduin meto pi viate maso mene atuma pasia kota. Avori tuane tutir Tarna venana rora pai! I ma nari diono Wainunu Sren pai maso siniotu vesawi nana I pasia!"

PAYA NANAPI JESUS PAI E, PAYA NANAPI BILIS PAI

¹⁴Raria pesi pa Jesus dietavar pi sararidioi pesi e, suvi vurusu siniotu vesoremi mumuja pa esi. Pi sararidioi pai suvi to manau pa, siniotu pai sore pa masivu e kievo. Apa kaiwasa pai kievo usara, ¹⁵Amana esi pa setoyo: "Dietavar pi sararidioi pasi nanapi Beelzebul nie paya pai, pi sararidioi pa sine veve mananir pai na." ¹⁶Avori siniotu vevesiei pa esia kota, seto sesotoura Jesus, apavo sesau ve dioisara pi tandor pesi, ave veruana toapa, Jesus ma ria nanapi Sien Allah ma. ¹⁷Amana Jesus ruin sene sanepaya pasi. Apa kievo so sia e dioyo: "Masi Negara pesi, piosasavua e mun vaveri mamu, negara jani sa diete va. E anio raro pesi piowawasa e mun vaveri mamu, nari setinggariria. ¹⁸Toapana kota Bilis pai piowawasa e vie marova tutir matauni mamu, nari Bilis pai nie kerajaan pai piava. Matau metojo jetavar pi sararidioi pasi nanapi Beelzebul nie paya pai. ¹⁹Toapana mamu, mene murid pa sia, setatavar pi sararidioi pasi nanapi tei nie paya? Matau mene murid pa sia, semberuana toapa mia membe sasara! ²⁰Vape Ya ma Yetavar pi sararidioi pasi nanapi Allah nie paya pai, e i ma oisara toapa, Sien Allah Nie Kerajaan pai rima so mia to manau. ²¹Masi siniotu vepaya pesi, rut pimamuna e ditaramana vedior matauni nie anio pai, amamo nie pisasera pa vura, nari sivata manasi. ²²Vape siniotu vepaya rawai pesi, mu tatiri to piava, amamo siniotu vepaya rawai pai, nari diewara siniotu vene anio pai nie pi mamuna pasi, e viov nie pisasera pa vura. ²³Siniotu venana rawa Ya va pai, i ma dio dion mamu tutir Yau, e siniotu vekota Ya va pai, i ma dio rura ine nanaripi pai!"

WAINUNU VEKARIRIA PASI SISUA RIWANE NANA SINIOTU SINANA PAI PA (MAT. 12:43-45)

²⁴Masi wainunu vekariria pesi, vievu vurusu siniotu pesi mamu. Wainunu jani diaravaverai nanapi uta vesawawor, ave siesera uta so mienau marior nana, vape disamuai uta va, apavo kievore dioyo, 'nari isovera ea so anio ivavu vurusua to manau pai!! ²⁵Ria so wana to manau mana, siejo mana anio pai viero kaena e diete pa. ²⁶Apa ria kior wainunu vevesiei vinggariria rawai mo nana i pa, rime muandu. Janama sesua na siniotu paie semaso na jana. Apa siniotu pai nie vava pa, inggariria rawai nanapi retenapa ea."

VESIE RAWAI MO PAI

²⁷Jesus kievo tonine to manau mana, vavi pesi nanapi kaiwasa vesorum pai, kievo so Jesus e dioyo, vatamo e, vesie pai maso vavi vesanemi vava au pai e, visusu au pai!" ²⁸Armana Jesus ruar so i e dioyo: "Vesie pa rawai ea, maso siniotu viadiawa Sien Allah Nie kavo pasie, vera ariri pasi."

KAIWASA PAI SIAU VE AMAMO JESUS NIENARI PI TANDOR PA (MAT. 12:38-42; MRK. 8:12)

²⁹Kaiwasa pai andia siorum Jesus ramie, dinggavora e dioyo; "Kaiwasa rabua nini ngienggau veja. Sesau pi tandor pesi, ave amamo sesanemitari Yau vape sa viono pi tandor pesi so sia kawawaru va, mae amamo sa pi tandor nanapi Nabi Yunus pai pino. ³⁰Ariri Nabi Yunus, vieva ariri pi tandor maso kaiwasa venana Kota Niniwe pai pa, toa pana kota, siniotu Atu ne Yau, nari ive pitandor maso kaiwasa rabua ninei sia. ³¹Nana raria dunia nei kieriria pai mamu, Raja vavi vera nana rawa mata pai, nari siobatai tutir kaiwasa rabua nini, e vie karak sia. Aso, Raja vavi jani, ria nana uta viaworoi vesiri, nana dunia nei sope wa ma, ave diediawa Raja Salomo veve pande veja pai, nie pianiau pasi pana. vape nana rabua nine, vebaba rawai nanapi Raja Salomo pai andi Yau. ³²Nana raria dunia nei kieriria pai mamu, kaiwasa venana kota Niniwe pa sia, nari sesobata sia tutir kaiwasa rabua ninei, sembe karak sia. Aso kaiwasa venana kota Niniwe pa sia, semanau nanapi sene tatar pasi, nana rabua setadiawa Nabi Yunus nie kavo aniau pasi pa. Vape rabua nine, vebaba rawai nanapi Nabi Yunus pai, andi Yau!"

SASAAR PAI TUTIR KUMUAR PAI (MAT. 5:15; 6:22-23)

³³Sa esi kiair padamara pesi vori dieniwari, pivai kukuv tawani nanapi kabesu va. Vape nari pir sasana padamara pai nanapi padamara ae pai, ave kaiwasa vesua pa sia, sesayo Nie vesasaar pai. ³⁴Remu pasi ma padamara so nomu tarai paina. Remu pasi sisasaar mamu, nomu tarai pa vura siesaar vesiri. Vape remu pasi sikaber mamu, nomu tarai pai vura niana vekumuar pai. ³⁵Apavo mesanempaya to vesie mo, aso sasaa venana mia pai, kumuar so i pe! ³⁶Nomu tarai pai vura siesaar mamu, e rabua esa kumuar soa va, amamo nomu tarai pai vura siesaar vesiri ariri padamara pai disambiari pa".

JESUS DIEVAKADURA KAIWASA PARISI PA SIA TUTIR GURU AGAMA PA SIA PA (MAT. 23:1-36; MRK. 12:38-40; LUK. 20:45-47)

³⁷Jesus kievo to manau pa, siniotu Parisi pesi siawi a diapi na nie anio pai. Apa Jesus ria diapi na jana. ³⁸Siniotu Parisi pai tiendor, aso siejo Jesus diapi mana, riois rurana vara pasi papo va pa, ariri atoran agama pai. ³⁹Apavo Jesus kievo soi e dioyo: "Siniotu Parisi ne mia, mia ma mendois rurana mok tutir paruasi pasi na rawa vorira pa, vape nanapi mene tarai raro pasi ma, sionu nanapi awara pi pa e, nganggau pai. ⁴⁰Menganggaul Jokama Sien Allah venanari rawa vorira pai, nienari rawa raro pai to manau kota mana? ⁴¹Pi venana mene mok pasi tutir paruasi pasi raro pa, asi metonasi so siniotu vevaro pi pasi. Toapa jana mamu, vura e nari sivaro rariai maso mia. ⁴²Kawai so mia, Parisi ne mia! Mene pi tatana pasi tutir rau saserai esi pasi, savaru sura pai, metonasi so Sien Allah. Vape tenam to tindia pai e sanepai Sien Allah pai, ima membe paduriasi va. Arorae ima pi nari menanari ariria mo pa esi nina, avori janama pi esi pasi kota. ⁴³Kawai so mia, Parisi ne mia! Nana anio ari pasi mamu, mesanemi vesie uta viatate mo, e mesanemi vesie kaiwasa tietuan mia na pasar pasi. ⁴⁴Kawai so mia! Membava ariri papi vevaro sano, kaiwasa tiara patititai sararidioi vea!." ⁴⁵Apa veve baba nana Torat pa esi, kievo so Jesus e dioyo, 'Guru, kavo vetoapa yasi ma, suesijara ama kota!'" ⁴⁶Amana Jesus ruar so I e dioyo: 'Kawai so mia kota, veve baba nana Torat pa mia! Membe tuntut pi veve susa, e metona atoran vemarabat, vape matau mia ma, membe tolon esi katu va vesiri, ave amamo ria aririasi pa. ⁴⁷Kawai so mia Aso metaur papi so nabi matau metapumi pa semun pa sia pa. ⁴⁸Apavo mia kota menduar toapa, mesanemi vesiena metapumi pa sia pi senanari to manau pa. Aso joma sia semun nabi pa sia to manau pa, e mia metaur sene papi pasi pa. ⁴⁹Apa joma Sien Allah kievore dioyo: "Nari jenatu ine nabi pa sia tutir ine amias pa sia, e senda so sia; nari semun esia, e setadiaw esia." ⁵⁰Sien Allah Nienari toapa jana, ave amamo kaiwasa rabua nine sia, sesamuai hukum so nabi semun pa sia vura, nanapi dunia nei vieva retena pa, ⁵¹retena nanapi vemun Habeli pa, veito vemun Zakaria nana wavu som pai tutir anio Allah pai sune kasau rabua pa pa. Itopa so mia, kaiwasa rabua nine sia, nari sesamuai hukum so pi ninesi vura. ⁵²Kawai so mia! Veve baba nana Torat pa mia! Kunci visievana rature sane veruina pai, mia menggori, vape mataun mia menggambarai mesu apui ve mesasera sane veruina jani. Sovera ea e, matau mia memu vediora kaiwasa viosasera ve vesuapui pa sia!." ⁵³Manau e Jesus ria vurusu uta jana pa, veve baba na Torat pa sia tutir Parisi pa sia, sesisayara Jesus to kariria vesiri. Janama sesasera ria, ave Jesus kievavo nanapi pi pa pau. ⁵⁴Ave amamo setadiawa usara kavo kievora wasi to vesie mo, ave setapur kavo kievora sara pesa pe.

12 JESUS DIONO KAVO SANEPAYA ATAPU SO NIE MURID PA SIA PA

¹Kawasa vesorum ma so Jesus pa sepau pa senda na siaran, apavo setoto sesobabuasa sia vavera, veito setara patata sendaemi pasi. Apavo aja kaivasa pai siorum rami, avori janama Jesus dinggavo so Nie murid pasia pa. Kievore dioyo: "Mesanempaya to vesie, aso kaliwasa Parisi wasia sene kavo veve vata va wasi. ²Varo pi vianiwa e nari vetasievu va, e varo pi vianiwara e nari veveruana va. ³Pi menggavora na diru wasi, nari viadiawasi nanapi vesasaar, e kavo mesamumuya susa siniotu taradiau nana andi raro vesioria pasi, nari setuminasi to baba.

DEMATAITA PAINI SIE PAI (MAT. 10:28-31)

⁴Ine maneta pa mia, mesanempaya to vesie mo! Mematai siniotu vemun taral pai to manau e, sa viono piesa ea va pai, vape moja. ⁵Vesie pa joisara siniotu teini nari memataiti pa. Memataita paini Sien Allah! Aso I ma mun to manau mamu, piaya so kiesa susa adia tarai vevoru moja va pai. Vata moe, andi memataiti. ⁶Sembova aya sisumi pa rim so pipi ropia pa muandu to. Toa saridioi e Sien Allah diparo esi va. ⁷Rurandau venana mendumi vediasi kota, sietor vura to manau, apavo mematai vape moja; aso mia ma membe harga rawai nanapi aya sisumi pasi."

VERUARA KRISTUS NANAPI AROPO KAIWASA VEAU (MAT. 10:32-33; 12:32; 10:19-20)

⁸Mesanempaya to vesie mo, siniotu veruar nana aropo kaiwasa, toapa i ma Ine murid nina pa. Siniotu Atu ne Yau, nari Iruar i kota, nana Sien Allah nie Malaekat pa sia, sene aropo pa. ⁹Vape teini pioras Yau nana aropo kaiwasa, toapa i ma Ine murid nina va, Siniotu. Atu ne Yau, nari Iporasi kota, nana Sien Allah nie Malaekat pa sia sene aropo pa. ¹⁰Esi kievora kavo pesa irara Siniotu Atu ne Yau, amamo diadi so siemuai ampon; mae teini sisiayara Wainunu Sren pai mamu, i ma sa siemuai ampon va. ¹¹Masi esia senggor mia so anio ari pasie sembe urus mia, nana aropo Pemerintah, pivai nana aropo veve baba, amamo mesanemi sasera mia vape moja, nanapi menggavo rera mia wa, pivai, kavo vitopi nari manggavora.

¹²Aso Wainunu Sren pai nari dieniau mia nana

KAVO SORATARAWA NANAPI SINIOTU KAYA VENGANGGAU PAI

¹³Nanapi kaiwasa vesorum pa sia esi nina, kievo so Jesus e dioyo: "Guru, ite buemiasa ine netavava wai e ru wasa rar yai pir so nandu wai e, diono ine pai ma". ¹⁴Amana Jesus ruar soi e dioyo: "Manetai, avo teini rusasana Yau e ive siniotu vekutu kavo, pivai ive siniotu veruwasa pi tawawari so mandu ne?" ¹⁵Aori Jesus kie vo so kaiwasa venana jasia vura e dioyo: "Mesanempai to vesie mo, e meto nanari mo, aso meto so rar pai veja pe. Aso rar pai piaue diondewari, vape siniotu pasi sine tenam pai ma, vieva nanapi rar pai va." ¹⁶Avori Jesus tiopana kavo soratarawa nini e dioyo: "Siniotu kaya pesi, siemuai kakopa pesa, kakopa jana viediayara pi soi to pau vesiri. ¹⁷Siniotu kaya pai sanepai usara nana sane raro pa e dioyo; 'varo uta to manau so ipir ine kakopa nei buo suvira nei pa. Apavo nari inanari toane?' ¹⁸Janama sanepai usara ea e kievo na matauni e dioyo, oh, isamuai ria pesi to; ine gudang nesi nari jemiase sirura, avori ivaun vebaba rawai pesi, ave amamo ipir ine pas pai tutir pi saserai esi pasi vura nanai. ¹⁹Avori ikavo so matau Yau e yoyo 'Vesie so au to manau! Pi vepau viatate pa suemuai to manau, taun toi sa sikai va. Janama muenau marior, Buapi e bunu, e sanevesasie!' ²⁰Amana Sien Allah kievo so I e dioyo; 'ne, nganggaui! Diru nini ma nari vuoru, avori teini nari siemuai rar ruiira e vevata so au nei?' ²¹Apavo toapana kota maso siniotu vesasera kaya veiso matauni pai, vape vesasera ve veve kaya na Sien Allah re pasi va."

SANE SASERA VA, SANETIAR PA SIEN ALLAH (MAT. 6:25-34; 19-21)

²²Avori Jesus kievo so Nie murid pa sia e dioyo, "Apa joma Itopa so mia e yoyo, 'Mesanemi sasera so mene tenam pasi vape moja, toapa nari metan vito, pivai nari metavavara vito'. ²³Tenam pai ma riwai nanapi pisia pai, e tarai pai ma riwai nanapi avavar pai. ²⁴Mesasir aya moga pasi! Sitana pi va, siema pi va, e sivaro gudang kota. Vape Sien Allah diewawatasi! Vape mia ma membe harga rawai nanapi aya pasi! ²⁵Nana mia pa, teini sane saserai e diadi dionae matauni nie tenan pai e dieroi katu ne? ²⁶Nana pi katu nine vea, diadi so menanari pa va, aso vitopi mesanemi sasera mia nana pi esi pasi pa? ²⁷Mesasir ariau aike pasi sitipu pa; ariau jasi sinanaripi va, e sisun avavar va. Vape Itopa so mia, Raja Salomo veve kaya veja pai kota, dievavara avavar viate ariri ariau jasi va. ²⁸Apavo, samue venana mapar e, raria nini vetipu, e kausapa mammo vekair e vian to vekai pasi ri, Sien Allah mierandinasi to vesie vesiri. Avori toane tutir mia? Vape aso mesanemitiar mo va pana. ²⁹Apavo, mesanemi sasera mia e metatar pi nari metan e metunu vape moja. ³⁰Pi jasi vura ma, siniotu veruin mojara Sie va pa sia setosoasi. Arorae Tamamu venana rora wai, ruin metoso pi ninesi vura pa. ³¹Vape metosasera pa, ave amamo Sien Allah vie prenta nana mene tenam pasi. Amamo pi esi pasi, nari Sien Allah dionasi kota maso mia."

VEPIR RAR NA RORA WA

³²Kuaruvi katu ne mia, mematai vape moja! Aso Tamamu venana rora wai, sane vesie dion berkat maso mia, nanapi Nie Kerajaan pai. ³³Membova mene pi vepau pasi, e sine wait pai, membovsi so siniotu vevaro pi pasia. Menanari dompet sa vekapop va so mia, rar vevata to woroi na rora wa. Rar jasi ma sa sinai va, aso viemanana pi pa sia sa senggosi va, e pusie pasi sa siasi va. ³⁴Aso nomu rar pai niana topina pa, sanemu pa aja nana jana kota!"

VIO PAPARO VA (MAT. 24:45-51)

³⁵Membe arama nana pi vura. Metavavar papo e mene padamara pasi siveviar vesiri, ³⁶ariri siniotu venanaripi usara tuan pasi, sierama vedior sine tuan pai siovera na pesta ririau pai ma pa. Tuan pai sioveral, e tirov rature pai mammo, nari sawawarae sesieva rature pai. ³⁷Vesie vesiri maso siniotu aja viarama nanapi diam nie tuan pai ria nana ma pai. Itopa so mia, tuan pai nari diemias nanari siae semaso avav, e dievavar sawawara e andi rewari sia e setapi. ³⁸Vesie vesiri maso siniotu venanaripi usara tuan pai pa sia. Aso sene tuan pai riasamuai setarama e setanota I pa. Aso ria nana diru rabua te, pivai e sasieu rawai nanapi jana ea te! ³⁹Mesanempai tawana nine ea! Masi vene anio pai ruin diam toni viamananapi pa sia senda na ma pa mammo, nari dierama, ave amamo viamananapi pa sia, sesua na nie anio pai va. ⁴⁰Apavo mia kota, metarama, aso Siniotu Atune Yau, nari irama nana raria metinduin va pesi."

SINIOTU AMIAS VESANEMI TINDIA PAI, E SINIOTU AMIAS VESANEMI TINDI VA PAI

⁴¹Avori Petrusi dutan Jesus e dioyo; "Sie panau, avo kavo aniau erine kuevora pasi sitera ama te, sitera kaiwasa vurae?"

⁴²Apa Jesus ruar soi e dioyo, "Teini vie amias vesanemi tindia e veruina, e nie tuan pai rusasani e vie mananir maso esi pa sia, ave amamo viov ariri pisia to vesie maso sia pa? ⁴³Vesie maso amias vetoapa jani aso nie tuan pai sioverai samuai andia ria nanaripi pai pa! ⁴⁴Vata mo e itopa so mia; Tuan pai nari diono nie pi saserai pa vura, so amias pai e rut si. ⁴⁵Vape masi amias pai kievo nana sane raro pa e dioyo: "Aja woroi rami so ine tuan pai sioverai ma pa, apavo riora tatira nie amias esi pa sia vura, e diapi dunu veito sua pa simuni ⁴⁶amamo nie tuan pai nari sioverai nana raria tutir jam tatinduin va pesi, e amias pai nari siemuai airora to kaririona vesiri, nanapi nie tuan pai, e dioni e miesi tutira siniotu vekorusara Sien Allah va pa sia. ⁴⁷Amias veruin ariri nie tuan pai nie sanevesie pai, vape dierama ve amamo dionariri nie tuan pai nie

sane vesie pai va mamu, nari dian airora to pota vesiri. ⁴⁸Vape amias pa teini ruin ariri nie tuan pai nie sane vesie pai va, vepui nienari pi vesasara pesa, veitoro siemuai airora, amamo nari siemuai airora vetapisa veivea, aso siniotu setono to pau soa pai, andi nari vesau nana i to pau kota. E siniotu vesiwa soa to pau pai, tutir kavo arer pai, i ma nari vesau nana i to pau rawai ea."

JESUS VIEDIAYARA POSASIEPARA PAI (MAT. 10:34-36)

⁴⁹(Jesus kievore dioyo): "Irama ne ave amamo ivediayar adia vian pai so dunia nei. Adia pai dian to manau reto, vesie vesiri ⁵⁰marior pimasa nari Isamuai pai, andia. Pinine aja vediadi varamie, sanene kariria vesiri. ⁵¹Apavo nari metoyo, irama veamamo ikor vemari pai so dunia nei e? Pivai, vemari va, vape variriwi. ⁵²Nanapi rabua nine, esia sembe rim nana anio raro pesi mamu, nari sembaririwi, toru sembur muandu, pivai muandu sumbur toru, ⁵³Tama pai nari vieririwi tutir atu mua pai, e atuma mua pai nari vieririwi tutir tamani. Sinia pai vieririwi tutir atuma vavi pai, e atuma vavi pai nari vieririwi tutir siniani. Nio pai nari vieririwi tutir rewa pai, e rewa pai nari vieririwi tutir nioni."

VESAYO RIRUIN UTA (MAT. 16:2-3; MAT. 5:25-26)

⁵⁴Jesus kievo kota so kaiwasa pai e dioyo: "Mesajor arepa pasi sitipu nana rawa dori wa mamu, menggavore metoyo, nari ve rama, amamo aririae ve rama. ⁵⁵Mesanemi riruin wana pesi sio ma nanapi rawa dopui wa, amamo menggavore metoyo, 'nari ve wor', amamo aririae ve wor. ⁵⁶Siniotu vekavo kavo vata va ne mia. Kakopa nei tutir rora nei vori mesayo riruinasie metopan ariri sivava pa, avori vava rabua ninesi ma, diadi so metopan aririasi va pa?"

VEVE DAME TUTIR SINIOTU PA

⁵⁷Aso vitopi diadi so mataun menggutu ariri vetindia pai va pa? ⁵⁸Masi esi vie karak au nana pengadilan mamu, suesera ve munggavo ariri kavo pa, ave manau vurusua nana aja munana ria rabua wa pa. Piva mamu, nari piapara au tara hakim pai, e hakim pai siwa au tara polisi, e polisi pa senggovara au susa bui pai ⁵⁹Itopa so au, sa suvi nana bui pai va, veito vuait nomu niaki pasi to sikai vura pino!"

13

TATAR PAI VIEDIAYARA VORU PAI (LUKAS PASAL 13:1-35 1-5)

¹Nana rabua jana pa, esia sendama setopanusara so Jesus, nanapi Pilatus mun siniotu Galilea pa esia pa; nana rabua seto senunu pi som so Sien Allah pa. ²Jesus diediawa usara to masi vori kievore dioyo: "Apavo nari metoyo, semun siniotu Galilea wasia towana pa ma, aso sembe tatar rawai nanapi kaiwasa Galilea esi wasia vura panae. ³Piva vesiri! Vape mesanemipaya: "Mesoverae membavur mene tatar pasi va mamu, mia vura nari memboru kota, ariri sia. ⁴Toane kota tutir siniotu surae rime toru vevoru na Siloam pasia, aso tembok pai tiawa e mun patata sia pa. Nari metoyo, ima veruana sembe tatar to rawai, nanapi kaiwasa vevesiei, venana Yerusalem wa sia pana. ⁵Piva vesiri! Vape itopa ea: "Mesoverae mambavur mene tatar pasi va mamu, mia vura nari memboru toapana kota, ariri sia!"

KAVO SORATARAWA NANAPI ARA RAVO VEE BUO VA PAI

⁶Manau na jana pa, Jesus kievo nanapi kavo soratarawa nini e dioyo: "Siniotu pesi nie ara ravo pesi, nana nie romi anggur pai. Raria pesi pa ria siesera buo nanapi ara pai, amana disamuai buo pesi va. ⁷Apa kievo so siniotu viavuta nie romi pai e dioyo: "Ite suejo, ira ma isasera ara buo nanapi ara ravo nei, taun toru to manau, vape jisamuai buo siri va. Apavo ruovani veal Diotosae kiekotara uta vea? ⁸Amana siniotu viavuta romi pai kievo so i, e dioyo: "Tuani, mojae diosa taun siri nini ea ri. Nari ive pacul wawarira umaja nei e itotapa pupuk soi. ⁹Aso nari vie buo nana taun vepui wai pe. Mae piva mamu, diadi tuani buemiase riova."

JESUS DIONO PANAAM SO VAVI VEMARERA PAI NANAPI RARIA SABAT PAI PA.

¹⁰Nana raria Sabat pesi pa, Jesus dieniau nana anio ari pesi. ¹¹Apa vavi pesi, wainunu vekariria pai miesoi nana i, e piota taun surae rime toru pavo, ria karu bu, e diadi so ria to tindia pa va. ¹²Jesus siejo samuai vavi pai pa, siau asoi e dioyo: "Mai, puenaam nanapi nomu pota pai" ¹³Avori Jesus siasana vara pasi rawain i, apa nanapi diam jani kota e, vavi pai diosa to tindia. Apa sienandik Sien Allah. ¹⁴Amana siniotu veve baba nana anio ari pal kiesiou, aso Jesus dionae vavi pai pienaam nana raria Sabat pai pana anakievo so karwasa paie dioyo: Raria rime siri so venanaripi pa, apavo menda nana raria jasi ma, ave amamo mesamuai panaam pai, ave nana raria Sabat vape moja! ¹⁵Apa Jesus ruar soi e dioyo: "Smirdiskavo kavo vatava ne mial Nanapi raria Sabat pasi mamu, kalwasa vuran isendeku vele sapi pivai keledai pasie, nanapi sine kandang pasie sisuvi, ave amamo siunu kambu. ¹⁶Jo, avori vavi nini, Abrahama tapu nina, e Bilis pai diavit tawani taun surae rime toru to manau. Avo i ma dadi so tandekui vurusu wai vekasie tawani nei nanapi raria Sabat pai vae?" ¹⁷Jesus kievo tonine pa, siniotu vekavo vavera tutir i pa sia, semamaja vesiri; mae kaiwasa esi pasia vura ma,

sesanemi pa siete, aso sesajo pi tandor Jesus Nienari pasi pana. Kavo soratarawa nanapi sesawi mor pai. (Mat. 13:31-33; Mrk. 4:30-32)¹⁸Janama Jesus kievo riwanea e dioyo: "Sien Allah Nie Kerajaan pai, nari isoratarawa nie vava pa na vito?"¹⁹Vieva ariri kavo soratarawa nini. Siniotu pesi, kior sesawi mor pesi e tianami nana nie romi pai. Sesawi mor pai tipu e vie ravo, e aja pasi sinanari karai nana arawa pasi". Soratarawa nanapi Ragi/mur pai."²⁰Avori Jesus kievo riwanea e dioyo: "Sien Allah Nie Kerajaan pai, nari isoratarawa nie vava pa na vito?"²¹Vieva ariri vavi vekor mur e veramusu tutir tepun pa kilo siniotu muandu, veito tepun pai siasan vura."

RATURE VEKOTAR PAI (MAT. 7:13-14, 21-23)

²²Nana rara vera so Yerusalem pai pa, Jesus riae dieniau nanapi Kota pasi tutir aniose pasi. ²³Apa siniotu pesi dutanie dioyo: "Sie panau, avo nari siniotu pa katu vea, asi sisamuai slamat paie? Apa Jesus ruar soi e dioyo, ²⁴"Buosasera ave amamo sua nana rature vekakotar pai. Aso sanepaya, siniotu pa pau, setosasera sesua pa, vape diadi va."²⁵Vene anio pai siobatai e siori rature pai mamo, nari metosa na vorira wa e metov e metoyo, Tuani, sueva rature pai so ama! kievore dioyo, Jama iruin mia va, menda na topina? Amamo Tuan ²⁶Amamo nari menggavore metoyo, 'Jokama amatapie amatunu tutir tuani au to manaue? E Tuani bueniau ama kota to manau nana riandaro pasi na amane Kota pasiel ²⁷Vape nari tuan pai kievo riwanea e dioyo, Ja ma iruin mia va, menda na topina, menda vurusu nine, siniotu venanari kariria ne mia!"²⁸Nana rabua mesajo Abrahamie, Isakie, Yakopi tutir nabi pa sia vura, sesaneni vesasie nana Sien Allah nie Dunia vavoru pai pa mamo, nari mesale metamuaus, aso setawa irara mia so vorira wa pa! ²⁹Kaiwasa pai nari ria na rawa wor pai sia nana wa to tiawa nana wa, nana rawa murandawana to rawa mata, e nari sesanemi vesasie nanapi Sien Allah nie dunia vavoru pai. ³⁰Vata moe, siniotu vipuia pesia, nari sembe siniotu vepapo ea e siniotu vepapo pesia, nari sembe siniotu vepui ea.

JESUS SANEPAI KOTA YERUSALEM PA (MAT. 23:37-39)

³¹Nana raria jani kota, siniotu Parisi pesia, sendama so Jesus setoyo, "Nuana nine vape moja! Rua so uta vevesiei pesa, aso Herodes dio mun au." ³²Amana Jesus ruar soi e dioyo, menda, ave metopa so wona rei jani, toapa, 'Raria nini tutir kausapa, ima jetavar pi sararidioi pasi, e jona vepota pa sia sepanaam, vape raria veve torua pai ma, imanau ine nanaripi nei. ³³Toapana saridioie, ira ine rara nei, na raria nini, kausapa e saar, aso nabi pesi mamo, sa semuni tarira Yerusalem va pana.³⁴Yerusalem, Yerusalem! Au mun nabi pa sia pa! Sien Allah nie amias pa sia, suo tatir sia na rovuki to semboru! Ve toi ato, Isanemi vesie itapu ruir kaiwasa venana au nei vura, ariri kokori sinia pai so siepara vara rau pasi tavuna atu pasi pa, vape kuembarai. ³⁵Apavo Sien Allah sa tutir au ea va. Itopa so au, nanapi raria nini, kasa suejor yau ea va, veitoro kievore buoja: 'Vesie pai so i, vera ma nanapi Sien sano pai

14 Jesus diona panaam so siniotu vepota pesi pa¹Nana raria Sabat pesi pa, Jesus ria diapi nana siniotu Parisi Baba pesi nie anio pai. Apavo kaiwasa wesorum pasia, semasoie setaduat vedior Jesus. ²Avori siniotu pesi, tiera pota tarai babara, apavo ae pasi tutir vara pasi sibabara e sibaburi. ³Apa Jesus duta veve baba nana Torat pasia, tutir siniotu Parisi venana jasia, e dioyo: "Ariri tane atoran agama pai mamo, diadi so tananari siniotu e panaam nana raria sabat pai te piva?"⁴Amana veve baba nana Torat pa sia, tutir Parisi pasia, sepeja vea. Apa Jesus siau siniotu vepota pai a, diono panaam soi, janama diemiasi e vievu. ⁵Manau pa janama Jesus kievo so kaiwasa pai e dioyo: "Masi mia esi nie atuma pesi, pival sapi pesi, tiawa susa parigi pesi nana raria Sabat pai mamo, nari sawawarae mepapara atuma jani, pival sapi jani e, suvi vurusu nana raria jani vae?" ⁶Amana esi dinduara piesa so Jesus, nanapi kavo nine va.

SANANDIK VA PAI, E ONO ATE PAI

⁷Jesus siejo mana, tamu pa esia ma, setiri uta masasoi viate rawai. Apavo diono kavo aniau so sia vura, e dioyo, ⁸Samuai esi vie undang mia so pesta ririau pesi mamo, rua muesoi nana kadera sepir so siniotu veve baba pasi vape moja. Aso samuai siniotu vebaba rawain au pesi, siemuai undangan kota e, ⁹vene anio pai, veve undang mandu vura pai, dioto riamas so au e dioyo: "Maap so au e, uta nine ma vata anota so tamu pa wani, amamo nari muemaja vesirie, rua muesoi nana masasoya venana dopui mo pasi. ¹⁰Apavo seto sembe undang mia mamo, metiri masasoya venana dopui mo, ava samuai vene anio pai ria ma mamo, kievo so au e dioyo, 'Manetai, ruama muesoi nana uta vesie rawai mo ne' Toapajana pino, tamu esi pa sia, setatuan au pe. ¹¹Aso teini dioyo riwai na vavo pa, nari viar so dou wa, vape teini tiawani na dou, nari siasana ajai so masasoja vetariai".

UNDANGAN MAKAN DAN BALASAN

¹²Janama Jesus kievo so vene anio pai e dioyo; "Buo vue undang siniotu so pesta viapi nana raria, pival nana diru, amamo vue undang nomu maneta, pival nomu mambe neta, pival nomu usapui, pival vene anio deriasi au, e veve kaya vape moja. Aso nari sumbe undang au ea, toapa jana ve amamo suemuai sovera, ariri buonariri to manau pa. ¹³Apavo buo nuenari pesta mamo, vue undang siniotu vevapo pi, siniotu vevava kariria, siniotu veraemi marera, e

siniotu veremi kabere. ¹⁴Amamo nari suemuai berkat, aso siniotu jasia ma, sa sesovera nomu ono ate pai va pana. Nomu ono ate pai ma, nari Sien Allah sioverai maso au, nana raria siniotu vetindia pa sia,, sesobata sia riwanea nanapi voru pai pa.

KAVO SORATARAWA NANAPI PESTA VE BABA PAI (MAT. 22:1-10)

¹⁵Nana rabua siniotu setapi vura pesi, diediawa Jesus kievo pa. apa kievore dioyo: "Vesie vesiri maso kaiwasa nari viapi tutir Sien Allah, nana raria sioveral ma ariri Raja pa!" ¹⁶Amana Jesus kievo so siniotu pai e dioyo: "Raria pesi pa, siniotu pesi nienari pesta baba pesi, e siau kaiwasa borai." ¹⁷Janama diam pai miesi so pesta pai ria pa, apa siniotu pai diemias nie amias paie ria so kaiwasa vie undang to manau pa sia, e siau sia e dioyo: "Mendama, pi pasi simasi vura to!" ¹⁸Amana sia vura, siri-siri siau map. Siniotu retena pai kievo so amias paie dioyo: "Erine mo vori ivori kakopa pina e jo ira ve isajora pana, vue map yau." ¹⁹Esi kievore dioyo: "Erine vori ivori sapi pa sura pa, e jo isotourasi. Apavo vue map yau." ²⁰Esi riwanea, kievore diayo: "Erine vori iririau ne, apavo sa ira matu val." ²¹Amias paí vievu ra tiopana kavo pasi so nie tuan pai. Apa tuan pai kiesiou vesiri, e kievo so nie amias pai e dioyo: "Saira vesirie rua so ria pasi, e ria kasau pasi, nana Kota nei. Kuor kaiwasa vevaro pi pasia ma, siniotu vevava kariria e. siniatu veremi kabere, siniotu veraemi marera." ²²Avori amias pai kievore dioyo, Tuani, nomu prenta pasi, ira aririasi to manau, vape uta vevereri pasi ne sipau rami." ²³Apa tuan pai kievore diayo: "Rua so ria baba pasi, e ria asasa venana Kota nei rawa worira wasi, e suau kaiwasa pai sawawara ma, ave amamo ine anio nei dionu." ²⁴Mesanemipaya! Nanapi kaiwasa vesamuai undangan to manau pasia, sa sia esi dian ine pisia pesta nei va!"

VERA USARA JESUS MAMO, VEVAVUR PI VURA (MAT. 10:37-38)

²⁵Raria pesi pa, kaiwasa pa pau senda tutir Jesus. Apavo Jesus diaraie kievo so siae dioyo, ²⁶"Esi dio riasara Yau, vape sanepai tamanie, sinianie, vinie pale, atu pasiae, neta katue-neta vavae, raro vavie, raro muae, to matauni, amamo ima sa vie murid so ya va." ²⁷Siniotu vekambarai vesariowa vene aitatat e vindausara Ya pai ma, sa vie murid so ya va." ²⁸Masi mia esi dio viaun anio tembok vetariai pesi, amamo nari miesoi e dietor ariri nie vait pai papo ri, ave amamo ruin ariri nie doi pai nari miesi so dinanari to kiai te pivai. ²⁹Aso samuai veruana toapa, nienari mana kiai va, arorae rovuki venana sama pai ma, tiauri to manau. Amamo nari kaiwasa vesajo nanaripi nine sia vura, semari i." ³⁰Nari senggavore setoyo; Ai, siniotu nei viaun anio nei, vape dioni mana ka kiai va." ³¹Masi Raja pesi nie tentara pa siaran sura, seto sembe marova tutir Raja vevesiei pesi, nie tentara pa siaran siniotu siri, amamo Raja jani nari miesoi e sanepai usara papo, aso nari piaya e diosa sun siniotu sumbe marova wai te piva. ³²Masi ruin toapa sa piaya va, e siniotu sumbe marova pai andia na viaroi rami, amamo nari dienatu nie amias pasia papo, ave amamo sesau darne" ³³Manau pa Jesus kievo e dioyo: "toapa jana kota maso mia."

TEINI VIEVUR NIE PI SASERA PA VA MAMO, SA VIE MURID SO YA VA (MAT. 5:13; MRK. 9:50)

³⁴"Sasi tarai pai reto diete, vape sasi tarai vekomok pai samuai kiomok mamo, nari diadi tatoni e vie sasi riwaneae?" ³⁵Sa vie guna ea va so romi, veito vie pupuk pa kota. Apavo nari kie vea. Membe taradiau mamo, metadiawa!"

15

DOMBA VENAI PAI

¹Raria pesi pa, kaiwasa veruir pajak pa sia, tutir siniotu, kaiwasa dietor ve siniotu vekariria pa sia, sendama setadiawa Jesus. ²Apa siniotu Parisi pa sia tutir veve baba nana Torat pa sia, senggasiou, senggavore setoyo; 'Kawaroro, Siniotu nei rui tutir kaiwasa vekariria pa siae, ditapi tutir sia!" ³Apa joma Jesus kievo kavo soratarawa nini maso sia e dioyo; ⁴Masis nanapi mia esi, nie domba pa utin siri, avori siri niai, apa nari diotoane? Nari vievur domba siniotu at e vemandiu surae rime at pasi nana mapar samue wa, e riae siesera venai pai to siemuai mo. ⁵E siemuai sovera domba jani mamo, sane pa vesie pavo sieriova nie domba pai nana varabuo pa," e kior sovera to masi mamo, siau nie maneta pa sia, tutir kaiwasa venasiwari pa sia, kievo so sia e dioyo: "Mendama ve tatanunu. Aso ine domba venai pai, isamuai to manau!" ⁷Jo, apavo toapana kota nanapi rora wa, sanevesie pimasa vesiri, aso siniotu veve tatar pesi mienau nie tatar pasi e sioverai so Sien Allah pa. vesie rawai nanapi siniotu pa sembe siniotu at e vemandiu surae rine at viate to manau, vape vekambarai vemanau nanapi tatar e, vesovera so Sien Allah va pa sia".

PIPI VENAI PAI

⁸Pivai masi vavi pesi nie pipi ropia tarai pa sura, avori siri niai apa nari diotoane? Nari kiair padamara e dirara nie anio pai e siesera na uta pasi veito siemuai nie pipi pai. ⁹E siemuai pipi pai mamo, siau nie maneta pa sia, tutir kaiwasa vena siwari pa siae, kievo so siae dioyo: "Sane ne vesie vesiri, aso isamuai sovera ine pipi venai pai pa. Mendama ve tatanunu so i!" ¹⁰Toapana kota, Sien Allah Nie Malaekat pa sia sesanemi vesasie so siniotu veve tatar pesi, mienau nana tatar pasi e, sioverai so Sien Allah pa. I ma vata mo!"

ATUMA VENAI PAI

¹¹Jesus kievo riwanea e dioyo: "Tama pesi, nie atuma mua pa sumbe muandu. ¹²Atu vemadia pai, kievo so tamani e dioyo: "Yai, ru wasa tane kaya pai e buno ine pa ma vesiri. Apa tamani ru wasa kaya pai so atu pa sandu. ¹³Worabua va mana atu madia pai viova nie kaya pai, e suvi ria so uta viaroi. Nana wana pa, mieir doi pai so sane vesasie sararidioi pai vea, ¹⁴veitoro nie doi pai kiai vura pa, vavisi baba pesi mun nana uta pai vura, apavo dimbaro pi. ¹⁵Apa ria nienaripi so siniotu venana uta jana esi, apa diemiasie ria so romi wa e, dievut nie pimuna pasi. ¹⁶Vievisi veja pavo sore sisu dian pimuna pa sine pisia pasi aso vievisi, vape esi dion pisia so i va.

ANAK BUNGSU PULANG KEPADA AYAHNYA

¹⁷Apa janama mun sane pa, e kievore dioyo: 'Kaiwasa venanaripi so yai pa sia ri, sene pisia pai viemuawas, e ya na nine ma, vareto jomboru nana vavisi nel ¹⁸Vesie pa isobata yaue ira so yai, e ikavo so i e yoyo "Yai, ka ive tatar to manau so Sien Allah, e maso yai au kota. ¹⁹Diadi va so suau ya ve nomu atuma pa. Buetor ya ve siniotu venanaripi usara au. ²⁰Apa biataie vievu so tamani. Aja vie kasau anio pai ramie, tamani sieyori to manau. Tamani sane pa kariria e ditapai bur atu pai; apa tieputawanie sumi. ²¹Amana atu pai kievo soi e dioyo: 'Yai, ive tatar to manau so Sien Allah e maso yai au, apavo diadi so buetor ya ve nomu atuma va. ²²Amana tamani siau siniotu venanaripi so i pa sia, e dioyo, Saira! Menggor sasui viate mo pesi, e metisasuni, meto pi varakia pe sie duri, e sapatu pesasi na ae pasi, ²³Manau mammo menggor sapi atu vavoru vionoriya pesie menggutui. Nari tatapie tasanemi vesasie. ²⁴Aso ine atuma nei vioru to manau, vape nine ma tienam riwanea; niai to riwanea'.

APA JANAMA SETANUNU MANAU, VAPE NINE MA ISAMUAI

²⁵Vape atuma baba pai ma andia na romi wa. Apavo janama vievu ra dieriasi anio wa, amana diediawa ngonggo pasi sirotue semei pa. ²⁶Apa siau siniotu venanaripi so i pa esi, avori dutani e dioyo, 'vitoni setoni na anio wa towana? ²⁷Amana siniotu pai ruar so i, e dioyo, 'Nemetakatu siovera to manau! E tamamui diemiase senggutu sapi vavoru vionoriya so i, aso siemuai sovera atu pai tutir vesie pa! ²⁸Apa atuma baba pai kiesiou veito, dinggambarai suapui so anio wa. Apa tamani suvi ari dierariai e sua. ²⁹Amana kievo so tamani e dioyo, Taun toi, inanaripi usara yai au to pota vesiri. Aya ikavo irara nomu kavo pesa va. Apa yai vitoni buoni so yau? Kambin sararidioi vea, aja buon esi so ya ve jenunu tutir ine maneta ne sia varamil ³⁰Mae atumu vemeir yai nomu kaya to vekai so vavi vemamotar nei ri, sioverai mana, yai kutu sapi vavoru vionoriya soi ³¹Amana tamani ruar soi e dioyo, 'Ine atuma panau, auma nuana nine tutir ya tawana. Pi vitosi inesi pa, i ma nomusi. ³²Apavo tatanunue tasanemi vesasie, aso nemetakatu vioru to manau, vape nine ma tienam riwanea; niai to manau, vape ninema vesamuai.'"

16 Kavo soratarawa nanapi Bendahara veve pande pai (Lukas Pasal 16:1-31(1-13) ¹Jesus kievo so Nie murid pasia e dioyo, 'Siniotu kaya pesi, nie bendahara pesi, andi vie urus kaya pai. Raria pesi pa, siniotu kaya pai siemuai kavo toapa, nie bendahara pai suvir doi pai veja. ²Apa siau bendahara pai e kievo soi e dioyo, jediawa vitoni nuenari pa? nine ma buono laporan vetindia nanapi nomu nanaripi pai, so vue urus ine kaya pai pa'. ³Apa bendahara pai sanepai usara na sane raro pa e dioyo, 'Avo nari jito toane? Ine tuan nei dio dionae imanau. Nari ive pacul, vape imarui va, isau pi vape imamaya. ⁴Isamuai ria pesi to, yo imanau mammo, ima ave isamuai maneta pesia to pau, ave amamo sesanemi vesie sesau yaue imasoi tutir sia na sene anio pasi pe! ⁵Apa bendahara pai siau atitieri siniotu veve niaki so nie tuan pai pa sia. Avori kievo so retena pai e dioyo, 'Nomu niaki pa toi, nanapi ine tuan wai? ⁶Amana siniotu pai ruar soi e dioyo, 'Mani saitun pa kabetesu utin siri. Apa bendahara pai kievo so siniotu pai e dioyo, 'Nomu surat niaki pai nine. Muesoi avav e vui sawawara: siniotu muandu e sura'. ⁷Yanama kievo so siniotu veve muandua pai e dioyo, 'Mae manetai auri, nomu niaki pa toi? ⁸Amana siniotu pai ruar soi e dioyo, 'Pas pa karun siaran siri. Apa bendahara pai kievo sol e dioyo, 'Nomu surat niaki pai nine. Vui utin rimetoru. ⁹Apa tuan vene kaya pai, kievo sanandik bendahara vemeir kaya veja nei, aso siesera ria nanapi ria vetoapa yani pa: aso siniotu dunia nesi ma sive pande rawai so sive ator pi soasi pa, nanapi siniotu vetenam nana sasaar pasi". ¹⁰Janama Jesus kievo riwanea e dioyo, metadiawa, membe pake kaya dunia nei e metimbe vori maneta so mia, ave amamo rabua kaya dunia nei niai vurusu mia pa mammo, mesamuai uta memasoi nana to woroi- woroi pai pe. ¹¹Teini sepir sanetiar soi, nanapi pi vebabava, amamo nari sepir sanetiar soi kota, nanapi pi vebaba. E teini sepir sanetiar soi va, nanapi pi vebaba va, amamo nari sepir sanetiar sol va kota, nanapi pi vebaba. ¹²Apavo nanapi kaya dunia nei, sepir sanetiar maso mia va to manau mammo, nari teini diopir sanetiar maso mia nanapi kaya venana rora wai ea? ¹³E veruana toapa, sepir sanetiar maso mia va nanapi siniotu vevesie sine pi. avori nari teini dio diono pi matau mene pasi matu so mia ea? ¹⁴Sa siniotu pa siri nienaripi so tuan pa sumbe muandu va; aso toa mammo, nari sanepai esi pai rawai esi pai. Pivai tietuana esi pai rawai nana esi pai. Toapana kota tutir mia. Sa menanaripi so Sien Allah e metinanaripi so rar dunia pai va".

JESUS NIE KAVO PASI (MAT. 11:12-13)

¹⁴Siniotu Parisi pa sia setadiawa kavo Jesus kievora pasi vura, apa semari Jesus, aso siama setoso pipi pana. ¹⁵Amana Jesus kievo so siae dioyo, "Joma mia, nanapi aropo siniotu mamu, ima veruana metindi vesiri, vape Sien Allah ruin mesanemi raro pasi, aso vitosi siniotu pa siojo tariai pa, maso Sien Allah ma, na dou vesiri. ¹⁶Atoran agama Musai diona pasi, e nabi pa sene pi aniau pasi, vurae sira ra so rabua Yohanes viono Kambu Sren pai. Nana rabua jana mamu, Sien Allah nie kavo Vesie vetopana nari Sien Allah vie prenta ariri Raja pa, ditopanusara pa. E kaiwasa pai dio dionave sua e vie kaiwasa nana Sien Allah Nie Kerajaan pai. ¹⁷Vape rorae kakopae, diadi so sunai pa, vape Sien Allah Nie kavo pa bu siri ma sa niai va.

TENTANG PERCERAIAN (MAT. 19:9; MRK. 10:11-12)

¹⁸18. Teini kie vinie pai e riaut vavi vevesiei pesi mamu, I ma dietor ve siniotu venanari kavo tutir vavi jani. E siniotu veraut vavi vesawami vekambaraia wai amamo dietor kota ve siniotu venanari kavo tutir vavi jani."

SINIOTU KAYA PAI TUTIR LAZARUS

¹⁹Siniotu kaya pesi, nie sasu pasi ma sasu viatate vesiri, e raria vura ma tienam nanapi sane vesasie pai vea. ²⁰E siniotu vekariria vevaro pivepau pesi, sano pa Lazarus, nie tarai pai ma vie kapapor to kiai. Viata veivea nana siniotu kaya pai nie rature sore pa. ²¹Sore sisu pisia moma vetawa nana siniotu kaya pai nie meja pai. Vape wona pasi sira sirep kapapor pasi. ²²Worabua va mana, siniotu vekariria vevaro pivepau pai vioru, apa Malaekat pasia senggoria so uta viate pa, e miesoi siwara Abrahami na rora wa. Avori siniotu kaya pai kota vioru, e sepiri na papi pai. ²³Niana vevoru pa sene uta wa pa, siejo samuai Abrahami na viaworoi, e Lazarus andia miesoi siwara Abrahami. ²⁴24. Apa siniotu kaya pai siau e dioyo, 'Yai Abraham!' sanepai yau. Buemias Lazarus e suan varakia pai na kambu pesa e kior ma pir maso tapare nei, aso diadi va so yau, nana adia nei raro ne!" ²⁵Amana Abrahami ruar soi e dioyo, 'Ine atuma panau, sanepaya, rabua tuenam rami pa, suemuai vesie pai vura to manau, mae Lazarus ma, siemuai kariria pai vea. Janama siemuai vesie pai na nine, e au suemuai kariria pai nana jana'. ²⁶Avori kasau baba senanari to manau nei diaata au tutir ama, ave amamo siniotu venana nine sia, senda matu so jana va, e siniotu venana jasia, sendama so nine va!" ²⁷Apa siniotu kaya pai dioyo, tojana pavo, 'Jai isau so aue, buemias Lazarus e ria so yai nie anio wai' ²⁸Ine neta pa sembe rim asiaja na wana. Buemias Lazarus e diono kavo sanepaya so sia, aso setoto sesua nana uta vekariria nini kota pe'. ²⁹Amana Abrahami ruar e dioyo, 'Sesamui Musai nie buku pasi, tutir nabi pa sene buku pasi to manau! Apavo nari senanari ariri vitosi sivui nana buku jasi pa!' ³⁰Apa siniotu kaya pai dioyo, 'Yai Abrahami, janama sa masi va. Vape siniotu vevoru pesi tienam riwaneae, e riana so sia mamu, nari semana nana sene tatar pasie, sesovera so vetindia pai'. ³¹Amana Abrahami dioyo, 'Sembe paduri Musai nie prenta pasi tutir nabi pa sia va mamu, vevoru pesi siobataie tienam riwaneao, sa sesanemitiar kota va.'"

17 YESUS DIONO KAVO SANEPAYA SO NIE MURID PA SIA

¹Jesus kievo so Nie murid pasia e dioyo, "Pi vevediyara e siniotu sinanari tatar pa, nari asiaja. Vape kawai maso siniotu vevediyara tatar jani. ²Vesie pa rovuki pesi kiesie na siniotu jani rao pa e kie na rawana wa, nanapi viediyarae atuma katu nine sia esi nienari tatar pa. ³Apavo mesanemipaya! Nemetapi nienari tatar mamu, buono kavo sanepaya so i, e mu sane pa mamu, vue ampuni. ⁴Masi nienari tatar maso au ve kali rime muandu nana raria siri, e ria tawana maso aue dioyo, 'Isau ampon; amamo vue ampon i'.

NANAPI SANETIAR PAI

⁵Raria pesi pa Rasul pa sia senggavo so Jesus, e setoyo, "Sien, buonae amane sanetiar nesi sipaya". ⁶Amana Jesus ruar so sia e dioyo; "Mene sanetiar pasi sibabae simasi sesawi mor pai mamu, diadi menggavo so ara ravo nei e metoyo: 'Tuepati e rua tipu na dorau wa', amamo nari al ravo jani kiorusara mene kavo pasi".

WOMI PAI NIE NANARIPI PAI.

⁷"Masi mia esi nie womi pesi, ria vie pacol, pivai siejovedior domba, avori siovera na romi wama, apa nari menggavo soi e metoyo, 'rua saira ma buapi ril' ⁸Sa toa val Vape ima nari menggavo soi e metoyo, Suejo ine pisia pasi. Suesun au nana sasu viate, e mueseie suejovedior yau e japi e junu ri, manau vori janama buotapi?" ⁹Womi jani sa siemuai sanandika so kiorusara tuan pai nie kavo pasi pa va. ¹⁰Toapana kota maso mia. Masi menanari pi vitosi sitopana maso mia to manau mamu menggavore metoyo, 'Ama ma ka womi ni ama, apavo, pivitosi sitopana maso ama pa mamu, amananari aririasi vea.'"

JESUS DIONA E SINIOTU PA SEMBE SURA SEPANAAM PA

¹¹Nanapi Jesus Nie rara vera so Yerusalem pai pa, ria nana uta Samaria tutir uta Galilea, sune kasau rabua pa. ¹²Avori sua na aniose pesi, apa siniotu vepota pado pa esia, sendama so-I. Apavo setosa na viaroi, ¹³avori setananar, e setoyo "Jesus! Tuanil Sanepai ama!" ¹⁴Janama Jesus siejo aso sia e kievore dioyo, "Menda so Imam pa sia, ave sesayo mene tarai pasi". Apavo asiaya senda ramie, sene pota pasi sinai. ¹⁵Janama sia esi nina, sane riruina mana pienaam to manau pa, sioverai e siom sanandika Sien Allah, nana raopui pimasa. ¹⁶Avori disan aebu pasi nana Jesus aropo pa e, tiopa trima kasih so-I. Siniotu jani ma siniotu Samaria nina. ¹⁷Manau pa Jesus kievore dioyo, "Jokama siniotu pa sembe sura sia sepanaam pa mana? Rime ata pa sia topina?" ¹⁸Aso vitopi siniotu wasa nini sioverai ma tiopa trima kasih so Sien Allah pa. ¹⁹Janama Jesus kievo so siniotu pai e dioyo, "Suobata au, e rua nomu sanetiar pai dionae puenaam to manau."

RABUA SIEN ALLAH DIO RIAMA VIE PRENTA PA (MAT. 24:23-28, 37-41)

²⁰Siniotu Parisi pa esia, setutan Jesus so raria toni Sien Allah dio riama Vie prenta pa. Apa Jesus ruar so sia e dioyo, "Sien Allah Nie pemerintahan pai ma, sa vieva tutir tanda-tanda veveruana e siniotu sisajora va. ²¹Ave amamo siniotu pasi sikavore sioyo, 'Mendama mesajo, andi nine pivai, 'Andi wana!' Aso Sien Allah Vie prenta nanapi mene kasau rabua ne to manau." ²²Janama ineri Jesus kievo so Nie murid pa siae dioyo, 'Raria pesi mammo nari mesoremi sisu mesajo raria pa siri, nanapi Siniotu Atu ne Ine raria pasi, vape sa mesajori va. ²³Nari esia setopa so mia e setoyo, 'Mesajo na janal pivai, 'Mesajo na nine!' Vape mesuvi e mesaserai vape moja. ²⁴Aso ima masi ariri ver-vera vepot nanapi rora wa, e disanggapara nana soperesi wa, ra so soperesi wa. Toapajana, nari toa kota maso Siniotu Atu ne Yau nanapi raria Ira na ma wai. ²⁵Vape retena wa ma, ave siemuai kariria pa pau papo, e kaiwasa rabua nine sia nari setawa irari. ²⁶Nana raria Siniotu Atu ne Yau Iveruana pa mammo, vava pa, masi ariri rabua Noak papo pa. ²⁷Kaiwasa diapi dunu, e riaut vaverai, toapa jana veito Noak sua nana kapal pai pa, e diekariya baba pai riama mun kaiwasa pale, vioru to kiai vura pa. ²⁸Toapana kota, masi ariri rabua Lot pa. Kaiwasa diapi dunu, viovio pi e viori pi vavera, setana pi e sembaun anio. ²⁹Vape rabua Lot suvi vurusu Sodom pa, nana raria jani adia pai tutir nie wojou vemas pai, viar na rora wa mesu dian kaiwasa pai vura. ³⁰Apavo nari vava pa toa pana, nana raria Siniotu Atu ne Iveruana Ya pa. ³¹Nana raria jani teini niana nie anio pai sos vavo pai mammo, viar e kior nie pi venana anio raro pasi vape moja. Toapana kota, siniotu pesi niana romi wa mammo, siovera so nie anio pai vape moja. ³²Mesanemipai so pi vitopi vediadi to manau, maso Lot vinie pai pa! ³³Teini diosasera ve vesie so nie tenam pai pa, nari nie tenam pai niai. Vape teini nie tenam pai niai pa, nari vesie so nie tenam pai. ³⁴Vata moe nana diru jani, sumbe muandu surena nana patar siri mammo, esi pai nari kior, e esi pai nari vevavuri, ³⁵vavi pesandu sututa patata pas mammo, esi pai nari kior, e esi pai vevavuri. ³⁶[Sumbe muandu sunanaripi nana romi, amamo esi pai nari kior, e esi pai nari vevavuri".] ³⁷Apa murid pa sia setutan Jesus e setoyo, "Sie panau pijana nari vediadi na topina? Amana Jesus ruar so sia e dioyo, "Pi vevoru pasi, sinana uta pesa mammo, aya vian pi vevoru pasi asia sinana jana".

18

KAVO SORATARAWA NANAPI INAR PAI TUTIR HAKIM PAI

¹Manau na jana pa, Jesus kievo nana kavo soratarawa pesi e ditaniau Nie murid pasia, ave amamo sembe nadi tawana, ave amamo sene sanetiar pasi sinal vape moja. ²Apa Jesus kievore dioyo, "Nanapi kota pesi pa, Hakim pesi, i ma mietai Sien Allah va, e dimbe paduri siniotu pesi va. ³Nanapi Kota jani inar pesi andia kota, e tawana ria ma so Hakim pai e siau so i, ave amamo kievo vori nanapi nie parkara pai. Apavo inar pai kievore dioyo, 'Kuevovori yau, nanapi siniotu amunggavo vavera wai'. ⁴Vape raria pa toi ma Hakim pai kiembarai kievovori inar pai. Vape vepui, Hakim pai sanepai usara e dioyo, 'Imatait Sien Allah va, e jimbe paduri siniotu pesi va, ⁵vape aso inar nel ria tatawana yau e dio kambaral so yau, apavo vesie pa Ikavo vori nana nie kavo ne. Aso piva mammo, nari ria tatawana ya veito dio variwi tutir yau.'" ⁶Janama Jesus kievore dioyo, "Mesanernipai usara Hakim vetindi va wai nie kavo wal ⁷Avori toane tutir Sien Allah, sa kievo vori matauni Nie kaiwasa vienananar soi na diru sasaar pa sia vae? Sa tituwa raria so vie tolon sia pa va. ⁸Itopa so mia. Nari sawawara vesiri e kievovori sia! Vape Siniotu Atu ne Yau, nana raria Ira ea ma wai, apa nari Isamuai siniotu vesanemitiar pesia nana dunia nei e?"

KAVO SORATARAWA NANAPI SINIOTU PARISI TUTIR SINIOTU VERA E VERUIR PAJAK PAI

⁹Jesus kievo kota nana kavo soratarawa nini maso siniotu viovio, matau sia reto setate rawai, mae siniotu veviesiei pasi ma piva. ¹⁰Jesus kievore dioyo, "Siniotu pa sumbe muandu, sunda so Anio Allah paie sumbe nadi. Esi ma siniotu Parisi nina, mae esi pai ma siniotu veruir pajak nina. ¹¹Siniotu Parisi pai ma diosa avori vie nadi nana sane raro e dioyo, 'Sien Allah itopa trima kasih maso Au, aso ya ma imasi siniotu esi pasia va, siniotu vesanemi kariria pi e, siniotu vesanemi tindi vae, pivai siniotu venanari kavo vavi, Ive trima kasih, aso ja ma imasi siniotu vera e veruir pajak va pa. ¹²Ari siri mammo, ive puasa ve muandu, e nanapi ine pi isamuai pasi vura mammo, iru wasa savaru veve sura pai e vie pi som so Au. ¹³Mae siniotu vera e veruir pajak pai ma, diosa e vekasau, e pia so siasana re pasi so rora wa va. Avori vara upis aro pa e dioyo, 'O, kawa Allah, sanepai siniotu veve tatar ne yau!" ¹⁴Janama Jesus kievore dioyo, Itopa so mia, nana rabua siniotu vera e veruir pajak nei vievu so anio wa pa, Sien Allah diediawi, mae siniotu Parisi pai ma piva. Aso siniotu pa teini diasani nana vavo mammo, nari sepidiari tou; e teini tiawani nanapi dou mammo, nari sesasani so vavo wa".

JESUS VIE BERKAT ATUMA KATU PASIA PA (MAT. 19:13-15; MRK. 10:13-16)

¹⁵Siniotu pa esia, senggor atuma katu pasia so Jesus, ave amamo dieka a rut sia e vie berkat sia. Apavo Jesus Nie murid pasia sesajo pavo, senggasiou siniotu pa sia. ¹⁶Amana Jesus Siau atuma katu pa sia, avori kievo so Nie murid pa sia e dioyo: "Metona ve atuma katu pa sia sendama so Yaul Metoisuara sia vape moja, aso siniotu vetoapa nine sia pino, sembe kaiwasa nanapi Sien Allah Nie Kerajaan pai pa. ¹⁷Mesanemipayal Teini rima so Sien Allah ariri atuma katu va, amamo sa dietor tapura kaiwasa nanapi Sien Allah Nie kaiwasa pai va".

SINIOTU PASI SINE VAVA PA (MAT. 19:16-30; MRK. 10:17-31)

¹⁸Siniotu veve baba na Yahudi pesi, dutan Jesus e dioyo, "Guru viate panau, nari inanari vito, ave armarno isamuai tenam viaworoi pai?" ¹⁹Apa Jesus kievo soi e dioyo, "Aso vitopi kievore buojo jete pa?" esi ditata va, e Sien Allah miesari andi diete pa. ²⁰Ruin Sien Allah Nie prenta pasi to manau, toapa: 'Nuenari kavo vavi vape moja; mun siniotu vape moja; buemanana pi vape moja; vue saksi viawia vape moja; e tuetuan tamamui siniamui sandu". ²¹Amana siniotu pai ruar so Jesus e diayo, Prenta jasi vura ma, inanari aririasi vura to manau, nana aja ivavoru pa. ²²Jesus diediawa pa, kievore dioyo "Pi pa siri, andi nari nuenari varami, toapa: Vuova nomu pi vepau pasi vura, e buono sine vait pai so siniotu vevaro pi pasi, e nari suemuai rar nana rora wa. Manau mamu, janama ruama rua usara Yau". ²³Vape ineri siniotu nei diediawa kavo nine pa, sane pa kariria vesiri, aso vie kaya veja pana. ²⁴Jesus ruina siniotu nei sane pa kariria pa, apa Jesus kievore dioyo; "Marabat vesiri maso siniotu kaya pasi, so sietor ve kaiwasa nanapi Sien Allah Nie Kerajaan pai pa. ²⁵Onta pesi sua nanapi ret kamberei pa tapisa rawai, nanapi siniotu kaya pasi sisua nana Sien Allah Nie Dunia vavoru wai pa.

PENGIKUT YESUS AKAN MENERIMA HIDUP KEKAL

²⁶Kaiwasa viadiawa Jesus kievo tonine pasia setuta e setojo, "Tojana pavo, teini nari siemuai slamat pai?" ²⁷Amana Jesus ruare dioyo, "Pi siniotu siojo sa diadi va pai, maso, Sien Allah mamu, diadi veivea." ²⁸Avori Petrusi kievore dioyo, "Ite Suejo! Amambavu amane anio raro pasi e amanda usara Au". ²⁹Apa Jesus kievore dioyo, "Itopa so mia, 'Siniotu vevavur vene anio to manau, pivai veviniemi, pivai neta vava, neta katu, raruo pivai, tamani siniani sandu, pivai atu pasia, aso ria usara Sien Allah pa, ³⁰siniotu jani ma nari siemuai sovera nie pi vievura pasi to pau rawai ea, nanapi rabua nine, e nanapi raria dopui mamu, nan siemuai tenam viaworoi pai".

JESUS KIEVO NANAPI NIE VORU PAI, VEVE TORUA (MAT. 20:17-19; MRK. 10:32-34)

³¹Jesus ruir atapu Nie murid pasia, avori kievo so sia e dioyo, "Metadiawa! Nine ma tanda bura Yerusalem. Apavo pi Nabi pa sia sembul e vetera Siniotu Atu ne Ya pasi, nai siveruana nana pa wana ³²Nari sesiw I a so siniotu Yehudi va pa sia, e nari sesisiayar I, e semadidi, e sengganisu-I. ³³Nari sendorai e semuni, vape nanapi raria veve torua pai mamu, nari siobatai". ³⁴Vape Jesus Nie murid pa sia, senganggau kavo nesi. Jesus Nie kavo nesi sine tarai pasi, dieniwarasi so sia. Senduin mojara kavo kievo nana pa.

JESUS DIONO PANAAM SO SINIOTU VEREMI KABER PAI PA (MAT. 20:29-34; MRK. 10:46-52)

³⁵Jesus ria dieriasi Kota Yeriko, apa siniotu veremi kabere pesi miesoi nana ria dere pa, e siau pi. ³⁶Apa diediawa kaiwasa vera pa sia pavo, dutan sia e dioyo, "Vito nina?" ³⁷Apa senggavo soi e setoyo, "Jesus, siniotu Nazaret pai, andi ria nine". ³⁸Apa siniotu veremi Kabere pai siau e dioyo: "Jesus, Dauti atu panau! Sanepai yau!" ³⁹Apavo kaiwasa vera na dopo pa sia senggasiowi, e setamiasi ve amamo pieja. Amana siau to baba rawai ea, e dioyo, "Dauti atu panau! Sanepai yau!" ⁴⁰Janama Jesus diosa eti, e diemiase senggor siniotu veremi kabere pai a so-l. Senggori a to manau pa, Jesus dutanie dioyo, ⁴¹"Sanevesie inanari vito maso au?" Amana siniotu veremi kabere pai dioyo, "Isanemivesie isajo!" ⁴²Apa Jesus kievo soi e dioyo, "Toyana pavo, suejo! Nomu sanetiar pai diona e puenaam to manau". ⁴³Apa nanapi diam jani kota e, siniotu pai siejo, janama riasara Jesus e ditopa trima kasi so Sien Allah. Kaiwasa pai siejo kavo nine pa, sia vura sesanandika Sien Allah.

19

JESUS TUTIR ZAKEUS

¹Nana rabua Jesus rima so Kota Yeriko pa, ria savu Kota pai na rabua pa. ²Nanapi Kota yani pa, siniotu veve baba nanapi veruir pajak pa esi nina, vie kaya vesiri. Sano pa Zakeus³Dio siesera veamamo siejo Jesus, vape aso kaiwasa pai piau, e Zakeusi tienambokari kota pavo, diadi so slejo Jesus pa va. ⁴Apavo diepai rawain kalwasa pai papo so dopo wa, avori sia nana ai ara ravo pal, ave amamo, siejo Jesus nanapi jana. ⁵Jesus ria to miesi ai pai, janama siejo sasana, avori kievore diojo, Zakeus, vuar sairai Aso raria nini ma, jo iramatu so au na nomu anio pai ⁶Apa Zakeusi sawawarae viar nanapi ai paie, ria so Jesus tutir sane vesasie vesiri. ⁷Kaiwasa vesajo vava nine pa sia, sesajora ve pi viomadidi vesiri. Senggavo sisiayari e setoyo, "Ai, ria sua nana siniotu vekariria wa sia, sene anio wa sil." ⁸Janama senda so Zakeusi nie anio pai, avori Zakeusi siobataie klevo so Jesus e dioyo, "Sie panau, ine pi saserai ne, savaru rawesi pai, nari joni so siniotu

vevaro pi pasi, e teinina vea, jawi to manaue, ikor nie pi pa siri, mamō nari ivait sovera soi ve ati" ⁹ Apa Jesus kievo sol e dioyo, "Nana raria nini Sien Allah vie trima au, tutir nomu anio raro pa, aso au kota ma, Abrahama atu ni au. ¹⁰ Siniotu Atu ne Yau, irama ne, ave amamo isaserae jono slamat pai maso siniotu vera sasara pasi.

KAVO SORATARAWA NANAPI DOI BARAWA PAI (MAT. 25:14-30)

¹¹ Kaiwasa pai andia diediawa Jesus so kievo pa e, ditopana kavo soratarawa pesi. Aso nana raria jani ma, Jesus dieriasi Yerusalem to manau, e kalwasa pai miemo ma dioyo nari Sien Allah dio vie prenta ariri Raja nana dunia nei pana. ¹² Jesus kievore dioyo, "Raria pesi pa, siniotu veve baba pesi, ria so uta viaroi, ave sendu sasani e vie Raja, to manau mamō sioverai. ¹³ Aja ria varami e, siau nie siniotu venanaripi soi pa sia, sembe sura, avori viov pipi barawa pasi ariri sia, esi nie siri-siri, e kievo so sia e diojo, "Yo ira mamō, tutir pipi nini e, membori pie membova nana Ira ne. ¹⁴ Vape kaiwasa venana uta jasia semadidi. Apavo, siniotu nei suvi e ria to manau mana. Setamias siniotu e setoyo, amanggambarai siniotu nini vie Raja so ama. ¹⁵ Amana pivale siniotu pai sendu sasani e vie Raja, e manau pa sloverai so nie aniose pa. Janama sawawarae siau nie siniotu venanaripi soi pa sia e sendama sol, ave amamo ruin ariri sene untun sesamuai pasi. ¹⁶ Apa siniotu venanaripi usari pa sia, retena pai ria, kievore diojo, Tuani, pipi mas siri buona pai, jevajani pa isamuai sura riwanea'. ¹⁷ Apa Raja pai kievo soi e diayo, 'vesie vesiri, au ma siniotu viate ni au. Aso nanapi pi vebaba va, vape diadi so tasanemitiar au, apavo nari jona aue, vue mananir so aniose pa sura'. ¹⁸ Siniotu veve muandua pai ria ea ma, kievore dioyo, Tuani, pipi mas siri buona pai, jevajani pa isamuai rim riwanea'. ¹⁹ Apa Raja pai kievo soi e dioyo, 'Nari jona e vue mananir so aniose pa rim'. ²⁰ Siniotu pa veve torua pai riama kievore dioyo, Tuani nomu pipi pai nine, itavani nanapi saputangan e viata. ²¹ Aso imatai tuani au, ava Tuani au ma, siniotu vene kavo karakuai ni au pana. Kuor pi nana pi buoneva. E, buema pi nana uta tuana pi nana va'. ²² Apa Raja pai kievo soi e dioyo, 'Au ma siniotu vekaririra ni au! Nari ive hukum au ariri mataun nomu kavo kuevora vediasi. Ruin ya ve siniotu vene kavo karakuai; e ikor pi nana pi ine va, e jema pi nana uta itana pi nana va'. ²³ Tojana mamō, buotopi kuor pipi pai a piri nana Bank pai vae, ave isovera ma pa, ive trima pipi pai tutir nie bunga pai vae? ²⁴ Avori Raja pai kievo so siniotu viosa na jasia e dioyo, menggor pipi pai vurusui, e metoni so siniotu vene pipi mas sura pai. ²⁵ Amana siniotu pa setoyo, Tuani, i-ma siemuai sura to manau. ²⁶ Apa Raja pai ruar e dioyo, 'Itopa so mia, teini nie esa to manau, amarno nari viona e pau rawai soi ea. Vape teini dine esa va, amamo pi vitopi nana i pa, nari vekor vurusui. ²⁷ E, janama menggor kaiwasa vekambarai ive Raja soa pa sia ma. Memun sia vura nana aropo ne!''.

JESUS SUAPUI SO KOTA YERUSALEM TUTIR SANANDIKA PA (MAT. 21:1-11; MRK. 11:1-11; YOH. 12:12-19)

²⁸ Jesus kievora kavo ninesi vura to manau pa, janama piepono siae, senda so Yerusalem. ²⁹ Senda sederiasi aniose Betfage tutir Betania, nanapi suovavo Saitun, apa diemias nie siniotu vera usar-I pa sumbe muandu e sunda papo. ³⁰ Dioja so sandu e dioyo; "Munda papo apo so aniose venana dopo jani, musua na wana mamō, nari musajo binatang keledai atu pesi, senggasiesi e diosa. Keledai jani ma, esi sia nana varami. Mundeku keledai pai e munggori ma. ³¹ Masi esi dutan mandue dioyo, "Mundeku keledai pai so vito? Amamo muroyo, Sien vie perlu-i". ³² Apa siniotu verausara Jesus pa sunda, apa susamuai pa imasi ariri Jesus kievo pa, ³³ Asanduya sundeku keledai atu pai ramie, vene pai kievo so sandue dioyo, 'Mundeku keledai pai so vito? ³⁴ Amana sunduar soi e euroyo, "Sien vie perlu-i". ³⁵ Janama sunggor keledai atu pai so Jesus. E sesasiara keledai pai karu pa nana sasu pasi, avori sendu sasana Jesus ajai miesoi na keledai pai karu pa. ³⁶ Apavo Jesus siajai miesoi na keledai pai karu pa e ria tutir-I, mae kaiwasa vepau pa sia setasiesa sene sasu jubah pasi nana ria pasi. ave setimbe tirima Jesus, e ria sasani nanasi ³⁷ Jesus ria dieriasi Yerusalem, nana ria vimarura na suovavo Saitun pai, apa kaiwasa borai vera usar-I pasia, setumin e sesanandik Sien Allah e setopa trima kasih so-I, aso pi saserai viotandori sesajo subata pasi. ³⁸ Setumine setoyo, Berkat maso-I, Raja verama nanapi Sien sano pai! Dame nana rora wa, e sanandika pai so Sien Allah!'' ³⁹ Siniotu Parisi pa siaja senda tutir kaiwasa vepau pasia pavo, senggavo so Jesus e setoyo, "Guru, buemias kaiwasa vera usara Au ne sia e sepeya". ⁴⁰ Amana Jesus kievo so sia e dioyo, "Itopa so mia, sepeja mamō, nari rovuki nesi siumin riwana sia".

JESUS SIAIS KOTA YERUSALEM PA.

⁴¹ Janama Jesus ria dieriasi Yerusalem, e siejo Kota pai pa, siaisi. ⁴² E dinggavorae dioyo, "Kawa raria nini, ruina pi nari vekor vemari pai maso au pa reto, vesie vesiri mana! Vape nine ma sa suejoro va. ⁴³ Raria pesi mamō nari suejo siniotu mumbe marova pai vie war wariri au, e setosa vedior au e sepidiar au na samabu pasi vura. ⁴⁴ Nari sendiar patata au, tutir kaiwasa vemaso nana au nesia vura; e sa senda kara rovuki pasie tur sasana nana uta viata nana pa va, aso nguenggau raria Sien Allah kior vesie pai maso au pa pana!''

JESUS SUAPUI SO ANIO ALLAH PAI PA (MAT. 21:12-17; MRK. 11:15-19; YOH. 2:13-22)

⁴⁵Jesus suapui so Anio Allah pai e, dietawar kaiwasa vevova pi nana pa sia pa. ⁴⁶Apa kievo so sia e dioyo, "Nanapi Repo pai pa vevui toapa nine; Sien Allah dioyo, Ine anio pai ma nari vie Anio so uta vimbe nadi. Vape metoni ve karai so siniotu viewara pi!"⁴⁷Raria pasi vura ma, Jesus dieniau nanapi Anio Allah pai raro pa. Imam baba pa sia e veve baba nana Torat pa sia, tutir veve baba nana Yehudi pa sia, setoyo ave semun Jesus, ⁴⁸vape setisamuai ria pesi so, senanari toapa jana pa va, aso kaiwasa pai vura. diediawa e, senggorusara Nie kavo pasi pana.

20

VIUTA JESUS SO NIE PAYA DINANARIPI PAI PA

¹Raria pesi pa, Jesus dieniau e ditopanusara Sien Allah Nie Kavovesia pai maso kawasa pai nana Anio Allah pai raro pa. Apavo Imam baba pa sia e, veve baba nana Torat pa siae, veve baba nana Yehudi pa sia sendama, ²e senggavo so Jesus e setoyo, "ite tuopa so ama. Nuenari pi ninesi vuara pa tutir paya vito? Teini diono paya jani so Au?"³Amana Jesus ruar so sia e dioyo, "Yo yuta mia kota. Ite metopa so Yauc ⁴Yohanes sioiv siniotu tutir paya nanapi teina? Nanapi Sien Allah te, nanapi siniotu e?"⁵Apavo senggavo vavera nanapi matau sia e setoyo, "Masi tanggavore tatoyo, Tutir paya nanapi Sien Allah', amamo nari kievore dioyo, Toapa jana mamu, aso vitopi tasanemitiar Iva pa? ⁶Vape masi tanggavore tatoyo, tutir paya nanapi siniotu, amamo nari kalwasa nei vura, sio tata na rovuki, aso kalwasa nei vura sesanemitiar toapa, Yohanes ma Nabi nina pana⁷Apa senduar so Jesus e setoyo; ama ma amatinduin va ⁸Janama Yesus kievo so sia e dioyo. "Toapa jana pavo ya kota, sa itopa so mia va, tutir tei nie paya vori jinanari pininesi vura pa".

KAVO SORATARAWA NANAPI SINIOTU VENANARIPI NA ROMI PASIA (MAT. 21:33-46; MRK. 12:1-12)

⁹Avori Jesus tiopana kavo soratarawa nini maso kaiwasa pai e dioyo, 'Siniotu pa siri, tiana romi anggur pesi. Apa dioni ve romi sieva so siniotu pesia, ave senanaripi nana, aso dio suvie ria so uta vevesiei, e niana wana to woroi. ¹⁰Janama rabua seto setema anggur buo pai pa, vene romi pai diemias nie womi pai so siniotu venanaripi na romi pa sia, ave amamo vie trima savaru esa Amana siniotu venanaripi na romi pa sia, sendora womi pai e setamiasie vievu vara vereri.¹¹Apa siniotu vene romi pai diemias nie womi pa esi ea, amana siniotu venanaripi na romi pa sia sendorai kota e senggavo sisiayari, avori setamiasie e vievu vara veren. ¹²Vepui siniotu vene romi pai diemias womi pa veve torua pai, amana siniotu venanaripi na romi pasia, sendora womi pai e setapuri senggei na romi pai ari so vorira pa.¹³Vimanaua pa, siniotu vene romi pai kievore diayo, Vitoni nari inanari ea ne? Nari jenias matau ine atuma isanemipaya nei. I mamu nari setatuanil ¹⁴Vape ineri siniotu venanaripi na romi pa sia, sesajo siniotu vene romi pai atu pai pa, senggavo vavera na sia e setoyo, Siniotu vene plumaja pai nine Mendama ve tamuni ave tasamuai nie plumaja nesi!"¹⁵Apa separei na romi pai ari so vorira wa, avori semuni. Avori Jesus dutan sia e dioyo, 'Apavo siniotu vene romi pai sioverai mamu, nienari toane maso siniotu venanaripi na romi pa sia?" ¹⁶Sa vurusu va, nari ria mun siniotu venanaripi na romi pa sia, e diono romi pai so siniotu vevesiei ea Kaiwasa pai diediawa pa, senggavo so Jesus e setoyo. "Ima moja vesiri!"¹⁷Jesus dieduata sia vori kievore dioyo, "Toapa jana vori ayat venana Surat Repo pai, verotu e vioyo, 'Rovuki tukan venanani anio pa senggea pai, vie rovuki retena to manau nanapi anio pai samabu pai. ¹⁸Teisia setawa na rovuki jani vavo pa mamu, nari separe; e teini rovuki jani mun patatai mamu, nari piere e vie wavu". ¹⁹Veve baba nana Torat pa sia e Imam baba pa esia, senduin toapa kavo sora tarawa nine ma, Jesus kievore isan sia. Apavo ave setapuri na diam yani kota, vape sematai kaiwasa pai

VEVAIT PAJAK SO KAISAR PA

²⁰Apavo sesasera ria viate pesi. Apa sembait aniwara siniotu pesia, e setombe siniotu viate, e setamias siae senggavo tutir Jesus, ave amamo setapur Jesus na kavo setitutani wasi e, janama senggori bur veve baba nana Pemerinta pa sia. ²¹Apa siniotu sembait aniwara to manau pa sia, senggavo so Jesus, e setoyo, "Guru, amanduin toapa, kavo kuevo nana pasi e bueniau nana pasi vura, sitindia. Amanduin kota toapa, Au ma bueniau to tindi mo, nanapi Sien Allah Nie sane vesie pai, maso siniotu pasi, aso Au ma biri siniotu va pana. ²²Apavo ite tuopa so ama, ariri tane atoran agama nei mano, diadi tambait pajak so Kaisar pai te, mojae?"²³Vape Jesus ruin sene kavo awitituwa wani. Apavo kievore dioyo, ²⁴Ite metoisara pipi dinar pa esi so Yau. Teini nie gambar nini e sano nini. Amana setoyo, "Kaiser pai!"²⁵Apa Jesus kievo so sia e dioyo, "Tojana pavo pi vitopi Kaiser pai nieu pa, metona so Kaiser pai, e pi vitopi Sien Allah nieu pa, metona so Sien Allah". ²⁶Amana veruana na kaiwasa re vepau toapa, setisamuai vesasara pesa nanapi Jesus va. Apa setipeja vea, e setanuar so Jesus Nie kavo pasi.

VEKAVO VAVERA NANAPI SOBATA VURUSU VORU PAI PA (MAT. 22:23-33; MRK. 12:18-27)

²⁷Raria pesi pa, siniotu Saduki pa esia, sendama so Jesus. Siama setaniau toapa, siniotu vevoru pasi ma sa sisobatasi ea va Setutan Jesus e setoyo; ²⁸"Guru, musai vui prenta nini so tata, toapa: Mua pesi vioru, e siemuai atuma va, amamo neta katu pai riaut inar pai, ave armarno diavi so siniotu vevoru to manau pai. ²⁹Apavo mambeneta pa esia, sembe rimemuandu. Baba pai ririau, avori vioru e disamuai atuma va. ³⁰Vepui veve muandua pai riaut inar pai, vape I kota vioru e disamuai aturma va. ³¹Kavo nine toa kota maso neta veve torua pai, e ra so veve rime muandua pai ³²Vepui, inar

pai kota vioru.³³ Apavo nana raria vevoru pa sia sebata sia wa mamu, nari teini vie sawa so vavi nei? Aso mua rimemuandu nine sia vura sendauti to manau pavo?"³⁴ Apa Jesus ruar so sia e dioyo, "Kaiwasa vetenam na rabua ninesi siririau,³⁵ mae kaiwasa nari diadi so vesobata vurusu voru pa sia, e vetenam nana raria nari vera ea ma wasi, sia ma sa sendiriau va.³⁶ Aso sene vava pasi sivava ariri Malaekat, e sa semboru va. Siam Allah Atu ni sia, aso sebata sia nanapi voru pai to manau pavo.³⁷ Musai matauni tiopa veruana to manau toapa, vevoru pa sia nari sebata sia riwanea. Vui e ditoponariri adia veser na kariau nggake pasi pa mamu, diap Sie pai ve, 'Allah na Abrahami, Allah na Isaki, e Allah na Yakopi'.³⁸ Apavo, Allah jani ma, Allah so siniotu vevoru va! Vape I ma Allah so kaiwasa vetenam! Aso kaiwasa vura tienam maso Sien Allah".³⁹ Apa veve baba nana Torat pa esia, senggavore setoyo, 'Guru, nomu kavo ruara pa, vesie vesiri'".

⁴⁰Apavo, sembe barani ea va, so setutan piesa nanapi Jesus pa.

VEKAVO NANAPI JESUS TUTIR DAUT PA (MAT. 22:41-46; MRK. 12:35-37)

⁴¹Avori Jesus dutan siae dioyo; "Aso vitopi kaiwasa kievore dioyo, Raja Vekor Slamat pai ma Dauti tapu nina pa? ⁴²Arora e Dauti matauni kievo nana buku Mazmur pai e dioyo, Sien kievo so ine Sie pai e diayo; Muesoi nana rawa vata ne ⁴³veito joane veve marova tutir au ne sia, setatuan so au. ⁴⁴Apavo masi Dauti diap Raja Vekor Slamat pai ve Sie, avori Dauti tapu nina ea pa nari toane?"

JESUS DIONO KAVO SANEPAYA SO NIE MURID PA SIA PA (MAT. 23:1-36; MRK. 12:38-40; LUK. 11:37-54)

⁴⁵Kaiwasa pai andia diediawa Jesus kievo pa ramie, Jesus kievo so Nie murid pa sia e dioyo, ⁴⁶Mesanemipaya to vesie, aso veve baba na Torat pa sia sene buai wasi Senda mamu sesasun sia nana sasu jubah viaririoisi, e sesanemi vesie kaiwasa tietuan sia na pasar wasi. Senda so ari mamu, setiri uta masasoja nana dopo mo wa, e senda so pesta mamu, setiri uta masasoja viate rawai. ⁴⁷Setawi inar pasie, setawawara sene anio pasi. E sembe nadi mamu woririoisi, ave amamo setitau-tawana sene tatar warira pasi. Sene hukuman pai ma nari mierabat!"

21

INAR VEVARO PI PESI NIE PI SOM DIONA PASI

¹Nana Anio Allah pai pa, Jesus siejo siniotu kaya pa sia sengge sene pipi som pasi susa aiku vepir doi pai pa. ²Apa siejo inar vevaro pi pa esi kota, diotona nie pipi veve nanim pa muandu. ³Janama Jesus kievore diojo, "Ite metadiawa Inar nei ma diona to pau rawal nanapi esi pasivura. ⁴Aso sia vura ma setono pi som pa, ariri sesamuai pi e pau pa. Mae inar nei ma viero pi vesiri, vape pi katu siemuai e nari dimbori pi soi pasi, asi dionasi vura pa".

JESUS KIEVAVO NANAPI ANIO ALLAH PAI NARI MIERURA PA (MAT. 24:1-14; MRK. 13:1-13)

⁵Siniotu pa esia, senggavo nanapi Anio Allah pai nie ate pa e, mierandi tutir rovuki viatatene, tutir pi som viona so Sien Allah pasi. Apa Jesus kievo so sia e dioyo, ⁶"Nari raria pesi mano, pi mesajora nine si vura, nari sitabari; rovuki vetaur ninesi sa sivata na uta sinana pa ea va!"

KARIRIA BABA PAI SUO RETENA PAI

⁷Setutan Jesus e setojo, "Guru, raria toni kavo ne nari ve diadi? E vitopi nari veruana, toapa, raria pai miesi to manau so kavo pa vediadi pa?" ⁸Amana Jesus kievore diojo, 'Mesanemipaya, aso setawi mia pe. Siniotu pa pau nari senggor sanone e setinda ma, e senggavore setojo, "Jesus andi Yau!" e raria pai dieriasi to! Amamo, menggorusara sia vape moja. ⁹Metadiawa marova pai e variriwi pai mamu, mematai kota vape moja. Pi jasi vura, sive diadi papo ri. Vape, raria dunia nei kieriria pai ma, piva rami". ¹⁰Janama Jesus dinggavora e diojo, "Kaiwasa pai nari biatai e mun vaveri, e negara pesi nari biatai e vie marova tutir negara vevesiei pesi. ¹¹Mundija baba pasi nari sipot na uta nesi, e vavisi baba pai tutir pota pa simun. Nari pi viomataiti pasi tutir pi viotandori pasi, sive diadi na rora wa. ¹²Vape pijasi vura aja sive diadi varami mamu, nari setapur mia e sendora tatir mia. Nari sembe urus mia nana anio ari pasi, senggovara mia na bui pasi. E nari sepapara mia bura raja pa sia e veve baba pa sia, aso mandausara Ya pa. ¹³I ma ria vesie nina maso metitopanusara Sien Allah Nie Kavo Vesie pai pa. ¹⁴Menggutu na mesanerni raro pasi toapa, sa mesanemi sasera mia na kavo nari menggavo rera mia nana pa va. ¹⁵Nari matau Ya jono kavo e sane veruina pai maso mia, ave amamo siniotu vio variriwi tutir mia pa sia, esi kievo rawaina pivai kievo tatupa kavo menggavora pasi vape moja. ¹⁶Metamami e mesiniami e, mene neta vava e neta katu e, mene usapui e, mene maneta e, nari sembovo mia. Amamo nari semun mia esia. ¹⁷Nari kaiwasa vura miedidi mia, aso mandausara Ya pa. ¹⁸Vape rurandau venana mendumi pasi, sa esi niai va. ¹⁹Menggarakuai mamu, nari mesamuai slamat pai.

JESUS KIEVO NANAPI KOTA YERUSALEM SO NARI MIERURA PA (MAT. 24:15-21; MRK. 13:14-19)

²⁰Veitoto mesajo tentara pa sembe war vedior Kota Yerusalem pa mamu, nari mendum toapa, woroi va so Kota jani niai pa. ²¹Nana raria jani mamu, kaiwasa venana Judea pa sia, sembavu ajai so wi wa. E kaiwasa venana Kota pa sia, sembavur Kota pai, e kaiwasa venana vorira pa sia, sesua so Kota pai vape moja. ²²Aso raria jani ma, "Raria hukuman pai tiawa nana pana", toapa jana ve amamo, masi tutira kavo vevui na Surat Repo pai. ²³Raria jasi ma sio mataiti vesiri maso vavi vesanemi vava pa sia, e vavimbiavi pa sia! Aniose ninei, nari siemuai susa pimasa, e Sien nari vie hukum kaiwasa ninei. ²⁴Nari semun esia tutir sumbe, esia kota nari senggor sia ve womi so aniose vevesiei; e siniotu verui mojara Sie pa sia, nari setara patata Kota Yerusalem veito raria Sien diapa so sia to manau pasi sikai pino".

JESUS SIOVERAI MA PA (MAT. 24:29-31; MRK. 13:24-27)

²⁵Nari piesasi siveruana nana wor wai e sernbai wai e siverere wasi. Na dunia nei mamu, kaiwasa pai nari mietai e tietar, aso setosa sun vekuya pai tutir bibiya dorau pai pa. ²⁶Siniotu pasi nari simatai vesiri, aso sisajo pi nari veve diadi nana dunia nei vetutirta pai, aso paya venana rora wa si, nari simanawar. ²⁷Nana raria jani pino, Siniotu Atu ne Ira nana arepa ma tutir paya verawai pe. ²⁸Pininesi sio sive diadi mamu, mesobata mia e mesasan mendumi pasi aso katu esa ea mamu, mesamuai slamat pai pana.

KAVO SORATARAWA NANAPI ARA RAVO PAI (MAT. 24:32-35; MRK. 13:28-31)

²⁹Avori Jesus kievo so sia nanapi kavo soratarawa nei e diojo, "Mesajo vediora ara ravo pai, tutir ai esi pasi vura. ³⁰Kikitiri pasi sio siveruana mamu, mendum toapa, deriasi ve wor to manau. ³¹Toapana kota, mesajo pi ninesi sio sive diadi mamu, nari mendum toapa, woroi va so Sien Allah nari vie Prenta ariri Raja pa. ³²Itopa so mial Pi ninesi nari sive diadi, nanapi kaiwasa aja vetenam nana rabua nine sia, semboru vura varami pa. ³³Rora e kakopa e nari sunai, vape Ine kavo pai ma viata to woroi-woroi!"

JESUS KIEVO NANAPI ARAMA PAI

³⁴Metarama, aso metombei so pesta e unu sua pai vey pe, pivi e mesanemi vei so mene tenam pasi vea pe veitoto metarama raria wai so riatandori pa va pe? ³⁵Aso nari raria jani ma, kaiwasa vura, nanapi dunia nei vavo ne. riamu ariri wai siar maso ³⁶Metarama e membe nadi tawana, ave amamo mepaya e metosa sun pi vepau nari veve diadi jasi, e metosa sun Siniotu Atu ne Ya pe". ³⁷Sasaar mamu Jesus diono aniau nana Anio Allah pai, mae diru mamu, ria so suovavo vesanemi na Saitun e diena nana wana. ³⁸Kausapa vavoru ora mamu, kaiwasa pai vura riamu so Anio Allah pai, ave setadiawa Jesus dieniau pa.

22

VESASERA RIA SO VEMUN JESUS PA

¹Raria Baba Roti Vevaro mur pai, sesauwa ve Paskah pai, dieriasi to manau. ²E Imam Baba pa sia tutir veve baba na Torat pa sia, sesasera ria, ave amamo semun Jesus manana, aso sematai kaiwasa pai pana.

YUDAS DIO VIOVA YESUS PA

³Janama bilis pai su savu Yudas sesau ve Iskariot pai, i ma murid surae muandu vera usara Jesus pa, sia esi nina. ⁴Apavo Yudas ria so Imam baba pa sia, tutir veve baba na Anio Allah pa esia, e kievo tutir sia so nari viovo Jesus so sia toane. ⁵Apa sesanemi pasi sietate vesiri, e setarer toapa nari setono pipi soi ⁶Yudas sane vesie toa, apa disasera ria so nari viovo Jesus so sia aniwara pa.

JESUS TUTIR NIE MURID PA SIA SETO SETAN PISIA PASKAH PAI PA (MAT. 26:17-25; MRK. 14:12-21; YOH. 13:21-30)

⁷Janama raria Baba Roti vevaro mur pai riarna pa, e domba so pisia Paskah pai kutu pa. ⁸Apa Jesus diemias Petrus tutir Yohanes e dioyo so sandu e dioyo, "Munda ve mupir ariri pisia Paskah pai so tata". ⁹Apa surutani e suroyo, "Apavo uta topi nari sanevesiena so amu pir ariri Pisias Paskah pai nana?" ¹⁰Amanu Jesus ruar so sandu e dioyo, munda musua nana Kota wai mamu, nari munda samuai siniotu pesi, kior kendi vesara kambu nina. Amamo mundausari ra so anio su nana pai, ¹¹e mutopa so vene anio pai e muroyo; "Gurtui dutan au e dioyo, uta topi nari Ya tutir Ine murid ne sia, amatan pisias Paskah pai nana pa?" ¹²Amamo vene anio pai nari dioisara andiraro vebaba pesi nana vavo wa so mandu, ima senanari ariri e miesi to manau. Apavo mupir ariri pisias Paskah pai nana wana". ¹³Apa Petrus Yohanes sunda. Apa susamuai aririasi vura, ariri kavo Jesus kievora pasi.

JANAMA SUPIR ARIRI PISIA PASKAH PAI (MAT. 26:26-30; MRK. 14:22-26; 1 KOR. 11:23-25)

SIEN NIE MEJA PAI

¹⁴Raria vian pisia Paskah pai miesi to manau pa, janama Jesus tutir Nie murid pa sia, semasoi na meja pai. ¹⁵Avori Kievo so sia e diojo; "Isanemi vesie vesiri so Yan pisia Paskah nei tutir mia, nanapi aja isamuai kariria pai varami pa. ¹⁶Aso Itopa so mia; sa Jani ea va veitoro api ruir nini nie tarai pai vieruana nanapi Sien Allah Nie dunia vavoru pai pino". ¹⁷Manau pa Jesus rudasana mok visara anggur pai, janama diap nadi trima kasi pai so Sien Allah, avori kievore diojo, "Menggori e membov usari. ¹⁸Aso menduin toapa: nanapi rabua nine, sa junu anggur nini ea va, veitoro Sien Allah Nie Kerajaan pai vieruana pino." ¹⁹Manau pa Jesus kior roti pai. E diap nadi trima kasih pai to manau pa, pio sasavu roti pai na vara pasi, avori dionasi so sia e ditojo: "Ninima Ine tarai vesiwa maso mia paina. Avori dionasi so sia e dinggavora e diojo: Menanari toapa nine, ave metisanempai tawana Yau". ²⁰Toapana kota, setapi to manau pa, diono mok visara anggur pai so sia e dinggavora e diojo, 'Mok nini ma Sien Allah nie arer vavoru paina"

PEMBERITAHUAN TENTANG ORANG YANG MENYERAHKAN YESUS

²¹"Vape ite mesajo; Siniotu vevovo Ya pai, andia tutir Ya na nine. ²²Siniotu Atune nari Ivoru, ariri Sien Allah kutu to manau pa; vape kariria pa rawai maso siniotu vevovo Ya pai!" ²³Apa setuta vavera sia so, teini nari nienari kavo wana.

MURID PA SEMBARIRIWI VAVERA SO TEINI BIEBA NANAPI SIA

²⁴Jesus Nie murid pa sia senggavo vavera so, teini bieba nanapi sia pa. ²⁵Apa Jesus kievo so sia e diojo, "Kaiwasa veruin Sie va pasia sene Raja pa sia, setowawotu sene rayat pai, e sesau sene veve baba pasia ve, 'Veve war vedior Rayat." ²⁶Vape mia ma sa toa va. Sovera ea mamo, veve baba nana mia pai, ima vieva ariri vimadia mo, e veve mananir so mia pai, ima vieva ariri siniotu veremiwarira womi. ²⁷Teini bieba rawai, siniotu vemasoie viapi nana meja pai te, siniotu veremiwaria paie? Jokama siniotu vemasoie viapi pai mana? Vape Ya ma ina tutir mia ne ma, ivava ariri siniotu veremiwaria Womi" ²⁸Nanapi Ine susa pai vura, miaja metutir Yau. ²⁹Ariri Yai diono paya pai maso Ya to manau so jimbe prenta pa, toapana kota nari Jono paya jani maso mia. ³⁰Toapa jana ve amano, mia kota mesanemi vesasie tutir Yau, nanapi raria Ive Raja pa. E nari memasoi sasana mia nana karapesa surae muandua pasi, e metimbe prenta usapui surae muandua pa sia, nanapi Israel pai".

PETRUS MIETAJE PIORAS JESUS PA

³¹. Simon, Simon, ite buediawa! Bilis pai siau to manau ve amamo siotour mia ariri pas pai setetapi e setiri vurusu rawa pai pa, ave amamo, viate pai piowasa vurusu vekariria pal. ³²Vape Ive nadi e Isau vori so au to manau, Simon, ave nomu sanetiar pai tiawa vapemoja. E suovera au so Ya to manau, buono ve nomu maneta pa sia sepaya". ³³Amana Petrus ruar so Jesus e diojo, "Sie panau, jenota veiso isu na bui pai e ivoru tutir Au pa mesari!" ³⁴Amana Jesus kievo so Petrus e diojo; "Itopa so au, Petrus, raria nini aja kokori pa sisau varamie, puoras Ya ve toru, toapa au ma ruin Ya va".

JESUS KIEVO SO NIE MURID PA SIA SO SENGGOR DOMPET, ROTA PISIA TUTIR SUMBE PA

³⁵Avori Jesus kievo so siae diojo, "Papo rabua Jemias mia pa, imu vedior mia so menggor dompet va, rota pisia va, sapatu va, apa piesa mandiu so mia e?" Amana senduar so-l e setojo, "Piva!" ³⁶Apa Jesus kievo so sia ea e diojo, "Vape nine ma, teini nie dompet, tutir pisia, amamo kiosi, e teini viero sumbe, amamo viovio nie sasu juba pai, ave dimbori sumbe" ³⁷Aso, Itopa so mia, Surat Repo pai nie ayat verotu toapa ninei, 'Nari dietor ve siniotu vekariria', kavo nine ma nari vediadi maso Yau. Aso vitopi vui nana Surat Repo pai e ter Ya pa, ve diadi to manau pa nine". ³⁸Murid pa sia senggavo so Jesus e setojo. "Sie panau, ite suejo sumbe pa muandu sandu nine", Apa Jesus ruar so siae diojo, 'Manau pana'.

JESUS VIE NADI NANA SUOVAVO SAITUN PA (MAT. 26:36-46; MRK. 14:32-42)

³⁹Jesus suvi na Kota pai e, ariri ria ora pa, so suovavo Saitun, e Nie murid pa sia kota senda tutiri. ⁴⁰Senda soa tomanau pa, kievo so siae diojo, "Membe nadi, ave amamo metera sotoura pai vape moja". ⁴¹Janama Ria e vekasau katu nanapi sia, vekasau pa masi toapa taso rovuki pa. ⁴²avori disanaebu pasie vie nadi. Kievore diojo. "Jai, diadi mamo tuerir kariria nari veter Ya nei, vurusu Yau. Vape, ariri ine majar pai vape moja, ariri Yai nomu mayar pai vea". ⁴³Apa Malaekat pesi riana rora wa ma so-l, e diono paya maso-I. ⁴⁴Matai pai sia so Jesus, apavo vie nadi to karakuai vesiri. Nie samayar pasi sivava ariri veria, e sitatura so kakopa wa. ⁴⁵Jesus vie nadi to manau pa, sioverai riwanea so Nie murid pa sia. ⁴⁶Avori kievo so siae diojo, 'Metotopi metena pa? mesobata mia e membe nadi, ave amamo metera sotoura pai vape moja."

SETAPUR JESUS PA (MAT. 26:47-56; MRK. 14:43-50; YOH. 18:3-11)

⁴⁷Jesus andia kievo rami, amana kaiwasa pesia sendama. Yudas ni piepo sia, Jesus Nie murid pa esi nina. Janama Yudas ria so Jesus, avori siumi. ⁴⁸Amana Jesus kievo soie diojo, "Yudas, avo nanapi nomu sum katu vediae buo bimbova Siniotu Atu ne Yau e?" ⁴⁹Jesus Nie murid venana jasia sesajo pi nari veve diadi nine pa, senggavo so Jesus e setojo, "Sie panau, ama subi so sia nanapi sumbe vea!" ⁵⁰Apa sia esi piera tuwa Imam baba pai nie womi pai taradiau rawa vata pai, nana sumbe pai to tieitu. ⁵¹Amana Jesus kievore diojo, "Manau!" Janama dieka so siniotu pai taradiau paie dioni e pienaam ⁵²Avori Jesus kievo so Imam baba pa sia, tutir veve baba so Anio Allah pa sia, e dioyo, "Avo siniotu mamuna ni Ya te? Apa menda tutir sumbe, airora, ave metitapur Ya pa?" ⁵³Raria vura Jaja Ina tutir mia nana Anio Allah pai, vape metapur Ja va. Vape nine ma mene raria paina, raria paya nanapi vekumuar pai vieruana pana".

PETRUS PIORASA JESUS PA (MAT. 26:57-58, 69-75; MRK. 14:53-54, 66-72; YOH. 18:12-18, 25-27)

⁵⁴Apa janama setapur Jesus, e senggoria so Imam baba mo pai, nie anio pai. Mae Petrus ma pui usara sia e vekasau.

⁵⁵Apavo setapun adia pesie vieviar na vorira wa, apa Petrus ria miesoi tutir siniotu vemasoi warir adia pa sia ⁵⁶Avori womi vavi pesi, siejo Petrus miesoi siwara adia pai pa, apa womi vavi pai siesir Petrus, avori kievore diojo, "Siniotu nini kota, erine andia tutir Jesus!" ⁵⁷Amana Petrus pioras. Kievore diojo, "Ya ma isajo riruin siniotu jani va!" ⁵⁸Worabua va mana siniotu pesi vesiei ea, siejo Petrus pa kievo e diojo, "Au kota ma sia esini au!" Amana Petrus ruar e diojo, "Piva, ya ma piva!" ⁵⁹Vare diam siri tojana, avori siniotu pesi vesiei ea, kievo mas Petrus e diojo, "Maite, siniotu nini ma riasara Jesus, aso i kota ma siniotu Galilea nina!" ⁶⁰Amana Petrus ruar e diojo, "Ya ma iruin kavo kuevora vedia va!" Nanapi diam jani kota, Petrus andia kievo ramie, kokori pai siau. ⁶¹Amana Jesus mienawer e siejora so Petrus. Amana Petrus sanepai so kavo Jesus kievoro soi to manau pa, toapa, "Aja kokori pa sisau na raria nini varamie, puoras Ya ve toru". ⁶²Apa Petrus suvi vurusu jana ari so vorira wa, e siai veito miesasera.

SESIAYARA JESUS E SENDORAI PA (MAT. 26:67-68; MRK. 14:65)

⁶³Siniotu viarama Jesus pa sia, sesisiayar-le sendorai. ⁶⁴Setau tawana re pasi, riora Au ne?" avori setutani e setojo, "Ite buap, teini ⁶⁵Senggavo sisijari na kavo pa pau vesiri.

JESUS SIEMUAI URUSAN NANA VEVE BABA SO AGAMA YEHUDI PA SIA PA (MAT. 26:57-58, 69-75; MRK. 14:53-54, 66-72; YOH. 18:12-18, 25-27)

⁶⁶Kausapa vavoru mo pa mana, veve baba nana Yehudi pa sia, tutir Imam baba pa sia, tutir veve baba nana Torat pa sia, senduir sia. Avori janama senggor Jesus so sene ruir baba vekutu kavo pai. ⁶⁷Avori senggavo so-I, e setojo, "Ite tuopa so ama, Raja vekor Slamat pai andi Au ve vatamoe?" Amana Jesus ruar so siae diojo, "Itopa so miao, kasa mesanemitiair va. ⁶⁸E, masi jutan mia kota o, kasa menduar kavo va. ⁶⁹Vape nanapi rabua nine, nari Imasoi nana Allah vepaya na pi vura pai rawa vata pa". ⁷⁰Apa sia vura senggavore setojo, "Tojana pavo Allah Atu paini Au we?" Amana Jesus ruar so siae diojo. "Ariri menggavo pa". ⁷¹Apa senggavore setojo, "Tasasera saksi ea val Tatadiawa nana mataun sore ne to manau!"

23

JESUS SIEMUAI URUSAN NANAPI GUBERNUR PILATUS PA

¹Ruir pai vura biataie kior Jesus ra so Gubernur Pilatus aro po pa. ²Ave amamo, sembe karaki na wana. Senggavore setojo, "Amanduin toapa siniotu nini ma, diawi vavera kaiwasa nanapi ria vekariria. Dieniau siniotu ve amamo, sembait pajak so Kaisar pai vape moja, aso diojo I-ma Kristus paina, Raja nina." ³Janama Pilatus dutan Jesus e diojo, "Kaiwasa Yehudi pa sene Raja paini Au e?" Apa Jesus ruar e diojo, "Ariri Tuani kuevo pa". ⁴Apa Pilatus kievo so Imam baba pa sia tutir kaiwasa pai e diojo, "Isamuai vesasara pesa na siniotu nei va, so siemuai hukuman pa. ⁵Vape kaiwasa pai kierakuai vea, e senggavore setojo, "Nanapi Nie anlau pai, dituva kaiwasa na Yudea vetutira; retena pa nana Galilea, e nine ma raa ma so nine kota".

JESUS SIEMUAI URUSAN NANAPI RAJA HERODES PA

⁶Pilatus diediawa pa, duta e diojo: "Apavo siniotu nei ma siniotu Galilea nina e?" ⁷Janama setopa toapa, Jesus ma vieva nanapi Herodes nie uta vie prenta pa rabua esana, apa Pilatus dienatu Jesus so Herodes, aso rabua jana Herodes andia na Yerusalem. ⁸Herodes siejo Jesus pa, sane pa ate vesiri, aso diediawa Jesus to manau pavo, e diojo ave siejori pana. Herodes sanetiar toapa nari siejo Jesus so nienari pitandor pesi pe. ⁹Apavo dutanusara Jesus na kavo pa pau vesiri, vape Jesus dinduara kavo pesa va. ¹⁰Imam baba pa sia tutir veve baba na Torat pa sia, asiaja kota senana jana, e sembe karak Jesus to karakuai vesiri. ¹¹Herodes tutir nie tentara pa sia, sesarap so Jesus e sesisiayari, avori sesasun-I nanapi sasu baba, janama setanatu soverai so Pilatus. ¹²Nanapi raria jani pa, Herodes tutir Pilatus, sumbe maneta riwanea; arorae papo pa ma sundemi kababita sandu.

VEKUTU HUKUMAN VORU PAI SO JESUS PA (MAT. 27:15-26; MRK. 15:6-15; YOH. 18:39-19:16)

¹³Pilatus ruir Imam baba pa sia e veve baba pasia, tutir kaiwasa pai, ¹⁴Avori kievo so siae diojo, "Menggor siniotu nei maso yaue metojo, andi dieniau kaiwasa nana ria vekariria pa. Nine ma juta nanusari to manau, nanapi mendaromi po nesi, vape isamuai sasara pesa va, nanapi kavo metimbe karaki nesi." ¹⁵Herodes kota siemuai veve sasara pesa va, asoi kota dienatu sovera Jesus maso ama to manau, Siniotu nei nienari pi vevediayarae sienuai hukuman nana hukuman voru pa va. ¹⁶Apavo nari irorai to manau mamu, janama isuviri". ¹⁷[Nanapi raria baba Paskah pasi mamu, Pilatus siuvir siniotu vesamuai bui pa esi, e dioni so kaiwasa pai.] ¹⁸Kaiwasa veruir na jasia vura, sesodiaya e setojo, "Memuni, e mesuvir Barabas maso ama!" ¹⁹[Barabas siemuai bui pa ma, aso mamu veve diadi na Kota pal, e aso mun siniotu pa.] ²⁰Pilatus diojo ave amamo siuvir Jesus, apavo kievo riwanea so kaiwasa pai. ²¹Amana setumin e setojo, "Pia nana aitabat pail Pia nana ai tabat pail" ²²Apa Pilatus dutan sia ve torua pai e diojo "Vape siesara na vito? Isamual sasara pesa nana-l va, so siemuai hukum nana hukuman voru pai pa. Nari irorai vea e isuviri e vievu." ²³Amana setumin to baba rawai toapa, Jesus pia nana aitabat pai to. Apa sene sau pa ve diadi. ²⁴Apa janama Pilatus kutu hukuman voru pal so Jesus, ariri kaiwasa pa sene sanevesie pai. ²⁵e siuviri siniotu pai, siniotu vesua na bui so vemamu e vemun siniotu pal. Janama siwa Yesus so sia, ave amamo setoni ariri sene sane vesie pai.

JESUS PIA NA AITABAT PAIPA (MAT. 27:32-44; MRK. 15:21-32; YOH. 19:17-27)

²⁶Janama senggor Jesus, senda so ria pai rabua, apa sesamuai siniotu pesi, sanopa Simon, vieva na pa aniose Kirene, dio ria so Kota. Apa setapuri e sepapari a sieriuwa aitabat pai usara Jesus. ²⁷Kaiwasa pa pau sepui usara Jesus, vavi pa esia kota, senda tutir sia. Vavi pa siama sesais Yesus. ²⁸Amana Jesus mienawer so sia, avori kievore diojo, "Vavi Jerusalem pa mia! Mesais Ya vape moja! Mesais riwana mia, tutir mene atuma pasi. ²⁹Aso nari raria pai riana, e esia nari senggavore setojo, Vesie maso vavi vesanemi masa pasi, e viavi va pasi, e vesusu atuma va pasi!" ³⁰Nana raria jani, nari esia senggavo so wi pasi e setojo, 'Suovavo panau, tuau tupa ama!' ³¹Aso siniotu pa sinanari toapa nine to manau maso ai vemasa varami pai, avori toane tutir ai vemasa to manau pai?" ³²Siniotu pa esandu kota siniotu venganggau sanduna, senggor sandu a ve susamuai hukuman voru pai tutir Jesus. ³³Sendama so uta sesauwa ve 'Siniondu', janama sepa Jesus na aitabat pai, tutir siniotu venganggau pa sandu, sunggasir Jesus, esi pai na rawa vata pae, esi pai na rawa sara pa ³⁴Avari Jesus vie nadi e diojo, "Jai, vue ampon sial Aso senduin mojara pi senanari ne va pana." ³⁵Sembov Jesus Nie sasu pasi ariri sia na jana, e sendut onde soasi. Kaiwasa pai diosa na jana e siejo, e veve baba na Yehudi pasia, sesisiayara Jesus, e senggavore setojo, siniotu vevesie pa siari dionae setaisu vurusu kariria pasi to manau; janama ite vata e Raja Vekor vesie, Sien Allah diria paina mamu, diona ve amamo matauni tieisu vurusu kariria veter-I nei vae!" ³⁶Tentara pasia kota sesisiayar-I. Sendama setono anggur vesiasa pai so-I, ³⁷e setojo, "Raja Yehudi paini Au mamu, buonave tueisu vurusu kariria nei!" ³⁸Nanapi Jesus Nie aitabat pai rawa vavo pa, sembui kavo nine; "Raja Yehudi pai nine." ³⁹Siniotu venganggau sepa nana aitabat pa esi pai, sisijara Jesus, Kievo e diojo, "Raja Vekor Vesie paini Au mana? Buona ve tueisu vurusu kariria pai tutir ama!" ⁴⁰Amana siniotu venganggau pa esi pai, miasi e diojo, "Avo auma muetai Sien Allah vae? Au kota suemuai hukuman voru pai ariri-I. ⁴¹Vape tune hukuman nesi ma, simasi tutir pi tunanari pasi. Mae I ma viero sasara!" ⁴²Avori kievo so Jesus e diojo, Jesus, buo ruama ariri Raja mamu, sanepai yau!" ⁴³Apa Jesus kievo soi e diojo, "Itopa so au, raria nini, nari auya tutir Yau nana Firdaus".

JESUS NIE VORU PAI (MAT. 27:45-56; MRK. 15:33-41; YOH. 19:28-30)

⁴⁴Nai diam surae muandu raria pa, amana wor pai disava, e uta pai vura kumuar vesiri, veito jam toru ravinena pa. ⁴⁵Mae sis viaat vediora andiraro Anio Allah pai, miesavu ve muandu. Ninema tanda veveruana nanapi Sien Allah nina. ⁴⁶Janama Jesus diananar to baba e diojo: "Yai, Isiwa Ine Wainunu nei matu so Varamu pasi". Kievo toapa nine to manau mana, janama vioru. ⁴⁷Tentara pa sene veve baba pai, siejo pi veve diadi ninesi pa, sienandik Sien Allah. Kievore diojo, "Vata e siniotu nei ma, siniotu vetindia nina!" ⁴⁸Kaiwasa vesorum e vesajo pa sia, sesajo pi veve diadi ninesi pa, sembavure semu sesanemi veito...! ⁴⁹E kaiwasa vesajo riruini Jesus e vera usar-l pa sia, tutir vavi verausari nana Galilea ma pa sia, setosa e ve kasau, avori sesajo pi veve diadi ninesi vura.

SEPIR JESUS NANA PAPI PAI PA (MAT. 27:57-61; MRK. 15:42-47; YOH. 19:38-42)

⁵⁰Siniotu pesi sano pa Yusuf, i-ma kaiwasa situatani, e niana ruir baba vekutu kavo pai, i-ma siniotu viate, e vene sanepaya vetindia nina. ⁵¹I kota ma kiembarai ruir baba pai nie kavo senggavora e senggutut pasi. I-ma vieva nanapi Arimatea, kota Yudea, e diananota raria Sien Allah dio vie prenta ariri Raja pa. ⁵²Yusuf nini ria so Pilatus e siau, ave amamo diono Jesus Nie tarai vevoru pai ⁵³Janama viara Jesus Nie tarai vevoru pai na aitabat pai, avori tievani nanapi sis vemamara e vesararepa. Manau pa janama kioria piri nanapi papi senanari nana suovavo veve rovuki pai, papi jani ma aja sepir vevoru nana varami. ⁵⁴Raria jani ma raria jumat nina, e deriasi raria sabat pai. ⁵⁵Vavi verausara Jesus na Galilea ma pa sia, senda usara Yusuf e sesajo papi pai. Sesajo Jesus Nie tarai vevoru pai kota, so sepiri nana papi pai pa. ⁵⁶Janama sembavu, avori senggor alrawi tutir mani vesairara ma sembuvuasi na Jesus Nie tarai vevoru pai. Nana raria Sabat pai ma, semanau nanaripi, ave senda ariri agama pai nie prenta pasi.

JESUS SIOBATAI NANAPI VORU PAI PA

¹Nana raria ari pai kausapa vavoru mo pa, vavi pa sia senggog airawi senanari to manau pasi e setinda so papi pai. ²Nana papi wai pa, sesajo mana rovuki visiori rature papi pai kiedidura to manau. ³Apa janama sesua na papi pai, vape sesamuai Jesus Nie tarai vevoru pai na jana va. ⁴Apavo asiaja setosa e sesanemi sasera e senggavo usara, worabua va mana, siniotu pa sumbe muandu, susasun sandu nanapi sasuve natar e surosa siwara sia. ⁵Apa sematai vesiri e setatuan ravav so kakopa wa, aso sunggavo so sia e surojo; "Aso vitopi mesasera siniotu vetenam pai nana siniotu vevoru pa sia pa?" ⁶Nana nine va; siobatai to manau! Mesanemipai tawana pi vitopi tiopana maso mia to manau, nana rabua andia nana Galilea pa, ⁷toapa nari sesiwa Siniotu Atu pai so siniotu vevetatar pa sia, ave sepa I, nana akitabai pai, e nana raria veve torua pai, nari siobatai. ⁸Janama vavi pa sia sesanemipaia so Jesus Nie kavo pasi. ⁹Sesovera na papi pai pa, setopanusa pi veve diadi ninesi vura maso Rasul surae siria pa sia, tutir esi verausara Jesus pa sia vura. ¹⁰Vavi vetopanusa pi ninesi vura so verausara Jesus pa sia, asia: Maria Magdalena, Yohanai e Maria Yakobus siniani, tutir vavi vekota sia pa sia. ¹¹Amana Rasul pa setojo sa vavi pa sia senggavo kavo vata va. Sesanemitai vavi pa sia sene kavo pa si va. ¹²Vape Petrusi ma siobatai e diepai so papi wai. Avori tietuan e tira apui, amana siejo sis vetavana wominggo pasi sivata na jana vea. Petrus tiendor e sane sasera veito, e vievu tutira utanusara vepau na sane raro pa, so pi veve diadi to manau ninesi.

JESUS VIERUANL NA RIA VERA SO EMAUS PAI(MRK. 16:12-13)

¹³Nana raria jani kota, Jesus Nie murid pa sumbe muandu, sunda so aniose vesanomi na Emaus, vekasau na Yerusalem pa vare kilometer suraesiri. ¹⁴Sundae sunggavo nanapi kavo veve diadi ninesi. ¹⁵Apavo sanduya sunda e sunggavo, amana Jesus matauni riama ria tutir sandu. ¹⁶Susajo Jesus, vape masi piesa vediora e susajo riruini-I va. ¹⁷Janama Jesus kievo so sandu e diojo, "Vitani munggavori na ria rabua ne soi pa? Apa sumanau kavo pasi e sundemi pa sisasina. ¹⁸Avori sanduesi vesanomi na Keleopas pai, dutan Jesus e diojo, 'Apavo au ma sa siniotu wasa siri venana Kota Yerusalem nei ni au pe? Apa aja ruin kavo ravinesipe veve diadi pai va pa?' ¹⁹Apa Jesus dutan sandue diojo, 'Kavo vito nina?' Amana sunduare surojo, 'Kavo veve diadi maso Jesus siniotu Nazaret pai, I-ma Nabi nina; Siemuai paya nanapi Nie kavo to pi Nienari, nanapi sayayo na Sie pai, veito sayayo na kaiwasa vura. ²⁰Imam baba pa sia, tutir veve baba so tane kaiwasa nei pa sia, sesiwi to manau, ave siemuai hukuman voru pai, e sepai na akitabai pai to manau. ²¹Arora amasanemitai tomanau, toapa andi nari riera kaiwasa Israel pai pa! E raria nini ma raria veve toru paina, nanapi kavo veve diadi nine. ²²Avori amane vavi pa esia kota, setono tandori so ama. Kausapa vavoru mo pa senda so papi pai. ²³Vape sesamuai Nie tarai vevoru pai na wana va. Avori sesovera ea e setojo, sesajo Malaekat pesia, e Malaikat pa senggavo toapa, Jesus tienam. ²⁴Apa ama esia senda so papi pai, e sesamuai pa, imasi ariri vavi pa setopa pa, mae Jesus ma sesajori va. ²⁵Amana Jesus kievo so sandu e diojo, 'Menganggau veito! Mesanemitai kawawaru nabi pa sene kavo setopana to manau pasi pana! Jokama ²⁶Raja Vekor Slamat pai nari Siemuai kariria pai papori, avori janama sua apui so Nie vesie pai mana? ²⁷Avori janama Jesus tiopan ariri so sandu nanapi surat repo pai e veter-l pasi, nana Musai tutir nabi pa sia sene buku pasi. ²⁸Janama senda sederiasi aniose senda soa pai. Apavo Jesus diombe dinda kara sandu. ²⁹Amana sunggavo suarl e surojo, 'Muesoi tutir nandu, ava diru pa nine, e kumuar to manau kota. Apa Jesus sua, ave amamo diena tutir sandu na jana. ³⁰Janama seto semasoi e setapi pa, Jesus kior roti pai, avori Vie trima kasi so Sien Allah, e piosasavu roti pai, avori dioni so sandu. ³¹Avori janama sunduin toapa Jesus andina. Amana mierier vurusu sandu ³²Apa sunggavo vavera na sandu e surojo, 'Tojana pa erine kievo so tandu na ria rabua wae, ditopanariri Surat Repo pai tarai pai so tandu mana tusanemi. raro pasi buomasai vei sisara to sitabubu vea pa?' ³³Nanapi diam jani kota e, susobata sandu e susovera so Yerusalem. Amana susamuai Jesus Nie murid surae siria pa sia, senduir tutir esi pa sia pa. ³⁴Apa setopa so sandue setojo, 'Vata, Sien tienam riwaneal Vieruani so Simoni to manaul ³⁵Janama Jesus Nie murid erine verama pa sandu, surotopanusa pi veve diadi so sandu na ria rabua paie, surisajo riruini Sie pai nanapi piosavu roti pai pa.

JESUS VIERUANI SO NIE MURID PA SIAPA (MAT. 28:16-20; MRK. 16:14-18; YOH. 20:19-23; KIS. 1:6-8)

³⁶Murid pa siaja senggavo ramie, worabua va mana Jesus matauni diosa tandor na sene kasau rabua pa e kievore diojo, "Sane raro vemari pai riama so mia vura". ³⁷Apa setandor e sematai, aso setojo sa wainunu vekariria nina pana. ³⁸Amana Jesus kievo so sia e diojo, Aso vitopi mematai pa? Aso vitopi mematai na mesanemi raro pasi pa? ³⁹Mesajo vara nesi e metisajo ae nesi. Menduin toapa, matau Ya nine! Metaka ma mendut Yau, e mesajo, aso wainunu vekariria pai ma, viero tarai e viero sina, viesiei nanapi mesajo Ya ne". ⁴⁰Jesus kievo toapa jana e ditoisara vara pasi tutir ae pasi so sia. ⁴¹Vape aja sesanemitai varami, aso sesanemi pa sietate ne, setandor veja. Apa Jesus dutan sia e diojo, mepir pisai pesa na nine ne?" ⁴²Apa setona dia vesananai pesa. ⁴³Apa Jesus kior dia pa e diani nanapi sendaromi po pasi. ⁴⁴Manau pa janama kievo so sia e diojo, "Ninema kavo Itopan so mia to manau pasina, nanapi rabua aja Ina tutir mia rami pa; toapa, pi vevui nanapi Musai tutir Nabi pa sia sene buku pasi, e nanapi buku Mazmur pai e vetera Ya pasi, ave sive diadi ariri mo!". ⁴⁵Janama Jesus sieva sene sanepaya pasi ave amamo senduin ariri Surat Repo pai nie tarai pai. ⁴⁶Avori Jesus kievo so sia e diojo, "Vevui nanapi Surat Repo pai toapa, Raja Vekor Slamat pai, nari tieria kariria pai, e nari siobatai riwaneana nanapi voru pai,

nana raria veve toru pai. ⁴⁷E nanapi Raja Vekor Slamat pai sano pa e, vetopa sasaar maso kaiwasa vura toapa, siniotu pasi ave simanau e sisovera vurusu sine tatar pasi e Sien Allah Vie ampun tatar pasi. E kavo nine ma nari vetopana retena nanapi Yerusalem. ⁴⁸Mia membe saksi so pi ninesi vura. ⁴⁹E nari mataun jenatu pi Yai dierera to manau pai, maso mia. Vape memasoi nana Kota nei, veito mesamuai paya vera nana uta vetariai pai."

JESUS SIA SO RORA PA (MRK. 16:19-20; KIS. 1:9-11)

⁵⁰Manau pa Jesus kior sia e sesuvi na Kota pai e senda sederiasi aniose Betania. Nanapi jana pa, siasana vara pasi, avori vie berkat sia. ⁵¹Andia vie berkat sia rami e, tiesiasa vurusu sia, e sia so rora wa. ⁵²Apa setisan sene aebu pasi e, setatuan so-l e, janama sesovera so Yerusalem tutir sanevesasie vesiri, ⁵³e setisanandik Sien Allah tawana nanapi Anio Allah pai.

Yohanes

1 SIEN NIE KAVO VIONA TENAM PAI

¹Nanapi retena mo dunia nei aja nienari varami pa, Sien Nie kavo pai ma andia to manau. Sien nie kavo nei andia tutir Sien Allah, e Sien nie kavo nei, miesi vaveri tutir Sien Allah. ²Nanapi retena mo pae andia tutir Sien Allah. ³Pi vura sinanari pa esa itarir-l va. Nanapi I vea, esa tarir-l va nanapi pisaseraine vura. Piesa ina tarir I va. ⁴Sien Nie kavo pai ma, tenam pai umaja pai na, e tenam pai viediajara sasaar pai maso siniotu pasi. ⁵Sasaar pai disambiar nana vekumuar pai raro pa e vekumuar pai sa miejoi va. ⁶Sien Allah Nie amias pai riamas, sano pa Yohanes. ⁷Riamas ve tiopa veruana sasaar pai, ave amano kaiwasa vura sanetiar. ⁸Matauni ma vesasaar pai na va, I ma tiopa veruana sasaar pai vea. ⁹Sasaar vatamo, visambiara siniotu vura pai, riamas so dunia nei to manau. ¹⁰Sien Nie kavo pai andi nia dunia nei, andi nienari dunia nei, vape dunia nei siejo riruini va. ¹¹Riamas so matauni nie aniose pa, vape nie kaiwasa pai tiawa irari. ¹²Toa saridioi e, esia kota sembe tirimai e sesanemitari, e diono hak so sia ave sembe atuma Sie pa, ¹³e sembava na aviviavi siniotu va, aso tenam vevavoru pai ma vieva nanapa Sien Allah. ¹⁴Sien nie kavo pai vie siniotu to manau, e miesoi sesiorana tutir tata, e tasajor nie vava verawai pai. Vava verawai jani ma vie tirimai ariri atuma mua retena nanapi Tamani. Nana I pa tasajo Sien Allah, e Nie sanepaya pai maso tata pa. ¹⁵Yohanes riamas ariri saksi so I, e ditopanie diojo andi nine, andi itopani e jojo; 'nari riamas vepuija usara ya pa, vape bieba rawai nanapi yau, aso aja jaja varami mamu, ima andiya papo to manau.' ¹⁶I ma Nie sanepaya pai riwai, e mienau vie berkat tata pa va. ¹⁷Sien Nie hukum pasi tasamuaisi nanapi Musai, vape Sien Allah Nie sanepaya veriwa vaveri moja va pai, vieruana nanapi Jesus Kristus. ¹⁸Esi disajo Sien Allah va, atu siria pai miesari andi miesi tutir Tamani e kierakuai vesiri tutir Tamani, andi vieruana Tamani so tata pa.

YOHANES TIOPA RIWANA MATAUNI PA (MAT. 3:1-12; MRK. 1:2-8; LUK. 3:15-17)

¹⁹Yehudi pa sene veve baba venana Yerusalem pa sia, setamiasa Imam pa sia tutir siniotu Lewi pa sia, ave senda setutan Yohanes aso ima teinina mo? ²⁰Apa Yohanes tiopa sasara e diojo; Ya ma Raja vekor slamat pai ni ya va. ²¹Apa setutanie setojo; tojana pavo, teini au? Elia ni au we? Yohanes diojo; piva, apa setutani ea e setojo, tojana pavo au ma nabi vio verama pai andi au we? Amana Yohanes diojo: Piva. ²²Tojana pavo tuopa so ama, teini au? Ave ama topa sasaar so siniotu viamias ama wa sia. Apavo tuopa riwana matau au toane? ²³Apa Yohanes ruar so sia e diojo; "Ya ma siniotu nabi Yesayai tiopana pa jana; "Siniotu viumi nana mapar rubua pa jana, toapa; 'Mendiar ria pasi so Sien!'" ²⁴Parisi pa sene amias pa sia setutanea e setojo; ²⁵Raja vekor slamat pai andi au va, Elia ni au va, e Nabi vio verama pai ni au va, aso vitopi suoiv siniotu pa? ²⁶Yohanes ruar so sia e diojo; 'Ja ma isoiv siniotu nana kambu, vape nana rabua mia, nari siniotu pesi, ²⁷sa mesajo riruini va, I-ma ria vepuiya nana yau, vape ja ma sa ipaya so ireku nie wai sapatu pasiva. ²⁸Pijasi vura sive diadi na aniose Betania, maria Jordan rawa vetara mura uta Yohanes suoiv siniotu nana pa.

SIEN ALLAH NIE DOMBA ATU PAI

²⁹Kausapa pa Yohanes siejo Jesus riamas soi pa, apa Yohanes kievore diojo; "Mesajo, Allah Nie domba atu veki rurana dunia nei nie tatar pasi. ³⁰andi itopa nari ria vepuia ma na ya pa, vape I-ma bieba rawai nanapi yau, aso aja ive diadi vararni pa, I ma andia to manau. ³¹Retena pa ma iruin mojari va. Arorae, irama isoiv siniotu na kambu Sren pai, ave amamo kaiwasa Israel pa sia sendun I." ³²Yohanes kota vie saksi toapa nine; "Isajo Sien Allah Nie Wainunu pai viar na rorawa mesu, vieva ariri aja kapura e sier nana Jesus. ³³Diarm jani aja iruini va, teini I. Vape Sien Allah viemias jau e jono kambu Sren pai kievo so ja to manau e diojo; "Suejo samuai Sien Allah Nie Wainunu pai viar e sier na siniotu pesi mamu, andi nari suoiv siniotu nanapi Sien Allah Nie Wainunu pai pa. ³⁴Yohanes kievo e diojo; 'Matau isajori to manau e ive saksi toapa, I ma Allah Atu paina.'"

JESUS NIE VERAUSARI RETENA PA SIA

³⁵Kausapa pa ma Yohanes niana uta reu pa riwane, tutir nie murit pa muandu. ³⁶Janama siejo Jesus ria pa, apa kievore diojo: 'Mesajo! Sien Allah Nie domba atu pai wana'. ³⁷Yohanes nie murit pa suradiawa Yohanes kievo tonine pa, sunda

surinda usara Jesus. ³⁸Jesus mienawer tara karu pa mana siejo sunda usari pa, dutan sandu e diojo; "Vitoni musaserai pa?" amana sunduar e surojo; 'Rabi, nuana topina?' (Rabi nana kavo Jehudi, amamo; Guru). ³⁹apa Jesus kievore diojo: "Mundama ave matau musajo. Janama sunda usara Jesus e susajor uta topi Jesus niana pa. Diam jani ma diam at ravinena. Raria jani kota surinana jana tutir Jesus. ⁴⁰Siniotu muandu erine viadiawa Yohanes kievo pae, vera vinda usara Jesus pa sandu esi pai, andi Andarias, Simon Petrus neta katu paina. ⁴¹apa sawawara vesirie Andarias siesera neta vava Simon e tiopa soi e diojo; 'Amasamuai Mesias pai to manau. (Mesias pa masi tutir Kristus, amamo Raja viono Slamat paina). ⁴²apa Andariassi kior Simoni aso Jesus. Jesus dieduata Simoni, avori kievo soi e diojo; 'Simon au, Yonai atu panau, nari sesau au ve Kefas, (Kefas ma masi tutir Petrus, amamo wi rovuki). Jesus siau Pilipus tutir Nataniel pa. ⁴³Kausapa pama Jesus kutu toapa nari ria so Galilea, apa ria samuai Pilipus, apa kievo soi e diojo; "Ruama ruausar Yau". ⁴⁴Pilipus ma vieva nana aniose Betsaida. Andarias tutir Petrus, sune aniose pana. ⁴⁵Apa Pilipus ria samuai Nataniel, e kievo soi e diojo; "Amasamuai siniotu Musai tiopana nana buku Torat pai tutir nabi pa sia setopa pa, andina Jesus, nana aniose Nazaret, Yusupi atu paina. ⁴⁶Amana Nataniel kievo so Pilipus e diojo; "Diadi pi viate pesa rama nana Nasarete?" apa Pilipus dioja soie diojo; 'matau ruama suejo'. ⁴⁷Jesus siejo Nataniel riama so-l pa, kievo nanai, e diojo; "Ite mesajo, i-ma siniotu Israel tarai mo nina, varo vava vivu nana-i". ⁴⁸apa Nataniel dutan Jesus e diojo; apa buosajo riruin ya toane?" amana Jesus ruar so-l e diojo; "aja Pilipus siau au varamie, isajo au to manau nana ai ara vavar pai." ⁴⁹Apa Nataniel kievore diojo; "Guru, Au ma Allah atu pai ni Au, Au ma Raja Israel paini Au". ⁵⁰Jesus kievo e diojo; "Sanetiar vedia ma, aso Ikavo toapa, Isajor au to manau nana ai ara vavar pai pana. Vape pi vebaba rawai mo pa esasi, nari suejosi ea!" ⁵¹Jesus kievo ea e diojo; "Vata mo e sanetiar, toapa nari suejo rora pai tiesieva pa, e Sien Nie malaikat pa sia, sesa-semblar so siniotu atu ne Ya pa."

2 VAVINDIRIAU VENANA ANIOSE KANA PAI

¹Kara Galilea, e Jesus siniani andia na wana. ²Jesus tutir Nie murit pa sia, sesamuai undangan kota so pesta jani. raria muandu, avori senanari pesta vavindiriau na kota Kana na uta. ³Apavo anggur pa sikai to manau, apa Jesus siniani kievo soi e diojo; "Sene anggur pa sikai". ⁴amana Jesus kievo so i e diojo; "Mai, buemias Ya va, nie diam pai miesi varami so iveruana Ya pa". ⁵apa Jesus siniani kievo so veve pelayan na pesta pa sia e diojo; 'nari menanari ariri kavo vitoni tiopani matu so mia pa'. ⁶apavo kabesu vevereri pa rimesiri, asia na jana. Ave setisara kambu (aso ariri atoran Yehudi pai mamo, tamu pasi sirois sivarami e siremi, avori siapi). ⁷Apa Jesus kievo so pelayan pa sia, e diojo; mesara kambu susa kabesu nesi. Apa sesarasi to sionu. ⁸Avori Jesus kievo so sia e diojo; "Janama menggor kambu katu esa so veve ru so pesta pai", apa senggor kambu pa so veve ru na pesta pai. ⁹Janama dunu tato kambu veriwa veve anggur pai. (Vape ru in mojara anggur pai ria na topina, mae pelayan vesara kambu pa semesari sia senduina). ¹⁰Avori kievo soi e diojo; "ariri mo mamo, viono anggur viate mo pai papo, ave tamu pa setunu to sene soresisua pa simanau mo, avori anggur biasa pai pui." ¹¹Jani ma pitandor retena Jesus nienari paina, nienari na aniose Kana, na uta Galilea. Nana pi tandor jani, veruana Nie paya pai, apa nie murid pa sesanemitari-l. ¹²Manau na jana pa Jesus suvi e ria so aniose Kapernaum, tutir sinianie, tutir neta katue-neta vava e, tutir nie murit pa sia, senana wana rariapa esasi.

JESUS SUAPUI SO ANIO ALLAH PAI PA (MAT. 21:12-13; MRK. 11:15-17; LUK. 19:45-46)

¹³Yehudi pa sene raria baba Paska pai dieriasi ato pa Jesus ria so Yerusalem. ¹⁴Na Anio Allah pai, na Yerusalem pa, siemuai siniotu vevova sapie, dombae aya kapurae, siniotu veriwa pipi pa esia semasoi na jana. ¹⁵Jesus nienari airora pesi nanapi wai, avori ditatavara binatang pasi vura, domba veito sapi, nanapi Anio Allah pai raro pa. Meja semasoie sendiwa pipi nana pasi tiawa bariasi, veito sene pipi pasi sitaririaran. ¹⁶Apa Kievo so vevova aya kapura pasia, metariaunasi vurusu nine, metono Yai Nie Anio pai ve uta viavayan pi vape moja!" ¹⁷Apa Nie murit pa sia sesanemi pai aso surat repo pai ayat verotu toapa nine: *Sie panau, isanempai so nomu anio pai mamo, masi adia ni dia titituwa sane raro ne pa". e setojo; 'ite ¹⁸Apavo Yehudi pa sene veve baba pa sia, sepaduar Jesus, nuenari pitandor pesi, ave veruana so ama, toapa vue hak so nuenari toapa nine pa". ¹⁹Apa Jesus ruar so siae diojo: "Mendura Anio nei, e nanapi raria toru, nari ivauni riwanea." ²⁰Amana senggavo e setojo: Sien Nie Anio nei viauna pa taun siniotu muandue rimesiri, avori buotojo nari vuauni riwanea nana raria toru vea pa. ²¹Vape Sien Nie Anio Jesus kievo na nei ma, matauni nie tarai pai na. ²²Apavo vepui Jesus siobatai nanapi voru pai to manau, janama nie murit pa sia sesanemipaya, toapa kavo nine a kievo nanapa Jesus siejo riruin siniotu pasi. ²³Nana rabua Jesus andia na Yerusalem pa, nana raria baba Paskah pai pa, kaiwasa pau sesanemitari, aso pitandor nienari pasi. ²⁴Vape Jesus matauni ma sanetiar sia va, aso siejo riruin kaiwasa vura pavo. ²⁵Perlu so esi kievo ariri kavo so I, nanapi siniotu pa sine vava pasi va. Aso I ma ruina pivitosi sinana siniotu pa sisane mi raro pasi pa.

3 JESUS KIEVAVO TUTIR NIKODEMUS PA

¹Raria pesi pa, siniotu Parisi pesi sano pa Nikodemus, siniotu veve baba na agama Yehudi pa esi nina. ²Diru pesi pa riama so Jesus e kievo so I, e diojo; 'Guru, amandu in toapa, Sien Allah andi diemias Au, aso siniotu pesi ma sa nienari pitandor vetoapa Nuenari nesi va, masi Sien Allah tutir I va mamo." ³Jesus ruar soi, e diojo; "Itopa so au, esi diavi riwana va amamo sa vie kaiwasa na Sien Allah Nie Kerajaan pai va. ⁴Amana Nikodemus kievo so Jesus e diojo; 'Masari, siniotu pesi bieba to

manau vori diavi riwa nea pa, nari o-toane'.⁵Jesus kievo riwanea e diojo: "Ine kavo ne ve vata mo, toapa, esi diavi riwana nana kambu pai tutir Sien Allah Nie Wainunu pai va mamu, siniotu jani kasa vie kaiwasa so Sien Allah na Nie Kerajaan pai va.⁶Siniotu pasi nanapi rurawa tarai nei mamu, baba pasi siavini Vape nanapi rurawa Wainunu pai mamu, Sien Allah Nie Wainunu pai andi diavini".⁷Tuendor vape moja, aso ikavore jojo: "Mia vura metavi riwan mia pino.⁸Aso wana pai ma, sio so topina pa, ariri nie majar, e tatadiawa bu-sore pa. Vape tanduin mojara riana topina ma pa, e ria so topina pa. Toapana kota, maso siniotu Sien Allah Nie Wainunu pai diavi riwana pasia."⁹Apa Nikodemus duta ea e diojo; apavo kavo vedia nari vediadi toane'.¹⁰Jesus ruar soi e diojo; "auma vue guru na Israel, avori tuetar kavo ninesi pa."¹¹Itopa so au ve vatamo toapa ama topa pi vitosi amanduini pa, e amambe saksi so pi vitosi ama sajosi pa, vape membe trima kavo pasi va.¹²Itopanusara kavo vevava na dunia nei pasi maso mia, vape mesanetiari va; avori nari kavo ikavora maso mia nanapi vava venana rora wai pasi pa, nari mesanemitiarasi toane?¹³Aja siniotu pesi siajai so rorawa va, vape veviar mesu so dunia nei, andi Siniotu Atu ne Jau.¹⁴ariri Musai piosasana korou venanari na tembaga pai nana aitato pesi, na mapar rubua pai pa. toapana kota, siniotu atu ne Yau, nari seposasana Yau e jevakir,¹⁵ave amamo siniotu vesanemitiari pasia vura, sesamuai tenam vatamo vevata to woroi pai pe.¹⁶aso Sien Allah sanepai siniotu pasi na dunia nei pa, joma diona atu siria pai pa, ave amamo teini sanetiari-I pa, siemuai kariria pai vape moja, vape siemuai tenam vatamo vevata to woroi pai.¹⁷aso Sien Allah dienatu Atu pai pa, ave amamo vie hukum dunia nei va, vape ave amamo vesamuai slamat pai.¹⁸Siniotu vesanemitiari-I pasi ma, sa sisamuai hukuman va, vape siniotu vesanemitiari va pasia ma, Sien Allah vie hukum sia to manau aso sesanemitiari Allah Atu siria pai va pana".¹⁹E hukuman pai nine: 'Sasaar pai riama so dunia nei to manau, vape siniotu pasi sisanemi vesie kumuar pai nanapi sasaar pai, aso sene vava pasi sikariria pana.²⁰Siniotu venanari kariria pai ma, miedidi sasaar pai, e kiembarai riama so sasaar pai, ave nie kariria pasi, siveruana vape moja.²¹Vape, siniotu venanari ariri Sien Allah Nie sanevesie pai ma riama so sasaar pai ave, veruana toapa, pi vitosi nienarisi pa, simasi tutir Sien Allah nie sane vesie pai.

JESUS TUTIR YOHANES VIONO KAMBU SREN PAI

²²Manau na janapa, Jesus tutir Nie murit pa sia e senda so uta Yudea. Miesoi na wana raria pa esandu tutir sia e ditono Kambu Sren pai.²³Rabua janama aja Yohanes sua so bui pai varami, apavo Yohanes diono Kambu Sren nana aniose Ainon, deriasi uta Salim, aso na wanama maria pa pau pana.²⁴Kaiwasa pa pau sendama sol e sioiv sia na Kambu Sren pai.²⁵Yohanes nie murit pa sia sembaririwi tutir Yehudi pa esia nanapi atorani veve sren vene tarai pa.²⁶Apa senda so Yohanes, setopa soi e setojo; 'Guru, auja sanepaitawana siniotu raria wani vetutir au na Maria Yordan rawesi wae, buoisari so ama paie? Nine ma sioiv siniotu kota na Kambu Sren pai. Kaiwasa vura senda so-I."²⁷Amana Yohanes kievo so siae diojo; 'Siniotu pasi mataunasi mamu sa sisamuai piesa va. Vape Sien Allah andi diono piesa so siniotu pasi mamu.²⁸Matau metadiawa ikavo pa to manau: 'Ya ma isamuai amias ve ipapon-I."²⁹Vavi vio veririau pai, ima mua vio verauti pai niewi. Vie maneta so mua vio verauti pal, e diosa siwari e diediawi, e sanepa vesie vesiri so diediawa mua vio verauti pai raopui pai pa. Toapana kota maso yau, ninema sanene vesie vesiri,³⁰andi ave amamo bieba nana Yesus vori imadia. Andiri na rorawa ma."³¹Vera na vavo ma pai, andi riwai nanasi vura. Mae vera na dunia ma pai, i- ma dietor ve siniotu dunia, e kievo nanapi pi venana dunia. Vape vera nana vavo ma pai, I-ma riwai nanasi vura.³²I ma kievo nana pi vitosi sieyosie diediawasi pa. Vape esi disanemitiari Nie kavo pasi va.³³Siniotu vesanemitiari Nie kavo pai ma, ruar toapa Sien Allah ma vievata.³⁴Aso siniotu Sien Allah diemiasa pai ma, tiopana Sien Allah Nie kavo pasi, aso Sien Allah Nie Wainunu pai, vioni soi to rawai pana.³⁵Tama pai sanepai Atu pai, e siwa paya pasi vura so-I to manau pana.³⁶Siniotu vesanemitiari Atu pai pa siarna, nari sesamuai tenam vatamo viaworoi pai. Vape siniotu vekorusara Atuma pai va pa siama, sa sesamuai tenam pai va. I ma Sien Allah vie hukum to woroi-woroi vea."

4 JESUS KIEVAVO TUTIR VAVI SAMARIA PAI PA

¹Siniotu Parisi pa sia setadiawa toapa, siniotu Jesus sioiva na Kambu Sren e verausari pa sia, sepau rawai nanapi verausara Yohanes pa sia,²(Arorae Jesus matauni ma sioiv siniotu va, vape Nie murit verausari pa sia vea)³Jesus ruina siniotu Parisi ne sia so setadiawa kavone to manau pa, suvie ria vurusu Yudea e sioverai so uta Galilea.⁴Nanapi nie rara nei pa, riatuwa uta Samaria,⁵apa Jesus riama so Kota pesi na uta Samaria, Kota pai sano pa Sikhar, vekasau va nanapi kakopa papo pae Yakopi diona so atu Yusupi pai.⁶Apavo nanapi uta jana mamu, Yakop nie parigi pai niana pana. Apavo Jesus ria to mieriior veja, apa miesoi nana parigi pai dere pa.⁷Raria janima vare diam surae muandu raria pa, e Jesus nie murit pa sia senda so Kota wai to manau, ave sembori pisia,⁸worabua va mana vavi Samaria pesi riama dutu kambu, apa Jesus kievo soi e diojo; "Isaue buon kambu pesae junu,⁹amana vavi Samaria pai kievo so-I e diojo; "Tuani Au ma siniotu Yehudi ni Au, mae yama vavi Samaria ni yau, avori tuani buosau kambu viunu na ya pa. (aso siniotu Yehudi pa sia ma semadidi siniotu Samaria pa sia pana).¹⁰Apa Jesus kievo so vavi Samaria pai e diojo; "Masi ruin ariri pi Sien Allah diona, e siniotu teini siau e dunu na au ne mamu, nari au suau e bunu nanai, amamo nari dion kambu vetenam pai so au."¹¹Vavi pai kievo e diojo; "Vape Tuani Au ma vueru pi vitutuva, e parigi nei vie raro vesiri, avori nai suemuai kambu vetenam pai na topina?¹²amatapumi pai Jakop, andi diono parigi nini so ama. Matauni kota kior kambu diunu nana nine, toapana kota maso nie atuma pa sia, tutir nie pi aum pasi. Apavo Tuani muemo ma buojo au bueba rawai na Jakopie?"¹³Jesus kievo e diojo; "Siniotu viunu kambu nini, nari rao parai ea,¹⁴vape siniotu viunu kambu nari jona pai mamu, rao pa sa

parai ea va to woroi- woroi, aso kambu nari jona pai, e tiepapiara e suvi, diona tenam vata mo vevata to woroi pai sol.¹⁵ Vavi pai kievo e diojo; "Tuani buon kambu jani so jau, ave amamo raone parai ea vape moja, e ave amamo isovera ea maso nine e ikor kambu ea va."¹⁶ Jesus kievo soi e diojo; "Rua suau sawamui e mundama so nine".¹⁷ Amana vavi pai ruar e diojo; "Ja ma ivaro sawa", amana Jesus kievore diojo; *Kuevo vedia ma ima vata,¹⁸ aso ririau ve rim to manau e rabua nine vetenam tutir au vediai ma sawamui nina vae."¹⁹ Vavi pai kievo e diojo: 'Janama iruin toapa, Tuani Au ma Nabi ni Au,²⁰ amatapumi pai siom Sien Allah, na suo vavo nini, vape Tuani nomu kaiwasa pai diojo, Yerusalem mesari a tasom Sien Allah nana pa."²¹ Jesus kievo soi e diojo; "Vatamo, raria pesi mamo, nari kaiwasa siom Jai, nanapi suo vavo nini ea va, e nanapi Yerusalem va,²² Siniotu Samaria pa mia ma mesom pi mendum va, mae Yehudine ama ma, ama som pi vitoni amanduini pa, aso slamat pai riana nana pa siniotu Yehudi."²³ Vape raria pai nari riana, e riana to manau, toapa nanapi paya na Sien Nie Wainunu pai e kaiwasa nari siom Jai, ariri Sie vata, ariri Jai Nie sane vesie pai.²⁴ Aso Sien Allah ma Wainunu nina, e nanapi paya nana Sien Allah Nie Wainunu pai pino, kaiwasa siom Jai to tindia pe."²⁵ Vavi Samaria pai kievo so Jesus ea e diojo; "Iruin Raja viono Slammat (tatap ve Kristus pai) nari riana pa. Riana mamo, nari tiopa ariri pi vura maso tata".²⁶ Apa Jesus kievo soi e diojo; "Andi Ya mana; Ya ikavavo tutir au ne mana."²⁷ Worabua va mana Nie murit pasia sesovera, setandor vesiri so Jesus kievavo tutir vavi pai pa. Vape sia esi pia so duta vavi pai e diojo; 'Vavi, piesanae?' Pivai esi duta Jesus e diojo; 'Aso vitopi kuevavo tutir vavi paipa',²⁸ Janama vavi pai vievu nie kabesu pai na janae, diepaia so Kota e tiopa so kaiwasa pai na wana e diojo; "²⁹Mendama mesajo siniotu vetopa veruana ine sasara borai inanari pasi vura, so jau. Joka ma Raja vekor Slammat paina pe?"³⁰ Apa kaiwasa pai suvi na Kota pai e senda so Jesus.³¹ Mae Nie murit pasia, setuva Jesus, ave diapi, apa setojo; "Guru, janama buapi".³² Amana Jesus ruar so siae diojo; "Ine pisia pasine, mia ma mendumasi va".³³ Apavo Nie murit pasia setuta vaveri sia; "Nari esia senggor pisia soi te?"³⁴ Janama Jesus kievo so siae diojo; "Ine pisia pasi ma, Ira ariri vianas Ya pai Nie majar e Inanari ariri nanaripi siwa maso Ya pasi".³⁵ Menggavore metojo; "Sembai at ea mamo, viema pi romi pai pana, vape Itopa so mia, mesajorasom romi venanggunai to manaue vio viema pana,³⁶ kaiwasa viema pasia seto sesamuai sene vait pai to manau, e sesoruir tarai pai, so tenam vatamo viaworoi pai, amamo siniotu vetetapa pi mor pai, tutir siniotu viana pai, susanemi vesasie vura".³⁷ Kavo sosiau nine ma tindia kota. Esi pai tiana e esi pai diema.³⁸ Jemias mia e menda metema nana romi mataun menanari va. Siniotu veviesie senanaripi na wana to manau, e mesamuai untung nanapi sene nanaripi pai."³⁹ Kaiwasa Samaria venana Kota jasia, sepau vesiri sesanemitiar Jesus, aso vavi pai kievo e diojo; 'tiopan ariri pi inanari to manau pasi vura.⁴⁰ Jana ma siniotu Samaria pasia, senda sesamuai Jesus pa, sesau soi, ave amamo miesoi tutir sia. Apa Jesus miesoi na jana raria muandu.⁴¹ Apa sepau rawai ea, sesanemitiar Jesus, aso Nie Kavo aniau matau tiopana so sia pasi.⁴² Senggavo so vavi paie setojo; "Amasanemitiar ne ma, aso kavo kuevora so ama pasina va, vape aso matau ama tadiawi to manaue, amanduin toapa, I ma vata moe vekor Slammat so dunia paina.

JESUS DIONAE PEGAWAI PESI ATU PAI PIENAAM PA (MAT. 8:5-13; LUK 7:1-10)

⁴³Jesus miesoi na wana raria muandu to manau pa, ria so uta Galilea.⁴⁴ Jesus matau ni kievo to manau toapa: "Nabi pesi na matau nie aniose pa mamo, sa setatuani va".⁴⁵ Vape ineri riana so uta Galilea pa, kaiwasa venana wasia sembe trimai tutir sane vesasie, aso siaja senana Yerusalem nana Raria Baba Paskah pai e sesajo subata pi Jesus nienari pasi vura pana.⁴⁶ Jana ma Jesus sioverai ea so aniose Kana, na uta Galilea. Uta raria wani riwa kambu pale vie anggur nana pa, nana Kota jani, pegawai Pemerintah pesi atu pai piota.⁴⁷ apavo diediawa Jesus ria nana Judea maso Galilea pa ria so Jesus, e siau so Jesus ave riana so Kota Kapernaum, ave dionae atu vepota to vio vevoru pai ave pianaam.⁴⁸ Avori Jesus kievo so pegawai Pemerintah pai e diojo: "Mesajo pi tandor pasi va mamo, kasa mesanemitiar va"⁴⁹ Amana pegawai Pemerintah pai diojo, "Tuani, kawa mueraru na ine atuma wal aja vioru varami wa."⁵⁰ apa Jesus kevo soi e diojo, "Rua, atumui pianaam to manau."⁵¹ Ria vietiai ria rabua wa, amana nie siniotu venanaripi usari pa sia, sendama soi e setojo: "Tuani atumui pianaam to manau".⁵² Avori duta sia e diojo: 'diam toi avori atuma pai pianaampa? apa senduar e setojo: 'na ravine, nari diam sin raria pa, amamo nie visi pai mienau pa'.⁵³ Janama atuma pai tamani sanepalaso diam jani mamo Jesus kievo soi e diojo: "Atumui pianaam to"⁵⁴ Ninei ma pitandor Jesus nienari ve muandua paina, nanapi riana na Yudea ma pa.

5 PANAAM JESUS NIENAN NANA KANU RARO BETESDA PAI

¹. Manau na jana pa, na Yehudi pa sene Raria Baba pesi, apa Jesus ria so Yerusalem.² Nana Yerusalem, deriasi rature domba pai apa karu-raro pesi niana jana, nana kavo Ibrani mamo, sesawi ve Betesda.³ Sorabi anio pa rim, sinanapi jana, e vepota pa sepau sembata nana si, veremi kabere pa, vene tarai marera pa. Sia vura sembata e setanota karu-raro pai to mienawar pa⁴ aso esa mamo Sien Nie Malaikat pai viar avav so karu-raro pai e sionini kambu pai. E, siniotu vepota e vesua retena so karu-raro pai, na vie boboya wa mamo, nana pota vito vea, nari pianaam.⁵ Siniotu pesi niana jana kota, piota verto taun siniotu siri e verawai rime toru.⁶ Jesus siejo viata na wana pa, e ruin toapa siniotu nei piota veito woroi vesin, apa Jesus dutani e diojo: "Sane vesie puenaame?"⁷ apa siniotu vepota pai ruar so le diojo: "Yai varo siniotu nana nine, ave amamo karu-raro wai dio vie boboya mamo, kior ya sawawara susuai va. E janama yo ira so karu-raro wai mana, siniotu veviesie sepapo ra sesua to manau,⁸ apa Jesus kievo soi e diojo: "Suobatau, kuor nomu andiau pai e rua"⁹ Nanapi diam jani kota e siniotu pai pianaam. Janama kior nie andiau par e ria. Vava nine vediadi nana raria sabat pai.¹⁰ apa joma veve baba nana Yehudi pasia, senggavo so siniotu erine vori vepanaam pei e setojo; "Raria nini ma raria

Sabat paina, apavo sa sueriowa nomu andiau pai va. ¹¹Vape siniotu pai ruar so sia e dioja: "Siniotu erine vionae ipanaam pai, andi diemias yau e isariowa ine andiau pai e ira"¹²apa setutanie setoja: "Teini diemias au e diojo sueriow nomu andiau pai e rua pa?" ¹³Vape siniotu vepanaam to manau pai, ruin mojara teinina pa va, aso Jesus nia sesiorana kaiwasa vepau pai pana. ¹⁴Vepui Jesus ria samuai siniotu pai nanapi Bait Allah pai raro pa, avori kievo soi e diojo: "Ninema puenaam to manau? Apavo sa nuenari tatar ea vape moja, ave amamo suemuai vava vekariria rawai mo pesa ea vapemoja" ¹⁵Apa janama siniotu pai riae tiopanusara so veve baba nana Yehudi pa sia, toapa Jesus andi dionae pienaam pa. ¹⁶Apa joma seto sesasera ve amamo senanari kariria so Jesus pa, aso diono panaam so siniotu nana raria Sabat pa. ¹⁷Vape Jesus kievo so sia e diojo; "Yai andia nienaripi veitoro nine, e Ya kota Inanaripi" ¹⁸Kavo vetoapa ninesi, sivediayara e veve baba nana Yehudi pa sia, setosasera ave semuni. Senanari towana pa ma, aso riwain atoran agama pai so raria Sabat pai mesari va, vape aso kievore diojo; "Sien Allah ma Tamani nina pana. Apavo diojo miesi vaveri tutir Sien Allah"

JESUS TIOPA RIWANA NIE PAYA PAI

¹⁹Apa Jesus kievo so siniotu pa sia toapa nine; "Itopa so mia, Atu pai ma, sa nienari piesa nana matauni Nie paya pai va. I-ma nienari ariri vitopi siejo Tamani nienari pa. Aso pi vitoni Tama pai nienari pa, pi jani kota andi Atu pai nienari pa" ²⁰Aso Tama par sanepai Atu pai e dioisara pi matau nu nienari pasi vura so Verawai pa Tama par nan dioisara nanaripi vebaba rawai pa esasi so tea, ave amamo menggavo usara. ²¹Tama pai ma viaun vevoru pa sia e dion tenam vatamo vevata to woroi paiso sia Toapana kota Atu pai dion tenam viaroi pai maso siniotu vio vesamuai tenam par ²²Tama pai matauni ma sa vie hakim so esi va Paya so veve hakim pasi vura siwasi so Atu pai to manau ²³Tama par Nienari toapa jana, ave amamo kaiwasa vura tietuan Atu pai arin setatuan Tama pai pa. Teini tretuan Atu pai va mammo, tietuan Tama viamias Atu pai kota va ²⁴Itopa so mia vevata mo Teini sanepar usara Ine kavo nesi e sanetiar-1 viamias Ya pai amamo siemuai tenam vatamo e viaworol pai Sa siemuai hukum va, tieisu vurusu voru pai e siemuai tenam pai. ²⁵Itopa so mia vevatamo raria par nari riama, arorae rana pai riama to manau, vevoru pa sia nan setadiawa Allah Atu pai rao pui pa. E viadiawa pa sia nan setenam ²⁶Ariri Tama pai matauni ma tenam viaworoi pai umaja paina, diona tenam umaja pai so Atu pai kota. ²⁷Dion hak so Atu pai to manau, ave amamo pir ariri hukum pai, aso ima siniotu atu nina pana ²⁸Metandor so metadiawa kavone pa vape moja aso raria pai nan nama, e siniotu vevoru to manau pasia nari setadiawa raopui pai ²⁹Amamo sesuvi nana kubir pasi Siniotu venanarie vesie to manau pa sia nan sesobata sia ave setenam. Mae siniotu venanari kariria to manau pa sia, nari sesobata sia ave sesamuai hukuman pai ³⁰Ya ma sa inanan piesa nanapi mataun ine sane vesie va, Ja ma ikutu kavo pesa mammo, masi tutir Sien Allah Nie prentah pai E vitopi ikutu pa mammo tindi vea, aso ira arini matau ine sane vesie va, vape ariri jai viamias ya pai Nie sane vesie pai

JESUS NANAPI NIE VAVA PA

³¹Masi Ive saksi so matau Yau, amamo visanemitiar kesaksian jani va. ³²Vape siniotu vevesiei si siono kesaksian so Yau, e iruin toapa sene kesaksian pasi sitindija ³³Metanatu siniotu so Yohanes, e diono kesaksian vetinija to manau, aso Yau ³⁴Itopa kavone pa, ave amamo isamuai kesaksian nanapi siniotu pana va, vape ave amamo mesamual vesie pat ³⁵Yohanes ma vieva anri padamara veveviar e visanggapara, ave amamo mesanemi pa siete katu saira nanapi nie visanggapara mesamuai jani. ³⁶Vape Ine kesaksian pai ma bieba rawai nanapi Yohanes nie kesaksian pai Vitopi rabua nine inanari ne ma, nanaripi jai diono maso Ja paina, veruana toapa, jai ni diemias Jau ³⁷E. Jal viamias. Ja pai, dion kesaksian kota, aso Jau, aja metadiawa raopui pai varami, pivai mesajo Nie vava pai varami ³⁸Nie kavo pasi sivata nana mesanemi raro pa, aso mesanemitiar Nie amias ne Ja va pana. ³⁹Metaniau Surat Repo pai, aso memamone metojo toapana, apino mesamuai tenam vatamo via woroi pai pe. Vape Surat Repo pai matauni diono kesaksian aso Jau. ⁴⁰Vape menggambarai mendama so Jau, ave amamo mesamuai tenam viaroi par ⁴¹Ja ma isasera sanandika nana siniotu va, ⁴²Isajo riruin mia, raro pasi pa Iruin mesanemipai Sien Allah va, nana mesanemi ⁴³Irama tutir jai Nie paya pai, vape membe tirima Ja va. Mae siniotu vevesies sirama tutir matau sine paya, amamo membe tirimai ⁴⁴Masi mesasera sanandika nanapi mene mambe neta, apa narimesanemitiar toane? E meto saserave mesamuai sanandika nanapi Sien Allah vemesari pai va pa? ⁴⁵Metanasisiau nari ike sasara so mia nana jai aropo wa pe, arorae nari veke sasara so mia pat andi Musat, andi mesanemitiar pa ⁴⁶Masi mesanemitiar Musai mammo, nari mesanemitiar Jau, ava vui pa ma, aso Jau ⁴⁷Vape masi mesanemitiar Musai pi vui pasi va mammo, apa nari mesanemitiar kavo Ikavora pasi toane?"

6 JESUS DIONAE KARWASA SIARAN RIMA PASIA SETAPI PA

¹Raria pa esandu sumutuwa, avori Jesus ria so ruru Galilea rawesi wa, sesau kota ve Ruru Tiberias. ²Sirieu nana wana to manau mana, kaiwasa pai piau sendausari, aso sesajo pi tandor nienarie kaiwasa pienaam to manau pasi pana. ³Jesus siajai so suo vavo pa, avori miesoi nana jana tutir nie murit pa sia. ⁴Nana raria jani mammo, Yehudi pa sene raria baba Paskah pai dieriasi to manau, ⁵apa Jesus siejo wawarira mana kaiwasa pai vie rara masoi pa, apa kievo so Pilipus e diojo, apavo nari tambori pisia na topina, ave amamo kaiwasa nei vura diapi pa? ⁶Amana fesus kievo so size diojo Ine diam puna varami, vape maso mia mammo diam tonina vea dudi. ⁷Filipus ruar so Jesus e dioja. Roti vian pipi perak pa utin

muanduto, sa simasi karwasa nei va masi esi semua katu vea kotao sa simasi va ⁸Jesus nie verausari pa esi vesier ea andina andanas, Simon Petrus neta katu paina kievore diajo ⁹atuma mua pa esini, nia nine tutir roti pa rim e dia pa muandu vape nari toane so karwasa borai nes ¹⁰Amana Jesus diojo "Buernias siniotu jasia ve semasoi avav Uta janamavesamue, apavo kaiwasa pai mesor nana samue pa sepau pa mua veiveaevare sembe siaran rim ¹¹Janama Jesus kior roti pasi avori vie trimakasi so Sien Allah Manau pa janama viov roti pasi so karwasa par to manau pa viov dia pasi ea, apa setapi veito semo veun ¹²Janama setapi vura veto semosir pa letus kievo so nie murit pa sua e diajo "Menduir pisia verawai pat aso esas sikea pe ¹³apa senduira pa bade surae muandu sionu, nanapi pisia tamua roti rima karwasa pai dian pai ¹⁴Kalwasa par siejo pitandor Jesus señari pai pa senggavore setojo Vata mo e nabi tasanemitiara pas, andi riama so dunia nes ne ¹⁵Jesus ruina setojo sendama ve sendu sasani e vie Raja so sia pa apa sieven e na tara uta veve suo vavo pask

JESUS RIA SASANI NANA KAMBU VAYO PA (MAT. 14:22-27; MRK. 6:45-52)

¹⁶Avori vava kumuar pa Jesus nie munt pa sia, sembiar avav so ruru pas ¹⁷apa sesa so wa pai e sembo-tuwa ruru pas avaru so aniose Kapernaum. Pokumu to manau, vape Jesus aja nama so sia varami ¹⁸apavo nuru par dio vie bibija, aso wana pal sio to marui ato pana. ¹⁹apavo setapai to sembe kasau rei wa to manaue, janama sesajo Jesus ra sasani na kambu vavo pa maso sia na wa pas, apa sematai vesiri ²⁰amana Jesus kievo so siae diojo: "Mematai vape moja, Va nine!" ²¹Janama sesanemi pa sietatene setonae sia so wa pai e nana diam jani kotae sene wa pai piapar na rei wa.

KAIWASA PAI SIESERA JESUS PA.

²²Kausapa pa kalwasa aya vermasoi na ruru pai rawesi pa sia, senduin toapa erine wa pa siri vea na wana. Senduin toapa, Jesus nie murit pa sia, sembo nana wa jani to manau, mae Jesus ma diot sia va ²³Janama wa pa esasi, sira na Kota Tiberias, sirama sievor siwara uta kaiwasa dian roti Jesus vie trima kasi soa to manau pasi ²⁴Apavo sesajo mana, Jesus tutir nie murit pa sia, senana jana va, apa sia kota sesa na wa jasi e senda so Kapernaum e sesasera Jesus

JESUS MA ROTI VIONO TENAM PAI NA

²⁵Janama kawasa pai ria samuai Jesus nana ruru pai rawesi pa, apa setutani e setojo, Guru, rana toni ruama so nine pa? ²⁶Jesus ruar so siae diojo: "Vata mo e, mesasera Ya vedia ma aso mendum ariri pitandor Inanan to manau pasi pana va, vape ima aso metapi to memosir tomanau pana ²⁷Menanaripi so pisia nari vekale vesaibau pai vape moja. Menanampi so mesamui pisia nari vesaibau va e viono tenam vatamo viaroi pai. Pisja janima nari siniotu atu ne Yau, Ya joni so mia, aso Allah Tama pat rusalem Ya to manau ²⁸Apa setatuanie setojo, Apavo nari amanaripi vito ave amamo amanaripi Sien Allah nie sane vesie pai pa? ²⁹Jesus ruar so siae diojo Sien Allah pi sane vesie menanan maso-1 pa toapa nine, "Mesanemitiar Sien Allah nie amias ne Yau." ³⁰Apa setojo: Toapa jana mamu, nari vueruana pi vito, ave amamo ama sajore ama sanemitiar Au pa, apa nari vitoni nuanan?" ³¹Amatapumi pa sia setan manna pai nana mapar rubua wat ariri vevui nana surat repo pai pa, toapa Dionae setan roti veviar na rora pai ³²Avori Jesus kievo so siae diojo "Itopa so mia vevata mo. Musai ma piva vape Yar, andi diona roti vata mo, veviar na rora wa mesu so mia pa. ³³Aso roti Sien Allah diona pai ima veviar na rora mesu e viono tenam maso siniotu pasi na dunia nei paina." ³⁴Apa senggavo so-I e setojo. Sie panau buon roti jani so ama tawana." ³⁵Apa Jesus kievo so siae diojo: "Roti viono tenam par, andi Yau, teini riama so Ya pa kasa vievisi ea va verto woroi-woroi vea (e teini sanetiar Ya pa, kasa vievisi ea va, veito woror-woror vea) e teini sanetiar Ya pa, kasa rao pa parai va veito worol-worol vea ³⁶Vape anin Itopa so mia to manau pa, toapa, mesajo Ya to manau, vape mesanemitiar va ³⁷Kaiwasa Yai diona maso Ya pa sia, nari senda maso Yau E, teini riama so Ya pa, sa You pidiari va ³⁸Aso Iviar na rora wa ma pa, ave Inanari mataun Ine sane vesie va, vape Inanari arin viamias Ya pai, nie sane vesie. ³⁹E viamias Ya pat nie sanevesie par tiopa nine ave nanapi kawasa vesivo maso Ya pa sa sa eu niai va, vape eve amamo isobata sa nana raria dunia nei Weina pa ⁴⁰Ninerna Yai nie sane vesie pai tioapena, ave amamo kawasa vesajo Atu pai e vesanemitiar- pasia, sesamual tenam vata mo vevata to woro pas nari Jonze seternam miwanes, nana raria dunia ner kierisa pa ⁴¹41Apa Yehudi pa sia senggavo saayara Jesus, aso kievo e dijo: "Roti veviar na roroa meso pa andi lau ⁴²Senggavo e satojen "Joka ma Jesus nisima Yusupiatu peina mana? amanduin tamen sinars and avon kievo e diojo ima viar na rora wamesu pa ⁴³Avori Jesus kievo so sa e dioger "Menggavo sayara vape moja ⁴⁴kasa est dama so Ya va, masi Jawamias Ya par kon maso Ya va mamu, e toni riama so Ya pia meri jona e siobatai nane voru pas ne raria duna ne kerina pe ⁴⁵Nanapi Nabi pa same bau pasi mames veru: toapa nine "Kali vura nan Sien Allaži diencausa apevo kawasa vindiana Jane Harwo nana pasa, mar senda maso ja ⁴⁶Time sa malayo lai to manau pena es Vesajo Jai to manau palma, & vera nana Sien Allah ma pai tandi Ja ⁴⁷hope so ma ve vatam tenisan penas svemua tanam vatumo revista to wonos no pas ⁴⁸Ro visno tanam palandi Ja ⁴⁹Metapumi pa sa setari manna peli to manau ana mapar veve robur pale semboru kota ⁵⁰Vape roll veviar na rora mesu pai ma fica viac Tesni dian roti jani mamu, sa vioru va ⁵¹Roti veviar na zona meso par, andi Jau Roti viono tenam pai Teini dian roti mins mami nari tienam to woroworox Roti mari jona so sinistu pa sine tenam na dunia nei per, andi ine tatai ne." ⁵²Katwasa Yehudi pa setadiowa kavu nine pa sembannui na matau sia vavera Senggavo e setoja

"Avo sinistu nes nan dion nie tarai ne so tata tatani pa toane?" ⁵³Avon Jesus kievo so sia e diajar topa so mia ve vatano, metan Siniotu Atu ne Ine tarai ne va e metunu te veria nerva, amamo sa mesamual tenam vatamo par va ⁵⁴Siniotu van Ine tarai pale viunu ine veria pal ma siemuai tenam vatamo vevata to woroi-woroi pat e nari Jonae siobatai na voru pai, nana raria dunia nei kierina pa ⁵⁵Aso ine tarai nei ma, vata moe pi vian nina, e ne vena nei ma, vata mo e pi viunu nina ⁵⁶Teni dan ine tarai nei e dunu ine veria nei mamo, vie sin tutir Jau, e Ive sin tutir. ⁵⁷Masi anri sa vetenam pai diemas Jau e, itenam pa aso Jai pana. Apavo toa pana kota teini dian Ine tarai nei pa nan tienam aso Jau ⁵⁸Roti veviar na rora pal nine, miesi roti metapumi pa setan e semboru to manau pai va Teini dian roti nini, nari tienam to woror-woroi vea ⁵⁹Pininesi vura, Jesus tiopanas, nana dieniau nanapi anio ari venana Kota Kapernaum pa.

KAVO VIONO TENAM VATAMO E SAROI PAI

⁶⁰Viadiavaa usara Jesus nie kavo nesi to manau pa, me verausari pa sia sepau senggavo e setojo, "Piamau ninesi simarabat veja Teini nan nienari aniriasi ⁶¹Jesus matauni naina toapa nie verausani pa sia senggavo vavera, so kavo kievora pasi Apa Jesus kevo so sae diojo: "Apavo kavo nesi siso mesanemi raro pasi vae?" ⁶²Averi toane tutir mesajo Siniatu Atu ne jau, so isovera ea ajai so uta retena wa pa? ⁶³Vionae siniotu pa sitenam pai, andi Sien Allah me Wainunu pas. Paya nanapi siniotu pasi ma, sive guna va. Kavo ikavora maso mia ninesi ma, Sien Allah nie kavo pasina, e lavo vevadiayara tenam pasina ⁶⁴Toa saridione, ma esaja kota sesanemitiar va Jesus ruin papo to manau teisia sesanemibar va pa e teini nari viov Jesus pa ⁶⁵Avon Jesus kievo maanea e diojo. Apa joma topa so mia pa toapa sa esi rima so la va, masi lai sanevesie toa va mamo. ⁶⁶Nanapi rania jani kota, verausari pa sia sepau sembavuri e senggambarai senda usan.ea. ⁶⁷Avoni Jesus duta nie murit surae muandu verausari pa sia e diojo "Apavo mia kota, meto membavu lau we? ⁶⁸Amana Simon Petrus levo so lesus e diojo "Sie panku, avon amanda so teina ea, nomu kavo pai ma diono tenam vatamoe vevata to woroi pai ⁶⁹sanemibiar e amanduina to manau toapa, "Sien Au ma amias veve Sren verama nanapi Sien Allah." ⁷⁰Jesus ruar e diojo "Jokama la jin siniotu surae muand nine mia mana. Vape nahapi mia est, nan vie bilis ⁷¹Siniotu Jesus kievo nana nes ma, Yudas, Iskariot atu paina. Aso Judas ma siniotu surae muandu vera usara Jesus pa sia esinina, andi nan viov Jesus pa

⁷ ¹Manau na jana pa. Jesus na warira Galilea. Kiembarai na so uta Judea, aso veve baba na tehudi pasia, sesasara na ave semunt ²Nana rabua jana, denasi raria baba Pondok Daun pai ³Apa Jesus neta vavae-neta katue senggavo soi e setojo Vuevu vurusu uta nine, e rua so uta Yudea ave amamo nomu vera usara Au nesia, sesajo nomu nananpi pa kota pe ⁴Aso siniotu pesi dio uesera ve vie sano, amamo sa dieniwara pi menari pas va. Apavo buo nuenan pi vetoapa jasi mamo, vueruana Au so dunia ner vura pino ruin Au pe ⁵laso neta vavae-neta katue sia kota sesanemitian va panal ⁶Amana fesus kievo so size diojo Ine diam puna varami, vape maso mia mamo diam tonina vea dudi ⁷Dunsa nei ma sa medidi mia va. Vape ja ma dunia nei miedidi Yau, aso itopa tamana so dunsa nei toapa nie nananipi par kena Apavo menda so pesta wa, la ma sa ira va aso ine diam paina vacami ⁸Manaupa Jesus tietuan riwanea, e vul nwanea nana kakopa wa. ⁹Setadiawa lesus kievo tojana pa sesuvi kakisa vurusu uta pa retena nanapi veve masa to manau pa sia ¹⁰Apavo Jesus miesari tutir vavi pai e vavi pai andia nana uta diosa nana pa Avon Jesus piosasana ru pai, e kievo so vavi pai e diojo: "avo asia topina? Esi vie hukum au vae?" ¹¹Nesara veel pai roar no less e dinje "Sie panau, ka piva Apa Jesus kievu ka vai pat e dos Veue la kota sa ve hukum au ve Apavo janama vuevu e ruenen tatar es vispe moja ¹²Jesus kievo riwanea so kahwasa par e dinjo "Sasaar so dunia nei pai andi lad Saviotii versusara la par ma sa riana veluntuar pai va, vape siemual sasaar vetenam pal ¹³Apa siniotu Pansi pa se senggavo sot e setoja eriri kuevo vedia mang buasarsa riwana matsun Au ves Apavo nomu kavo vediesi ma sitindi ve

JESUS MA SASAAR SO DUNIA PAINA

¹⁴Amana tus nuar so viae diojo "Jasana mwana matau je ne ma tindia, aso fruina fra na topina ma pa e nari ira so topina sa pa. Ma ma menduan mojera ira na topina ma pa, e nan tra so topina pa ¹⁵Mia ma menggutu kavo pesa mamo, menggutu arri vava surwitu Mae la ma Kutu suotu pesi nie kavo va ¹⁶Vape masi Ikutu siniotu sine kavo amamo ikutu to tindia, ase Imesan va, fai viamias ta pai, andia tutir tau. ¹⁷Nanapa Musai me atoran pasi mamo vevui toape nine "Kavo vekutu to tindia pai ma, nanapa siniotu pa sumbe muandu pino ¹⁸Siniotu viasana ja pa sumbe muandu, andi lau tutir jar vami ja pax ¹⁹Apa setutanie setojo Apavo Tamamui ni topina? amana Jesus ruar so sloe dioja Sa mesajis nruin ja tutir jai va aso mesajo rinan ja mamo, nan mesajo riruin Jai kota ²⁰Pininesi vura ma Jesus kievorasi nanapi dieriau nana Anio Allah pais pa e diosa siwara aiku vetina pipi som pasi pa. Vape diadi so esi tiepuri pa va aso aja ne raña paina varami pana Mia Irasoa wa mama sa mendama soava ²¹Jes kevo so sia riwanea, e diojo "Nan tra, e nari mesasera Yau vape nan memboru nana mene fatar vedia. Uta tra soa wa ma sa mendama soa va ²²Apa veve baba na Yehudi pa sia, senggavore setojo. Nan dia mun nwan aso krevore diojo: "Uta ira soa wa, miama sa mendama soa va ²³Avon Yesus kievo so sia e diojo Mia ma mendama na dou ne vape Ja ma Irama na vavo wa. Mia ma mendama na dunia, vape ja ma trama na dunia va ²⁴Apa joma erine Itopa so mia toapa, nan memboru nana mene tatar pasi pa E arina, nari memboru nana mene tatar past, masi mesanemitiar va mamo toapa: la ma andina, andi setap I ve JA MA JA JA pa.

VETINDIA PAI. VATA MO E JESUS MA RAJA VIONO SLAMAT PAI NA E?

²⁵Siniotu Yerusalem pa esia, senggavore setojo; "Jokama siniotu nini, andi sesaseraie seto semuni pa mana? ²⁶Ite mesajo, andi kievo sanandiki na aropo vepau ne, e varo siniotu vekavo soi. Ite tane veve baba ne sia nari senduin to manau toapa, Raja vekor Slamat pai na te? ²⁷Vape Raja vekor Slamat pai riamama, sa esi dinduin ria na topina ma pa va, arora e tanduin siniotu nini vieva na topina pa. ²⁸Apavo Jesus andia dieniau na Sien nie anio pai ramie, dumi to babae diojo; "Apa menduin teini Ja pa, e Ivava na topina pa. Vape Irama na matau Ine sane vesie va, Isamuai amias nanapi-l, vetindija pai, menduin va pai. ²⁹Ya ma Iruin-l, aso Irama nanapi-l, e andi Diemias Jau". ³⁰Nanapi diam jani mo, seto setapur Jesus, vape esi mias va, so dieka soi e ruti pa va, aso nie diam pai miesi varami pa na. ³¹Kaiwasa venana jasia, sepau sesanemitiar-l, e senggavore setojo; "Masi Raja vekor Slamat pesi riamama, apa nari nienari pi tandor pa pau rawai nanapi nini nienari ne sie?" ³²Siniotu Parisi pa sia, setadiawa kaiwasa pai nie samumui pasi, aso Jesus pa. apavo senggavo tutir Imam baba pa sia ave setamias siniotu viarama vedior Anio Sie pai, ave amamo setapur Jesus. ³³Jesus kievo so kaiwasa venana anio Sie pai, e diojo: "Nari Ina tutir mia saira vea, manau mamoma nari Isovera so viamias Ja pai. ³⁴Nari mesasera Jau, vape sa mesamuai Ja va, aso sa mendama so uta Inana pa va pana." ³⁵Apa veve baba na Yehudi pa sia, senggavo vavera na matau sia e setojo; *Siniotu nei dio ria so topina vori sa tasamuai va pa. Ite dio ria so kaiwasa Jehudi venana uta vorira sesiorana kaiwasa Junani wa sia te? E dieniau kaiwasa Junani wa siae, ³⁶avo nie sane paya wai tioane, api kievore diojo, nari tasaserai, vape sa tasamuai va, e sa tanda so uta niana wa kota va".

KAMBU VIONO TENAM PAI.

³⁷Nanapi raria baba Pondok Daun pai nie raria vimanauwa pai, ima raria vemamasar mo paina, avori Jesus diosa na anio ari pai raro pa, janama dumi to baba vesirie diojo; "Teini rao pa parai mamoma, riamama so Jau ave amamo diunu. ³⁸Maso siniotu vesanemitiar Ja pasia mamoma, vevui na surat repo pai toapa nina: "Maria veriaawae vekor tenam pai nari riawa nana sesanemi raro pasi". ³⁹Jesus kievo ne ma, aso Wainunu Sren pai nari riamama so kaiwasa vesanemitiar I pasia pa. Aso nanapi rabua jana, Wainunu Sren pai aja viar varami, aso Jesus andija siemuai nie rurawa vemarawas pai, nanapi nie voru pai varami pana.

PERDEBATAN TENTANG YESUS

⁴⁰Kaiwasa pau setadiawa kavo Jesus kievora pasi, apa esi pasia senggavore setoja, Siniotu nini ma vata moe nabi vio verama pai na. ⁴¹Esi pa sia senggavore setojo; "Raja vekor Slamat pai andi nina". Vape esia kota senggavore setojo; 'o wa, Raja vekor Slamat pai ma, sa riana Galilea ma va'. ⁴²Nanapi Surat Repo pai mamoma vevui toapa; "Raja vekor Slamat pai ma raja Dauti nie wamus paina, e riamama nana Kota Betlehem, nanapi raja Dauti nie aniose". ⁴³Apa kaiwasa pai vieririwi vavera, aso Jesus. ⁴⁴Apavo esia seto setapuri, vape diadi so esi dieka ruti pa va.

VEVE BABA NANA YEHUDI PASIA SESANEMITIAR JESUS VA PA

⁴⁵Siniotu viavut anio ari pa sia, setamias sia ve setapur Jesus pa sia, sesovera ea, apa Imam baba pa sia tutir Parisi pa sia, setutan siae setojo; 'aso vitopi menggori ma va pa?' ⁴⁶Amana siniotu viavut anio ari pa sia senggavore setojo; vape aja siniotu pesi kievo pa masi ariri siniotu nini va! ⁴⁷apa siniotu Parisi pa sia senggavo so siae setojo; Tojana pavo mia kota, dionae metatar to manau pe? ⁴⁸apa mesajo pa, nana tane veve baba ne sia, pivai nana siniotu Parisi ne sia pa, sesanemitiar-l e? ⁴⁹Vape maso kaiwasa nei mamoma, senduin ariri Musai nie hukum nesi va, vape toane veao, setau so kariria pai to manau.

PEMBELAAN NIKODEMUS

⁵⁰Avori siniotu Parisi pa sia esi nina, sano pa Nikodemus, papo pa e riamama so Jesus pa. Apa Nikodemus kievo so Parisi esi pa sia e diojo; ⁵¹Ariri hukum pai mamoma, siniotu pesi siesara mamoma, sa veve hukum sawawara varami, ave viadiawa usara nie kavo wasie, visasera ariri sasara nienari wasi papori". ⁵²Apa senduar soi e setojo; 'Apavo au kota ma siniotu Galilea ni au we? Suejo veina Surat Repo pai, e nari ruina toapa;

'VARO NABI VERAMA NANAPI GALILEA'.

⁵³...

8 VERA KORA VAVI VENANARI KAVO PAI

¹. Manau nana jana pa, siri-siri vievu so nie anio pai. Mae Jesus ma ria so suovavo Saitun. ²Kausapa sapa pa ria so anio ari pai, apa kaiwasa pai siorum ma so-l. Jana ma Jesus miesoi avori dieniau sia. ³Worabua va mana Guru agama Yehudi

pa sia, tutir siniotu Parisi pa sia, senggor vavi venanari kavo e senda kora pesi, maso Jesus. Setonae vavi pai diosa na rabua wa,⁴Avori janama senggavo so Jesus e setojo: "Guru, vavi nei vera kori na nienari kavo tutir mua veririau pa,⁵Nanapi Musai nie hukum pai mamo, atoran pai toapa: Vavi vetoapa nine siana, veso siana rovuki to semboru. Apavo Guru, buone sanepaya pai toane? ⁶Setutani tojana pa ma, ave sesasera ria so setapuri pa, e sengge sasara soi pa, vape Jesus tietuan vea, e vui na kakopa wa na varakia pasi.⁷Amana setuta nendiwana vea pa, Jesus piosasana ru pa e kievo so siae diojo; "Nanapi mia, teini viero tatar, amamo andi sio rovuki retena pai, maso vavi nei. ⁸Manaupa Jesus tietuan riwanea, e vui riwanea nana kakopa wa.⁹Setadiawa Jesus kievo tojana pa, sesuvi kakisa vurusu uta pa, retena nanapi veve masa to manau pa sia. ¹⁰Apavo Jesus miesari tutir vavi pai, e vavi pai andia nana uta diosa nana pa. Avori Jesus piosasana ru pai, e kievo so vavi pai e diojo; "avo asia topina? Esi vie hukum au vae?" ¹¹Amana vavi pai ruar so Jesus e diojo; 'Sie panau, ka piva". Apa Jesus kievo so vavi pai e diojo; 'Vesie! Ja kota sa ive hukum au va. Apavo janama vuvu, e nuenari tatar ea vape moja".

JESUS MA SASAAR SO DUNIA PAINA

¹²Jesus kievo riwanea so kaiwasa pai e diojo; "Sasaar so dunia nei pai, andi Jau. Siniotu verausara Ja pai ma, sa riana vekumuar pai va, vape siemuai sasaar vetenam pai. ¹³Apa siniotu Parisi pa sia, senggavo so-l e setojo, 'ariri kuevo vedia mamo, buasana riwana mataun Au vea. Apavo nomu kavo vediasi ma sitindi va."¹⁴Amana Jesus ruar so siae diojo; "Jasana riwana matau Ja ne ma tindia; aso Iruina Ira na topina ma pa e nari ira so topina ea pa. Mia ma menduin mojara Ira na topina ma pa, e nari Ira so topina pa. ¹⁵Mia ma menggutu kavo pesa mamo, menggutu ariri vava siniotu. Mae Ja ma Ikutu siniotu pesi nie kavo va. ¹⁶Vape, masi Ikutu siniotu sine kavo, amano Ikutu to tindia, aso Imesari va, Jai viamias Ja pai, andia tutir Jau.¹⁷Nanapi Musai nie atoran pasi mamo, vevui toapa nine; "Kavo vekutu to tindia pai ma, nanapa siniotu pa sumbe muandu pino. ¹⁸Siniotu viasana Ja pa sumbe muandu, andi Jau tutir Jai viamias Ja pai."¹⁹Apa setutanie setojo: "Apavo Tamamui ni topina?" amana Jesus ruar so siae diojo: "Sa mesajo riruini Ja tutir Jai va, aso mesajo riruini Ja mamo, nari mesajo riruini Jai kota". ²⁰Pininesi vura ma Jesus kievorasi nanapi dieniau nana Anio Allah pai pa e diosa siwara aiku vetina pipi som pasi pa. Vape diadi so esi tiepuri pa va, aso aja nie raria paina varami pana.

UTA IRA SOA WA, MIAMA SA MENDAMA SOA VA.

²¹Jes kievo so sia riwanea, e diojo: "Nari Ira, e nari mesasera Yau, vape nari memboru nana mene tatar vediasi. Uta Ira soa wa ma, sa mendama soa va. ²²Apa veve baba na Yehudi pa sia, senggavore setojo: 'Nari dio mun riwani, aso kievore diojo: "Uta Ira soa wa, miana sa mendama soa va". ²³Avori Yesus kievo so sia e diojo: Mia ma mendama na dou ne, vape Ja ma Irama na vavo wa. Mia ma mendama na dunia, vape Ja ma Irama na dunia va ²⁴Apa joma erine Itopa so mia toapa, nari memboru nana mene tatar pasi pa. E ariria, nari memboru nana mene tatar pasi, masi mesanemitiar va mamo, toapa: Ja ma andina, andi setap I ve: JA MA JA JA pa."²⁵Apa setutanie setojo: 'apavo teini Au mo?' apa Jesus ruar so sia e diojo; "Avo Ikavo riwanea tutir mia so vito ea. ²⁶Kavo pa pau so mia, asi Jo ikavora si maso mia, ariri vetindia pai, vape viamias Ja pai, ma vesanemitiar-I, apavo pi vitopi Jediawa nana-l pa asi Itopanasi maso dunia nei pa. ²⁷Apavo senganggau kavo kievora wasi, so Tama pai pa.²⁸Apa joma Jesus kievo so sia e diojo; "Nari meposasana Siniotu Atu pai Jau to manau pino, janama menduina toapa, Andi Jau, e nari menduin toapa, Inanari piesa nana matau Ja va, vape Itopa pi vitoni Jai dieniaui maso Ja pa!" ²⁹E viamias Ja pai, andia tutir Jau. I ma sa tierir Jau e Imesari va, aso Inanari pi vio sane vesieni tawana so I pana". ³⁰Jesus tiopa pi jasi vura to manau pa, kaiwasa pau sesanemitiar-l.

SIEN ALLAH VETINDIA PAI DIONAE METAISU VURUSUA.

³¹Avori Yesus kievo so kaiwasa Yehudi vesanemitiar to manau pa sia, e diojo; "Metenam ariri Ine aniau pasi mamo, vata mo e miama Ine murit ni mia. ³²amamo nari menduin Sien Allah vetindia pai, e amamo nari metaisu vurusua. ³³Amana setojo; 'ama ma Abrahami tapu ni ama. Aja amambe womi so esi varami, aso vitopi kievore buojo: "Nari metaisu vurusua pa?"³⁴Apa Jesus kievo so sia e diojo; "Ine kavo ne ma vevata, toapa, siniotu venanari tatar pai, ima womi so tatar paina. ³⁵E, veve womi pesi ma sa siemuai uta atapua pesa na anio raro pa va. Vape Atuma pai ma siemuai uta atapua na anio raro pa to woroi-woroi. ³⁶Apavo, Atuma pai dionae metaisu mamo, metaisu vevata mo.³⁷Maite, Iruin toapa mia ma Abrahami tapu ni mia pa, vape meto memun Jau, aso menggambarai menggorusara Ine aniau pasi pa. ³⁸Pi vitopi Isajora nana Jai pa, a Itopana pa. Mae mia menanari ariri pi vitosi Tamamui dieniaui maso mia pa.³⁹Amana senggavo e setojo; "Amatamami pai andi Abrahami. Apa Jesus kievore diojo: "Abrahami atuni mia vevatamo, amamo nari menanari ariri Abrahami pi nienari pa si. ⁴⁰Itopa ariri vetindia Jediawa nanapi Sien Allah pai maso mia, vape meto memun Jau. Abrahami ma nienari toapa jana va. ⁴¹Menanari ariri pi vitosi metamami pa sia senanari si pa", amana senduar so I, e setojo; "Ama ma atuma sararidioi ni ama va, amatamami pai ma siri to, andi Sien Allah matauni. ⁴²Apa Jesus kievo so sia e diojo; "Metamami pai ni Sien Allah reto nari mesanemipai Yau, aso Irama nanapi Sien Allah, Irama nana matau Ine sane vesie va, vape andi Diernias Jau". ⁴³Aso vitopi menganggau kavo Ikavora pasi pa? aso menggambarai metadiawa Ine aniau pasi pana. ⁴⁴Metamami paini bilis pai, e menggorusara Tamamui nie sane vesie pai. Nanapi retena mo pa, bilis pai ma mun siniotu. Ima nievori vetindia pai va, aso vetindija pai nianai va. Dio diawia mamo, ima tindija, aso nie vava pai

toa pana. Ima viawia pai na, e awia pai umaja pai na".⁴⁵ Vape Ja ma Itopa vetindia pai, e apa joma mesanemitiar Ja va pa.
⁴⁶ Nanapi mia pa teini nari tiopa veruana Ive tatar pa? Masi Ikavo na vetindia pai, aso vitopi mesanemitiar Ja va pa?
⁴⁷ Siniotu vevava nanapi Sien Allah pai ma, diediawa Sien Allah nie kavo pasi. Vape mia ma membava nana Sien Allah va, apa joma menggambarai metadiawa pa. Jesus tutir Abrahami.⁴⁸ Siniotu Yehudi pa sia, senduar so Jesus e setojo; Jokama amanggavo ne ve vata pe. Toapa Au ma siniotu Samaria veve pisavi ni Au.⁴⁹ Jesus ruar so sia e diojo; Ja ma Ive pisavi va. Ja ma Itatuan Jai, vape menggavo sisijara Jai.⁵⁰ Ja ma Isasera sanandika so mataun Ja va. Siniotu pa siri andi diona sanandika pai so Jau, e andi kutu ariri hukum vetindia pai.⁵¹ Vata mo e Itopa, teini kiorusara Ine kavo pasi mamo, sa vioru va, veito woroi woroi.⁵² avori siniotu Yehudi pa sia senggavo so Jesus e setojo Janama amanduin Au vevata mo, e vue pisavi. Abrahami vioru to manau, toa pana kota nabi pasia vura. Vape kuevo e buojo, siniotu vektorusara ine kavo pa siama, sa semboru va, veito woroi-woroi.⁵³ Abrahami vioru to manau, e nabi pa sia kota semboru to manau, mae Au ma teini Au, avori buotojo Au ma bueba rawai amatamami pa Abrahami pa.⁵⁴ Jesus ruar so siae diojo; "Masi jo isasera sano so matau jau, amamo wasa nini ma imbe umaja va. Vetatuan Ja pai andi Jai, metopa ma metojo, mene Sien Allah pai, arora e menduini va. Vape Ja ma iruini.⁵⁵ Masi Ikavo e jojo; "Ja ma irui va, amamo Ja ma siniotu viawia ni Jau, ariri mia. Iruini e Ikorusara Nie kavo pasi.⁵⁶ Metamami Abrahami sane pa vesie vesiri, toapa nari siejo Ine raria pai. Siejori to manau e sane pa vesie vesiri."⁵⁷ Apa Yehudi pa sia senggavo so Jesus e setojo: "Nomu umur pai aja taun siniotu muandu e sura varami, apa suejo Abrahami to manau".⁵⁸ Amana Jesus ruar so siae diojo; Itopa so mia ve vata mo, aja Abrahami vie diadi varami e Ja ma, Ja ja to manau".⁵⁹ Apa Jehudi pa sia senggor rovukie, ave setisoi, vape Jesus dieniwari e vievu vurusu Anio Allah pai.

9 JESUS DIONA E SINIOTU VERENI KABER PAI SIEJO RIWA NEA

¹ Nanapi Jesus Nie rara pai pa, siejo samuai siniotu pesi, re pasi sikaber nana retena siniani diavini pa.² apa Jesus Nie murit pa sia setutani e setojo; 'Guru, avo toane vori siniotu nei siniani diavinie re ne sikaber pa? aso matauni nie tatar pasina te, aso siniani- tamani sumbe tatar pana e?"³ amana Jesus ruar so sia e diojo; "Re wa sikaber pa aso matauni vie tatar pana va, pivai nie baba pa sumbe tatar pana va, vape ave amamo, siniotu pa sisajo Sien Allah nie paya venanaripi nana siniotu pai tarai raro pai pana.⁴ aja sasaar rami mamo, tananari viamias Ja pai Nie nanaripi pasi. Aso diru wai riana mamo, sa esi nienaripi ea va.⁵ aja Inana dunia nei rami mamo, sasaar dunia pai andi Jau".⁶ Jesus kievo tonine to manau mana, kienisu so kakopa wa, avori riem kanisu wasi tutir kakopa wai, avori simar si na siniotu pai re pasi, avori kievo soi, e diojo; "Rua ruois rurana remu pasi na karuraro Siloam. Siloam na tane kavo mamo; "Amias"⁷ nie maneta vena siwari pasia, tutir siniotu vesajo riruini so miesoje dionusara pi pa, sia vura senggavore setojo; 'Jokama siniotu nini, andi miesoie dionusara pi pa mana?"⁸ Esia senggavore setojo; "Maite andina", vape esia senggavore setojo; 'Piva, vape re pasi simasi tutiri. Amana siniotu pai matauni kievore diojo; "Maite, ja na."¹⁰ Apa senggavo soi e setojo; 'avo toane vori diadi so suejo ne?"¹¹ Ruar so siae diojo; 'Siniotu vesanomi na Jesus pai, diona kakopa vemarandeni pa katu esa, avori simar re pasi e diemias yau e diojo; "Rua ruois rurana remu pasi nana karuraro Siloam".¹² Apa setutani e setojo; "Siniotu jani andi nia topina?" amana ruar so siae diojo: "Iruini va".

SINIOTU PARISI PA SIA SESASERA ARIRI POTA PAI PIENAAM TOAPA

¹³ Raria jani ma raria Sabat pai na, avori Jesus riem kakopa pai tutir Nie kanisu pai pa,¹⁴ ave amamo ditona e siniotu veremi kabere pai diadi so siejo pa. Apa siniotu erine veremi kabere pai, senggavia so siniotu Parisi pa sia.¹⁵ Sia kota setutani so toane vori diadi so siejo pa, apa ruar so sia e diojo, 'pir kakopa vemarandeni pasi nana re nesi, avori irois rurana e diadi so isajo pa.¹⁶ Siniotu Parisi pa esia senggavo e setojo; 'Siniotu venanari toapa nini ma riana nanapi Sien Allah va, aso riwain raria Sabat pai pana. Vape esia senggavore setojo; "Siniotu veve tatar pesi ma, sa nienari pitandor vetoapa ninesi va, apa setinggavo vavera na mataun sia.¹⁷ Apa siniotu Parisi pa sia setutan siniotu pai riwanea e setojo; 'mae buone sanepaya toane, so siniotu viona e suejo pai?" Siniotu pai ruar so sia e diojo; "Nabi nina".¹⁸ Vape veve baba nana Yehudi pa sia sesanemitiar siniotu nei so, re pa sikaber to manau vori siejo ea ne va, apa joma sesau nie baba pa sia,¹⁹ e setuta e setojo; 'vata mo e mene atuma veve diadi tutir veremi kabere pai, andi nine ne? Toane vori diadi so siejo riwa nea ne?"²⁰ Tamani siniani sunduar e surojo; 'maite, ninima amune atuma pai na, e re pasi si kabere na vie diadi pa.²¹ Vape nine ma toane vori diadi so siejo ne ma, ama tinduin va. E teini diona e diadi so siejo ne kota, ama tinduin va. Metutani vea, bieba to manau pavo, nari matauni ruara.²² Tamani siniani sunggavo tojanapa ma, aso sumatai veve baba nana Yehudi pa sia, aso sesanemi siri to manau toapa teini ruar Jesus ve Raja vekor slamat paina, mamo sa sua na anio ari pai va.²³ apa joma tamani siniani surojo; 'Bieba to manau, apavo metutan matauni vea".²⁴ Apavo sesau siniotu erine veremi kabere pai ea, e senggavo soi e setojo; "Suawora mo, toapa nari kuevo kavo vata, amanduin toapa siniotu jani ma siniotu veve tatar nina".²⁵ Amana siniotu pai ruar so siae diojo; "Vie tatar te piva te, iruin va, vape iruina pa siri to, papopa ma rene sikaber, nine ma isajo to vesie."²⁶ Janama senggavo soi riwanea e setojo; 'apa dionau toane?" dionau toane vori suejo pa?"²⁷ Siniotu pai ruar so siae diojo; "Itopanusara so mia to manau, vape menggambarai metadiawa, avori meto metadiawa ea ve?"²⁸ "aja sa meto menda usari kota pe?"²⁸ Apa senajani, avori senggavo e setojo; 'au rua usari pa, ama ma piva, ama ma amanda usara paini Musai.²⁹ Amanduin toapa Sien Allah kievo so Musai to manau, vape maso siniotu jani mamo, amanduin moja vieva na topina pa va.³⁰ Amana siniotu papone veremi kabere pai ruar so siae diojo; "Mandiu arora

vesiri, aso metojo mendum mojaru uta vieva na topina pa. vape dionae diadi isajo to vesie-ne. ³¹Tandu in toapa Sien Allah sa diediawa siniotu veve tatar va vape diediawa siniotu vetatuan Sien Allah, e venanari ariri Nie sane vesie pai". ³²Nanapi dunia ne vieva retena pa veito nine, aja tatadiawa esi dionae siniotu veve diadi tutir veremi kaber pesi siejo e vesie ea pa va. ³³Masi siniotu jani riana Sien Allah va mamu, sa nienari piesa va, ³⁴Apa Parisi pa senduar soi e setojo; 'apavo? Au ma siniotu vionu tutir tatar ni au, nana retena vue diadi pa, avori buo bueniau ama e?' Apa' nanapi raria jani mo e, semu vediori e sa sua na anio ari pai va. Veremi kaber nanapi Wainunu pai. ³⁵Jesus diediawa setawa irara siniotu pai vurusu anio ari pai pa, apa siesera siniotu pai, avori siemuai pa kievo soi e diojo; "Apa janama sanetiar Siniatu Atu paie?" ³⁶Apa siniotu pai ruar soi e diojo; "Tei nina, Tuani?" katu tuopani so jau, ave amamo isanemitiarl-pe!" ³⁷Jesus ruar soi e diojo; "Suejori to manau, andi kievavo tutir au ne mana!" ³⁸Apa siniotu pai diojo; "Isanemitiar, Sie panau". Avori disan ae bu pasie, siom Jesus. ³⁹Janama Jesus kievo e diojo; "Irama so dunia nei, ave Ikutu ariri hukum vetindiya pai, ave siniotu veremi kaber pasi sisajo, e siniotu vesajo to vesie pasi, siremi pa sikaber. ⁴⁰Siniotu Parisi pa esia senana jana pavo, setadiawa Jesus kievo tojana pa, setutanie setojo; 'Kuevo vedia ma toapa ama kota amandemi nesi sikaber?" ⁴¹Apa Jesus ruar so sia e diojo; "Masi mendemi pasi sikaber mamu, membaro tatar, vape aso menggavo e metojo; 'amasajo', amamo veruana toapa, membe tatar rami".

10 KAVO SORA TARAWA NANAPI DOMBA PAI TUTIR NIE GEMBALA PAI

¹Itopa so mia ve vatamo, siniotu vesua na kandang domba pai e kiaituwa pagar pai e riana rature pai va, e sia tuwa na ria vevesiei, amamo siniotu jani ma viemanana pi e viawara pi nina. ²Vape siniotu vesua nana rature pai ma, gembala so domba paina. ³Siniotu vesajo vedior kandan pai nari sieva rature pai soi, e nie domba pasi sirasari, e siau siri-siri nanapa sano pa, e kiosi tara vorira wa. ⁴Domba pasi sikor tara vorira wa to manau mamu, gembala pai ria na dopo wa, e domba pasi sirasari aso siediawa riruina raopui pai pana. ⁵Sa sirasara siniotu vevesiei pesi va, e nari sivavu vurusu siniotu jani, aso siediawa riruina raopui pai va pana". ⁶Jesus kievo kavo soratarawa jani, vape senduin ariri nie tarai pai va.

JESUS MA GEMBALA VIATE PAI NA

⁷Apa Jesus kievo riwanea e diojo: "Itopa so mia ve vata mo, Rature so domba pai, andi jau. ⁸Vera papo ma na Ja pasia ma, viamanana pie viawara pi pa siana, vape domba pasi siediawa sene raopui pasi va. ⁹Rature pai andi jau. Teini sua nana Ja mamu, nari siemuai vesie, nari sua e suvie siemuai pisia. ¹⁰Viemanana pai ma ria vei maso diemanana pa, ave dio mamu e kariria pa. Vape Ja ma Irama ve amamo siniotu pasi sisamuai tenam pai, tenam vetabui pai. ¹¹Gembala viate pai andi jau. Gembala viate pai viovu nie tenam pai vori nie domba pasi. ¹²Siniotu vesamuai vait vea e gembala nina va, e nie domba pasi kota va, siejo wona rei pai riana mamu, nari vievu vurusu domba pasi, amamo nari wona rei pai mutatirasi e simasasiepar. ¹³Amamo nari siniotu vesamuai vait pai, nari vievurasi, aso ima nienaripi so vait pai vea. Sa vie paduri so domba pasi va. ¹⁴Gembala viate pai andi jau. Ariri Jai siejo riruina Ja pa, Ja kota Isajo riruina Jai pa, ¹⁵toapana kota Isajo riruina Ine domba pasi kota, e Ine domba pa sisajo riruina Ja kota. E lvova ine tenam nei soasi. ¹⁶Domba vevesiei pa esisija kota ma Inesi, vape sietor nana domba tau nini va. Sia kota ma Ikor sia, e sia kota nari setadiawa raopui ne. Sia vura nari sembe tau siri e e gembala siri. ¹⁷Jai sanapai jau aso Isiwa Ine tenam nei, ave amamo Isamuai soverai ea pa. ¹⁸Sa esi kiori nanapi Ja va. Isiwi nanapi matau Ine majar. Ipaja so Isiwi pa, e Ipaja so Ikor verai pa, nini ma nanaripi Jai diona maso Ja nina. ¹⁹Aso Jesus kievo tonine pa, Jehudi pasia sembaririwi na matau sia vavera. ²⁰Vepau pa senggavore setojo; "Pisararidiori sira savuil Vie pisavi! Meto metadiawi ve?" ²¹Vape esia kota senggavore setojo; 'Siniotu pi sararidiori sira savua pai ma, sa kievo tonine va! Avo pi sararidiori pasi diadi so sionae siniotu veremi kaber pasi diadi so sisajore?"

SINIOTU YEHUDI PA SIA, SENGGA VO IRAR JESUS PA

²²Kaiwasa venana Yerusalem pa sia, setarari so sene Raria Baba veve resmikan anio Sie pai pa, nana raria jani ma imasi tutir die diru pai, apavo uta pasi siriewas. ²³Apavo Jesus ria vavera na sorabi vesanomi na Serambi Salomo, nana Anio Sie pai raro pa. ²⁴Apa kaiwasa Yehudi pa sia, sendama senduir wawarira Jesus, avori senggavo soi e setojo: "Tituwa ama e ama sanemi sasera ra so raria tonina ea. Ite Tuopa sasaar so ama ve vatamo: "Raja vekor Slamat pai andi Au mo e?" ²⁵Jesus ruar so siae diojo: "Itopa so mia to manau mana, vape mesanemitiar va pa. Pi Inanari pasi nanapi Jai sano pa, asi siveruana Ja pa. ²⁶Mesanemitiar va pana, aso miama viator mia ve Ine domba ni mia va pana. ²⁷Ine domba pasi ma, siediawa riruina raopui ne, Isajo riruina e sira usara jau. ²⁸Jono tenam vatamo viaworoi pai, e sa sesamuai kariria pai va veito woroi. Sa esi diewara sia na varanesi va. ²⁹Jai viono sia maso Ja to manau pai, bieba rawai na teina vea. E sa esi diewara sia nanapi Jai vara pasi va. ³⁰Ja tutir Jai ma amumbe siri. ³¹Apa Yehudi pasia senggavore rovuki riwanea, ave setiso Jesus. ³²Vape Jesus kievo so siae diojo: "Mesajo Inanari nanaripi viate pa pau to manau, nana pi Jai diemias Ja soa pasi, nanapi nanaripi jasi vura mamu, tosi sivediajarae meto meso Ja pa?" ³³Yehudi pa sia senduar so-l e setojo: "Nomu nanaripi vesie jasi ma asi sivediajarae amato ama so Au na rovuki pa va, vape aso kuevo sisajara Sien Allah pana. Au ma siniotu ni Au vea, avori buonau ve Sien Allah ea pa". ³⁴Avori Jesus ruar so siae diojo; "Jokama nanapi mene buku torat pai mamu,

sembui toapa: "Sien Allah kievo e diojo: "Mia ma Sie ni mia".³⁵Tanduin toapa pi vitosi sivui nanapi Surat Repo pai mamu, sa sinai va. Apavo Sien Allah diap ve; "Sie", maso kaiwasa vekorusara Nie kavo pa sia.³⁶Avori aso vitopi metojo Isisiajara Sien Allah, aso Ikavore jojo: Ja ma Allah Atuni Ja pa? arorae Jai ni diri Jau, e diemias Ja so dunia nei.³⁷Masi Inanari ariri nanaripi Jai diemias Ja soa nesi va, amamo mesanemitiat Ja vape moja.³⁸Apavo menggambarai mesanemitiat Jau, vape aso Inanarisi pavo, mesanemitiat so pi vitosi Inanarisi pa. Toapa jana ve amamo, menduin toapa, Tawana Jai vie siri tutir Jau, e tawana Ive siri tutir Jai.³⁹Apa setosaser a ea, ave amamo setapur Jesus, vape tieisu vurusu sia.⁴⁰Janama Jesus siovera ea so maria Yordan rawesi wa, uta papo pae Yohanes siov siniotu nanapa, e miesoi nana wana.⁴¹Apa kaiwasa pau sendama soi. Senggavo e setojo; Yohanes ma nienari pitandor pa esasi va, vape kavo kievora e vetera siniotu nini pasi, vurae sive vata.⁴²Apa kaiwasa venana uta jasias, sepau sesanemitiat Jesus.

11

LAZARUS NIE VORU PAI

¹ Siniotu pesi sano pa Lazarus, niana aniose Betesda tutir raruo vavi pa sandu. Mariai tutir Martai.²Mariai ma joma vavi vevuvu mani vesairara pai nana Jesus ae pasie, ki ruranasi nanapi matauni rurandau pasi pa. Raria pesi pa Lazarus piota,³apa raruo vavi pa suranatu kavo aso Jesus, e surojo: "Sie panau, amundaruomi sanepaya pai, piota.⁴Jesus diediawa kavo arer ne pa, kievore diojo: "Pota jani ma sa viediajara voru va. Vape nine ma ave Sien Allah siemuai som sanandikia pai, ave amamo Allah Atu pai kota, siemuai sanandika pai.⁵Jesus sanepai Martai Mariai sandu tutir Lazarus.⁶Apavo Jesus siemuai arer pa to manau, so Lazarus piota pa. Vape dio paparo e miesoi raria muandu ea nana uta niana pa,⁷Manau pa janama kievo so nie murit pa sia e diojo: "Mendama tasovera ea so Yudea."⁸Amana nie murit pa setojo; "Guru, katuerine vori Yehudi pa sia seto seso Au nana rovuki pa. Avori buojo tasovera ea so wana pa?"⁹Apa Jesus kievo so siae diojo: Jokama raria siri mamu diam surae muandu mana? Apavo siniotu vera na sasaar raria pai ma sa siediaira va, aso siejo sasaar dunia nei pana.¹⁰Vape siniotu vera na kumuar diru pai ma, nari siediaira, aso sasaar pesi nianai va pana¹¹Apavo Jesus kievo toapa jana. Janama kievo riwanea e diojo; "Tane maneta pa Lazarus, diena to manau, vape nari Ira ve Ivauni".¹²..¹³Jesus kievo ne ma toapa, Lazarus vioru to manau. Vape semamo ma setojo Jesus kievo ne ma, aso Lazarus diena ve vata pana.¹⁴Apa joma Jesus tiopa sivu so sia toapa: "Lazarus vioru to manau"¹⁵Vape sanene vesie vesiri, aso Inana wana va pa, aso vesie rawai maso mia. ave amamo mesanemitiat pe. Janama mendama, ave tanda so Lazarus".¹⁶Avori Thomas sesauwa we Didimus pai, kievo so nie maneta verausara Jesus pa sia, e diojo; "Mendama ve tanda, ave tamboru tutiril."¹⁷Jesus riana so uta pa mana, Lazarus ma sembe kubir-i rania at to manau.¹⁸ Aniose Betania ma deriasi kota Yerusalem, vekasau pa vare kilometer toru. Kaiwasa Yehudi pa sepau sendama.¹⁹Ave setono kavo vemanasi so Martai-Mariai sandu, aso sundaruomi pai vioru pa²⁰Apavo Martai diediawa Jesus riana pa, suvie ria vediori, e Mariai ma miesoi na anio wa.²¹Apa Martai kievo so Jesus e diojo; "Sie panau, nuana nine na raria jani reto, raruo pai sa vioru va".²²Toa saridioje iruin toapa, nine kota, Sien Allah nari diono pi vitopi suau nanai pa.²³Apa Jesus kievo so Martai e diojo, "Raruomui nari tienam ea."²⁴Martai diojo; Iruin Lazarus nari tienam riwanea pa, nana raria vevoru pa sia sesobata sia nana raria dunia nei kieriria pa.²⁵Apa Jesus kievo so Martai e diojo; "Ja jono tenam pai e Ivaun vevoru pa sia pa. Siniotu vesanemitiat Ja pai ma, vioru to manau wo, nari tienam."²⁶E siniotu vetenama vesanemitiat Ja pa sia, sa semboru va veito woroi-woroi. Sanetiat kavo nine ne?"²⁷Apa Martai ruar e diojo; "Sie panau, isanemitiat, Au ma Allah Atu, Raja viono slamat nari vera mesu so dunia nei pai andi Au".

JESUS SIAI PA

²⁸ . Martai kievo tonine to manau mana, ria siau neta Mariai e siemumui soi e diojo; "Gurui nia wana, e dutanau".²⁹Mariai diediawa pa, sawawarae siobatai e ria so Jesus.³⁰Rabua jana ma Jesus andia sua so aniose pa varami. Andia niana uta Martai siemuai nana pa.³¹Siniotu Yehudi viono kavo vemanasi so Mariai na aniowa pa sia, sesajo Mariai blatai sawawarae suvi pa, sendausari, aso setojo nai dio ria so kubir wale siai pana.³²Mariai ria so uta Jesus niana pa, e siejori pa, Mariai disanaebu pasi nana Jesus aropo pae kievore diojo: "Sie panau, raria jani nuana nine mo reto, raruo pai sa vioru va."³³Jesus siejo Mariai siai pa e kaiwasa Yehudi vera usara Mariai pa sia kota sesai pa, Jesus sane pa kariria e siai sane raro.³⁴Apa Jesus dutan sia e diojo, Mepiri na papi pai na topina? apa senduare setojo: "Sie panau ruama suejo. Apa Jesus siai.³⁵apa kaiwasa Yehudi pa senggavore setojo; "Ite mesajo, sanepai Lazarus veja."³⁶Vape esi pa senggavore setojo, "dionae veremi kabere pa sesajo, avori diona ve Lazarus vioru vape moja vae?"

LAZARUS TIENAM RIWA NEA PA

³⁸Jesus sane pa kariria riwanea, avori ria so papi pai. Papi pai ma suep nina, avori sesuori nana rovuki pimasa nina.³⁹Jesus kievore diojo: "Metawa irara rovuki pai vurusu, amana Mariai, siniotu vevoru pai raruo vavi pai, ruar e diojo: "Vape Sie panau, viata raria at to manau!"⁴⁰Apa Jesus kievo so Mariai e diojo; "Jokama Itopa so au to manau mana? Sanetiat mamu, nari suejo Sien Allah so Nie paya pai bieba pa?"⁴¹Janama senggadiduir rovuki pai, avori Jesus siejo sasana ajai so sorawa, e kievore diojo; "Yai, trima kasi, aso buediawa Ya to manau pa."⁴²Iruin buediawa Ya tawana pa, vape Ikavo tonine pa ma, ave kaiwasa venana nine sia, ave amamo sesanemitiat toapa Au buemias Yau.⁴³Jesus kievo tojana to manau

mana, dumi to baba vesirie diojo: "Lazarus, suvi mari!" ⁴⁴ Apa siniotu vevoru to manau pai suvi. Vara pasi tutir ae pasija sitavana tutir sis vitavana wominggo pasi, e re pasi sitavuna nana sis vitavuna wominggo pa siremipasi. Jesus kievo so siniotu viosa na jasia, e diojo: "Metita sis vitavani pasi, ave amamo ria to vesie pe".

RUIR VESANEMI SIRI VE VEMUN JESUS PAI (MAT. 26:1-5; MRK. 14:1-2; LUK. 22:1-2)

⁴⁵ Kaiwasa Yehudi verama vetira Mariai pa sia, sesanemitiar Jesus, aso sesajo subata pi Jesus nienari pasi pana. ⁴⁶ Vape sia esia, senda so Parisi pa sia, e setopa pi Jesus nienari to manau pai. ⁴⁷ Apa joma Parisi pa sia tutir Imam baba pa sia, setono ruir tutir agama Yehudi pa sene ruir baba vekutu kavo pai, senggavo e setojo; "nari tananari toane? Aso siniotu nei nienari pi tandor pa pau. ⁴⁸ Tato tatituwi tonine vea, amamo nari kaiwasa pau sanetiari. E toa mamo, veve baba nana Pemerintah Roma wa sia, sendama sendojara tata e sendura anio Sie nei. ⁴⁹ Apa sia esinina, sano pa Kayafas, veve Imam baba nanapi taun jani. Kievo e diojo: "Menganggau, ⁵⁰ e menduin vesie maso mia pa va. Aso siniotu pa siri vioru so tane kaiwasa pa, vesie nanapi tane kaiwasa nei vurae siemuai kariria pai pa. ⁵¹ Ariri mo mamo, Kayapas kievo pa ma, nanapi matauni nie sane paya va, vape ariri Imam baba nana taun jani e pir arer toapa, Jesus nari vioru maso kaiwasa Yehudi pai. ⁵² E maso kaiwasa Yehudi pai vea va, vape ave amamo vesoruira Sien Allah atu vemasasiepar pa sia e sembe siri. ⁵³ Nanapi raria janie veve Baba na Yehudi pa sia senduir e sesanemi siri, ave semun Jesus. ⁵⁴ Apavo Jesus vieruani nana kalwasa re vepau ea va, nana kaiwasa Yehudi pa sia. Vievu vurusu Yudea, e ria so kota vesanomi na Efraim, deriasi mapar rubua pai, niana jana tutir nie murit pa sia. ⁵⁵ Nana rabua jana, deriasi Yehudi pa sene Raria Baba Paskah pai to manau. Kaiwasa pai piau ria nanapi Desa pasi e senda so Yerusalem to manau, ave amamo senanari ariri sembe sren sene tarai pasi papo, nanapi aja sesua so raria Baba pai pa. ⁵⁶ Sesasera Jesus, e sesoruir sia nana anio Sie pai pa, senggavo vavera na matau sia, setojo, "Buone sanepaya pai toane?" esa mamo nari riama so Raria Baba nei va". ⁵⁷ Senggavo tojana pa ma, aso Imam baba pa sia tutir Parisi pa sia, sesuvir prenta toapa, teini ruin Jesus niana topina pa, amamo tiopa ave amamo setapuri.

12 SEMBUVU MANI VESAIRARA PAI SO JESUS, NANA ANIOSE BETANIA PA

¹ Raria rimesiri ea nana aja Raria baba Paskah pai varami pa, Jesus ria so aniose Betania, nana uta dionae Lazarus siobatai nana voru pai pa. ² Apa sepir pisia soi e Martai ni nunupi. Avori Lazarus tutir wasa verama pa esia semasol e setapi tutir Jesus, ³ avori Mariai kior mani narwastu vesairara vian to tariai vesiri pesi ma. Janama siovuvu mani pai na Jesus ae pasi, avori kiruranasi nana rurandau pasi. Anio raro pai sieirara vura, aso mani vesairara pai. ⁴ Vape Judas Iskariot, murit vera usara Jesus pa sia esinina. Andi vepuie viovl pa, kievore diojo; ⁵ Aso vitopi mani vesairara jani viova tutir pipi perak pa utin toru, ave pipi jasi siona so siniotu vevaro pi pasia va pa? ⁶ Yudas kievo towana pama aso sanepai siniotu vevaro pi pasia pana va, vape aso diemanana pi pana. Aso esa mamo kior pipi manana, nanapi sene doi kas rut pai pana ⁷ Amana Jesus kievore diojo: "ave ria nienari ariria, ave vekavo sanepaya so raria vepir Ja na papi pai pa. ⁸ Aso siniotu vevaro pi pa siana, asiaja tutir mia tawana, vape Ja ma sa Ina tutir mia tawana va".

VE NE KAVO SIRI AVE VEMUN LAZARUS PA

⁹ Kaiwasa Yehudi pa sepau setadiawa Jesus niana aniose Betania, apa senda so wana. Senda so wana pa aso Jesus vea va, vape ave sesajo Lazarus, Jesus dionae vesobata na voru pai. ¹⁰ Apa joma Imam baba pa sia seto semun Lazarus kota. ¹¹ aso andi viediajarae kaiwasa Yehudi pa sepau sembavur siae, sesanemitiar Jesus pa.

JESUS SUAPUI SO KOTA YERUSALEM TUTIR RARA VERMARAWAS (MAT. 21:1-11; MRK. 11:1-11; LUK. 19:28-40)

¹² Kausapa pa kaiwasa borai sendama, ave sesom raria Paskah pai, apavo setadiawa Jesus andia nana nie rara pai tara Kota Jerusalem pa ¹³ Apa senggor palem rau pasi, ave setasiesasie Jesus ria sasani nanasi, avori sesodijae setojo: "Sanandika pai so Sien Allah. Berkat masoi, verama nanapi Sien sano pai. Berkat maso Raja Israel pai!" ¹⁴ Jesus siemuai keledai atu vavoru pesi, e miesoi sasani nana, apa imasi tutira vevui nana Surat Repo pai pa, toapa; ¹⁵ Muetai vape moja, karavi Jerusalem panau, suejo nomu Raja pai riama pa, miesoi sasani nana Keledai atu vavoru nina! ¹⁶ Rabua janama, Jesus nie murit pa sia, aja senduin ariri kavo ninesi varani. Vape ineri Jesus siemuai nie masasoija vetariai pai nanapi nie voru pai to manau pa, janama sesanempai asoa, toapa pi kaiwasa nienari soi pasi, sivui nana Surat Repo pai to manau.

ORANG BANYAK BERBICARA TENTANG YESUS

¹⁷ Kaiwasa veruire vesajo Jesus siau Lazarus suvi nana kubir paie siobatai nana voru pai pasia, sembe saksi so kavo nine, ¹⁸ apa joma kaiwasa vepau pa sia senda so Jesus pa. aso setadiawa mana andi nienari pi tandor jani. ¹⁹ Apa siniotu Parisi pa sia senggavo vavera na matau siae setojo; 'ite mesajo, dunia vetutira, sendausari!'

SINIOTU YUNANI PA ESIA, SESASERA JESUS PA

²⁰Nanapi kaiwasa vera so Jerusalem, ave veve ari nana raria Baba Paskah pai, apa siniotu Yunani pa esia kota. ²¹Sendama so Pilipus e setojo; 'Manetai, diadi mamu, amasanemi vesie ama samuai Jesus' Pilipus ma vieva na aniose Betsaida, na uta Galilea. ²²Apa Pilipus ria tiopa kavone so Andarias, e janama sunda sutopa so Jesus. ²³Apa Jesus kievo so sandue diojo; "Raria pai miesi to manau so Siniotu Atu pai sia ajai so Nie masasoja vetariai pai pa". ²⁴Ine kavo ne ma vevatamo, toapa, gandum mor pai tiana na kakopa wae vioru va, amamo nari vie mor siri vea. Vape gandum mor pai vioru, amamo nari suvir gandum buo pa pau. ²⁵Siniotu vesanemipai riwa vene tenam pai, nari nie tenam pai niai. Vape siniotu vesanemipai riwana vene tenam na dunia nei va pai, ima dionanari nie tenam pai so tenam viaroi pai. ²⁶Teini dionanusara Ja pa mamu, ria usara Jau, ave amamo vionanusara Ja pai andia tutir Jau na uta topi Inana pa. Siniotu vionanusara Ja pai ma nari Jai tietuani".

JESUS KIEVO NA NIE VORU PAI PA

²⁷Sane rarone kariria, vitopi nari Ikavorane? Nari Ikavoe jojo; "Jai, buonave Itaisu vurusu na raria nini?" Piva, aso joma vava vekariria nini pa, Irama pa. ²⁸Jai, buonave sanomu pai siemuai sanandik verawai pai. Apa viadiawa raopui pesi na rora wa, kievore diojo; "Jona sanandika verawai to manau, e nari jona sanandika verawai pai riwaneana". ²⁹Kaiwasa venana jasia setadiawa raopui pai. Apa senggavore setojo; 'kuruja nina!' vape esia kota senggavore setojo; 'Piva, Malaekat ni kievo ma soi!' ³⁰Avori Jesus kievo so siae diojo: "Raopui viadiawa jani ma riotu maso Ja va, vape riotu maso mia". ³¹Nine ma raria pai miesi maso dunia nei, so sepir ariri vai pai masoi pana, nine ma paya venana dunia nei nari senggei tara vorira wa pana. ³²Mae Ja mamu, seposasana Jau vurusu dunia nei to manau mamu, nari Isarap kaiwasa vura, maso Jau. ³³Jesus kievo towana pa ma, ave tiopa veruana nari vioru pa pana. ³⁴Apa kaiwasa pai kievo soi e diojo; ariri amane Buku Hukum pai mamu, Raja Vekor Slamat pai ma, nari tienam to woroi-woroi. Avori kievore buojo Siniotu Atu ne Ja ma nari seposasana Jaue tarii na dunia nei vavo ne pa? Siniotu Atu pai ma tei nina mo? ³⁵Apa Jesus kievo so siae diojo, Sasaar pai nari nia sesiorana mia saira vea, apavo menda nana sasaar pai andia rami pa, ave amamo kumuar pai buas mia vape moja. Siniotu vera na kumuar pai raro pai ma, ruin mojara ria toapa. ³⁶Mesanemitiar sasaar pai, nanapi sasaar pai andia niana mia rami pa, ave amamo membe atuma sasaar, Jesus kievo tojana to manau pa, suvi aniwara wurusu sia, e kiembarai vieruani so sia.

YEHUDI PASIA SESANEMITIAR VA PA

³⁷Jesus nienari pi tandor pa pau e sesajosi to manau, vape sesanemitiar-l va. ³⁸Apa imasi nabi Yesaya kievo pa, toapa: "Sie panau, avo nari teini sanetiar kavo ama topana nei? Nomu paya pai, nari vieruana so teina?" ³⁹Apa joma sesanemitiar va pa, aso Yesayal kievo kota toapa, Sien Allah kievore diojo; ⁴⁰"Jonae sendemi pa sikaber, e sendumi pa sikarakuai, ave amamo sendeni pa sisajo vape moja, e sene sanepaya pa situp. Ave amamo sesovera ea so Jau ea vape moja, aso jona e sepanaam pe" ⁴¹Yesayal kievo toapajana pa ma, aso siejo Jesus nie verawai pai to manau pana, apa kievo nana Ipa. ⁴²Toa saridioie, veve baba nana Yehudi pa sepau sesanemitiar Jesus. Vape sembe barani so senduar to masivu pa va, aso sematai siniotu Parisi pa sia semu vedior sia so Anio Ari pai pe. ⁴³Sesanemi vesie sesamuai sanandika nanapi siniotu pa, mae Sie pai ma piva.

JESUS NIE KAVO PAI NARI VIE HAKIM PA

⁴⁴Avori Jesus dumi e diojo; "siniotu vesanemitiar Ja pai, i ma sanetiar Ja pana va, vape sanetiar I, viamias Ja pai pana. ⁴⁵E siniotu vesajo Ja pai, i ma siejor I, viamias Ja pai. ⁴⁶Irama so dunia nei ariri sasaar, ave amamo kaiwasa vesanemitiar Ja pasia, senana vekumuar pai vape moja. ⁴⁷Siniotu viadiawa Ine aniau pai, vape vekorusara va pai, Ja ma sa Ive hukumi va, aso Iramane ave Ive hukum dunia nei va, vape ave dunia nei siemual slamat. ⁴⁸Siniotu vetawa irara Jaue vekambarai viadiawa Ine kavo pai pa sia, veve hakim soi pai andia to manau. Kavo Ikavora pai, andi nari vie hakimi nana raria dunia nei kieriria pa. ⁴⁹Aso Ikavo nanapi matau Ine sane vesie va, Jai viamias Ja pai, andi diono prenta so Jau, nana vitopi Ikavorae, Itopana pa. ⁵⁰E, Iruina toapa Nie prenta pai ma dion tenam vatamo viaroi pai. Apavo Ikavorasi ariri pi vitosi Jai dienawasi maso Ja pa".

13

JESUS RIOIS RURANA NIE MURIT PA SENDAEMI PASIPA

¹Raria pa siri ea mamu, Raria baba Paskah pai pana, Jesus ruin to manau. toapa raria pai miesi to manau so vievur dunia nei e slovera so Tamani pa. Sanepai Nie kaiwasa venana dunia nei, e sanepai sia veito vemanau pa. ²Jesus tutir Nie murit pasia setapi so idirua pa, apavo bilis pai sua nana Yudas, Simon Iskariot atu pai sane raro pa to manau, ave amamo viov Jesus. ³Jesus ruin toapa, Tamani diono paya pai vura so-l to manau. Ruin kota toapa, riana nanapi Sien Allah, e nari siovera ea so Sien Allah. ⁴Apa joma siobataie tita Nie sasu baba juba pai e riapauwa handuk pai nana kasire pa. ⁵Manau pa janama siar kambu pai susa bokor pai, avori riois rurana nie murit pa sendaemi pasi, manau pa janama ki rurana sendaemi pasi nana sis riapawa na kasire pai. ⁶Kior maso Simon Petrus, apa kievo e diojo; "Sie panau, avo buo ruois ae

nesie?" ⁷Jesus ruar soi e diojo; "Ninema sa ruin ariri pi Inanari ne varami, vape nari ruina rami". ⁸Apa Petrus kievo so Jesus e diajo; "Sie panau, moja. Sie panau ima moja vesiri, sa ruois ae nesi va". Amana Jesus ruar soi e diojo; "Irois aemu pasi va mamu, sa vue siri tutir Ya va". ⁹Apa Petrus kievo so Jesus e diojo; "Tojana mamu, Sie panau, ae nesi vea va, vape vara nesi tutir ru nei kota!" ¹⁰Amana Jesus kievo soi e diojo; Siniotu vesoi to manau pai ma viero rariai, apavo sa sioi rurani ea va, mae ae pasi vea. Mia vura ma membaro rariai to manau. Vape mia vura ea va". ¹¹Jesus ma ruin to manau, so teini nari viovu pa, apa joma kievo e diojo: "Mia vurama membaro rariai, vape mia vura ea va" ¹²Jesus riois rurana sendaemi pasi to manau pa, janama siesuni riwanea nana Nie sasu baba juba pai e miesoi ea. Avori kievo so siae diojo; janama menduini ariri pi vitoni erine inanari maso mia pa to manaue? ¹³Mesau Jau ve guru e Sie. Ima toa pana. ¹⁴Masi Ive guru e Ive Sie so mia, e Irois rurana mendaemi pasi, amamo mia kota mendois rurana mendaemi pasi vavera. ¹⁵Jono vava nini so mia, ave amamo mia kota menanari ariri pi vitopi Inanari maso mia to manau pa. womi pesi ma sa bieba rawai na nie tuan pai va, ¹⁶Itopa so mia ve vatamo, pivai amias pesi ma sa bieba rawai na viamiasi pai va. ¹⁷Menduini pininesi vura mamu, vesie vesiri maso mia, aso menanari aririasi pa. ¹⁸Vitopi Ikavorane mamu, ima tera mia vura va. Iruin teisia Jiri sia to manau pa. Vape vitopi vui nana Surat Repo pai to manau pa, nari vediadi, toapa: Siniotu viapi tutir Ja pai, nari dion amuna tutir Jau". ¹⁹Kavone ma Itopana maso mia vesiri, nanapi aja vediadi varami pa, ave amamo nari vediadi mamu mesanemitari toapa; "andi Jau". ²⁰Itopa so mia, vata moe teini vie tirima Ine amias pai mamu, ima vie tirima Ja pana. E teini vie tirima Ja mamu, ima vie tirima viamias Ja pai pana.

JESUS PIR ARER SO KARIRIA NARI VETER-I PAI PA (MAT. 26:20-25; MRK. 14:17-21; LUK. 22:21-23)

²¹Jesus kievo toapa jana to manau pa, sane pa kariria vesiri, avori kievore diojo: "Itopa so mia ve vatamo, nanapi mia esi nari viovu Jau". ²²Apa Nie murit pa sia setandor vesiri, e setaduat vaveri sia, aso senduini mojava teini Jesus kievo nanai wa. ²³Murit Jesus sanepaya pai, andi miesoi siwara Jesus, ²⁴apavo Simon Petrus kievo soi, ave andi dutan Jesus, aso teini kievo nanai wa, ²⁵apa nie murit vemasoi siwari pai, dutanie diojo: Sie panau teina mo? ²⁶Jesus ruar sai e diojo; siniotu teini isuan roti pai susa mok pai e isiwi soi pa, amamo andina. Janama Jesus kior roti pa dovaru siri, e suani susa mok pai avori dioni so Yudas, Simon Iskariot atu pai. ²⁷Yudas vie tirima roti pai to manau pa, bilis pai sua na sane raro pa. janama Jesus kievo soi e diojo: "Pi vitopi buo nuenari pa mamu, nuenari saira". ²⁸Vemasoi e viapi nana jasia, esi dinduini kavu ne va, aso vitopi Jesus kievo tojana so Yudas pa. ²⁹Esia semamoma setojo Jesus diernias Yudas, ave viori piesa so sene pesta pai, ite diono pipi so siniotu vevaro pi pasia te, aso Yudas andi rut sene doi kas pai pana. ³⁰Yudas vie tirima roti pai to manau pa, suvie ria. E idirua to manau.

PRENTA VAVORU

³¹Yudas ria to manau pa, Jesus kievo e diojo; Janama Siniotu Atu pai siemuai som sanandika vetariai pai pana, e Sien Allah siemuai som sanandika vetariai pai nana pa I. ³²Masi Sien Allah siemuai som sanandika vetariai pai nana pa 1, amamo I kota, nari siemuai som sanandika vetariai pai, nanapi Sien Allah matauni. E nari Sien Allah diono som sanandika vetariai pai masoi tutir sawawara. ³³Ine atuma pa mia, sa Imasoi tutir mia to woroi ea va. Nari mesasera Jau, vape ariri Itopa so Yehudi pa sene veve baba pa sia pa, toapana kota Itopana maso mia; uta Ira soa wa, ima sa mendama soa va. ³⁴Jono prenta vavoru pesi maso mia, toapa: "Mesanemipai vaveri mia, ariri Isanemipai mia pa, toa pana kota, mesanemipai vaveri mia". ³⁵Masi mesanemipai mia vavera mamu, nari kaiwasa vura ruina toapa; "Mia ma Ine murit pa miana".

JESUS DIERER PAPO TOAPA: NARI PETRUS PIORAS JESUS

³⁶Petrus dutan Jesus e diojo; "Sie panau, avo buo rua topina?" Jesus ruar soi e diojo; "Uta topi Ira soapa, sa rua soa varami, vape nari rua usara Jau, vepuiya". ³⁷Petrus dutan ea, e diojo: "Sien, aso vitopi diadi so ira usara Au vesiri va pa? isanemi vesie ivoru so Sie panau". ³⁸Jesus ruar so Petrus e diojo; "Vata moe, sane vesie vuoru so Jaue? Itopa so au; "Aja kokori pa sisau varamie, nari kuevo poras Ja ve toru, e buojo: "au ma riruini Ja va".

14

JESUS MA RIA VINDA SO TAMANI PAI.NA

¹Jesus kievo so sia e diojo; "Mesanemi sasera mia vape moja, mesanemitari Sien Allah, e mesanemitari Ja kota. ²Nanapi Jai Nie anio wai ma, uta masasoja pai piau. Apavo Ira soa, ave jono ariri uta so mia. Toa va reto sa itopa so mia va. ³Ira, ave jono ariri uta so mia to manau pa, nari Isovera ea ma ave Ikor mia, ave uta topi Inana pa, mia kota menana jana. ⁴E uta topi Ira soa pa, menduini ria pai". ⁵Apa Tomas kievo so Jesus e diojo; "Sie panau, amanduini mojava uta topi rua soa pa, avori nari amanduini ria pai toane?" ⁶Amana Jesus kievo soi e diojo: "Ria pai e vetindia pai e tenam pai, andi Jau. Esi ria nanapi Ja va mamu, sa riama so Jai va. ⁷Masi mesajo riruini Ja mamu, ariri mesajo riruini Jai kota pa. Nine ma mesajo riruini to manau e mesajori to manau." ⁸Apa Pilipus kievo so Jesus e diojo; "Sie panau, buoisara Tama pai so ama, ave amamo amasanemi pa siete pe". ⁹Amana Jesus kievo soi e diojo; "Ina tutir mia to woroi vesiri, e aja suejo riruini Ja varami ea pa, Pilipus! Siniotu vesajo Ja to manau pai ma, siejo Jai to manau, avori kuevo e buojo; Buoisara Tama pai so

ama pa.¹⁰Pilipus! Aja sanetiar Ive siri tutir Jai, e Jai vie siri tutir Ja pa varamie? Kavo vitosi Ikavorasi maso Au pa, ima Ikavorasi nana matau Ja va, vape Jai veve siri tutir Ja pai andi nienari pi ninesi vura pa.¹¹Sanetiar Jau, toapa Ive siri tutir Jai, e Jai vie siri tutir Jau. Mae piva mamo, sanetiar aso pi inanari to manau pasi.¹²Itopa so au, vata moe, teini sanetiar Ja pa, amamo nari nienari pi Inanari to manau pasi, e nari nienari pi vebaba rawai pa esasi ea. Aso Ira so Jai.¹³E pi vito vea mesau nana sano ne pa, nari Jona maso mia, ave Jai siemuai sanandika pai nanapi Atu pai.¹⁴Pi vito vea, mesau nanapi sanone mamo, nari Jonasi.

JESUS TIOPA VERUANA WAINUNU SREN PAI NARI RIANA SO NIE MURIT PA SIA PA

¹⁵Masi mesanempai Ja mamo, nari menda ariri Ine prenta pasi ¹⁶Nari Isau so Jai, e nari diono siniotu vevesiei viadidin mia pesi, e andi nari tutir mia to woroi-woroi. ¹⁷I-ma Sien Allah nie Wainunu pai na, andi nari vieruana Sien Allah nie vetindia pal. Dunia nei sa vie tirimai va, aso dunia nei siejori va e siejo riruini va. Vape mia ma mesajo riruini, aso nia tutir mia, e nari vie siri tutir mia pana.¹⁸Mia ma sa Ivavu mia e memesari ve atuma awata va, nari Isovera ea maso mia.¹⁹Worabua va so dunia nei sa siejo Ja riwanea pa va, vape miama nari mesajo Jau. E aso Itenam pavo, nari mia kota metenam.²⁰Raria pai miesi mamo, nari menduin toapa, Ive siri tutir Jai, e membe siri tutir Jau, e Ivesiri tutir mia.²¹Siniatu veve tirima Ine prenta pa sie, venanari ariria pai, andi sanepai Ja pa. Jai nari sanepai siniotu vesanempai Ja pai. Ja kota nari Isanempai siniotu jani, e iveruana Ja soi". ²²Apavo Yudas Yudas Iskariot ma piva, dutan Jesus e diojo: Sie panau, aso vitopi buo vueruana Au so ama e vueruana Au so dunia nei va pa?²³Jesus ruar soi e diojo; Siniotu vesanempai Ja pai ma, nari kior usara Ine kavo aniau pasi. E nari Jai sanepai, nari Jai amundama soi, e amu masoi tutiri. ²⁴Siniotu vesanempai Ja va pai, sa kior usara Ine kavo aniau pasi va. Kavo aniau metadiawa jasi sira nanapi Jai via mias Ja pai²⁵Pi jasi vura, Itopanasi maso mia, nanapi aja Ina tutir mia ne. ²⁶Vape Sien Allah Nie Wainunu, nari Jai diemias nanapi sanone maso mia pai, andi nari dieniau mia nana pi vura, e ditono sanepaya maso mia nana pi kavo Itopana maso mia pasi vura. ²⁷Vemari e vemanasi pai Ipiri maso mia Matau Ine vemari e vemanasi pai andi Joni maso mia. Jona maso mia pai ma, miesi tutira dunia nei diono maso mia pai va. Metamuaus e metanasisiau e mematai vape moja.²⁸Metadiawa ikavo pa to manau, nari Ira, vape nari Isovera ea maso mia, mesanernipai Ya mamo, nari mesanemi pa siete, aso Ira so Yai pa, aso Yai ma bieba rawai nanapi Yau. ²⁹Itopanasi maso mia vesiri, nanapi aja sive diadi vura varami pa, ave sive diadi mamo, mesanenitiar pe.³⁰Ikavo e pau tutir mia ea va, aso raria pai miesi to manau so, paya na dunia pai rima ato, vape sa vur Ja va. ³¹Toa saridioie nari sive diadi vura ave amamo dunia nei ruina toapa Isanernipai Jai, e Inanari ariri pi Jai vie prenta maso Ja pasi. Ineri mendama ve tanda vurusu nine.

15 JESUS MA ANGGUR RAVO VATA MO PAI NA

¹Jesus kievo rivanea e diojo; "Anggur ravo vata mo pai andi Jau, e Jai ma vene romi pai na". ²Arawa venana Jau e veve buo va pasi, sitaratuwa, e arawa veve buo pai ma, rau pasi sisopa e sierara ave amamo viebue to rawai ea.³Mia ma membaro rariai to manau, aso pi aniau Jono so mia pasi. ⁴Membe siri tutir Jau, to karakuai e Ja kota nari Ivesiri tutir mia. Arawa pai matauni ma sa vie buo va. Aso kierakuai na ravo pai va pana, apavo mia kota, membe siri tutir Ja mamo, nari mesuvir buo.⁵Anggur ravo pai andi Jau, e mia ma arawa pa miana. Siniotu veve siri tutir Jau to karakuai e Ja tutiri mamo, nari vie buo to pau; aso Ja va mamo, sa metitono piesa va. ⁶Siniotu veve siri tutir Jau to karakuai va pai, nari kiesa ariri arawa pai, e miasa. Arawa vetoapa jasi ma nari sisoruiru e sike susa adia pat, avori sikair. ⁷Membe siri tutir Jau, e Ine kavo aniau pasi sivata nana mesanemi raro pasi mamo, mesau so Jai na pi vitopi meto mesauwa pa; mene sau pa nari mesamuai.⁸Membe buo to pau mamo Jai siemuai sanandika pai, e toapa jana mamo, vata moe miama vera usara Ja pa miana. ⁹Ariri Jai sanepai Ja pa, toapana kota Isanempai mia, apavo metenam ariri siniotu Isanemi paya.¹⁰Masi menda ariri Ine prenta pasi mamo, miaja menggarakuai usara Ine sanepaya pai, ariri Ja kota Ikarakuai usara Jai nie sanepaya pai, aso Ira ariri nie prenta pasi pana. ¹¹Pininesi vura Itopanasi maso mia, ave amamo Ine sane vesasie pai niana mesanemi raro pasi, e mene sane vesie pai miesi mo pana.¹²Ine prenta pai nine; "Mesanempai mia vavera, ariri Isanempai mia pa. ¹³Siniotu vesanempai nie maneta pa sia to rawai pai, ima siniotu vevovo vene tenam so nie maneta pa sia pai na.¹⁴Miama Ine maneta pa miana, masi menanari ariri pi vitoni Ive prentai maso mia pa mamo, ¹⁵Mia ma sa Isau mia ve womi va, aso womi pai ma sa ruini pi vitoni nie tuan pai nienari pa va. Apavo mia ma Isau mia ve maneta, aso pi Jediawa nana Jai pasi, Itopanasi vura maso mia to manau pa.¹⁶Mia metiri Ja va, Ja Jiri mia, e Jemias mia e menda, ave membe buo to pau, buo nari vesamuai kariria va, amamo nari Jai diono pi vitopi mesauwa nanapi sanone pa. ¹⁷Ine prenta so mia pai nine; "Mesanempai mia vavera!"

DUNIA NEI MIEDIDI JESUS TUTIR NIE MURIT PA SIA

¹⁸Masi duna nei miedidi mia mamo, mesanempaya toapa dunia nei miedidi papo. Masi dunia nei nie mia, amamo nari dunia nei Ja ¹⁹Sanepai mia ariri pi nie. Vape Jiri mia to manau vurusu dunia nei, apavo mia ma dunia nei nie mia va, apajoma dunia nei miedidi mia pa.²⁰Mesanempai tawana pi vitosi Itopanasi so mia to manau pa, womi pai sa bieba rawai nie tuan pai va. Masi seto amuna tutir Jau, amamo nari seto amuna tutir mia kota. Masi senggorusara Ine pi aniau pasi mamo, nari senggorusara mene pi aniau pasi kota. ²¹Nari setono vava ninesi kota maso mia, aso miama mendausara Ja

pana. Aso sia ma senduin mojara viamias Ja pai pana. ²²Masi aja Irama va reto, e Itopa pi aniau ninesi vura so sia va reto, amamo ima sembaro tatar. Vape nine ma sembaro ria to manau, so sene tatar pasi. ²³Siniotu vemadidi Ja pai ma, miedidi Jai. ²⁴Masi aja Inanari pi siniotu vevesiei sipaya so sinanari va pesasi reto, amamo ima sembaro tatar. Vape nine ma sesajo pi Inanari pasi vura to manau, vape semadidi Jau tutir Jai. ²⁵Vape ima toa pana, ave imasi tutir kavo vevui nana sene Buku Hukum pai, riotu toapa; "Semadidi Jau nana kavo veve umaja pesa va". ²⁶Nari Jemias vetutir mia pai ma, riama nanapi Jai. I-ma Wainunu nari vetopa ariri vetindiya pai nanapi Sien Allah pa riama mamu, nari vie saksi so Jau. ²⁷E mia kota membe saksi so Jau, aso miama metutir Jau nanapi retena pa pana."

16 ¹Pininesi vura Itopanasi maso mia, ave amamo mesisui mia vurusu mene sanetiar pai vape moja. ²Nari sesuvir mia nanapi Anio Ari pasi. E nari raria pesi mamu siniotu vemun mia pasia, semamo ma setojo senanari vesie maso Sien Allah. ³Senanari toapa jana maso mia pa ma, aso aja senduin Jai tutir Ja varami pana. ⁴Vape nine ma Itopa nasi maso mia, ave nari pi ninesi sive diadi pa, mendum to manau toapa asi Itopanasi maso mia to manau pa.

SIEN NIE WAINUNU PAI NIENARI PIPA

⁵Kavo nine ma Itopa maso mia na retena pa va, aso Jaja Ina tutir mia pana. ⁶Vape nine ma nari Ira so viamias Ja pai, e sa mia esi duta Ira soa pa va, Nine ma nari mesanemi pa sikariria, aso Itopa kavo ne so mia pana. ⁷Vape Itopa veruana maso mia, toapa; "Vesie maso mia pa Ira pino, aso Ira va mamu, veve tolon pai sa riama so mia va." ⁸Riama mamu, nari tiopa veruana so dunia nei, nanapi tatar pai nie tarai pai, e nana vetindiya pai, e nanapi Sien Allah vie hukum pa. ⁹Nari tiopa veruana toapa, vesanemitiara Ja va mamu, ima veve tatar. ¹⁰Toapa Ja ma Itindija, aso Ja ma Ira so Jai e mia ma sa mesajo Jau ea va. ¹¹E Sien Allah dio vie hukum pana, aso veve ru so dunia nei siemuai hukum to manau. ¹²Pi pa pau rami, asi Jo Itopanasi maso mia pa, vape nine ma memarui so mesamuaisi pa varami. ¹³Vape Wainunu pai riama mamu, andi nari vieruana Sien Allah nanapi vetindija pai, e miama diedidin mia, ave mendum ariri vetindija pai. Sa kievo nanapi matauni Nie sane paya va, vape tiopana pi vitosi diediawasi to manau pa, e nari tiopanusara pi nari veve diadi nana raria dopui, maso mia. ¹⁴Andi nari kievo sasana Jau, aso vitoni tiopani maso mia pa, vie tirimasi na Jau. ¹⁵Pi venana Jai pasi vura ma Inesi, apa joma Ikavo e Jojo, vitoni Wainunu pai tiopani maso mia pa mamu, ima vie tirimasi nanapi Jau."

SUSA PAI PIEPONI SANE VESIE PAI

¹⁶"Worabua va so mesajo Jau ea va pa, e sa worabua va so mesajo Jau ea pa". ¹⁷Apa Jesus Nie murit pa esia, setuta vavera sia e setojo, apavo nie sanepaya wai toane, avori kievo so tata e diojo, worabua va so sa mesajo Jau ea va pa, e sa worabua va so mesajo Jau ea pa, avori toane tutir kavo diojo; Ira so Jai pa? ¹⁸Avori setuta ea so kavo diojo; "worabua va". Tanduin mojara kievo wa ma nana vito jo. ¹⁹Jesus ruin seto setutani pa, apa kievo e diojo; "Erine Ikavo e jojo, worabua va so, sa mesajo Jau ea va pa, e worabua va so mesajo Jau ea pa. Nine a menggavo vavera nana mia soa pae?" ²⁰Itopa so mia, nari mesale metamuaus, vape dunia nei nari sane vesasie. Nari membe susa, vape mene susa pasi nari siriwae sive diadi sane vesasie ea. ²¹Masi vavimbiavi pesi dio diavi, amamo vie susa, aso raria pai dieriasi so diemuaus pa pana. Vape ineri diavi atuma pai to manau, vavi pai piero nie amuaus pai, aso sane pa vesie so atuma pesi vie diadi mesu so dunia nei pa. ²²Apavo toa pana kota maso mia, ninema membe susa, vape nari Irama so mia riwa nea, amamo nari mesanemi vesasie e sa esi kior sane vesasie jani vurusu mia va. ²³Nana raria jani, amamo sa metuta nanusara piesa nanapi Jau ea va. Itopa so mia, mesau so Jai, nana pi vito vea, mesau nana sanone mamu, nari Jai diono maso mia. ²⁴Veito nine, aja mesau piesa nana sanone varami. Mesau, amamo nari mesamuai, ave amamo mene sane vesie pai miesi mo pe".

JESUS VIE UNTUN DUNIA NEI TO MANAU.

²⁵"Pininesi vura Itopanasi maso mia nana kavo sora-tarawa, vape raria pesi mamu, Ikavo nana kavo sora-tarawa ea va, vape Ikavo to masivu maso mia nanapi Jai pa". ²⁶Nana raria jani mamu, nari mesau so Jai nanapi sanone. Mendum toapa, sa Isau nana Jai so mia va, ²⁷aso Jai matauni sanepai mia pana. Sanepai mia so, mesanemipai Jau e, mesanemitiar toapa Irama nanapi Sien Allah pana. ²⁸Maite, Ja ma ivava nanapi Jai, e Irama so dunia nei to manau, vape nine ma Ivavu dunia nei, ave Isovera ea so Jai. ²⁹Apa Nie murit pa sia senggavo soi e setojo: "Janama Sie panau, kuevo to masivu, e kuevo nana kavo sora-tarawa ea va, ³⁰e amanduin toapa Sie panau ruin pi vura. Janama sa esi duta nanusara piesa nanapi Sie panau va, aso ama sanemitiar toapa Sien ruama nanapi Sien Allah. ³¹Apa Jesus kievo so sia e diojo, "Apavo jana ma mesanemitiar?" ³²Mesanemi paya! Nari raria pai riama, vape riama to manau, e nari memasasiepar, nari membavu so siri-siri nie anio pai e membavuru Jau e Imesari. Vape sa Imesari ea va, aso Jai andia tutir Jau. ³³Pininesi Itopanasi maso mia, ave amamo mesamuai vesie pai, aso membe siri tutir Ja pa, na dunia nei ma nari metamuaus

17 VAPE MESUN MESANEMI RARO PASI! ASO IVE UNTUN DUNIA NEI TO MANAU!" JESUS VIE NADI SO NIE MURIT PA SIA PA

¹Jesus kievo tojana so sia to manau pa, siasana re pasi tara rora wa e kievo e diojo; "Jai, janama raria pai miesi to manau. Buonave Atumui Jau, Isamuai som sanandika pai, ave amamo Atumui Ja kota Isom sanandik Jai Au kota pe, ²Ariri buono paya maso Jau, so pi saserai vetenam pasi pa. Toapana kota nari jono tenam viaworoi pai maso kaiwasa buono maso Ja to manau pasia. ³Nine ma tenan viaworoi pai na, toapa ave senduin Au ve Allah vetindia paini Au, e ave senduin Jesus Kristus buemiasa pai, andi Jau. ⁴Isom sanandik Au nana dunia nei to manau nanapi Ira nomu nanaripi buon maso Jau e Inanari pai, ⁵Apavo Jai, buona ve Ivediajara som sanandika pai maso Au, nana som sanandika Isamuai nanapi Jai nomu aropo pai, nanapi dunia nei aja vieva varami pa. ⁶Itopa veruana sanomu pa so kaiwasa vura, kaiwasaa buono maso Jau, nana dunia nei pa sia, e senggorusara nomu kavo pai to manau. ⁷Nine ma senduin toapa, pi buona maso Ja pasi vura ma sivava nana pa Au. ⁸Aso nomu kavo tuopana maso Ja pasi vura ma, Itoapanasi so sia to manau, e sembe tirimasi to manau. Senduin ve vatamo, toapa Irama nanapi Au, e sesanemitiar toapa, nomu amias pai andi Jau. ⁹nadi so sia. Maso dunia nei pa ma, piva. Ive nadi, vape maso siniotu buona so Ja to manau pasia. Aso sia ma nomu pa sia na. ¹⁰E pi Ine pasi vura ma, pi nomu sina, e pi nomu pasi ma pi ine sina, e isamuai som sanandika pai nanapi sia. ¹¹E sa Inana dunia nei ea va, vape siama asiaja senana dunia nei rami, e Irama so Au, Jai veve Sren panau, buo nanari sia nanapi sanomu pa, sanomu buona maso Ja to manau pai, ave amamo sembe siri ariri tata, ¹²Aja Ina tutir sia rami pa ma, Jo nanari sia nanapi sanomu pa, sanomu buono maso Ja to manau pai, Jono nanari sia to manau, e sia esi niai va. Mae ara vekutu to manau so vesamuai kariria pai Yudas Iskariot ave amamo masi tutira vevui nana Surat Repo pai pa. ¹³Vape janama Irama so Au, e Itopa ariri pininesi vura nana aja Inana dunia nei ramine, ave amamo Ine sane vesie pai vieruana to marui mo nanapi sia. ¹⁴Jono nomu kavo pai so sia to manau, e dunia nei miedidi sia, aso sia ma sembava nana dunia nei va pana. ¹⁵Isau ve amamo kuor sia vurusu dunia nei va, vape ave amamo vue war vedior sia vurusu kariria pai. ¹⁶Siama sembava na dunia nei va, ariri Ja kota Ivava na dunia nei va pa. ¹⁷Vue Sren sia nanapi vetindija pai; nomu kavo pai ma vetindija paina. ¹⁸Ariri buemias Ja mesu so dunia nei to manau pa, toapana kota Jemias sia mesu so dunia nei to manau. ¹⁹E Ive Sren Ine tarai nei maso sia, ave amamo sia kota sembe sren nana vetindija pai. ²⁰E Ive nadi maso sia mesari vea va, vape aso sene kavo aniau pasie, kaiwasa vesanemitiar Ja pa sia kota. ²¹Ave amamo sia vura sembe siri, ariri Jai Au nuanapi Jau e, Inanapi Jai Au pa, ave sia kota senanapi tata, ave dunia nei sanetiar, toapa Au buemias Jau. ²²E joma som sanandika buono so Ja pai, Joni so sia, ave amamo sembe siri, ariri tata kota tambe siri pa. ²³I-nanapi sia, e Nuanapi Jau, ave sembe siri ve vata mo, ave dunia nei ruina toapa; Au buemias Jau, e sanepai sia ariri sanepai Ja pa. ²⁴Jal, Isanemi vesie, uta topi Inana pa mammo asiaja kota senana jana tutir Jau, asia buon sia so Ja to manau pa, ave amamo sesajo Ine marawas pai, buono maso Ja to manau pai, aso sanepai Jau nana aja dunia nei nienari varami pa. ²⁵Jai vene sanepaya vetindija panau, vata dunia nei kiembarai ruin Au, vape Ja ma Iruin Au, mae nine siama senduin toapa Au buemias Jau, ²⁶E Itopa sanomu pa so sia to manau, e nari Itopanusari ave amamo, sanepaya buono maso Ja pai, kierakuai nanapi sesanemi raro pasi e Ive siri tutir sia.

18

SETAPUR JESUS PA

¹Jesus vie nadi tojana to manau pa, ria tutir Nie murit pa sia avaru so maria Kidron rawesi pa. Senda maso romi vemasasoi e vekor tavai nana pesi, apavo Jesus tutir Nie murit pa sia, sesua e senana uta jana. ²Yudas vevovo Jesus nei ma, ruin uta jana, aso Jesus tutir Nie murit pa sia, senduir ora nana uta jana pana. ³Apa Yudas kior tentara Romawi pa esia, e tutir siniotu vemasole vesajora anio Sie pai, imam Baba pa sia tutir Parisi pa sia setamias sia, apa Yudas kior siae senda so uta jana. Senggor pi mamunae padamara e obor. ⁴Jesus ma ruina pi nari veve diadi soi nesi vura to manau, apavo ria deriasi sia vori dutan sia e diojo; "Teini mesaserai pa?" ⁵Amana senduar soi e setojo; "amasasera Jesus siniotu Nazaret pai, apa Jesus ruar so siae diojo; "Ja nine mana!" Yudas vevovo Jesus pai andia diosa na jana tutir sia. ⁶Jesus kievo so siae diojo; "Ja nine mana", apa sia vura sesisui sia e setawa avav so kakopa wa. ⁷Avori Jesus dutan sia riwaneae e diojo; "Teini mesaserai pa?" apa senduar soie setojo; "ama sasera Jesus siniotu Nazaret pai". ⁸Apa Jesus kievo so siae diojo: "Itopa to manaue jojo Ja nine mana!" E, Ja mesasera Ja pa mammo, metituwa nine sia e sembavu. ⁹Kievo toapa jana pama, masi tutir kavo Jesus kievora papo to manau pa, toapa; "Jai nanapi siniotu buono maso Ja ne sia, sa esi niai va". ¹⁰Simon Petrus ni kior sumbe nina, apa piatini e dipera Imam Baba pai nie womi pai, apa taradiau rawa vata pai teitu vesiri, womi pai sano pa; Malkus, ¹¹apa Jesus kievo so Petrus e diojo; "Suosuruva riwana nomu sumbe pai nanapi nie sor pai. Apavo au ma muemo ma buojo, sa junu na gelas vetin marior Jai diono maso Ja nei vae?"

SENGGOR JESUS RASO HANAS PA

¹²Avori Tentara Roma pa sia tutir sene Komandan pai, tutir Yehudi pa sene siniotu viarama pa sia, setapur Jesus e setaviti na wangga. ¹³Retena pa senggoriso Hanas, Kayapas nioni mua paina. Mae Kayapas ma vie Imam Baba na taun jani. ¹⁴E, andi diono kavo sanepaya to manau so Yehudi pa sene veve Baba pa siapa, toapa; vesie pa siniotu pa siri vioru so kalwasa nei vura pa.

PETRUS PIORAS JESUS PA.

¹⁵Simon Petrus tutir murit pa sia esi, sunda usara Jesus, murit esi paima, imam baba pai siejo riruini, apavo sua tutir Jesus apui so Imam Baba pai nie anio pai repo vorira pa. ¹⁶Mae Petrus ma dienota na rature sore vorira wa. Janama murit esi vevesiei pai suvi ari so vorira wae, kievo tutir vavi viarama nana rature sore pai, avori kior Petrus apui so rarowa. ¹⁷Vavi viarama na rature sore pai, kievo so Petrus e dicjo; 'ai, jokama au ma siniotu vera usara siniotu wanipa esi ni au mana?' amana Petrus dioja; "Piva", ¹⁸Nana diru jani ma uta pai riewas, apavo vavi viararna pa sia, senduri adia pai e senggaruri na jana. Apavo Petrus ria so wana e diosae kieruri tutir sia

IMAM BABA PAI DUTAN JESUS PA

¹⁹Imam Baba pai dutan Jesus, so nie vera usari pa sia, e nana nie aniau pai. ²⁰Jesus ruar so Imam Baba pai e diojo; 'Ikavo tawana to masivu maso kaiwasa vura. Jeniau tawana nana Anio Ari pasi, e nana Sien Allah nie anio pai, uta kaiwasa Yehudi pa sia, sesoruir sia nana pasi. Aja Itopa piesa aniwara va. ²¹avori aso vitopi tuani buta Ja pa? Butana pa sia, viadiawa Ine kavo aniau pa sia. Ima senduin vitopi Ikavora pa". ²²Jesus kievo toapa jana pa, pegawai viosa na jasia esi, biasari e dinggavora e diojo, vue barani vesiri pa kuevo tojana maso Imam baba pai pa! ²³Apa Jesus kievo sol e diojo: "Masi Itopa piesa e vesasara, amamo tuopa veruana vesasara pa, mae Ikavora pa tindija mano, aso vitopi buasar Ja pa?" ²⁴Vipuia pa Hanas diemiase senggor Jesus tutir wai wangga vinggasiesi pasi aso Kayafas, Imam baba pai.

PETRUS PIORAS JESUS RIWANEA

²⁵Simon Petrus andia diosae kieruri adia kota na jana, apa esia senggavo soi e setojo; 'Jokama au kota, ruausara siniotu wani mana? amana Petrus piorase diojo; 'Pival' ²⁶Imam baba pai nie womi pesi, siniotu Petrus piera tuwa vene taradiau pai, nie neta pa esinina, kievo e diojo; joka isajo au nana romi vemasasoie vekor tavai nana pai, tutir I-mana?" ²⁷Amana Petrus pioras riwanea e diojo; 'Pival' e diam jani kotae kokori pa sisau.

SENGGOR JESUS RA SO PILATUS PA

²⁸Sapa mo pa, senggor Jesus nana Kayapas nie anio pai ra, so Gubemur pai nie istana pai. Yehudi pa matau sia ma sa sesua na istana pai va, ave amamo seter rariai vape moja, ariri atoran agama Yehudi pai pana, aso seto setan pisias Paska pai pana. ²⁹Apa joma Pilatus suvi ari so siae duta sia e diojo; avo membe karak siniotu nei so vito? ³⁰Apa senduare setojo; masi viero sasara mamu, sa amanggori maso aisinia Gubernur pa au va. ³¹Apa Pilatus kievo so siae diojo; menggori e membe urusi ariri matau mene atoran agama pasi, amana kaiwasa Yehudi pa sia setojo; ama ma sa amambe hukum siniotu e voru va. ³²Nine ma ave toa pana, ave masi tutir Jesus nie kavo pa, aso nari Nie voru pai vieva pa. ³³Pilatus sua riwanea so nie istana pai e siau Jesus, avori dutani e diojo, Yehudi pa sene Raja pai, andi Aue? ³⁴Apa Jesus ruar soi e diojo, apavo kavo butana vedia ma ra nanapi mataun au te, siniotu vevesiei ni tiopanusara Jau so au e? ³⁵Pilatus ruar so Jesus e diojo, avo Ja Yehudi ni jauwe? Vevova Au so ja pasia, mataun nomu kaiwasa pai e imam veve ru pa sia, apa vitoni nuenari pa? ³⁶Apa Jesus kievore diojo; "Ine kerajaan pai ma riama na dunia nei va. Masi Ine kerajaan pai riama na dunia nei, amamo nari Ine kaiwasa pai, mun vedior Jau, ave amamo sesiwa Ja so veve baba na Yehudi pa sia vape moja. Vape aso Ine kerajaan pai ma riama nana dunia ne va pana!" ³⁷Apa Pilatus kievore diojo, tojana pavo Raja ni Aue? Jesus ruar soi e diojo; "Ariri kuevo pa, toapa Raja ni Jau". Apa joma Ive diadi e Ira mesu so dunia nei pa, tutir ria nina, ave amamo vetopa veruana vetindiya pai. E siniotu venanapi vetindiya pai ma diediawa Jau." ³⁸Apa Pilatus dutani e diojo, vetindiya pai ma vito nina? Janama Pilatus suvi riwanea nanapi nie istana paie kievo so kaiwasa Yehudi pa siae diojo, isamuai vesasara pesa nana-l va.

JESUS TIERA HUKUMAN VORU PAI PA

³⁹Vape ariri mene buai pai mamu, nana Raria Baba Paskah pasi mamu, isuvir siniotu vesamuai hukume venana bui pesi, apavo mesnemi vesie isuvir Raja Yehudi nei maso miae? ⁴⁰Amana senduare setisodiaya e setojo; 'Piva, I-ma moja, vape Barabas'.

19 Sesisiajara Jesus e sesarap soi pa¹Janama Pilatus sua, avori diemias siniotue sendora Jesus. ²Tentara pa sia setanu makota pesi (topi raja) nanapi wai veve sina, avori setonae Jesus tiaruvi. Manaupa janama setonae siesuni nanapi sasus veve sianggono. ³Avori sendama soie setojo; "Tabe so Raja Yehudi pa nau", avori janama sebasari. ⁴Manau na jana pa Pilatus suvi riwanea e kievo so kaiwasa pai, e diojo, ite mesajo! Isuviri maso mia, ave amamo menduina toapa isamuai sasara pesa nana-l va. ⁵Apa Jesus suvi, amana setonae tiaruva makota vianu nana wai veve sina, e sesasuni nana sasus baba juba veve sianggono nina. Avori Pilatus kievo so siae diojo, mesajo siniotu pai jana! ⁶Imam baba pa sia tutir siniotu viarama pa sia sesajori pa, setumie setojo; "Pia na akitabai pai, pia na akitabai pai!" Apa Pilatus kievo so siae diojo, Menggori matau mepai na akitabai pai, aso ja ma isamuai sasara pesa nanai va pana. ⁷Kaiwasa Yehudi pa senduar e setojo; "ariri amane hukum agama nei mamu, siemuai hukuman voru pai, aso diasan riwani ve Allah atu nina pana.

⁸Pilatus diediawa senggavo tojana pa, mietai veito. ⁹Apa sua riwanea apui so andiraro vekutu kavo pai, e senggor Jesus apui, avori Pilatus dutan Jesus, e diojo, vuela na topina? Vape Jesus dinggavo va. ¹⁰Apa Pilatus kievo riwanea e diojo, kuembarai kuevo tutir jaue? Auma muemone, ja ma isamuai hak so ikavo rera au pa, e hak so pua nana aitabat pai! ¹¹Apa Jesus ruar soi e diojo, 'Masi Sien Allah diono hak jani maso au va mamu, sa suemuai hak vekutu kavo so Ja pa va, apavo siniotu vevovo Ja so au pai ma, nie tatar pai bieba rawai nanapi au". ¹²Pilatus diediawa kavo nine pa, dio siesera ve Jesus tieisu vurusua, amana kaiwasa Yehudi pa sia, setananar e setojo; Tuani, buojo buonae tieisu vurusua mamu, Tuani au ma sa vuela maneta tutir kaisar pai val Aso siniotu verusasana riwanea e veve Raja pai ma, dio siesera marova tutir Kaisar pail ¹³Pilatus diediawa kavo nine pa, kior Jesus ari so vorira wae, dionae miesol nana kursi pengadilan vekutu kavo pai nanapi uta vesanomi na Dui Rovuki nana kavo Ibrani mamu, Gabata. ¹⁴Raria jani ma vare diam surae muandu raria pai, nanapi aja raria Paskah pai varami. Apavo Pilatus kievo so kaiwasa pai e diojo, mene Raja pai nine! Amana kaiwasa pai ¹⁵Dumi e diojo: "Memunil Memunil Metavakiri na aitabat pail Apa Pilatus duta ea e diojo: apavo ja jevakira mene Raja nei e?" amana Imam baba pa sia senduare setojo; 'amane Raja pai andi Kaiser pai miesari, ¹⁶Apa Pilatus siwa Jesus so sia, ave sepai na aitabat pai. Apa senggor Jesus, e senda.

JESUS PIA NA AITABAT PAI PA

¹⁷Jesus suvi na wana pa, matau sieriuwa nie aitabat pai raso uta vesanomi na: "Uta siniotu ru", nana kavo Ibrani mamu, Golgota. ¹⁸ave sepai na aitabat pai na wana. Sepai na aitabat pai tutir siniotu pa sumbe muandu kota; esi pai na rawa sara pa, e esi pai na rawa vata pa, e Jesus nana rabua. ¹⁹E, Pilatus diemiase sembui kavo pesa e setavakira nana Jesus nie aitabat pai rawa vavo pa, e rotu toapa nine: "Jesus Siniotu Nazaret pai, Raja Yehudi paina". ²⁰Yehudi pa sepau setiap kavo vevui ne, aso uta setavakir Yesus nana pa vekasau na kota pai va. Kavo ne vui na kavo Ibrani e, kavo Latin, e kavo Yunani. ²¹Imam baba pa sia, sesau so Pilatus, ave amamo vui e diojo, Raja Yehudi pai nine vape moja, vape vui e diojo, Siniotu nini kievo e diojo, Raja Yehudi pa ja nine. ²²amane Pilatus ruar so sia e diojo, vitopi ivui to manau pa, vata pana to. ²³Tentara pa setavakira Jesus to manau pa, senggor nie sasu pasi senduwasa sasu pasi ve at, ave siri-siri siemuai. Senggor nie sasu baba juba pai, Sasu baba juba pai ma, diawar va, sesuni nana vavo wa ravav so dou wa. ²⁴Tentara pa senggavo vavera na sia e setojo, sasu baba juba nei ma, tanggutui vape moja, vesie pa tandut onde soi, ave amamo veruana teini nari siemuai pa. Kavo nine ma ave imasi ariri vevui na Surat Repo pai to manau pa toapa, Sembov Ine sasu pasi ariri sia e, sendut onde so ine sasu baba juba pai. E. tentara pa sia senanari ariri kavo nine. ²⁵Jesus siniani tutir siniani neta katu pai, Maria Keliopas vinie pai e Maria Magdalenai asijaja setosa siwara Jesus na Nie aitabat pai. ²⁶Apavo Jesus siejo siniani tutir nie murit sanepaya pai diosa siwari pa, kievo so siniani e diojo: "Mai, nomu aturna pai andi jana, ²⁷Janama Jesus kievo ea so Nie murit pai e diojo: "Siniamui andi jana". Apa na rabua jana kota e murit pai vie tirima Jesus siniani e miesoi tutiri na nie anio pai.

JESUS NIE VORU PAI,

²⁸Jesus ruin to manau toapa ninerna vurae simasi to manau, e ave vitosi sivui nanapi surat Repo pai pa, simasi ariria, apa kievo e diojo; "Raone parai", ²⁹Apavo mok vesara anggur vesiasa pesi dionue tur na jana apa sesuan bunga karang pai nana anggur vesiasa pai, avori setisa suruvi na ai hisop arawa pai, e sesiwi ajai so Jesus sore pa. ³⁰Jesus dunu anggur vesiasa pai to manau pa, kievo e diojo: "Manau pana". Janama kiasir ru pa e voru.

SETISA JESUS PA

³¹Veve Baba nana Yehudi pa sia, senggambarai wominggo sepa na aitabat pesi dievakir na aitabat pai veitoro raria Sabat pai va, avori raria Sabat pai ma, raria baba atapua nina. Aso raria Yesus pia nana aitabat pai pa ma, tiera nana raria Sabat pai varami pa, Yehudi pa sia sesau so Pilatus ave amamo sendora kasira siniotu sepa nana aitabat pa sendaemi-sina pasi e sembiar wominggo pasi vurusu aitabat pasi. ³²Apa tentara pa senda sendora kasira siniotu muandu sepa nana aitabat tutir Jesus pa sundaemi pasi. ³³Janama sendama so Jesus, e sesajo mana voru to manau, apavo sendora kasira ae pasi va. ³⁴Mae tentara pa esi ni disani nana sanai-nioi pai na kasire pa, apa veria pai tutir kambu pai susuvi. ³⁵Siniotu matau vesajo vava jani, andi tiopana vava jani ave mia kota mesanemitari, e nie kavo ne ma ve vata, e ruin toapa vata. ³⁶Kavo ne toapa jana, ave amamo imasi ariri vevui nanapi surat Repo pai pa, toapa: "Nie sina pasi ma sa esi diotu va. ³⁷Vevui na Surat Repo pai kota, toapa: "Nari sesasiri, siniotu setisa to manau pai."

SEPIR JESUS NANAPI PAPI PAI PA.

³⁸Manau na jana pa, Yusup nana aniose Arimatea ria siau so Pilatus, ave amamo senggor Jesus nie tarai vevoru pai. Yusupi ma siniotu verausara Jesus pa esinina, vape dienaniwa, aso mietai veve baba na agama Yehudi pa sia pana. Apa Pilatus mijar soi, apa janama ria kior Jesus Nie tarai vevoru pai. ³⁹Nikodemus papopae verama so Jesus na diru pai, ria kota usara Yusupi. Nikodemus kior mani vesairara-mur tutir gaharu, siruir e pau pa vare kilo siniotu sirie verawai sura. ⁴⁰Janama sengggor Jesus nie tarai vevoru pai e sutavani nanapi sis kapan sis vitavana wominggo tutir mani vesairara pasi,

ariri Yehudi pa setone buai pa. ⁴¹Nana uta setavakir Jesus nana pa, asiwar romi vemasasoi e vekor tavai nana pesi, nana romi nini, senanari papi vavoru pesi nana. Papi jani ma, aja sepir wominggo pesi nana warami. ⁴²Aso papi jani dieriasi pavo, avori raria Sabat pai seto setindai pana, apa sepir Jesus na papi pai, nana wana.

20

PAPI VEVERERI PAI

¹Nana raria ari pai sapa pa, aja kumuar rami pa, amamo Maria Magdalena ria ea so papi pai pa, siejo mana rovuki visioria pai tiekias vurusu kamberei papi pai sore pa. ²Apa diepai e siesera Simon Petrus tutir murit Jesus sanepaya pai, e tiopa so sandue diojo; senggor Sie pai vurusu papi pai e iruin mojara senggori sepiri na pa. ³Apa Petrus tutir murit esi pai, sunda so papi pai. ⁴Apa surapai, vape murit esi pai, andi mieraru nanapi Petrus e andi piepo aso papi pai. ⁵Apa tira apui so papi pai, amana siejo vei sis vitavani pasi sivata na wana pa, vape su apui va. ⁶Simon Petrus ma ria vepuiya, vape sua nana kamberei papi pai. Siejo sis vitavana pasi sivata na jana. ⁷Vape sis vekasie na Jesus ru pai ma viata siwari va, mae senggaparie viatae vekasau. ⁸Avori janama murit vepapo so papi pai, diosua kota, siejo pa janama sanetiar. ⁹Veitoro raria jani, aja senduin ariri, kavo vevui na surat repo pai varami, toapa; 'nari siobatai na voru pai pa.

JESUS VIERUANI SO MARIA MAGDALENA PA

¹⁰Manau pa janama, Jesus Nie verausari pa sia sembavu. ¹¹Maria Magdalena diosa nana papi pai rature sore pai e siai, apavo siai e disio rao pa apui so papi pai. ¹²Apa siejo malaikat pa sumbe muandu, susasun sandu nana sasu vemamara. Sumasoi nana Jesus nie tarai vevoru pai reu viata nana pa, esi pai niana rawa vetara ru pa, e esi pai niana rawa vetara ae pasi. ¹³Malaekat pa surutae surojo; "Vavi, suai so vito?" amana Maria diojo, ine Sie pai senggori! E iruin moja sepiri na topina pa. ¹⁴Kievo to jana tomanaue, siejo tara karu pa mana siejo Jesus andia diosa na jana. Vape ruin so Jesus andina pa va. ¹⁵Apa Jesus dutani e diojo; "Vavi suai so vito? Vavi suesera teina?" Maria miemo ma diojo vene romi pa esi nina, apa kievo soi e diojo: "Aisiniai, au kuori vurusu nine, amamo tuopa ariri uta topi kuoria viata nana pa, ave amamo ira ikori pe. ¹⁶Amana Jesus kievo soi e diojo; "Maria!" apa Maria mienawer so Jesus, avori kievo nana kavo Ibrani e diojo: "Rabuni!" amamo; "Guru", amana Jesus kievo soi e diojo: ¹⁷"Rut Ya vape moja! aso aja isajai so Jai varami pana, vape rua so Ine maneta pa sia, e tuopa so sia toapa; "Nine ma Isajai so Jai e mene Jai nina, Ine Allah pai e mene Allah paina". ¹⁸Apa janama Maria ria e tiopa so Jesus Nie murit pa sia toapa; "Siejo Sie pai to manau e Sien tiopa pininesi vura soi to manau".

JESUS VIERUANI SO NIE MURIT PA SIA PA.

¹⁹Nana raria ari jani kota, e diru to manau, avori Jesus Nie murit pa senduir nana anio pesi, e rature pasi sisioria, aso sematai veve baba na Yehudi pa sia pana. Worabua vamaana Jesus riama diosa na sene kasau rabua pa, e kievo e diojo; "Vesie pai e, Vemanasi pai, riama so mia vura". ²⁰Kiev toapa jana to manau pa, dioisara varava pasi tutir kasire pai. Sesajo Sie pai pa, sesanemi pasi siete vesiri. ²¹Avori Jesus kievo so sia riwane e diojo; "Vesie pai e vemanasi pai riama so mia vura!" ²²Ariri Jai diemias Ja pa, toapana kota Jemias mia, avori siovuana sore wojou pai so sia e dinggavora e diojo; "Menggor Sien Allah Nie Wainunu nei. ²³Masi membe ampon esi nie tatar pasi mamu, Sien Allah kota vie ampon i. Mae membe ampon esi va, nana nie tatar pasi mamu, Sien Allah kota sa Vie ampon va.

JESUS TUTIR TOMAS

²⁴Tomas Sesauve si kembar pai, Jesus Nie murit suraemuandua pa sia esi nina, ruir tutir esi pa sia va, nana Jesus riama so sia pa. ²⁵Apa murit esi pa sia setopa so Tomas, e setojo, ama sajo Sie pai to manau! Amana Tomas ruar so siae diojo: Aja isajo paku reu venana vara pasi varamie, ipir varakia nesi nana kapor paku reu pasi e, aja ipir vara nesi nana kapor reu venana kasire pai varami mamu, kasa isanemitiar va!" ²⁶Ari siri kiara, avori Jesus Nie murit pa sia, senduir nana uta jana ea, e Tomas andija kota. Rature pasi vura sive kunci, vape Jesus ria diosa na sene kasau rabua pa, avori kievo so siae diojo; "Vesie pai e vemanasi pai riama so mia!" ²⁷Avori Jesus kievo so Tomas e diojo; "Suejo vara nesi, e pir varakia pasi nana nine. E suorana varamu pa ma pir na kasire ne, e sanetiar kawawaru vape moja, vape ineri sanetiar-mo!" ²⁸Apa Tomas kievo so Jesus e diojo; "Ine Sie panau e Ine Allah panau!" ²⁹Apa Jesus kievo so Tomas e diojo; "Aso suejo Jau to manau pa sanetiar pa. Vape vesie maso siniotu vesajo Ja vae vesanemitiar pai!"

BUKU NINI NIE RIA PAI

³⁰Pitandor pa esasia sipau, Jesus vieruanasi maso nie murit pa sia, vape sivui nana buku nini va. ³¹Vape ninesi vura sivui, ave amamo mesanemitiar toapa Jesus ma Raja viono Slamata, Allah atu paina, e aso mesanemitiar I pa, mesamuai tenam pai pa.

21

Jesus vieruani so nie murit rime muandua pa siapa¹Manau na jana pa, Jesus vieruani riwanea nana ruru Tiberias, maso Nie murit pa sia, nie topanusara pai toapa nine. ²Raria pesi pa Simon Petrus, Tomas sesau ve avi kadidui pai, e Nataniel nanapi aniose Kana na uta Galilea, e Sebedeus atu pa sia, e murit vevesiei verausara Jesus pa esandu, setutir sia. ³Avori Simon Petrus kievo so siae diojo; 'jo ira isasera dia, apa senggavo soi e setojo, amanda usara au. Apa senda sesa na wa pai. Vape diru woroi pai ma setimu piesi va.⁴Veitoro wor pai dio sia, apavo Jesus diosa na sasi dere pa, vape senduin so Jesus nina pa va. ⁵Apavo Jesus kievo so siae diojo; "Atumai, avo ka mesamuai dia pesie?" amana senduar e setojo; "Ka pivai!" ⁶Apa Jesus kievo so siae diojo; "Tojana mammo, mengge diara pai nana wa pai rawa vata pa, amamo nari mesamuai dia". Jana ma setetap diara pai, vape sesarap bariwi va, aso dia pai piau veja.⁷Apa murit Jesus sanepaya pai kievo so Petrus e diojo; "Sie paina!" apa Petrus diediawa toapa, Sie paina pa, siesuni aso kiekavir pana avori kiopae dias arei. ⁸Janama murit esi pa sia sembo na wa pai arei e sepapara diara vionu tutir dia pai. Sembe kasau rei pa mova, nari meter utin siri vea. ⁹Sembiar nana wa pai pa, sesajo adia vian to veve kaesa pesi na wana, tutir dia pesi niana tutir roti pesi.¹⁰Apa Jesus kievo so siae diojo; "Ite menggor dia katu erine metapur pa esasi ma, ¹¹Apa Simon Petrus sia so wa pai, avori sierap diara pai arei so reiwa. Apa diara pai dionu so dia baba vei vea e sipau pa utin sirie siniotu muandu e sura e toru. E sipau tojana vape diara pai mietotap va.¹²Janama Jesus kievo so siae diojo; "Mendama metapi!" vape Nie murit pa sia esi mias e duta va, toapa; 'Avo teini Au?' aso senduin toapa Sie pai na! ¹³Avori janama Jesus ria dieriasi sia, e kior roti pai e dioni so sia. Nienari toa kota tutir dia pai. ¹⁴Ninema Jesus vieruana ve torua pana, maso nie murit pa sia nanapi siobatai nana voru pai pa.

JESUS TUTIR PETRUSI

¹⁵Janama setapi to manau pa, Jesus kievo so Petrusi e diojo; "Simon, Jonai atu pa nau, avoka sanepai Jau rawai nanapi ara ne sia sesanempai Ya pae?" Apa Petrusi ruar so Jesus e diojo; "Sie panau, ima vata, Sie ruin isanemi pai Aupa. Avori Jesus kievo soi e diojo; "Buevut Ine domba nesi". ¹⁶Jesus duta riwanea ve muandua pa, e diojo; "Simon, Jonai atu panau, avoka sanepa Jaue?" apa Petrusi ruar soi e diojo; "Sie panau, ima vata, Sien Au ma ruina isanemi pai Au pa! apa Jesus kievo soi e diojo; "Buevut Ine domba nesi!"¹⁷Jesus dutani ea ve torua pa, e diojo; "Simon Jonai atu panau, avoka sanepal Jauwe? Apa Petrus sanepa kariria, aso Jesus dutani ve toru mo pana. Apa Petrus ruar riwanea e diojo: "Sien, Au ma ruin pi vura, Sien ruin isanempai Au pa!" Janama Jesus kievo soi e diojo; "Buevut Ine domba nesi!" ¹⁸"Itopa so au vevatamo, rabua aja vevoru pa, matau kuesie riwana nomu kavavirai pai, e rua so topina vea ariri nomu sane vesie. Vape nari rabua vue masa to manau mammo, nari buora varamu pasi, e siniotu vevesiei sia senggase nomu kavavirai pai e, senggor au so uta topi kuembarai rua soa pa".¹⁹Jesus kievo tonine pama, tiopa veruana Petrus nari vioru e vie pisom sanandika, so Sien Allah pa. Manau na jana pa, Jesus kievo so Petrus e diojo; "Rua usara Jau!"

MURIT JESUS SANEPAYA PAI

²⁰Apavo Petrus mienawer tara karupa, amana siejo murit Jesus sanepaya pai, andi miesoi siwar Jesus nana setapi pa e andi dutae diojo; "Sien, teini nari viov Sien Au pa?" ²¹Petrus siejori pa duta Jesus e diojo: "Sie panau, toane tutir siniotu nini?"²²Amana Jesus ruar soi e diojo: "Masi Imajar mammo, tienam veito Ira ea ma, nine ma nomu urusan nina va, vape au ma, rua usar Jau!" ²³Apa kavone ve topanusara nanapi Jesus Nie murit pa sia, toapa murit nini ma sa vioruva. Arorae Jesus ma kievo toa va, toapa murit nini ma sa vioru va pa, mae kievo e diojo; "Masi Imajar toa mammo, tienam veito Ira ea ma, nine ma nomu urusan nina va".²⁴Yohanes andi diono kesaksian nanapi kavonines, andi vuksi kota. E, tanduin toapa pi vitosi tiopanasi pa mammo, ima sive vata. Kavonines vemanau pa. ²⁵Jesus pi nienari pasi asia sipau rami. Masi sivui atitieri vura mammo, isanemi pai toapa, nana dunia nei vetutira, sa miesi va, so vepir buku nari vevui nesi pa.

Para rasul

1 RASUL PASIA SENE NANARIPI PAI

¹Teopilus, nana ine buku retena pai pa, itopana ariri to manau nanapi Jesus pi nienarie, dieniau nanae, nana rabua ria nie nanaripi pai retena pa. ²Veito raria sia so rora pa. Aya sia so rora wa warami pa, dioisara ariri pi nana Wainunu Sren pai nie paya pai, maso nie Rasul diria pasia pa, ³Jesus vioru to manau pa, raria siniotu muandua pasi ma dioisari to veruana vesiri maso Rasul pasia toapa; vatamoe tienam. Sesayorie kievavo tutir sia nanapi, Sien Allah tutir Nie Kerajaan pai.⁴E nana raria ruir tutir sia pai pa, tiopa so siae diojo; "Sa membavu vurusu Kota Jerusalem va. Metanota nana jana, veito Yai diono pi dierera pai. Pi itopana papo so mia to manau pal. ⁵Aso Yohanes ma sioiv mia nanapi kambu, vape rariapau va, amamo nari mesoiv Wainunu Sren pai".

JESUS SIA SO RORA PA

⁶Rasul pasia senduir sia tutir Jesus pa, setutanie setoyo, "Sie panau, apavo janama buo vuan riwana Pemerintah israel pai pana pe?" ⁷Amana Jesus ruar so siae diojo; "Ima Yai matauni, andi kutu ariri raria pai. Apavo mia ma sa menduin va. Aso ima Yal matauni, nanapi dione paya pai. ⁸Vape mia ma, Wainunu Sren pai viar mesu so mia to manau mammo, nari

mesamual paya. Amamo nari membe saksi so Yau, nana Jerusalem, nana Yudea vetutira, nana Samaria, ra so dunia nei sope wa".⁹Jesus kievo toapa yana to manau mana, tiesiasa so rora wae Rasul pa sia sesayousari. Amana arepa pai ria tievun vediori. Apa setisayori ea va.¹⁰ Asiaya setosae sesayo sasana so rorawa, so Jesus sia pa, amana worabuavae siniotu pa sumbe muandu, susasun sandu nana sasu vemamarae surosa siwara Rasul pasia.¹¹Avori sunggavore suroyo; "Avo siniotu Galilea ne mia, aso vitopi metosa veivea nana yanae mesayo sasana rora wa pa? Jesus mesayorae vesa so rora wai, nari sioverai ea ma, ariri erine mesayo sia so rora wa pa".

SETIRI SINIOTU VERIWA YUDASI PA

¹²Janama Rasul pasia sesovera nana suovavo Saitun e senda so Jerusalem. Suovavo Saitun vekasau nana Jerusalem pa, vare kilo meter siri.¹³Sesovera so Jerusalem pa, sesayai so anio senana pai, andiraro venana vavo pai. Rasul pasia; "Petrusi tutir Johanesie, Jacobus tutir Andariasie, Pilipus tutir Tomasie, Bartolomeus tutir Matiusle, Jacobus-Alpius atu paie, Simon Patriot tutir Judas, Jacobus atu pai".¹⁴Sia vura sesanemi sirie sembe nadi tawana. Sembe nadi tutir vavi pasia, e tutir Maria Jesus siniani, tutir Jesus neta katu pasia.¹⁵Raria pesi pa senduir ea, apa sepau pa vare sembe utin sirie siniotu siri. Avori Petrusi biataie klevo. Kievore dioyo;¹⁶"Maneta pa mia | Pi vitosi sivui nana surat repo pai pa, nari simasi ariria. Papo Dauti pa, Wainunu siniotu vepapon riae vetapur Jesus pai. Sren pai tiopa veruana Judasi,¹⁷Judasi ma tata esi nina, I ma diri to manau kota, ave amamo nienaripi tutir tata".¹⁸Judas nini ma siemual kakopa kubir to manau, nanapi nie vait so kariria nienari pai. Apa tlawae vioru, e sane pai miesabu to sane wai pasi sisuvi vura.¹⁹Kaiwasa venana Jerusalem pasia vura, senduin kavo nine. Apa joma sesau kakopa yana nana sene kavo mammo setoyo; "Akeldama". Tandiwa nana tene kavo mammo, "Kakopa veria".²⁰Aso nanapi buku Mazmur pai pa vevui toapa nine, "Ave amamo uta nienaripi nana pa vatae seya, siniotu pesi niana vape moja". E, 'ave amamo nie nanaripi pai diono so siniotu vevesiei pasi".²¹Apavo siniotu pesi tutir tata ea, ave amamo vie saksi toapa Jesus tienam rivanea nana voru pai. Siniotu yanima, siniotu veruir tutir tata tawana pesi, nana rabua tanda usara.²²Jesus na nie rara pai pa, nana retena Johanes diono kambu Sren pa, veito raria Jesus sia so rorawa vurusu tata pa".²³Apa kalwasa veruir pa sia, setap siniotu pa sumbe muandu, Jusuf sesauwa ve Barabas pai sesawi ve Yustus kota, tutir Matiasi.²⁴Apa janama sembe nadi e setoyo; "Sie panau, Au ma ruin siniotu pasi sisanemi raro pasi, Judasi tiawa vurusu nie nanaripi Rasul pai, e vioru to manau.²⁵Apavo vueruana so ama, nanapi siniatu muandua ne sandu, nari teini Sien biri, ave amamo ria nanaripi pai, riwana Judasi.²⁶Janama sendut onde so sandu. Apa onde pal tieria Matiasi. Apa setindu sasanie vie Rasul, ave amamo kiota Rasul suraesiri esi pasia.

2

WAINUNU SREN PAL VIAR PA

¹Nana raria Pantekosta pai pa, siniotu vesanemitiar pasia senduir sia nana uta pesa.²Worabua va mana piesi riotu e kuya anri diobara, viar nana rora wa mesu so anio senduir sia nana pai.³Apa sesajo piesi vieva ariri adia veveviare siser naria sendumi pasi.⁴Apa Wainunu Sren pai siasal nana sia vura, e senggavo nana kavo sasera vevesiei, Senggavo ariri pi vitosi Wainunu Sren pai tiopana maso siae senggavo na pa.⁵Nana raria yani, kaiwasa Jehudi pasia nanapi uta vura, senduir nana Jerusalem. Slama kaiwasa vektorusara Sien Allah pasiana.⁶Setadiawa pi verotu pai pa, kaiwasa pa sepau vesiri, sesorum. Apa setandor vesiri so setadiawa Rasul pasia senggavo nana kalwasa vesorum pasia, sene kavo pasi pa.⁷Setandor to setanuare setoyo; "Siniotu vekavo nine sia vura ma, siniotu Galilea siana mana?"Aso vitopi tatadiawa senggavo nanapi tane kavo nesi pa?⁸Kavo Partia, Media, Elam, nana Mesopotamia, Judea tutir Kapadokia, nanapi Pontus tutir Asia,¹⁰nanapi Pirgin tutir Pampilia, nanapi Masir tutir uta esi pasi nana Libia vederiasi Kirene; vera nana Roma pa tata esia.¹¹Siniotu Jehudie, tutir siniotu vevesiei vesua nana agama Jehudie; esia kota senda nana Kreta tutir Arab. Tata vura tatadiawa senggavo nanapi tane kavo pasi, e senggavo nanapi pivotandori Sien Allah nienari pasi.¹²Setandor to setanuare setuta vavera siae setoyo; "Avo tonine mammo toane?"¹³Amana esia kota senggavo sisiayara siae setoyo, "Owa, sua pa simun sia pana",

PETRUS NIE KAVO ANIAU PAL

¹⁴Janama Petrusi siobataie diosa, tutir Rasul suraesiri esi pasia, avori kievo so kaiwasa pai. Kievo to babae dioyo; "Maneta pa mia, kalwasa Jehudie, tutir kaiwasa venana Jerusalem pa mia vura I Metadiawa to vesie mo, aso yo itopananiriri kavo ne maso mia.¹⁵Siniotu ne sia ma sua si simun sia ariri menggavo vedia va; aso erine vori Jam rimeat sapa ne,¹⁶Vape Sien Allah tiopana kavo ne to manau, nanapi nie Nabi pai Yoel, toapa;¹⁷Sien Allah dioyo; "Nana raria dopui mammo nari isovuvu ine Wainunu Sren pal maso kaiwasa vura. Mene atuma mua pasia tutir atuma vavi pasia, e setopanusara pi itopana so sia pasi maso mia. Mene atuma vavoru pasia, nari sesayo pi iveruana so sia pasi. E mene baba pasia, nari setanamiya nana anamiya iveruana so sia pasi.¹⁸Maso ine amias pasia kota, mua to vavi, nari isovuvu ine Wainunu Sren pai nana raria yasi.¹⁹Nari jona pi viotandori pesasi, nana vavo rorawa, e pi vindawaina mo pesasi nana dou kakopa ne, e veria pai tutir adia pal, e wojou vemas pai tutir adia wojou pai.²⁰Wor pai nari kumuar, e sembai pai vie sianggono ariri veria, nana Sien nie raria pai riama varami pa. Raria baba viomataiti pai.²¹Nana raria yani, teini diananar Sie pai sano pa mammo, nari siemual vesie pa."²²Ine maneta kaiwasa Israel pa mia | Metadiawa kavo ikavora ne; Jesus siniotu Nazaret pai, Sien Allah diono nanaripi maso I, aso mia, I ma vieruana vesiri nanapi pi viotandori tutir paya Sien Allah nienari maso

mia, nanapi Jesus pasi. Vurae mataun menduinas to manau.²³Sien Allah kutu nanapi matauni Nie sanepaya pai, ave siwa Jesus maso mia. E raria siwi maso mia pai, memuni nanapi ria: mesiwi ea maso siniotu vetatar pasiae sepa-l, nana aitatav pai.²⁴Vape, Sien Allah dionae tienam riwanea, e siobatai vurusu vevoru pasia. Voru pai tioni, vape Sien Allah tieriri vurusua, aso voru pai sa piaya so rutawani pa va.²⁵Dauti kievo kavo soratarawa pesie tera Jesus, e dioyo; 'Truin Sie pai andia tutir Yau; e dieriasi Yau, ave amamo plesa onae imanawar vape moja.²⁶Apajoma sanerarone vesasiene, sorene suvira som sanandika e ine tarai nei dienota, tutir vesie vea, nana papi pai raro pa.²⁷Aso sa vuvur ine wainunu nei e, viata nana vevoru pasia sene uta pa va. Sa vuvur nomu siniatu veve Sren paie, pierre to niai va.²⁸Buoisara ria vera so tenam vatamo pai so Yau to manau. Ine sane vesie pai riwai, aso Auya tutir ya pa.²⁹Ine maneta pa mia, mesanemi vesie mammo, ite itopa ariri katu nanapi Dauti tatapumi pai. Vioru to manaue pir na papi pai to manau kota; e nie papi pai andine nia tutir tata to rabua nine.³⁰Sien Allah dierer so Dauti to manau, tutir sawora, toapa nari Sien Allah rusanana Dauti nie usapui paie vie Raja. Aso Dauti ruin arer ninie, ikota ma nabi nina pavo, ruin pi vitopi nari Sien Allah nienari pa.³¹Apajoma Dauti ruinae dierer papo toapa, Raja vekor slamat Sien Allah dierera pai, nari tienam riwanea nanapi voru pai. Dauti kievore dioyo, 'Sa viatae woroi nana vevoru pasia sene uta pa va, nie tarai pai ma pierre va'.³²Jesus nini, Sien Allah dionae, tienam riwanea nana voru pai pa. Matau ama kota amasajo subata to manau.³³Sien Allah rusananie miesoi nana masaso vetarial, e diono paya so I, e disamuai Wainunu Sren Tamani dierera pai. E nana raria nini metadiawae mesajora nei, Wainunu yani andi dioni maso ama ne.³⁴Dauti matauni ma sa sia so rorawa va, vape Dauti kievore dioyo; Sien kievo so ine Sie pale dioyo: miesoi nana rawa vata ne,³⁵veitoro yonae siniotu viomamu tutir au ne sia setatuan so aul'.³⁶Apajoma kaiwasa Israel pal vura ave ruin ariri mo, toapa Jesus mepa nana aitatav pai, Jesus yani nina, andi Sien Allah dionae vie Sie, e dimbe Raja vekor vesie pal.³⁷Kaiwasa pai diediawa Petrusi kievo tonine pa, sesanemi pa sikariria veito. Apa setutan Petrusi, tutir Rasul esi pasiae setoyo; "Toyana pavo nari vitoni amanani?"³⁸Amara Petrusi kievo so siae dioyo; "Memana mene tatar pasie, mesovera mia so Sien Allah, e mesoiv Kambu Sren pai nana Jesus Kristus sano pa, ave amamo mesamual ampon so mene tatar pasi pe. Amamo nari mesamuai Wainunu Sren pai,³⁹Aso Sien Allah nie arer nini ma viata nana mia, tutir mene usapui vepui pasia, tutir kaiwasa venana uta viaro pasia, kalwasa Sien Allah tane Sie pai siau e verama soi pasia vura."⁴⁰Apavo Petrusi tiopaniari so sia toapa yana. E dinggavavo nana kavo pa esasi kota, ave amamo setarira sia vurusu kaiwasa vekariria nari Sien Allah vie hukuma pasia.⁴¹Apavo sepau vesiri sesanemitiar, aso Petrusi nie kavo kievora pasi. Apa setisoiv Kambu Sren pai. Nana raria yani pa, kaiwasa vesanemitiar pasia sepau pa sembe siaran toru.⁴²Senda ariri Rasul pa sene kavo aniau pasi to karakuai vesiri, e senduir sia orae sembe siri, setapi vurae sembe nadi vura.⁴³Rasul pasia senanari pitandor pa pau vesiri, apavo kaiwasa vura senggavousarae sematai.⁴⁴Apavo siniotu vesanemitiar pasia, seduir siae sembe siri e pi vitopi sesamuai pa, seneu vura.⁴⁵Sene piesae sembova mammo, sembov pipi pasi ariri sia vura, ariri siri-siri pi siemuai varami pasi.⁴⁶Raria vura ma senduir sia nana anio Allah pai; setapi vura tutir sane vesasiene, e tutir buai, nanapi sene anio pasi, e setisanandika Sien Allah tawana, apavo kaiwasa vura sesanemi vesien sia,⁴⁷Raria vura, Sien dionae siniotu vesanemitiar pa sepau, sesuae senggota sia.

3 SUNIOTU VEMARERA PAI PIENAAM PA

¹Raria pesi pa Petrusi tutir Johanes, sunda so nadi venana diam toru ravinena pai, nana anio Allah pai.²Sunda sumbetiai rature sore vesanemi nana: "Rature Viate" pai, apa sunda samuai siniotu vene tarai marera pesi, mierera nana retena siniani diavini pa. Raria vura senggo siniotu neia, miesoi siwara rature sore wa, ave amamo dionusara pi nana kaiwasa vera vesua nana Anio Allah pasia.³Apavo siejo mana Petrusi tutir Johanes, suro susua pa, siau so sandu, ave surono piesa soi.⁴Apa suraduat I, avori Petrusi kievore diojo: "Bueduata nandu I".⁵Apavo siniotu nei dieduata sandu, e pir sanetiar toapa nari surono piesa soi.⁶Amara Petrusi kievo soi e dioyo: "Ya ma ivaro pipi, vape, vitopi isamuai pa, nari jona so au. Apavo tutir Jesus Kristus siniotu Nasaret pai sano pae, suobataue rua I".⁷Yanama Petrusi dieka rut nana siniotu vemarera pai vara vata pa, e piosasana i. Apa siniotu pai ae pasi tutir aekamai pasi, sipaya.⁸Avori ria usara Petrusi tutir Johanes e sesuapui so Anio Allah pai. Apa riae kiekopa e disanandik Sien Allah.⁹Kalwasa vesorum pasia vura sesajo riae disanandik Sien Allah pa.¹⁰Avori sesajo riruini I so, andi miesoie dionusara pi ora nana Anio Allah pai nie rature sesau ve; "Rature Viate" pai pa. Apa kaiwasa pai kievo usara veito, aso pi veve diadi maso siniotu vemarera pai.

PETRUSI DIENLAU KAIWASA PAI NANA ANIO ALLAH PAI PA

¹¹Apa siniotu vepanam to manau pai dindausara Petrusi Johanes sandu. Apavo setoru senda sembetial andiraro sesaua ve; "Andiraro Salomo", nanapi Anio Allah pai, amana kalwasa pai siorum a so setoru, aso kavo ne ono tandori veja.¹²Petrusi siejo kaiwasa pai siorum pa, kievo so siae dioyo; "Kaiwasa Israel ne mia, aso vitopi metandore menggavousara siniotu nei veja pa. E aso vitopi metaduata nandu veivea pa, metoyo sa nandu amusamuai paya, pivai amunggorusara Sien Allah, apa joma amurona e siniotu nei piayae ria ne pe. Piva.¹³Vape, Abrahamie, Ishakie, Jakopie, tutir tatapumi pasia, sene Sie sesom pai, Sie nini, andi vieruana nie paya pai nana Jesus pa. Jesus nini, andi mesiwi a so veve baba paslae, metawa irari nana Gubernur Pilatus aropo pa, nana rabua Gubernur Pilatus dio suviri vurusu kariria pai pa.¹⁴I ma vie Sren e diete, vape metoi pidiari, e menggavo amias Pilatus, ave amamo suvir Barabas siniotu mamuna pai so mia.¹⁵Memuni to manau, arorae i ma tenam pai umaja paina, maso kaiwasa vura. Vape Sien Allah dionae tienam riwanea nanapi voru pai. E matau ama amasajo subata kavo nine.¹⁶Paya pai nanapi Jesus nini sano pa, a vediayarae siniotu

vemarera nini playa pa. Pi mesayora veve diadi nie ma, aso joma vesanemitiar sano pa pana. Aso sanetiar Jesus pa joma siniotu nei pienaam riwanea e mesajo ne.¹⁷Ine maneta pa mla, janama iruin toapa, mia tutir mene veve baba pasia, pi senanari maso Jesus ne, menanari pa aso mendum ariri pi menanari wa va pana.¹⁸ Apa joma rama inggota pi papone Sien Allah tiopan ariri to manau nanapi nie Nabi pasia pa, toapa dierera pai, nari siemuai kariria pai. Raja vekor slamat, Sien Allah¹⁹ Apavo ine neta pa mia, memanau nana mene tatar pasie, mesovera mia so Sien Allah, ave amamo vie ampon mene tatar pasi pe.²⁰Nari Sien riama so mia, e nari mesamuai Wainunu Vesie. E nari Sien diemiasa Jesus e riama so mia, aso Sien Allah diri to manau, vie Raja vekor Slammat so mia,²¹I ma nari niana rorawa, veito raria Sien Allah dionae pi vura sivavoru pino, ariri Sien Allah tiopana maso nie Nabi pasia, nana raria vepapo pa.²²Musai tiopa to manau, toapa, nan Allah mene Sie pai, diemias nabi pesi nanapi matau mia esi ariri amamo metadiawa nabi yani, kavo kievora so mia pasi. yau, e riama so mia,²³Vape teini diediawa nabi yani nie kavo pasi va mamu, nari suvi vurusu Sien Allah nie kaiwasa pai e niai.²⁴Nabi vetopanusara Sien Allah nie kavo nei pasia, nanapi nabi Semuel, tutir nabi esi vepui pasia, sia vura setopana kavo nine.²⁵Sien Allah nie arer nabi pa setopana pasi, ave sitopana maso mia. Nanapi Sien Allah nie arer pir maso metapumi pai pa, Sien Allah kievo so Abrahami tonine, "Nari nomu usapui pai viediyarae ive berkat kaiwasa venana dunia nei vura", arer nini viata maso mia kota.²⁶Apajoma Sien Allah diri nie amias paie, diemiasa papo maso mia pa, ave amamo vie berkat mia pe. Vie berkat mia nana dionae mesovera mia vurusu mene tenam vekariria pasi pa."

4 VEVE BABA NANA AGAMA JEHUDI PASIA SETAPUR PETRUSI JOHANES SANDU PA

¹Petrusi Johanes sanduya sunggavo so kahwasa pai rami mana, Imam Baba pasia tutir siniotu veve baba nana Anio Allah pai, tutir siniotu Saduki pasia, sendama so sandu. ²Senggasiou Petrusi Johanes sandu, aso sutopa so kaiwasa paie suroyo, Jesus tienam riwanea nanapi voru pai pa. ³Apa setapur Rasul ne sandue setonae susua nana bui pal. E idirua pavo, sunana yana to kausapa pa. ⁴Vape kalwasa viadiawa Rasul ne sune kavo aniau pasia, sepau vesiri sesanemitiar to manau. Apa kaiwasa vesanemitiar pasia sepau pa vare sembe siaran-rnim. ⁵Kausapa pa mana, ruir baba nanapi agama paie, veve baba nana Jahudi pasia, tutir guru agama pasia, senduir sia nana Jerusalem, ⁶Senduir tutir Imam Baba mo pai Hanas, tutir Kayafas, Alexander, tutir kaiwasa vekota Imam Baba mo pai. ⁷Avori senggor Petrusi Johanes sandua so sia, e setutan sandue setoyo; "Avo mironae siniotu vemarera pai pienam toane? Tutir tei nie paya, pivai tutir tel sanopi murinanari pinine.⁸Amana Wainunu Sren pai siasai nana Petrus to manau pavo, andi kievore dioyo; "Veve baba nana kaiwasa Israelne mia, tutir veve baba nana kuaruvi vekutu kavo ne mia, ⁹raria nini amusamuai urusan so amunanari pi viate, aso amumbe tofon siniotu venarera pai, e aso metoyo ave mendum ariri siniotu nei pienam pa. ¹⁰Apavo mia vura ave manduina, e kaiwasa Israel nel vura ave ruu toapa nanapi Jesus Kristus siniotu Nazareth mepa nana aitatat pai, e Sien Allah dionae siobatai vurusu vevoru pasia pa, nana sano pa e nana nie paya pai, e viediyarae siniotu nei piename diosa nana mendaromi po nesie mesayori nine¹¹Jesus nini, andi surat repo pai rabua esa topanie oyo, "Rovuki tukang pa menggea pal, andi setisasiara anio pai samabu retena pai pa. ¹²Siniatu pasi sisamual slamat pai nanapi Jesus mesari. Apajoma nana dunia nei vetutira, nanapi siniotu pasi vura, esi vesie ea so siemuai paya nana Sien Allah ve diono slamat pal maso tata pa va."¹³Karwasa venana ruir baba vekutu kavo pasia, senggavousara veito, aso Petrusi Johanes sanduma sinotu biasa vea, suraniau va, vape sumbe barani vesiri. Avori janama senduin toapa; Rasul ne sandu ma, siniotu verausara Jesus pa esanduna. ¹⁴Vape setinggavo kavo pesa ea va, aso sinotu suronae vepanam to manau pai andia diosa tutir sandue, setosa nana kaiwasa pai aropo pa pavo.¹⁵Apa setamias Rasul pa sandue susuvi vurusu andiraro ruir pal, avori senggavo ariri kavo. ¹⁶Senggavore setoyo; "Avo nari tananari toane maso siniotu ne sandu? Aso kaiwasa venana Jerusalem nei vura, senduin toapa, sandu sunanari kavo baba viotandori nini. Nine ma sa taporas va". ¹⁷Vape vesie pa tasuar sandu, ave amamo senggavavo nanapi Jesus sano pa so esi ea vape moja. Apino kavo nei miesiepare wopai so kaiwasa va pe. ¹⁸Apa sesau Rasul pa sandue susua riwanea, setopa so sandu, ave amamo surap Jesus sano pa ea va, suraniau nana vape moja. ¹⁹Amana Petrusi Johanes sunggavo so siae suroyo: "Ite matau mesanemipai usara, topi tindiya nanapi Sien Allah aropowa? Tanggorusara mene kavo pasi pa te, tanggorusara Sien Allah nie kavo pasi pae?" ²⁰Aso sa amamanau amanggavo nanapi pi vitopi matau amasajora e amatadiawa to manau pa va."²¹Kaiwasa venana ruir pasia, sesamuai ria pesi so setimbe hukum Petrusi Johanes sandu ve. Apa senggavo so sandu to manau pa, janama setonae sumbavu, aso kaiwasa pai vura, sesom sanandika Sien Allah nana pi sunanari nine. ²²Siniotu vepanam nanapi ria viotandori nini, vie umur taun siniotu muandue rawai.

SINIOTU VESANEMITIA PASIA SEMBE NADI SESAU PAYA NANA SIE PAL PA

²³Yanama Petrusi Johanes susovera ea ma so sune maneta esi pasia, e sutopana anri Imam Baba pasia tutir veve baba nana Jehudi pasia, kavo senggavora so sandu pasi. ²⁴Sune maneta pasia setadiawa kavo sutopana pasi to manau pa, yanama senduir siae sesanemi sirie sembe nadi so Sien Allah. Sembe nadie setoyo, "Sien Au nuenari rorae, kakopae, rawana nel tutir pl venana pasi vura. ²⁵Ruama nana nomu Wainunu veve Sren paie kuevo nanapi amatapumi Dauti, nomu amias pal kuevare buoyo; "Aso vitopi siniotu veruin moyara Sie nesia, senggasiou ne", aso vitopi kaiwasa nel pir ariri kavo sararidiol ne?"²⁶Raja venana dunia nesia seto sembe marova, e veve baba pasia senduir siae semamu tutir Sie pal, tutir Raja Vekor Slammat pai.²⁷Aso raja Herodes tutir Gubernur Pontius Pilatus, surono ruir tutir siniotu veruin Sie va pasia, tutir kalwasa Israel venana Kota Jerusalem nel, senduir sla, ave amamo setomamu tutir Jesus, nomu amias

vetindia, rusesanae veve Raja Vekor Slamat pal. ²⁸Sembe siri, ave senanari ariri pi buerera na papo, toapa nari sive diadi. E Au kutu nana nomu paya pai, e mataun nomu mayar pai. ²⁹Yanama, Sien, suejo setavakadur ama ne, e buonae nomu amias ne ama, amasamual paya so amatitopana nomu kavo nei pa. ³⁰Buona nomu tolong pai, ave amamo siniotu vepota pasi sisamual panam pai, e pi viotandori tutir pi vindawaina pesasi sive diadi tutir paya nanapi Jesus sano pa, nomu amias veve Sren pal. ³¹Sembe nadi to manau mana, uta setosa nana pa manawar. Apa sia vura sesamual Wainunu Sren pai, e yanama sesamual paya so setopanusura Sien nie Kavo pai pa.

SINIOTU VESANEMITIAR PA SIA SETENAM NANA SANEPAYA VAVERA PAL PA

³²Siniotu vesanemitiar to manau pa sia setenam nana sanepal vavera pai. Sia esi nie pi mesari va. Pi vitopi sesamui pa, seneu vura. ³³Rasul pa sia sesamual paya verawale setitopanusura Jesus biatai vurusu voru pai pa. Apa Sien Allah vie berkat sia to baba vesiri. ³⁴Apavo sia esi dimbaro pi va. Aso siniotu vene kakopa, pival anio pasia, sembovo kakopa pai, pival anio pal to manau mamo, senggor sine vait pala so Rasul pasia. ³⁵Avori sia sembov aririasi so kaiwasa pai. ³⁶Apavo Yusupi kota, viovio nie kakopa pai, e pipi pasima kinsia dionasi so Rasul pasia. ³⁷Yusup nini ma vieva nanapi Lewi nie usapui pai. Rasul pa sesaul kota ve Barnabas, tandiwa nana tane kavo mamo; "Viono sane vesleni"

5 ANANIAS TUTIR SAPIRAL PA

¹Vape siniotu pesi, sano pa Ananias. Tutir vinie pai sano pa Sapiral, surombova sune kakopa pa rabua esa. ²Apavo pipi pasi savaru rawesi pasi ma, suseverasi so matau sandu, mae rawesi paini suroni so Rasul pasia, apavo vinie pal sunggavo arirlasi to manau. ³Apa Petrusi kievo soje dioyo; Ananias, aso vitopi buonae iblis pal siasai na sane raro pa veito buawi Wainunu Sren pale suevera manana kakopa pai nie vait pai savaru rawesi pai so mataun au pa? ⁴Aya vuova kakopa pai varami pa, ima matau nomu pi pina. E kakopa pai vuovi to manau e nie vait pal kota, ima matau nomu pisina. Avori, aso vitopi sanepaya vekariria nini niana saneraro pae nuenari tonine pa? Ima buawi siniotu pesi va, vape buawi Sien Allah". ⁵Ananias diadiawa Petrusi kievone to masi mana, viorue tiawa. Apa kaiwasa vadiawa kavone pasla vura, sematai. ⁶Avori katiei venana yasia, senda setavani nana sis, e sesariowie senggori sepiro na papi pai. ⁷Manau, worabua va mana vinle, pai sua riwanea. Vape aya ruina pi erine veve diadi to manau pa varami. ⁸Apavo Petrusi dutanie dioyo; "Avo kakopa sawamui mumbova pal nie vait pai nine vura? Amana Ananias vinie pal ruare dioyo: "Maite, vait pai nine vura." ⁹Apavo Petrusi kievo so I, e dioyo; "Aso vitopi sawamui musanemi sirie musotoura Wainunu Sren pai pa. Ite suejo, siniotu vekor sawamui sepiro na papi pasia, sesoverama setosa vorira wa. Nari senggor au sembe kubir au kota". ¹⁰Kievo tonine to masi mana, Analasi vinie pai viorie tiawa nana Petrusi aropo pa. Apa katiei pasia sesua e sesajo mana viorue viata pa, sesariowie senggori sepiro siwara sawani nie papi pal. ¹¹Apa kalwasa vesanemitiar pasia, tutir kaiwasa vevesiei viadiawa kavo nine pasia, sematal.

PITANDOR RASUL PASIA SENANARI PASI.

¹²Rasul pasia sene nanaripi pasi, sivediayara pitandor pa pau vesiri maso kahwasa pai. Apavo kaiwasa vesanemitiar pasia vura, sesanemi sirie senduir sia nanapi Anio Allah pai nie andiraro vesanomi na; "Andiraro Salomo". ¹³Mae kalwasa vevesiei pasia ma, sendama senduir tutir kalwasa vesanemitiar pasia va. Vape kaiwasa pai vura, tietuana kaiwasa vesanemitiar pasia, ¹⁴E, raria vura ma, kaiwasa vesanemitiar pasia, sepau sesuae setutir sia, mua to vavi. ¹⁵Veitoro kalwasa vepota pasia ma, sesariowa sia nana patar pasi a sembata nana riandaro pasi, ave amamo Petrusi ria nana ria wasi mamo, nie wainunu pai via rawain sia ve sepanaam. ¹⁶Apavo kaiwasa vera nana aniose venasiwara Kota Jerusalem pasia, senggor sene vepota pasia, tutir siniotu veve pisavi pasia. Apa Rasul pasia setonae, sepanaam vura.

SETAPUR RASUL PASIAE SESUNA BUI PAI PA

¹⁷Amana Imam Baba mo pai, tutir nie kalwasa verausari pasia, siama siniotu Saduki siana, Saduki, ima siniotu vesua nana Partai Politik pasiana, senggasiou. ¹⁸Apa setapur Rasul pasiae, setonae sesua nana bui pal. ¹⁹Vape diru pa ma, Sien nie Malaikat pesi, ria sieva rature bul pai, e suvir sia vurusu bus pai. Janama Malaikat pai kievo so Rasul pasiae dioyo; ²⁰"Menda metosa nana Anio Allah pale, metopanusura Sien nie kavo pai, nanapi tenam vevaru pal." ²¹Apa Rasul pasia senanari ariri kavo Malaikat pai dierera so sia pasi. Kausapa vavoru mo pa mana, Rasul pasia senda so Anio Allah paie, setaniau kalwasa pai nana wana, Janama Imam Baba mo pal, tutir nie kaiwasa verausari pasia, senduir tutir veve baba nana Yehudi pasiae setono ruir baba pesie senggavo ariri kavo. Avori setamias sniotu pa esia, ave amamo senda senggor Rasul pasla nana bui pai maso sia. ²²Vape siniotu setamiasa pasia, senda so bui pai mana, sesamui Rasul pasia nana wana va. Apa sesovera sia ea setopa sasara so ruir baba pal. ²³Apa setopa so siae setoyo: "Amanda so bui wai pa, amasajo pa rature pasi sisiori to karakual vesiri, e siniotu viosa viarama vediora pasia, asiaja vura. Vape ineri amasieva rature pai mana, amatisajotuwa siniotu pesi nana bui pai raro pa va." ²⁴Siniotu viarama vediora Anio Allah pasla sene veve baba pai, tutir Imam Baba pasia setadiawa pa senatale sesanemi sasera, aso pi vevava nine, oto vediayarae piesa ea pe. ²⁵Avori siniotu pesi rima tiopoa so siae dioyo: "Siniotu metonae vesamual bui pasia setosae setaniau kaiwasa wal nana Anio

Allah wai wa."²⁶ Apa siniotu viarama vediora Anio Allah pasia, tutir sene veve baba pai, senda senggorg sovera Rasul pasia nana Anio Allah pai ea. Vape senggavo mas Rasul pasia va, aso sematai kaiwasa pai niavori Rasul pasia vo, setara siae semu tatira sia pe²⁷ Apa senggorg Rasul pasia so Yehudi pa sene ruir baba vekutu kavo pai. Avori Imam Baba mo pai kievo so siae dioyo,²⁸ "Jokama amatoisuara mia to manau toapa: Sa metaniau nana Jesus sano pa ea vamana? Vape janama ite mesajo. Mene aniau nini metopanusari nana Yerusalem vetutira. E metawairara sasara maso ama, nanapi Jesus nie voru pai.²⁹ Amana Petrusi tutir Rasul esi pasla, senggavore setoyo: "Sie paini tanggorusari rawal nanapl tanggorusara siniotu pasi pa³⁰ Allah, tatapumi pa sene Sie pai, andi dionae Jesus memune mepa nana aitabat pai, siobatal riana voru pale, tienam riwane pa.³¹ E Sien Allah diona masasoi vetariale, paya vetarial maso I, arirt Raja, vevediyara Slammat pal, ave amamo kaiwasa Israel pasia semanau nanapi sene tatar pasie, sesamuai ampon pai,³² Ama amambe saksi nana kavo ninesi, ama tutir Wainunu Sren Allah diorsa maso siniotu vekorusara nie prenta pai pasia."³³ Kalwasa venana Yehudi pa sene ruir baba vekutu kavo pasia, setadiawa usara Rasul pasia senggavo tonine pa, senggasioe setoyo semun Rasul pasia vesa³⁴ Amana siniotu venana Yehudi pa sene ruir baba wai sia esinina, sano pa Gamaliel, siniotu Parisi pa esi nina. Vie guru baba nana Agama Yehudi pai, e kalwasa vura tietuani. Biatale diemiase senggorg Rasul pasia ari so vorira wa.³⁵ Avori yanama kievo so kalwasa venana ruir baba paie dioyo; "Ine maneta kalwasa hranl pa mia, mesanemipaya to vesie mo, nana pivitopi meto menanari maso siniotu nine sia pa.³⁶ Aso papo pa, siniotu pesi sano pa Teudas, blataie dioni ve sinlotu baba, apa siniotu verausari pasia, vare sembe utin at. Amana semuni to vioru, e verausari pasia setimasasleparaie nie ruir pal dinai.³⁷ Yana manae, nanapi rabua viator kaiwasa pai pa, Yudas siniotu Galilea pai biatal ea. Apa piapara siniotu pa sepau vesirie sendausari, vape i kota vioru, e kaiwasa verausari pasia setimasasiepara,³⁸ Apavo rabua nine, nanapi kavo nine kota, isau toapa: metono piesa maso siniotu nine sia vape moja. Vetituwa sia vea. Aso sene aniau nel, vieva nanapi siniotu mamo, okatu nial. metosasera sta toanetoi yo, aniau nini sa niai va.³⁹ Mae sene aniau nini vieva nanapi Sie pai mamo, sovera ea mamo, meto sasera membe marova tutir Sie pai pana". Apa ruir baba pai ruara Gamaliel nie kavo pa.⁴⁰ Yanama sesau Rasul pasiae senggorg sla so ruir baba pai, avori sendora siae setitatarera so sia, ave amamo setitaniau nanapi Jesus sano pa ea vape moja.⁴¹ Rasul pasia sesuvi nana ruir baba paie sembavu pa, sesanemi pasi sietate vesiri, aso Jesus sano pa vediyarae sesamuai airora pa.⁴² E raria vura, setaniau nana Anio Allah pai, to nana anio pasi, e setopanusara Sien Nie Kavo Vesie pai, toapa; "Jesus ma Raja Vekor Slammat, Sien Allah dierera paina".

6 SETIRI SLAMAS RIMEMUANDUA PASIA PA

¹Nana rabua yana, siniotu vesanemitiar pasia sepau pa saira vesiri. Apavo siniotu Yehudi rawa ve Yunani pasia, senggavo vavera tutir rawa ve Yehudi tarai pasia. Aso pisia sembov maso inar pasla, sesamuai mana masi vaveri va. Inar Yehudi rawa ve Yunani pasia, sesamual katu vea. Mae inar Yehudi tarai pasia sesamual to rawal.² Apa Rasul suraemuandua pasia senduir siniotu vesanemitiar to manau pasiae, senggavo tutir siae setoyo; "Amandemiwari pisia vevov nei veae, amatopana Sien nie Kavo nei va mamo kariria.³ Apavo metiri siniotu pa sembe rimemuandu. Siniatu vene tenam viatene, vesamual Wainunu Sren paie, veruin ariri pi to vesie. Ave amamo amandusasan siae, senanaripi usara pininesi.⁴ Mae ama ma amanaripi atapua, nana nadi pale, amatitopana Sien nie Kavo pai vea."⁵ Apa kaiwasa pai vura, senduara Rasul pasia sene kavo pa. Apa setindusasana siniotu nine sia: Stevanus I ma siniotu vesanemitiar Jesus to karakuai mo pa esi nina, e dionu tutir Wainunu Sren pai, Pilipuse, Porkoruse, Nikanore, Timone, Parmenase, Nikolaus nanapi Antiokia, i ma siniotu Yehudi nina va, vape sua nana agama Yehudi pai.⁶ Sinlotu rimemuandua pasia, senggorg sia so Rasul pasia, avori Rasul pa sembe nadie sesau Sien nie berkat pai so sia.⁷ Apa Sien Allah nie Kavo pai miesiepare bieba, e kaiwasa vesanemitiar venana Yerusalem pasia, sepau rawal ea. E Imam Yehudi pasia sepau, sesanemitiar Sien Jesus e sembe Kristen kota.

SETAPUR STEPANUS PA

⁸Stepanus siemual paya nanapi Sie pai pavo, nienari pitandor pa pau maso kaiwasa pal.⁹ Vape siniotu pa esia sembaririwi tutir I; siana siniotu venana anio ari sesauwa ve Anio Ari Kaiwasa Veve Bebas paina. Siniotu venana anio ari jasias ma, siniotu Yehudi vera nana Kirene tutir Alexandria siana. Sla tutir siniotu Yehudi vera nana Kilikia tutir uta Asia pasia, senggavo vavera tutir Stepanus.¹⁰ Apavo setoyo sembur nie kavo pasi, amana diadi va. Aso Sien Allah nie Wainunu pai diono paya sol so dinggavora pavo.¹¹ Apa sembait sinlotu pa esla, ave amamo asia setawiae setoyo: "Amatadiawa siniatu nini, kievo sisiayara Musai tutir Sien Allah."¹² Apavo senggavo amias kaiwasa pai, tutir veve baba nana Yehudi pasia, tutir Guru Agama pasia toapa jana. Apa janama senda setapur Stepanus, avori senggoria so Agama Yehudi pai nie ruir baba vekutu kavo pai.¹³ Apavo senggor siniotu veve saksi viawia pesia kota, ave amamo asia senggavor kavo viawia wale sitera Stepanus. Apa siniotu veve saksi pasia senggavore setoyo: "Siniotu nini tawana kievo sisiayara Sien Allah nie anio veve Sren nei, e sisiayara Sien Allah nie Prentah Musal tiopana pasi".¹⁴ Amatadiawa kievore dioyo: "Jesus nana anlose Nasaret pai, nari ruran Sien Allah nie anio nei, e riwa tane adat tawawari Musai pir maso tata pasi".¹⁵ Kalwasa vesorum nana Yehudi pa sene ruir baba vekutu kavo pai pasia, sia vura setaduata Stepanus. E nanapi diam jani, Stepanus re pasi sivava ariri Malaekat re.

STEPANUS RUARA SENE KAVO PASI PA

¹Apa Imam Baba mo pai, kievore dioyo; "Kavo setimbe karak au nesi sive vatae?" ²Amana Stepanus ruar toapa nine; "Aisinia pa mia, e ine maneta pa mial ite metadiawa ikavo ne. Tatapumi pa Abrahami, aja ria so uta Haran varami pa, nana rabua andia miesoi na uta Mesopotamia pa, Sien Allah vepaya nana pi vura pai, rima so i, e kievo so I, ³e diayo: "Vuevu vurusu nomu aniose pa, e nomu kaiwasa pai, Rua so aniose nari jisatuiru maso au pal⁴Apa Abrahami vievu vurusu uta Kasdim, e ria so uta Haran. Janama Abrahami tamani vioru to manau pa, Sien Allah dionae Abrahami rima so aniose nine, aniose rabua nine memaso nana ne ⁵Nana rabua jana Sien Allah diono uta nei rabua katu esa maso Abrahami ve pi nieu va; viono aereu siri sol va. Vape Sien Allah dierer toapa; nari dioni maso Abrahamie vie pi nieu tutir nie usapui pai. Rabua janama Abrahami siemuai atuma va. ⁶Vape Sien Allah dierer soi toapa, raria pesi mamu, nomu usapui pai, nari setenam ariri siniotu wasa, nanapi siniotu veviesi sine uta. E siniotu vene uta jasia senanari so sia ariri womi e setowawotu sia, taun utin at. ⁷Vape nari ive hukum kaiwasa viono sia ariri womi pai, Sien Allah kievo toapa jana, e siana nari sesuvi vurusu aniose jana, e nari sesom jau, nanapi uta nine. ⁸Sien Allah kievo tonine to manau mana, janama diono arer sunat pal maso Abrahami. Apa Abrahami atu isaki, siniani diavini to manau, raria veve rimetorua pai pa, Abrahami vie sunati. Vepui janama Isaki vie sunata atu Jakopi. E Jakopi vie sunata atu suraemuandua pasia, asia sembe tapu so kaiwasa Yehudi nei pa. ⁹Tatapumi nine sia, sesanemi pasi sikariria so Yusupie, sembovi ve womi nana uta Masir pa, Vape Sien Allah tutiri, ¹⁰e tierir i vurusu kariria veter i pasi vura. Sien Allah diono pande verawai maso Yusupi nana rabua diosa nanapi Raja Piraon aropo pa, pa, veito Raja Piraun rusananie vie Gubernur nana uta Masir, e dimbe baba kota nanapi Raja Piraon nie anio raro pa. ¹¹Vepui ineri vavisi baba pesi mun nanapi uta Masir tutir uta Kanaan vetutira, e kalwasa pai vura vievisi. Veitoro tatapumi pasia kota, sesamuai pisia setan va. ¹²Janama Yakopi diediawa pas pai nana uta Masir pa, diemiasa atu pasia, tatapumi pasia, senda so wana retena moa pa. ¹³Rabua senda ve muandua pa, amamo Yusupi tiopa veruana matauni so neta vava pasia pa, toapa, Yusupi andi i. Nana rabua jana vori Raja Masir pai ruin ariri Yusupi nie usapui pai. ¹⁴Janama Yusupi dierera tamani Yakopi, tutir nie anio raro pa vura, ave amamo sembavu maso uta Masir. Sepau pa sembe sniniotu torue surai rim. ¹⁵Apa Yakopi dieriae vievu niana uta Masir, e vioru tutir tatapumi pasia na wana. ¹⁶E sene sina pasi, senggo soverasia so uta Sikem, e sepisi nana kubir papone Abrahami viori nanapi siniotu Hemor pasia, nana uta Sikem pai. ¹⁷Janama Sien Allah nie arer pir so Abrahami pai dieriasi ato, e tane kaiwasa Yehudi venana uta Masir pasia setipauwa to manau. ¹⁸Vape ineri Raja Masir vavoru pesi ea, i ma ruin mojara Yusupi. ¹⁹Raja jani diowawotu tane kalwasa pai veja e kieriria vesiri so tatapumi pasia. Dionae tatapumi pasia sengge sene atuma katu veve diadi vavoru pasia, ave amamo semboru. ²⁰Nana rabua jana mamu, Musai vie diadi pa; vie atuma vesasie vesiri, apavo tamani siniani suraniwari nana anio raro pa veito sembai toru. ²¹Janama sunggeaniwari, avori Raja Piraon atu vavi paini siemuai, apa kiorie dieumi ariri atu matau nina. ²²Dieniauwi ariri atuma Raja, nanapi Masir pa sene pande pai. Apavo vie atuma vepayae vebaba, nanapi kavo to pi nienari. ²³Nanapi rabua Musai vie umur taun siniotu muandu pa, janama dio riae siejo nie kaiwasa Israel pai. ²⁴Avori siejo samuai siniotu Masir pesi mun tatir siniotu Israel pesi; apa niavori siniotu Israel paie, mun siniotu Masir pai to vioru. ²⁵Musai miemo ma dioyo nari nie kaiwasa Israel pasia senduin toapa: Sien Allah diemiasi maso sia, ave amamo nia vori sia. Vape veruana toapa senduin toa va. ²⁶Kausapa pa ria ea, apa siejo mana siniotu Israel pa esandu, sumun sandu ea. Apa diet vedior sandu, e kievo so sandue dioyo: Manetai, mandu ma mumbe neta. Apavo mumun mandu vape moja. ²⁷Amana siniotu verora vene maneta pai, tiawa irara Musai, e dinggavorae dioyo: "Avo teini rusanana auwe vue mananire vue urus ama ne?" ²⁸Apavo buojo ave amamo mun yauwe ivoru ariri, siniotu Masir ravine mun to vevoru paie? ²⁹Musai diediawa siniotu pai kievo tonine pa, mietae vievu nana uta Masir ra so uta Midian e niana wana. Niana wana pa siemuai atuma pa sumbe muandu. ³⁰Musai niana wana taun siniotu muandu, avori Malaekat pesi rima so i, nana mapar veve rubua pai, deriasi suovavo Sinai. Malaekat pai vieruani so Musai, nana andia viane veveviar nana samue raro pai. ³¹Musai siejo to tiendor, apavo dio ria dieriasi ve sieyo piwaria vava pa, amana diediawa Sien raopui pai riotu masoie dioyo, ³²"Tapumui sene Sie pa Ya nine; Abrahami, Isaki, Yakopi sene Sie pa Ya na". Apa Musai mietai veito ririoyar, e diadi so dieduata uta pa ea va. ³³Janama Sien kievo sole dioyo; Tita sapatu pasi vurusu aemu pasi, aso uta buosa nanane ma, kakopa veve Sren pina. ³⁴Isajo ine kalwasa pai to manau, aso setowawotu sia nana uta Mesir veito sepa va pa, e jediawa sene amuaus pasi to manau, e Iviar mesu to manau, ave amamo ipariri sia pana, apavo ruama. Nari jemias aue suovera so Masir. ³⁵Musa nini, Musa kaiwasa Israel pasia senduari vae setawa irari tutir kavo vioyo: "Avo teini rusanana aue vue mananire vue urus ama ne?" Vape andi Sien Allah diemiasie vie siniotu baba, vepaya, e vekor vesie pa, e Malaekat pai rima so i narna adia veveviar nana samue raro pai pa. ³⁶Musa jani andi kior kaiwasa Israel pale sesuwi vurusu uta Masire, dinanari pitandor verawai pasi nana uta Masire, nana rawana Kolsume, nana mapar rubua pai veito taun siniotu muandu pa. ³⁷Andi kievo so kaiwasa Israel paie dioyo; "Nari Sien Allah diono Nabi pesi maso mia, nari diri nanapi matau mia esi, ariri diri ya pa". ³⁸Musai, andi kaiwasa Israel pai niana mapar rubua wai mamu, niana rabuae kievo riwana so Malaekat vekavo soi nana suovavo Sinai pai, tutir tatapumi pasia pa. Andi kior Sien Allah nie kavo vetenam pale, tiopani maso tata pa. ³⁹Vape tatapumi pasia senggorusari va. Setawairarie setoyo ave sesovera vae so uta Masir. ⁴⁰Senggavo so Haruni e setoyo: "Nuenari karuar vevemanaya pesi so ama, ave amano amatoni ve Sie, e piepon arma. Ava Musai kior ama nana uta Masir ma, vape ama tinduin mojara ria toa pa. ⁴¹Apa senanari karuar pesie vieva ve sapi atu, avori setono pi som soie semajale setisanandikan pi matau senanari pai. ⁴²Apa Sien Allah vievu vurusu siae tituwa siae sesom siverere venana rora wasi. Imasi tutira kavo vevul nana nabi pa sene buku pasi. Toapa nine; "Menggutut binatane metisom nanapi taun siniotu muandua pasi, nana mapar veve rubua wai pa, ima metisom ya nanasi va. ⁴³Vape ima karuar veriv pal Melek nie anio Kema pai ni menggori vavera tutir mene

karuar siverere pai, andina Refan. Mene karuar menanari ve mesom paina. Apovo nari ike mia veito worol ra sol rawesi wa na uta Babel", ⁴⁴Anio Kemah pai, i ma anio Sien Allah riamas so siniotu pasi nana paina, niana pa tatapumi pasia, nana rabua senana mapar rubua pal pa. Sien Allah matauni diemiasa Musai, e ditoponariri soi, so nienari Kernah pai toa pa. ⁴⁵Vepui janama tatapumi pasia senggor Kemah pal, nanapi rabua Yosual ria tutir siae setawara tane uta nei, vurusu kaiwasa Sien Allah dietavare vevau vurusu tatapumi pasia pa. Kemah pai andi na rabua jana, veito Dauti vie Raja pa. ⁴⁶Dauti dio sanevesieni so Sien Allah, e siau so Sien Allah, ave Sien Allah sane vesie mamo, Dauti nienari anio pesi so Sien Allah, Yakopi nie Sie siom pai. ⁴⁷Amana pivaie Salomoi, andi viauna anio pesi so Sien Allah. ⁴⁸Vape, Sien Allah vetarial mo pal, I ma miesoi nana anio siniotuvara sinanari va; Aso Nabi pai vui nana buku pai toapa nine; ⁴⁹"ine uta Imasoi nana pa rora wa, mae dunia nei ma, jisiasara ae nesi. Anio vitoni membauni so Ya ne? Uta Imanau marior nana pai topina? ⁵⁰Jokama Ya Inanari pi saserale vura mana?" Sien Allah kievo toapajana. ⁵¹Mendumi pasi sikarakual vesiri, e metinggorusara Sien Allah va vesiri. Mene taradiau pasi sipoja vesiri. Memasi ariri metapumi pasia mo. Menggavo irara Wainunu Sren pai tawana. ⁵²Metapumi pa semun Nabi pasia. Semun Sien Allah nie womi papone vetopa sasara toapa, Sien Allah nie amias vetindia pai nari riana pa. Yanama rabua nine memun Sien Allah nie amias vetindia pai to manau. ⁵³Malaekat pasia setopana Sien Allah nie prentah pasi so mia to manau, vape metinggorusarasi val"

SESO STEPANUS TO VIORU PA

⁵⁴Kaiwasa venana ruir baba vekutu kavo pasia, setadiawa usara Stepanus kavo pasi pa, senggasiou to baba vesiri ⁵⁵Vape Stepanus dionu tutir Wainunu Sren pai pavo, sieyo sasana so rora wa. Amana sieyo Sien Allah vieruani nana nie paya Sie pal maso i pa. E disayo Jesus diosa nana rawa vata pa. ⁵⁶Apa Stepanus kievo so siae dioyo: "Ite mesayo, isayo rora piaisi tieseivae, Jesus Allah nie amias pal, andia diosa nana Sien Allah nie rawa vata pa". ⁵⁷Amana kaiwasa venana Yehudi pa sene ruir baba vekutu kavo pasia, senosa sene taradiau pasie, sesodiayae setitauso Stepanus. ⁵⁸Apa sepapari vurusu ruir pale senggori tara rei veseya wa, avori seso tatiri nana rovuki pasi. Siniatu veve saksi pasia setita sene sasu pasie sivata nana katiei vesanomi nana Saulus. Siniatu veve saksi so siniotu semun wani nie sasara pasi, asia seso papo nana rovuki retena pasi so siniotu semun wai, avori esi pasia seso vepuia. ⁵⁹Aya seso Stepanus ramie, siaue dioyo; "Jesus, vue trima ine Wainunu nei. ⁶⁰Avori disana aebu pasie diananar to babae dio; "Sie panau, buonae sesarioua tatar ninei vape moja". Kievo tonine to manau mana, janama vioru. Saulus kota sanevesie so semun Stepanus to vioru pa.

8 SAULUS DUSARE MUTATIRA JUMAAT RETENA VENANA JERUSALEM PAI PA

¹Raria yani kota setusare semutatira Jumaat venana Yerusalem pasia. Apa sia vura semasasiepar usara uta Samaria tutir Yudea, mae Rasul pasia ma piva. ²Mae siniotu vesanemitir Jesus pa esia, asia sembe kubir Stepanus e sesaisi veito. ³Vape Saulus ma dusare mutatira jemaat pasia vea. Su atitieri anio pasie piapara kalwasa Kristen pasiae kiovara sia nana bui pai.

SIEN ALLAH NIE KAVO VESLE PAI MIESIEPAR NANA SAMARIA PA

⁴Kaiwasa Kristen vemasasiepar pasia, setopanusara Kavo Vesie pai ra so uta vura. ⁵Mae Pilipus ma ria so Kota Samaria e tiopanusara maso kaiwasa venana wasiae, nanapi Raja Vekor Slammat, Sien Allah dierera pai. ⁶Setadiawa Pilipus kievo pae, setisayo pitandor nienari pasi pa, sepau setanuara Pilipus kavo kievora pasi. ⁷Aso Pilipus dietawar pisavi pasi mamo, sienanar to pimasa vesiri, avori sisuvi vurusu siniatu veve pisavi pasi. Dionae kaiwasa veraemi marerae, vekapaue, sepau sepanaan. ⁸Apa kaiwasa venana Kota Samaria pasia, sesanemi pasi sietate vesiri. ⁹Nana Kota Samaria pa, siniotu pesi sano pa Simon. Papo pa ma rut airawi e nienari pitandor pa pau maso kaiwasa Samaria pai. Tiopa so kaiwasa pai e dioyo i ma dindawai vesiri. ¹⁰Apa kaiwasa venana Samaria pasia vura, baba to katue sendausari i, e setoyo: "Siniotu nini ma Sien Allah nie paya verawai mo paina. ¹¹Apa sendausar i, aso sesayo nienari pitandor pa pau to manau pavo. ¹²Vape janama Pilipus tiopandariri Sien nie Kavo pal, e ditopanarin Sien Allah nari viaun nie Kerajaan pai pa, e Jesus Kristus Raja Vekor Slammat pai. Apa kaiwasa pai sanetiar kavo aniau Pilipus tiopana pasi. Apa Pilipus sioiv sia, mua to vavi, nana Kambu Sren pai, ¹³Simon verut airawi pai kota sanetiar. Apa siemuai Kambu Sren pai to manau pa, dindausara Pilipus. Apavo Simoni tiendar vesiri, so sieyo pitandor baba Pilipus nienari ora pasi setamiasa Petrus Johanes sandue sunda so sia, nana Samaria. ¹⁴Rasul venana Yerusalem pasia, setadiawa Samaria pasia so sesamual Kavo Sie pa to manau pa, apa ¹⁵Petrus tutir Johanes sunda so wana to manau pa, yanama sumbe nadi so kaiwasa Kristen vavoru venana Samaria pasia, ave amamo sesamuai Wainunu Sren pai. ¹⁶Aso Wainunu Sren pai, aya riamas sua nana sia esi varami pana. Sesamuai Kambu Sren pai nanapi Jesus sano pa vea rami. ¹⁷Yanama Petrus tutir Johanes susasana sumbarami pasi rawain siniotu Samaria pasia. Apa yanama sesamuai Wainunu Sren pai. ¹⁸Simoni sieyo mana Rasul pa sia sesasana sembarami pasi rawain siniotu e sesamual Wainunu Sren pai pa. ¹⁹Apa Simon kier pipi past so Petrint Johanes sanda, e doyse doyo, Marona papa vatele Jars kota maso you, ave amamo sasana vara nesi rawat tei nina vea, amamo siemual Wainu Sten par kota ²⁰Amana Petrini kevo soi e dioyo. "Paduri so au tutir nomu pipi post va, Muemo ma baryo, Sa Allah pi diono maso siniotu pasi, diadi sivart nana pipi e? ²¹Apavo au ma sa tutir ama nana amane nanaripi nani va Aso sane raro vellia ma indi va veli maso Sien Allah ²²Apevo vaevur noma sanepaya vekariria jani, e suau so Sie pat, ave vie ampon au nana rumu

sane paya vekariria jant²³ Ava iruina mana, sanekanria pal, top sanemu pa to manau, e vue womi so nganggau pai²⁴ Apa Simoni stau so Petrus Johanes sandue dioyo: "Musau so Sie pal, ave amamo pi mutopana vediasi, sitera ya vape moja.

²⁵Petrusi Johanes sutopana Sien nie Kavo Vesie pai nana Samaria to manau pa, janama susovera so Yerusalem. Nana sane rara vesovera pai pa, sutopanusara Kavo Vesle pal, nanapt aniose venana ota Samaria pasi.

SIEN NIE MALAEKAT PAL DIEMPLASA PILIPUS PA

²⁶Raria pesi pa, Sien nie Malarkat pesi, riam kievo so Pilipin, e dioyo, "Nari nua nana ria vera na Kota Yerusalem so Kota Gasapal. Ria jani ma seja", Janama Pilipus ria, apa ria samuai siniotu pesi. ²⁷Siniotu nini ma, Raja vavi vesanomi nana Kandake, nana uta Etiopia, nie pegawal baba verut doi paina. Amana ria siom Sien Allah nana Anio Allah venana Yerusalem pai to manau dio vievu pana. ²⁸Apavo miesoi na nie kereta diepal nana pai, e diap nabi Yesayai nie buku vui pai²⁹ Apa Wainunu Sren pai kievo so Pillipase dioyo, "Rua bueriasi Kereta wail" ³⁰ Apa Pilipus ria dieriasi kereta pai, Janama diediawa siniotu nei diap nabi Yesayai nie buku vui pai pa. Apa Pilipus dutanie dioyo, "Tuani, avo ruina kavo buap vedia taral pae? ³¹ Amana siniotu nei kievo so Pilipuse dioyo, "Itatara, aso esi tiopanmariria so ya va pana". Apa janama sizu Pilipus siayai soi nana kereta paie, sumasol vura. ³² Ayat diap nana surat repo pasi, sirotu toapa nine; "Vieva ariri domba senggora senggutu. Vieva ariri domba atu senggutu ruvavuru, vape dienanar va. Disivu sore pa va, e disuvir kavo pesa va. ³³ Dian kavo sisiayara, e disamual kavo vesie pesa va. Aso sepatin nie wainunu pal, nanapi dunia nel. Apavo esi sa tiopanusara nie wamus pai va." ³⁴ Apa pegawai baba Etiopia pai, kievo so Pilipuse dioyo: "Avo nabi Yesayai kievo wa, tera matauni te, tera siniotu vevesiele?" ³⁵ Apa janama Pilipus tiopanmariri ayat erine diap pasi, e ditopanmariri Sien nie kavo pal, nanapi Jesus, maso Pegawai baba pal. Apa janama Pilipus tiopanmariri so Pegawai baba vera nana Etiopia pai, nanapi nabi Yesayai nie buku erine diap pai. E ditopanmariri sol, nanapi Jesus. ³⁶ Apa senda ra ma so uta veve maria pesa, Apa Pegawai baba pai dioyo; "Janama maria pai nine, apavo suolv yau, nana Kambu Sren pai, vitopi vedior ea?" ³⁷ Amana Pilipus kievo sole dioyo; "Tuani, sanetiarve kavo vatamo mamu, nari isolv au, nana Kambu Sren pai". Apa Pegawai baba vera nana Etiopia pal kievore dioyo; "Isanemitiar Jesus Kristus, I ma Sien Allah Atu paina". ³⁸ Apa dionae kereta pal mienau. Janama Pilipia tutir Pegawai pal, sumblar avav so marta pal, e Janama Pilipus sioiva Pegawai pal. ³⁹ Sioiv i to manau, susuvi nana kambu pai, amana Wainunu Sren pai klor Pilipus vurusua. Apavo Pegawai pai disajo samuai va. ⁴⁰ Pegawai pal vievu tutir sanevesasie vesiri, ra so nie aniose pa. Mae Pilipus ma saira vesirie niana Asdot. Riae tiopana Sien nie kavo pai usara aniose pasi vura, ra ma so Kaisarea. asa)

9

SAULUS SIOVERAL VURUSU NIE RIA VESASARA NIENARI PASI PA

¹ Mae Saulus ma dienaniti veivea so muntatira kaiwasa vesanemitiar Jesus to manau pasia pa. ² Ria so Imam baba mo pal, e siau surat kuasa, ave amamo kiorie dinda so veve baba so anio ari Yehudi venana Kota Damsik pasia. Ave amamo siemuai kaiwasa vesanemitiar Jesus pasia nana wana mamu, tiepu siae diavit slae kior sia so Yerusalem. ³ Apavo ria so Kota Damsik e dieriasi Kota wal to manau, amana sasaar pesi disanggapara nana rora wa mesu so Saulus. ⁴ Apa tiawa avav so kakopa wa, avori diediawa raopui pesi riotu so i e dioyo; "Saulus, Saulus 1 Buotopi muntatir Ya pa?" ⁵ Apa Saulus dutae dioyo; "Avo tuani teini Au?" Amana raopui pai ruare dioyo; "Jesus mutatira paina, andi Yau". ⁶ Vape nine ma suobataue suapui so Kota wal. Nana wana pino, itopanmariri pi vitopi nari nuenari pa". ⁷ Kaiwasa verausara Saulus pasia, setandor veita setinggavo va; aso setadiawa subata raopui vekavo pai, vape sesayo tuwa vekavo pai va. ⁸ Janama Saulus siobataie diosa, e sivu re pasi, vape sieyo mana re pasi siebuabu. Apa sendut vara pasie, sendut adidin apui so Kota Damsik. ⁹ Raria toru ma disayo worol va. Diapi va dunu va. ¹⁰ Nana Kota Damsik pa, siniotu vesanemitiar Jesus pesi, sano pa Ananias. Sien kievo soi nana anamija pesi, siawie dioyo; "Ananias!" apa Ananias ruare dioyo: "Sie panau, ya nine". ¹¹ Avori Sien kievo sole dioyo, "Ruama ve rua so Yudasi nie anio pal, nana ria vesanomi na; 'Ria vetindia' pai. E butana siniotu vesanomi nana Saulus pai, vieva na aniose Tarsus. Nanapi diam nini, andiwa vie nadi so Yau". ¹² Aso dienamiyae dioyo: "Nari siniotu pesi, sano pa Ananias, riam soie siasan vara pasi rawainie vie berkat i, amamo nari sieyo to vesie riwanea. ¹³ Amana Ananias kievo so Sien, e dioyo; "Sie panau, jediawa kaiwasa pau setopanusara siniotu nini ma nienari kariria so nomu kaiwasa venana Yerusalem pai veja. ¹⁴ E amatadiawa toapa, siau surat kuasa nanapi Imam baba mo pai, ave amamo riae ditapur siniotu Kristen venana Kota Damsik nesi. ¹⁵ Amana Sien klevo so Ananias e dioyo; "Rua vea, aso siniotu nini ma jiri to manau, ave vie womi usara Yau. Ave tiopanusara Yau, maso kaiwasa Israel pai vea va, vape maso kalwasa vevesiei pasia, tutir raja pasia kota. ¹⁶ Aso nari yonae slemual susah to pau vesiri, so ine kavo pai". ¹⁷ Janama Ananiasia ria siemual Saulus nana anio niana pai, apa siasana vara pasie vie berkat I, e dinggavorae dioyo; "Ine maneta panau, Saulus, Jesus veruana so au nana ria rabua pai, andi diemias yaue irama so au, ave amamo sueyo to vesie riwanea, e bisamuai Wainunu Sren pai. ¹⁸ Apa nana diam yani veae, buomasi piesini tiepira vurusu Saulus re pasi pa, apa janama sieyo to vesle riwanea. E siobataie miesol, janama Ananiasia sioiv i nana Kambu Sren pal. ¹⁹ E diapi to manau pa, janama playa riwanea. ²⁰ Saulus miesoi tutir kawasa Kratervenana Kota Damsik pasia, raria pa esasi nana wana. Apa riae dieniau nanapi anio ari pasi toapa; "Jesus ma Sien Allah Atu paina". ²¹ Kalwasa viadiawu Saduse passandore senggavo usara veito. Senggavore setoyo "Yokama siniotu nini, andi mutatira kawasa Kristen pasia nana Yerusalem pa mana? Riam so nine pama, ave tiepu ruiwa kawasa Kristen pasiae, kior sia so Imam baba mo pai pana". ²² Vape Saulus vur kaiwasa pai nana nie kavo aniau pasi. Aso kavo veve umajae kievo nana pasi, siveruana vevata toapa; "Jesus, I ma Raja Vekor Slamata paina. Apa

kaiwasa Yehudi venana Kota Damsik pasia, setinggavo va.²³ Janama veve baba na Yehudi pasia, sesanemi sirie seto semun Saulus²⁴ Diru sasaar mamu, setarama vediora rature venana Kota Damsik pasi vea, ave amamo semuni, amana Saulus ruin sene sanepaya nini to manau.²⁵ Apa diru siri ma, siniotu vekorusara Saulus to manau pasia, senggkor Saulus e senggakobar i nana keranjang pai. Avori sesa nana tembok veve war vediora Kota Damsik pai. Janama setuw i avav so vorira wa, e vievu nana diru pa.

SAULUS RIA SO YERUSALEM PA

²⁶Saulus ria so Yerusalem to manau pa, siesera ve ruir tutir Kristen venana wasia. Vape Kristen venana Yerusalem pasia, semataiti. Aso setanasisiau diawi sia pe.²⁷ Janama Barnabas ria so Saulus, e kiorie sunda so Rasul pasia, aso Saulus sieyo Sien nana ria rabua pa, e Sien kievo soi pa. Barnabas tiopanariri kota nanapi Saulus dieniau nana Jesus sano pa, nana Kota Damsik pa.²⁸ Apa janama Saulus miesoi tutir Rasul pasia, e riae tiopanusara Jesus sano pa, nana Kota Yerusalem vetutira.²⁹ Saulus kievo nana kavo vekarakuai vesiri, maso Yehudi vekavo kavo Yunani pasia, vape seto sesasera ria ve arnamo semun Saulus.³⁰ Amana Saulus nie maneta pa setadiawa kavo nine pa, senggkor aniwara Saulus so aniose Kaisarea, avori setanatu i so aniose Tarsus.³¹ Mae Jumaat venana Yudeae, Galileae, tutir Samaria pasia ma semasoi tutir vesie vea. E Sien nie Wainunu Sren pai tutir Jemaat pasi pavo, Jemaat pasi sipaya, e setipau bibura, aso setenam nana korusara kavo Sie pai pana.

PETRUSI NIENARI PITANDOR NANA ANIOSE LIDIA TUTIR YOPE PA

³²Petrusi ma ria wawarirae siejo Jemaat pasi. Raria pesi nina ma, ria so Jemaat venana aniose Lidia pai.³³ Apa ria samuai siniotu pesi, sano pa Encas, piota to miera taun rimetoru, e viata vea nana patar diena nana pal.³⁴ Apa Petrusi kievo so Eneas e dioyo; "Eneas, Jesus Kristus dionae puenaam. Suobataue kuapar nomu andiau pai". Nana diam yani kotae Eneas siobatai.³⁵ Apa kaiwasa venana aniose Lidia tutir Saron pasia vura, sesayo Eneas so pienaame biataie ria pa, sia vura sesanemitiar Sie pai.³⁶ Avori nana aniose Yope pa, vavi pesi sano pa Tabita. Vavi nini ma vavi vesanernitiar Jesus to manau pa esi nina.wasa setisau i nana kavo Yunani pa, Dorcas. Dorkas tandiwa na tane kavo mamu, rusa.Vavi nini ma nie tenam pai diete, e nie sanepaya pai diete so siniotu vevoro pi pasi.³⁷ Vavi nini piota to dimborua, apavo sesolv i to manaue, sepiri nana andiraro venana vavo pai.³⁸ Aniose Yope tutir Lidia, ima sumbe kasau va. Apavo kaiwasa vesanemitiar Jesus to manaue venana aniose Yope pasia, setadiawa Petrusi nana aniose Lidia, apa setamiasa sumbe muandu e sunda so Petrusi e setiterare setoyo: "Sawawarae ruama so ama ri".³⁹ Apa Petrusi sawawarae biatale riausara sia. Senda so wana to manau pa, senggkor Petrusi ayai so andiraro venana vavo Dorkasi viata nana pai. Vape andiraro pai dionu, aso inar pasia sendama setosa wawarira Petrusi e sesaie setitoisara sasus Dorkasi diaware diona so sia pasi, nana aya tienam pa.⁴⁰ Avori Petrusi diemiasa siae sesuvi vura, janama Petrusi disanaebu pasie vie nadi. Vie nadi to manau pa, sioveraie arokora wominggo pai, avoi kievore dioyo; "Tabita, suobatau". Apa Tabitai sivu re pasi, e sieyo Petrusi pa, siobataie miesol.⁴¹ Janama Petrusi siau kaiwasa vesanemitiar venana yasia, tutir inar pasia, avori diono Tabitai so sia.⁴² Kavo nei miesiepar tutir saira vesirie, wopaiusara aniose Yope vetutira. Apa kaiwasa pau sesanemitiar toapa: "Jesus, I ma Raja vekor Slammat paina".⁴³ Manau pa Petrusi miesoi raria pa esandu, nana aniose Yope. Miesol tutir siniotu vekutu binatang rawa nina, sano pa Simon

10

PETRUSI TUTIR KORNELIUS

¹Nanapi aniose Kaisarea pa, siniotu pesi sano pa Kornelius. I ma vie Kapten baba na tentara Roma pa esi nina.² I ma siniotu vesanemitiar e vimatai Sie nina, tutir nie anio raro pa vura ma, seson Sie pai tawana. Dionate so siniotu vevoro pi pasia, e vie nadi tawana so Sien Allah.³ Raria pesi pa, diam toru raria pai, apa sieyo Sien nie Malaekat pesi riamasol sie siau L, e diayo, "Kornelius".⁴ Apa Kornelius sieyora so Malaekat pai nanapi saneraro vematai. Avori kievo so Malaekat pal e dioyo, "Tuani, vitonina". Amana Malaekat pai ruar so Korneliusi e dioyo, "Sien Allah ruin nomu nadi pasi, tutir nomu onate pasi to manau."⁵ Apavo buemias esiae senda sesau Simon Petrus.⁶ Andia miesoi nana siniotu vesanomi na Simon siniotu vekata binatang rawa pai, nie anio pai, nia sasi dere pa".⁷ Malaekat vekavo tutir Kornelius pai vievu to manau pa, Kornelius siau nie siniotu venana anio raro pa sumbe muandu, tutir matauni nie tentara pesi kota. Tentara nini ma sanetiar Sien. Allah kota.⁸ Korneliusi topanariri so setoru to manau pa, janama diemiasa setoru senda so aniose Yope.⁹ Kausapa pa, senda sederiasi aniose Yope to manau. Amamo Petrusi slayai so anio pal sos venana vavo pale vie nadi pa. Vape raria rabua to manau pavo, vievisi¹⁰ Apavo dio diapi. Vape erine vori seto sepir pisia pasi so setapi pa.¹¹ Apa sieyo mana rora wai tiesieva, e piesi vieva ariri sis vesavaverie senggasie nana samabu ata pasie setuwi nana vavo wa mesu so kakopa ne.¹² Nana sis pai raro pa, sieyo binatang sasera vura asia. Binatan sasera veraemi at pa, binatang sasera vesavaya pasi, tutir aya sasera vura.¹³ Avori raopui pesi kievo soie diayo; "Petrus, suobatau. Mun e buan!"¹⁴ Amana Petrusi kievore diayo: "Sie panau, kasa piva. Aso yama aya yan pi venauria, pivai pi viomadidi pesa varami".¹⁵ Amana raopui pai riotu soi riwaneae dioyo: "Pi vitopi Sien Allah diona to manaue ve pi venauria va pa, sueyosi ve pi viomadidi vape moja".¹⁶ Pinine veruana veito vetoru mo. Janama sis pai tiesiasa so rora wa.¹⁷ Petrusi sanepai sasera so piwana nari toane. Petrusi andia

sanepai sasera ramie, siniotu Korneliusi diemiasa pa setoru sendama so Simoni nie anio pai to manaue, setosa nana repo pa.¹⁸ Janama sesau siniotu pesie setutanie setoyo: "Avo siniotu vesanomi nana Simon Petrus pal, niana anio ninie?"¹⁹ Petrusi andia sanepai sasera pi sieyora pai tarai pai ramie, Wainunu Sren pai kievo sole dioyo; "Petrus, siniotu pa esandus susasera au pa."²⁰ Sairae vuar avav so douwa, e rua usara sia, sane sasera au vape moja, aso Ya yemiasa sia ma".²¹ Janama Petrusi viar avav, e kievo so siae dioyo: "Siniotu mesasera pa ya nine. Piesa mendama soapae?"²² Amana setoru setoyo; "Kapten Korneliusi, andi diemiasa amatoru ma. I ma siniotu vesanemitiat Sien Allah nina, e kaiwasa Yehudi pai vura tietuana Korneliusi kota. Vape Sien Allah nie Malaekat pesi diemiasie siau au, ave rua soi na nie anio wai. Ave diediawa kavo vitopi kuevora soi pa."²³ Janama Petrusi dionae sesua nana anio paie senana jana. Kausapa pa Petrusi siobataie riasara siae senda. Siniotu veve Kristen to manau nana aniose Yope pa esia, sendausari kota.²⁴ Raria vesousara pai mana, senda so Kaesarea to manau. Mae Kornelius ma, ruir nie usapui pai tutir nie maneta pasia, e setanota na wana to manau.²⁵ Petrusi riamu to manau pa, Korneliusi biataie ria vedior i nana rature paie disanebu pasie siom i.²⁶ Amana Petrusi rudasani e dinggavo soie dioyo: "Buosa, aso ya ma siniotu ni ya kota".²⁷ Kievo katu tutir Kornelius to manau pa, janama Petrusi suapui so anio pai. E sieyo mana kaiwasa pai ruir to manau pa,²⁸ Apa kievo so siae dioyo, "Matau menduin to manau toapa, nanapi agama Yehudi nei mamu, siniotu Yehudi pasi sa sive maneta tutir siniotu vevesiei pasi va. Vape nine ma Sien Allah vieruana so ya to manau, toapa sa jetor siniotu pesi ariri pi venauria va, pi vio madidi va."²⁹ Apa joma tuani suau ya mana irama ne, apavo nine ma yo jediawa au, aso vitopi suau ya soa pa".³⁰ Janama Korneliusi kievo so Petrusi e dioyo; "Ravine vepo wani, jam toru ravinena pai, toapa nine mo, amamo ive nadi nana anio ne pa, worabua va mana siniotu pesi diosa na aropone. Nie sasu pasi sisanggapara,³¹ Avori kievo so yaue dioyo; "Komelius, Sien Allah diediawa nomu nadi pasie, ruin nomu pi som pasi vura."³² Apavo buemias esiae senda so aniose Yope, e sesau siniotu vesanomi na Simon Petrus, andia miesoi nana siniortu vesanomi na Simon, siniotu vekata binatan rawa pai, nie anio pai, niana sasi dere pa.³³ Apa joma jemias siniotue sendamatu sesau tuani au pa vape vatae tuani buete pa ruama ne. Janama ama vurae amanduir to manau nana Sien Allah aropo ne, ave amamo amatadiawa kavo Sien Allah diemiasa tuani aue, tuopana so ama pasi".

PETRUSI NIE KAVO ANIAU PAI

³⁴Avori Petrusi kievore dioyo; "Janama erinevori iruin to vesie mo toapa, Sien Allah diri siniotu va"³⁵ Siniotu teina vea nana uta topina vea, mietal Sien Allah e nienari ariri vetindia pai mamu, andi Sien Allah sanevesieni pa.³⁶ Nine ma Sien Allah nie Kavom diemiasie vetopana maso kaiwasa Israel paina. Sie nie Kavom Vetopana Vesie pai riamu nanapi Jesus Kristus, veve Sie so kaiwasa vura pai.³⁷ Menduin pi veve diadi to manau nana Yudea vetutira pai, retena nana uta Galilea, nanapi rabua Yohanes tiopana Kambu Sren pai to manau pa.³⁸ Menduin toapa, Sien Allah diri Jesus siniotu Nasaret pai to manaue, diono Wainunu Sren pal tutir paya pai soi pa. Menduin kota toapa, Jesus nini riasara uta pasi vura, ave diono Vesie pai, dionae siniotu bilis pai vara rawaina pasia, sepanaam pa. Aso Sien Allah tutir i pana.³⁹ Ama ma siniotu vesayo subata pi nienari pasi vura, na uta Israel vetutira e nana Yerusalem pa amana. Toa saridioje, semunie sepai nana akitabai pai.⁴⁰ Vape raria veve torua pai, Sien Allah dionae tienam na voru pai, e vieruani so siniotu pasi.⁴¹ Vieruani so siniotu vura va, vape vieruani maso siniotu Sien Allah diri retena mo, ave veve saksi soi ne ama. Amatapie amatunu tutir i nana siobatai vurusu voru pai to manau pa.⁴² E Diemias amae amatopanusara nie Kavom Vesie pai so kaiwasa vura, e amatimbe saksi toapa, Allah rudasana Jesus, ave Vie Hakim toapa andi kutu kavom e pir arin hukum pai maso kaiwasa aya vetenam rami pasi, tutir kaiwasa vevoru to manau pasi.⁴³ Nabi pasia vura senggavo nana I, toapa, kalwasa vesanemitiat Jesus pasia, nari sesamuai ampon so sene tatar pasi, nanapi Jesus nie paya pal.

SINIOTU YEHUDI VA PASIA SESAMUAI WAINUNU SREN PAI KOTA.

⁴⁴Petrusi andia kievo ramie, Wainunu Sren pai viar mesu so kaiwasa kievo soa pasia.⁴⁵ Apa Yehudi vesanemitiat Jesus to manau pasia, e verausara Petrusi na aniose Yope pasia, senggavousara veito. Aso Sien Allah diono nie Wainunu Sren pai kota maso siniotu vevesiei, siniotu Yehudi va pasia kota pa.⁴⁶ Aso setadiawa mana, senggavo nana kavom sasera vurae setisanandika Sien Allah pa. Apa Petrusi kievore diayo;⁴⁷ "Ite mesayo, siniotu nine sia, sesamuai Wainunu Sren pai to manau ariri tata. Apavo vitopi vedior sia nana Kambu Sren pai?"⁴⁸ Janama Petrusi diemiasie sesoiv kambu Sren pai, nana Jesus Kristus sano pa. Manau pa sesau so Petrus, ave amamo miesoi tutir sia raria pa esanduri.

11

PETRUSI STOVERAL EA SO YERUSALEM PA

¹Rasul pasia, tutir kalwasa vesanemitiat venana uta Yudea pesia, setadiawra nana, siriotu velur so agama Yehudi va parla kota, sembe trima Sien nie kavom pal.² Janama Petrusi sloveral ea so Yerusalem pa, kawasa Yehudi vesanemitiat to manau pane, seslajara Petrus e senggavo sole setoyo,³ "Buotopi suapui so siniotu veve sunat varami pasia, sene anio pasie bapi tutir sia pel."⁴ Apa Petrusi tiopaniariri maso sia, nana pl, veve dudi mase i pasi nanapi retenia pie, toupe nine,⁵ Rara pasi pa ive nadi na Kota Yope, apa kayo plesi, vieva ariri sis vesavaverie klesier nu samatu pasie viar na rora wa mesu, dievakir siwara yatu.⁶ Apa sayo na raro pa mana, binatan saseral vura anla, biratan versemi at pa, tanutan vetapapidiere, binatan vianiaire, tutir aya vetapapidier.⁷ Avori Jediawa mana raopui pesi kievo so yaue diaya, "Petrus, jenama suntatace mun, e

buan. ⁸Amana iruar e jojo; "Sie panau, sa piva! Aso aja jan pitia venaoria, pival viomadidi pesi varami". ⁹Vape ranpul pai kievo na rora wa toapia, "Pi vitosi Sien Allah dietorsi ve pi vesie to manau pa, sa büetorsi ve pi viomadidi ea va". ¹⁰Isaya pinine vetoru, Janama sisa ea so rora va ¹¹Nanapi diam jani kota, siniotu toru setamiasa nana Kota Kaisarna maso ya pasia, setosa na anio Inana pai repo pa ¹²Apa Wainunu Srem pai diemias yaue irausara sia, tutir sanesaser pesa es va. Mambeneta rimesiriane sia kota, sendausara you, ra so Kota Kaisarea, e amamasol vura nana Komelusi nie anio pat. Janama Korneliusi tiopinariri so ama trapa, sieyo Malaekat pesi vieraani soi nana nie anio pale ¹³kievo soie diayo, "luemias esia e senda so Aniose Yope, e sesau siniotu vesanomi na Simon Petrus pal. ¹⁴Andi nari tiopianariri so au, narapi kavo vesie pai maso au tutir nomu anio raro pa ¹⁵Apavo aya ikavo ramie, Wainunu Sreni pal var mesu so sia, ariri papo pa viur so tata retena pa. ¹⁶Janama isanemipataso Sien kievo pa, "Yohanes storv karwasa tutir kambu, vape sama nari mesolv Wainunu Sren pal". ¹⁷Apavo Sien Allah dio diono kota maso siniotu vesua nana agama Yehudi va paska, ariri diono maso tata, nana retena tasanemitiar Jesus Kristus pa, apavo nari suara Sie pai toune? ¹⁸Janaera ineri sertadawa Petrusi kievo tonine pa, setansuare sepeja. Apa Janama sesom Sien Allah e setoyo, "Toyana pavo, Sien Allah diono ria maso siniotu Yehudi va pasia kota, ave amamo sesovera vurusu sene tatar pasie, sesamual tenam viaworol pal kota.

JEMAAT VENANA ANTIOKIA PAL

¹⁹Semun Stepanus to manau pa, setusar kalwasa vesanemitiar Insus pasiae semasasepar usara uta pasi vura. Esia sembavu so uta Penisia. E esia ma sembavu ra so Siprus tutir Antiokia E setitopanusara Sien nie Kavo pai atapua so kaiwasa Yehudi pasia vea ²⁰Vape nanapi kalwasa vesanemitiare wvava nanapi Siprus tutir Kirene pasia, esla kota senda so sta Antiokia, e setopanusara Kavo Vesie pai nanapi Jesus maso siniotu veve agama Yehadi va paisa Kota. ²¹E Sien nie paya pai andia tutir sia pavo, kaiwasa viadiawa pasia, sepau ²²Kavo nine vesanoa so jemaat venana Yerusalem pai kota. Apa setamiasa Barnabas e ria so Antiokia. ²³Barnabas ria so wana e sieyo Sien Allah nie sanepaya pal vieruana so kalwasa venana wasia pa, Barnabas sanevesie vesiri. Apa Barnabas diono kavo sanepaya so sia, ave armamo sene senetiar pasi, sikarakual maso Sie pai. ²⁴Barnabas ma siniotu vene sanepaya viate ninae, Wainunu Sren pal niana i, e sanetiar Sie pa apuvo kior kaiwasa pau maso Sie pal. ²⁵Manau na yana pa, Barnabas ria so Tarsus e slesera Saulus ²⁶Siemuai Saulus to manau pa, kior Saulus so Antiokla, e taun vetutira sirima senduir tutir Jemaat venana wani, e suraniau kaiwasa pal. Nana Antiokia nine, a kaiwasa vesanemitiar Jesus pasia, setap sia retena nana wasa Kristen pa ²⁷Nana rabua yana pa, nabi pa esia senda na Yerusalem so Antiokla. ²⁸Sia esi niana, sano pa Agabus, siemuai paya Wainunu Sren paie tiopa veruana arer pesi toapa, raria pesi mamo, nari uta Israel tieria vavisi baba pesi. Arer, nini vieva nana rabua Kaisar Klaudius vie prenta pa. ²⁹Apa kaiwasa vesanemitiar Jesus to manau pasia vura, sesanemi siri e senduir piso maneta venana Yudea pasia; siri-siri dienatu ariri pi vitopi siemual. ³⁰Pi senduira pasi, sesiwasiaso Barnabas Saulus sandue, sunggosia suronasi so Penatua venana Yerusalem pasia.

12

YAKOBUS VIORU PAE, PETRUSI SU BUI PA

¹Nana rabua yana kota, mamo raja Herodes dionae semutatira kaiwasa Jemaat pai pa. ²Apa diemiase semun Yakobus, Yohanes netakatu pai to vioru ³Apavo Herodes sieyo mana kaiwasa Yehudi pasia, sesanemi vesien i sa nienari toyana pa. Apa diemiase setapur Petrusi kota, nanapi Raria Baba Roti Vevaro Mur pai. ⁴Setapuri to manau pa, Herodes dionae su nanapi bui pai. Avori dionae tentara pa sembe suraerimesiri, setarama vedior I apavo sembe at-at, e sendiwa vaveri sia. Herodes sanepal diayo, Raria Baba Paskah pai kiara vori, vie urus Petrusi nana kanwasa re vepau ⁵Apavo Petrusi niana bui pai. Vape kalwasa Jemaat pai, asiaya sembe nadi so Sien Allah to karakouai vesiri, aso Petrusi.

PETRUSI TIESU VURUSU BUL PAL PA

⁶Nanapi diru aya Herodes diemiase senggor Petrusi a ve vie urus i nana kalwasa re vepau varami pa Apa Petrusi diena, vape senggasie tawana i nana wangga pa muandu, e tentara vieramani pa sumbe muandu sunggasiri. Tentara vieramani pa esia setarama nana rature bui pai kota. ⁷Avori Sien nie Malaekat pesi diosa siwara Petrusi, apa nie vebesa pai disanggapara na bui pai raro pa, Janama Malaekat pai viaun Petrusi to diosa, avori kievo sole dioyo; "Buosa saira", Apa wangga pasi sitapupara vurusu Petrusi vara pasi. ⁸Janama Malankat pai kievo sol ea; "Suesun au, e kuesle nomu wai sapatu pasi. Apa Petrusi siesunie, kiesie nie wai sapatu pasi. Avori Malaekat pai kievo soi riwane, "Suesun au nana nomu juba pale, ruausara yau!" ⁹Apa Petrusi riasara Malaekat pale, susuvi na bui pal. Vape Petrusi miemo ma dioyo dienamiya. Arorae, piwana vediadi maso i ve vata. ¹⁰Apavo sunda kara andiraro setitaramana pal, retena pai tutir veve muandua pal, e surinda so rature besi visuvi so kota wai. Apa rature pai matauni tiesieva. Avori susuri ari so vorira wa, e sunda nana ria asa pesa. Janama Malaekat pai mierier vurusu Petrusi. ¹¹Avori janama Petrusi saneriruina, apa kievore dioyo, "Tojana pavo, jenamiya va. Vape sa vatamoe Sien diemiasa nie Malaekat pai maso yau, ave amamo tierir yau vurusu Herodes tutir kaiwasa Yehudi pasia, sene ria vekariria seto senanari maso ya pasi". ¹²Petrusi sanepal usara to manau pa, janama ria so Marial, Yohanes Markus siniani, nie anio pal. Vape sepau senduir nana wana to manau, e seto sembe nadi, ¹³Apavo Petrusi tiouv rature pal, apavo atuma vavi pesi sano pa Rodei, ria dio sieva rature pai. ¹⁴Amana diediawa riruina Petrusi

raopui pal pavo, sieva rature pai ea va, vape diepai apul tiopa so kaiwasa vemasol na anio raro pasia, toapa Petrusi ni nia vorira wa. ¹⁵Amana senggavo sole setoyo: "Vue pisavi pel" Amana Rodei kierakuai vea, toapa vatamoe Petrusi nina to. Apa senggavore setoyo; "Esa mammo nari nie wainunu paina." ¹⁶Vape Petrusi tirov rature pai vea. Apa sesieva rature pai mana, sesayo samual Petrusi pa setandor veito. ¹⁷Amana Petrusi vara tawana sia, ave amamo sepaya. Janama tiopnariri so sia, nanapi Sien klori vurusu bui pai ari so vorira wa pa. Avori Petrusi kievore dioyo; "Nari metopana kavo nine so Yakobus, tutir maneta esi pasia kota". Petrusi kievo to manau pa, janama suvie ria so uta vevesiel. ¹⁸Sasaar pa kausapa vavoru mo pa, amana tentara viarama nana bul pasia sengguya pa. Setitatar Petrusi diotoapa. ¹⁹Apa Herodes diemiase sesasera Petrusi, vape setisamuai va. Apa janama diemiase senggor tentara vierama vediora Petrusi pasia, setutan sia ave amamo semun siae semboru. Manau na jana pa, Herodes suvi na uta Yudea e ria miesol nana uta Kaisarea, raraia pa esasi nana wana.

HERODES VIORU PA

²⁰Raria pesi pa Herodes kiesiou kaiwasa venana aniose Tirus tutir Sidon pasia. Apa senduir siae sendama soi. Retena pa senggavo araria Blastus, siniotu veve baba nana Herodes nie anio raro pai, apavo niana rawa sia. ²¹Janama senda so Herodes, e sesau sol, ave sembe dane tutir i. Aso Herodes pa, kaiwasa venana aniose nine sandu, susamual pisia pa. ²²Nana raria baba pesi nina pa, Herodes siesuni nana nie sasu baba pasi, avori siae miesol nana nie so nie kalwasa pai. karapesa Raja pai, e kievo ²³Nanapi diam jani kotae, Herodes siemuai airora pesi nana Sien nie Malaekat pai. Aso dionae Sien Allah siemual sanandika pai vapana. Apa kasievoi pasi siani to vion ²⁴Janama Sien nie Kavo pal, miesiepare ria topo. ²⁵Mae Barnabas tutir Saulus, sunda sune nanaripi pal to manau pa, susovera nana Yerusalem ea, e suringgora Yohanes Markus, e kirot sandu.

13 SIEN DIRI BARNABASE SAULUS SANDUE, DIEMIAS SANDU PA

¹Nanapi jemaat venana Antiokia pai pa, nabi pa tutir guru pa esiaya senana jemaat pal. Asia: Barnabas, Simon sesauwa ve vekumamasi pai, tutir Lukas nanapi aniose Kirene, e Menahen setaum tutir Gubernur Herodes pai, e Saulus perbaik. ²Raria pesi pa, sembe arie setimbe puasa, apa Wainunu Sren pal kievo so siae dioyo: "Metiri Barnabas tutir Saulus sandu atapua so Yau, ave amamo sunanari nanaripi jetapua so sandu to manau pal" ³Sembe puasae sembe nadi to manau pa, sembarami rawain Barnabas tutir Saulus, janama setamias sandue sunda ariri Sien diemias pa.

NANA NU SIPRUS PA

⁴Aso Wainunu Sren pal diemias pa, sunda so uta Seleukia, Nana wana pa, susa nana kapal pai arau so nu Siprus. ⁵Apa sunda so Kota Salamis e sutopanusara Sien nie Kavo pal, nana anio ari Yehudi pasi. Yohanes Markus andia kirot sandu nana sune rara nini. ⁶Apa senda warira nu paie setopanusara Sien nie Kavo pai, nana anio ai pasi vura, veito senda ra ma so Kota Pafos. Nana wana pa senda samuai siniotu Yahudi pesi, sano pa Baryesus. Siniatu nini ma rut airawi, vape dioyo i ma nabi nina. ⁷Baryesus ma vie maneta tutir Sergius Paulus, Gubernur venana nu Siprus pai. Gubernur nei ma vie pande vesiri. Apa siau Barnabas tutir Saulus sandue sunda so i na nie anio pai. Aso sanevesie diediawa Sien nie Kavo pai pana. ⁸Vape Elimas siniotu verut alrawi pai, mun vediora Barnabas Paulus sandu. Aso Elimas I ma wasa Yunani pina, e tandiwa nana tane kavo mammo; "Verut alrawi" dioyo diosasera, ave amane Gubernur pai sanetiar Jesus vape moja pana. ⁹Vape Saulus sesauwa ve Paulus pai, Wainunu Sren pai niana pavo, dieduata tera siniotu verut airawi pai. ¹⁰Avori kievo sole dioyo; "Bilis atu panau, veve umaya nana awitituwa pai tutir tatar saseral vura vedianau, au mun vediora ria vetindia pasi pa. Raria toni muenau mun vediora Sien Allah nie ria Slammat pir maso siniotu pasi pa?" ¹¹Ineri sueyo, nari Sien vie hukum au. Nari remu pasi sikaber veito sa sueyo wor pai va raria pa esandu. Nanapi diam jani kota, Elimas sieyo mana viabuabu vekumuar pai, tup re pasi, veito riae diekaka sasera siniotu viadidin i. ¹²Gubernur pai sieyo subata pi veve diadi nine pa, sanetiar Jesus; aso Sien nie Kavo aniau pai diotandori soi pa.

PAULUS TUTIR NIE MANETA PASIA SENGGOR KAVO SIE PAI RA SO KOTA ANTIOKIA NANA UTA PISIDIA PA

¹³Paulus tutir nie maneta pasia sesuvi nana Kota Pafos pa, sesa nana Kapal paie setapai a so Kota Perga, nana uta Pampilia. Nana Jana pa, Yohanes Markus sloveraie vievu so Yerusalem. ¹⁴Nanapi Perga pa, Paulus tutir verausari pasia senda ra so Antiokia nana uta Pisidia, nana raria Sabat pasi mammo, senda so anio ari pasie sembe ari kota. ¹⁵Apavo setap buku torat pai tutir nabi pasia sene buku pasi to manau mammo, veve baba nana anio ari pai, duta Paulus tutir Barnabas sandue dioyo; "masi muroyo mutopana kavo sanepaya pesa maso kalwasa nei mammo, janama munggavo." ¹⁶Apa Paulus siobataie siasana vara pasi ariria vori dinggavorae dioyo; "Ine maneta kaiwasa Israel pa mia, e ine maneta esi vekorusara Sien Allah pa mia, Ite metadiawa ikavo ne. ¹⁷Kaiwasa Israel pasia sene Sie pai, andi diri tatapumi pale dionae kaiwasa Israel nei vie sano nana rabua senana uta Masir ariri siniotu vera ve wasa pa. Vepui Sien Allah kior sia tutir vara vepayae sesuvi vurusu uta Masir. ¹⁸Sien Allah tituwa siae, dionanusara sia nanapi sene ru karakuai senanari nama mapar rubua

pai pasi, taun siniotu muandu.¹⁹Kaiwasa usapui rimemuandu vevava nanapi uta Kanaan pasia, Sien mun sia to senggai, ave amamo viov sene uta pai so kaiwasa Israel pasiae senewi ve pitawa.²⁰Pijasi vura sivava pa, taun utin at e siniotu muandue sura, Uta Kanaan viov to manau pa, Sien Allah dion Hakim pasia maso kaiwasa Israel pai. Hakim pa vipui mo paini nabi Samuel.²¹Vepui sesau Raja, apa Sien Allah diono Saul, Kis atu pai, nanapi Benyamin nie usaput pai, e vie Raja so sia taun siniotu muandu.²²Vape Sien Allah tiawairara Saul vurusu wasa Raja pa riwanea pa, Sien Allah rusasan Dautie vie Raja so sia. Apa joma Sien kievo nana Dauti toapa nine; "Isamuai Dauti to manau, Isai atu pai. I ma siniotu vio sanevesieni so Ya nina. I ma siniotu nari vionanari ine mayar paina."²³Nanapi Daut nini nie usapui pai, andi Sien Allah dionae viediayara Raja vekor Slamat pai maso kaiwasa Israel pai, ariri Sien dienire to manau pa. E Jesus, I ma Raja Vekor Slamat paina.²⁴Aja Jesus ria nie nanaripi pai varami pa, Yohanes dumi so kaiwasa Israel pai to manau, ave amamo semanaue sesovera vurusu sene tatar pasie setisoiv Kambu Sren pai.²⁵E nana rabua Yohanes deriasi mienau nie nanaripi pai pa, kievo so kaiwasa pale dioyo: "Apavo metoyo teini yau. Ya ma siniotu metanota paina va. I ma nari pui usara yau, vape I ma sieru na yau."²⁶Ine maneta pa mia, Abrahama tapu pa mia, tutir ine maneta esi vekorusara Sien Allah pa mia, Sien Allah dienatu Kavov Vekor Vesie pai maso tata to manau.²⁷Vape aso kaiwasa venana Kota Yerusalem pasia, tutir sene veve baba pasia senaganggau I, arorae Jedsus ma Vekor Vesie paina. Senganggau nabi pasia sene pianiau setap tawana nana raria ari pasi, veito semuni e vioru. Arorae senanari towana pa, ave amamo imasi tutira nabi pasia kavov setarera pasi pana.²⁸Veito setisamuai kavov veve umaja setimbe hukum I nana hukuman voru pesa va vesiri. Toa saridiol sesau so Pilipus, ave amamo semunie vioru.²⁹Ineri senanari ariri kavov nabi pa sembui e venana buku repo paje, veve arer so Jesus pasi to manau pa, sembuar nie tarai vevoru pai nana akitabab paie, janama sepiri na papi pai.³⁰Vape Sien Allah dionae tienam riwanea nanapi voru pai,³¹Avori raria toi vesiri ma riama vieruani so kaiwasa veratutir I nana Galilea maso Yerusalem pasia. kaiwasa Israel pai pa. Asia rabua nine sembe saksi sol, maso.³²Apavo, rabuanine amatopana Kavov Vesie nini maso maneta pa mia, vitoni Sien Allah dierer to manau maso tatapumi pasia pa.³³A nienari maso tata nanapi dionae Jesus tienam riwanea vurusu voru pai pa. Aso nana Mazmur pai mamov sembule setoyo; "Ine atuma paini Au. Nana raria nini kotae ive tama maso Aul"³⁴Sien Allah dionae tienam riwanea vurusu voru pai to manau. E ninema sa siemuai voru pai riwanea nana papi pai va. Apa joma Sien Allah kievo nanae dioyo, 'Nari Inanari ariri arer veve Sren nari veve diadi pasi maso au. Arer jerera to manau so Dauti pasi."³⁵Toapana kota, nanapi ayat vevesiei pesi ea pa rotue oyo; "Sa buonae nomu womi veve Sren paie piere nana papi pai va".³⁶Apa Dauti, nana rabua andia tienam pa, nienari ariri Sien Allah nie sanevesie pai; vape vioru pa, sepiri na papi pai siwara tapuni vevoru pasia e, nie tarai pai piere to manau.³⁷Vape Jesus, Sien Allah dionae tienam riwanea vurusu voru pai, I ma piere va.³⁸Apavo ine maneta pa mia, ave amamo menduin toapa; Ria vesamuai ampon so tatar pal, tiopana maso mia nanapi Jesus. Nanapi Jesus pino, siniotu vesanemitiar pasi sitaisu vurusu tatar pai pa. Mae Sien Allah nie prenta Musai tiopana pasi ma, sa sivediayara e metaisu vurusu tatar pasi va.³⁹Apavo mesanemi pai usara to vesie mo, aso metera kavov nabi pa setopanae setoyo;⁴⁰Mesanemipaya to vesie mo, siniotu vesisiayara ora ne mia. Nari menggavo usara e memburul Aso rabua nine ma, nari inanari piesa, pi siniotu sitopana maso mia mamov, sa mesanemitiar va pesi".⁴¹Paulus tutir Barnabas susuvi nana anio ari pai pa, sesau so sandu, ave ari vesousara pai mamov susovera, ave sutopana ariri nana kavov sunggavora pasi riwanea.⁴²Kaiwasa pai suvi nana anio ari pai to manau pa, Yehudi pa sepau tutir siniotu vevesiei vesua nana agama Yehudi pa esia, sendausara Paulus tutir Barnabas. Apa Rasul pa surono kavov sanepaya so sia, ave amamo setenam to vesie ariri Sien Allah nie arer pasi.⁴³Raria ari vesousara pai pa, kaiwasa venana Kota pai vura, sendama so Rasul pa sandue setadiuwa Sien nie kavov pai.⁴⁴Vape siniotu Yehudi pasia, sesayo mana kalwasa pai piau pa, sendama so Rasul pa sandue setadiawa Sien nie kavov pai.⁴⁵Amana Paulus tutir Barnabas sunggavo to karkuaie suritopa sivua, e suroyo: "Maite, Sien Allah nie kavov nei, nari tiopana maso mia retena. Vape aso joma metawa irari pana, mia vura matau menggutu to manaue metoyo, metawa irara tenam viaworoi pai pana. Apavo ninema amambavur mia, e amanda so kaiwasa vevesiei."⁴⁶Aso nine ma Sien nie Kavov oal riotu maso ama toapana, Sien dioyo, "Jiri au to manau, ave vue sasaar so kaiwasa veruin Ya warami pasia. Ave amamo kuor Slamat pai ra so dunia nei vetutira."⁴⁷Kaiwasa Yehudi va pasia, setadiawa Paulus tutir Barnabas sunggavo tonine pa, sesanemi pasi sietate vesiri, apa sesanandik Sien Allah nie Kavov pai. E kaiwasa Sien Allah diri to manaue nari vesamuai tenam viaworoi pasia, sesanemitiar."⁴⁸Apa Sien nie Kavov pai miesiepar usara uta yana vura.⁴⁹Amana Yahudi pasia senggavo amiasa kaiwasa veve baba nanapi Kota pasia, tutir vavi veve sanoe vesanemitiar to manau pasia. Apa seto vanirwi tutir Paulus Barnabas sandu, e setatavar sandu vurusu uta jana.⁵⁰Apa Rasul pa sandu, sundora upisa wavu venana sundaemi pasi nana kaiwasa veruir pasia sendaromi po pasi, ave sive sanepaya so sia, manau pa janama susuvi sunda so Kota Ikonium.⁵¹Kaiwasa Antiokia vesanemitiar to manau pasia, sesamuai sanevesie pimasa vesiri, e setisamual Wainunu Sren pal.⁵²Dan, para murid dipenuhi dengan sukacita dan dengan Roh Kudus.

14 PAULUS TUTIR BARNABAS, SUNDA SO KOTA IKONIUM, LISTERA TUTIR DERBE PA

¹Paulus tutir Barnabas sunda so Kota Ikonium pa, masi ariri Kota esi sunda soa to manau pasi. Apa sunda kota so Yehudi pa sene anio ari pai, e suraniaue sunggavo so kaiwasa pai tutir paya nanapi Sie pai pavov, kaiwasa Yehudi pa esia, tutir kaiwasa vevesiei Yehudi va pasia, sepau sesanemitiar Sien Jesus.²Vape kaiwasa Yehudi vekambarai vesanemitiar pasia, senggavo amiasa kaiwasa vevesiei Yehudi va pasia, ave amamo semadidi kaiwasa vesanemitiar Jesus to manau pasia.³Apa joma Paulus tutir Barnabas sumasoi nana yana to woroi pa. E sunggavo nanapi Sie pai to karakuai vesiri. Apa Sien vieruana toapa, kavov Rasul pa sutopana pai, nanapi Sien nie sanepaya pai, vie vata; Sien diono paya so sandu, ave

amamo sunanari pi tandor verawai pesasi.⁴ Amana kaiwasa venana Kota pasia, sembaririwi vavera, esia senavori Yehudi pasia, e esia senavori Rasul pa sandu.⁵ Avori Yehudi pasia tutir sene veve baba pasia, senggota siniotu vevesiei Yehudi va pasia, e sesanemi siri, ave amamo semun Rasul pa sandue, seso tatir sandu nana rovuki.⁶ Vape Rasul pa sandu susanemi riruina kavo nine pavo, sutarir sandu vurusuae, sunda so Kota Listra tutir Derbe; e sunda wawarira uta venana Likaonia pasi vura.⁷ E sutopanusara Sien nie kavo vesie pai nana yana.⁸ Nana Listra tutir Derba pa, siniotu pesi ae pasi simarera nana siniani diavini pa, apavo ae pasi simarera to ria moja va.⁹ Siniotu nei miesoie diediawa usara Paulus kievo pa. Apa Paulus siejo mana siniotu nei sanetiar pa dionae pienaam. Apavo Paulus dieduat i,¹⁰ Avori kievo to pimasae dioyo, "Suobataue buosa I" Apa siniotu pai kiopa to diasae ria vavera¹¹ Kaiwasa pai sieyo subata kavo nine pa, senggavo nana kavo Likaonia to baba vesiri e setoyo: "Sie pasi siviari mesu so dunia nei e, siriwasie sive siniotu to manau ne".¹² Apa sesau Barnabas ve Zeus, mae sesau Paulus ve Hermes, aso Paulus ni klevo pana.¹³ Avori Imam viono som so karuar Zeus pai, anio visoma karuar pai, diosa siwara ria vera so Kota pai pavo, imam pai kior sapi muae, ariaue, kiosi ma pirsir nana rature sore visuapui so Kota pai. Ave amamo tutir kaiwasa vepau pasiae, sesom Rasul pa sandu.¹⁴ Amana Barnabas tutir Paulus, suradiawa kavo nine pa, suporabana sune sasu pasi, e surapal ses kaiwasa pai ra so rabua wa, avori surumie surayo;¹⁵ "Avo miano, metotonine ve? Nandu ma siniotu vata ni nandu kota ariri mia. Vape amundama amutopana Kavo Vesie pai maso mia. Ave amamo mesom karuar sararidioi nesi vape moja. Vape mesom Sien Allah vetenam pai, venanari rora, kakopae, rawanae, tutir pi venana pasi vura pai.¹⁶ Papo pa ma, Sien Allah tituwa siniotu pasie sitenam ariri sione sanevesie pai.¹⁷ Vape, vieruani tawana nanapi nie onate pai. Viara rama nana rora wa mesu so miae, diono almu e manua vesiri. Diono pisias maso mia, e dionae mesanemi pasi sietate".¹⁸ Rasul pa sunggavo toapa jana, vape kaiwasa pasia semanau setono pisom so sandu pa va.¹⁹ Amana Yehudi pasia, senda nana Kota Antiokia tutir Ikonium, sendama so Kota Llestra. Apavo senggavo amiasa kaiwasa pai pa, sesotatira Paulus nana rovukie separe ari so Kota pai rawa vorira pa, aso semamo ma setoyo Paulus vioru to manau.²⁰ Amana kaiwasa vesanemitiar to manau pasia, senda setosa wawarira Paulus pa, siobatai riwaneae, janama suapui so Kota pal. Kausapa pa mana suvi tutir Barnabas e sunda so aniose Derbe.

PAULUS TUTIR BARNABAS, SUSOVERA SO KOTA ANTIOKIA PA

²¹Nana Derbe pa Paulus tutir Barnabas, sutopanusara Kavo Sie pai, apa kalwasa pa sepau sesanemitiar Jesus. Manau nana yana pa, susovera ea so Kota Listra, e janama sundama so Kota Ikonium, avori surinda so Kota Antiokia, nanapi uta Pisidia.²² Sunda na Kota pasie surono kavo sanepaya so kaiwasa vesanemitiar Jesus to manau pasia, ave amamo sesanemitiar Jesus to karakuai. Suringgavorae suroyo; "Tatoyo tasua nana Sien Allah nie Dunia vavoru pai mamo, ima tasamual susah papori, apino tasua pe."²³ Paulus tutir Barnabas, sundusasana Penatua pasia nana jemaat pa siri-siri. Avori sumbe nadie setimbe puasa tutir siae, janama susiwa sia so Sien sesanemitia pai. sunda so uta Pampilia.²⁴ Manau nana yana pa, Paulus tutir Barnabas sundakara uta Pisidia.²⁵ Janama sutopana Sien nie Kavo pai nanapi Kota Perge to manau pa, sunda so Kota Atalia.²⁶ Nana Atalia pa, susa nana kapal paie susovera ea so Kota Antiokia, uta retena sendusasana sandue, surinda Sien nie nanaripi rabua nina senanari to manau nei.²⁷ Sundama so Antiokia to manau pa, sunduira kaiwasa jemaat venana paie, sutopanusara Sien Allah tutir sandu nana nanaripi pai pa. Sutopanariri kota nanapi Sien Allah diono ria to manau maso kaiwasa vevesiei, veve Yehudi va pasia kota, ave amamo sesanemitiar Jesus pa.²⁸ Nanapi Kota jani pa, Paulus tutir Barnabas, sumasoi nana yana to woroi tutir kaiwasa vesanemi tiar pa sia.

15

RUIR VENANA YERUSALEM PAL

¹Paulus tutir Barnabas sanduya sunana Antiokia pa, siniotu pesia senda nana Yudea maso Antiokiae, setaniau kaiwasa Kristen venana pasia, ave amamo sembe sunat, arin Sien Allah nie prenta Musal tiopana pasi. Aso piva mamo, sa sesamual tenam viaworoi pai va.² Amana Paulus tutir Barnabas sunggavo irara sene kavo nine to karakuai vesiri. Apa senggutue Paulus tutir Barnabas, tutir atuma Jemaat pa esla senda so Yerusalem, ave amamo senggavor kavo nine tutir Rasul pasia, tutir penatua venana wasia.³ Apa jemaat venana Antiokia pasia, senda tutir sia ra so Kota pai rawa vorira wa. Apa sunda kota maso uta Penisia tutir Samaria, e sutopanusara nanapi siniotu vevesiei Yehudi va pasia kota, aso sesanemitiar Sie pal to manau pa. Apa kaiwasa Kristen venana uta Penisia tutir Samaria pasia, setadiawa pa, sesanemi vesasie vesiri.⁴ Janama senda so Yerusalem, apa jemaat pai tutir Rasul pasiae, Penatua pasiae, sembe trima sia tutir vesie. Avori Rasul pa sutopanusara Sien Allah tutir sandu nana sunda nanaripi pai pa.⁵ Amana siniotu verutawana Parisi pa sene aniau, avori vimbe Kristen pa esia, sebata siae senggavore setoyo; "Siniotu Yehudi va veve Kristen pasia, sembe sunat kota, e senda ariri Sien Allah nie prenta Musai tiopana pasi".⁶ Apa Rasul pasia tutir Penatua pasia, senduira senggavo ariria.⁷ Apa senggavo to woroi vesiri. Avori Petrusi siobataie kievore dioyo; "Maneta pa mia, menduina to manau, nana retena Sien Allah diri ya pa, ave amamo itopana Sien nie Kavo Vesie pai maso kaiwasa vevesiei Yehudi va pasia, ave amamo sia kota setadiawae sesanemitiar.⁸ E Sien Allah vesajo riruina siniotu saneraro pai, vieruana to manau toapa; vie trima sia; veruana nanapi diono Wainunu Sren pai so sia pa, ariri diono maso tata kota pa.⁹ Sien dietor siae, tatae, tamasi vaveri. Sien vie Sren sesanemiraro pasi, aso sesanemitiar pa."¹⁰ Avori, metotopi meto mesotoura Sien Allah e metono marabati so siniotu vevesiei Yehudi va pa sia pa? Areto tatapumi pasia to matau tata kota mana tapaya so tananari aririasi va pa.¹¹ Arorae tasanemitiar toapa, slamat pai tasamual nanapa Jesus nie sanepaya pal; apavo sia kota."¹² Apa kaiwasa veruir nana jasia vura setipeya, E yanama setadiawa usara Barnabas tutir Paulus sutopanusara

riwaneana nana pitandor baba Sien Allah vieruana nanapi sune nanaripi pasi, maso kaiwasa Yehudi va pasia pa.¹³ Barnabas tutir Paulus sunggavo to manau pa, Yakobus klevore dioyo; "Maneta pa mia, ite metadiawa ikavo ne."¹⁴ Erine Simani tiopana retena Sien Allah vieruana nie sanepaya pai maso kalwasa vevesiel Yehudi va pasia pa. Ave amamo diri siniotu vevesiele sembe kaiwasa so I pa.¹⁵ Imasi tutir nabi pa sene arer pasi. Aso vevui nana buku repo pai, toapa nine; ¹⁶"Sien diojo manau mammo nari ira ea ma, nari ivaun riwana Dauti nie anio vetabari pai, e inanari riwana reu pale diosa riwaneana,"¹⁷ Ave amamo kaiwasa sisia pasia vura, sesasera Sie pal, tutir kaiwasa vevesiei Yehudi va isauwa to manauve veve kaiwasa so Ya pasia; Sien kievo toapa jana, ¹⁸"E tiopana kavo nine nana papo to manau".¹⁹ Apavo ariri ine sanepaya nei mammo, tato marabati so kaiwasa vevesiel Yehudi va vesanemitiar Sien Allah to manau pasia vape moja. ²⁰"Vape tambui surat so sia e, tatono kavo sanepaya so sia, ave amamo setan pisia veve rariai visoma karuar to manau pasi vape moja, pivale setan binatan vevorue veria suvi va, pivale setan veria va. E ave amamo sembe kasau nanapi nanari kavo vavi pai."²¹ Aso Sien Allah nie prenta Musai tiopana nana papo to manau pasi, siap nana raria ari pasi, nana anio ari pasi, e sitopanusara nanapi Kota pasi vura".

RUIR VENANA YERUSALEM PAL, SURAT DIENA-TUA SO JEMAAT VENANA ANTIOKIA PAI

²²Rasul pasia tutir Penatua passar, tutir lemaat venana Yerusalem pal vura, senggavore senegut toapa nari setiri esia, e senggota Paulus tutir Barnabas, ave amamo senda so Antiokia. Apa setiri Silas tutir Yudas sesauwa kota ve, Barsabas pai. Sandu ma sinistu veve sana nana Jemaat venana Yerusalem pa esanduna ²³Avori setitanatu surat pesi kotae senggori. Surat pai riotu toapa nine; "Tabe maso maneta kalwasa vevesiei Yehudi va, venana uta Antiokiae, Siria tutir Kilkis pe sia vura. Nanapi Rasule, Penatuse, tutir mambe neta venana Yerusalem ne ama vura".²⁴ Amatadiawa toapa, ama esia senda matu so miae setonae mesanemisasera mia nana sene aniau past. Arorae ama ma amatamiasa sia ve senanari toa va ²⁵Apa Joma amanggavore amasanemi sirie, amatini esiae amatamiasa sia ematu so mia pa. Nari senda usara Barnabas tutir Paulus, siniotu amasanemipaya pa sandu. ²⁶Siniatu nine sandu ma, siniotu veveve vene wainunu to manau, so tane Sie pai Jesus Kristus pa sanduna²⁷ Apavo, amatamiasa Yudasi tutir Silasi maso mis. Asindu nari sutopa ariri Kava vevui nanapé surat nei pai maso mia. ²⁸Wainunu Sren pai sanevesie toa e amasanemi vesie toa kota, ave amamo, setano kavo anlau nari viono marabati so mia pasi vape moja. Mae kavo aniau nari vetapisa so mia pa, ²⁹Metan pisia visoma karuar vape moja, metan veria vape moja, metan binatan vevorue vera suvi va pai vape moja, e membe kasau nanapi nanari kavo vavi pai. Membe katau nana pininesi mammo, ima menanari ariri vetindia pai to manau. Toapa yana, tabe maso mia".³⁰ Manau pa janama siniotu amias pasia senda so Antickia. Apa sesau nár jemaat pai, avori setone surat pai so sia. ³¹Jemaat venana Antiokia pai, setiap surat pai pa, sesanemi pasi sietate vesiri, aso surat pai riotu pa ³²Yudas tutir Silas, sandu ma nabi ni sandu kota pavo, sunggavo tutir Jemaat pai to worol vesiri, e surono kavo sanepaya so Jemaat pai.³³ Yudas tutir Silas, sumasoi nana Antiokia raria pa esandu to manau pa, janama Jemaat pai diemiasa siae sesovera ea so Jemaat viamiasa sia pai, nana Yerusalem. ³⁴[vape Silas ma kutu toapa, miesol nana Antiokia.] ³⁵Paulus tutir Barnabas sandu kota, sumasol nana Antiokia raria pa esandu nana wana. Sunggota kaiwasa vepau esi pasiae, setaniaue setitopana Sien nie Kavo pai.

PAULUS TUTIR BARNABAS SUPOWASA SANDU PA

³⁶Vape ineri raria pa esandu to manau pa, Paulus kievo so Barnabas e dioyo; "Vesle pa tusovera eae tunda so Kota tutopana Sien nie Kavo pai nana pasi; ave tusajo kaiwasa vesanemitiar Jesus to manau pasia, aso nari setotoane?"³⁷ Apavo Barnabas andia sanepai dioyo kior Yohanes Markus kota, ³⁸Amana Paulus kiembarai Markus riausara sandu, aso Markus kiembarai senanaripi vurae, siovera vurusu sandu nana uta Pampilia pa. ³⁹Apa Paulus tutir Barnabas sumbaririwi veito suripowasa sandu. Barnabas kior Markusie susa nana kapal pal arau so nu Siprus. ⁴⁰Mae Paulus kior Silase riausar I. Apa jemaat venana Antiokia pai, vie nadi tutir sandue, sesiwa sandu so Sie pal. Manau pa, Janama ⁴¹Sundae sunanaripi usara Jemaat venana uta Siria tutir Kilikia pasi, ave amamo Jemaat pasia senggarakual nanapi sanetiar pai.

16

TIMOTIUS RIAUSARA PAULUS TUTIR SILAS PA

¹Paulus tutir Silas, retena pa sunda so aniose Derbe, Janama sunda so anione Listra. Apa sundasamual siniotu vesanemitiar Jesus to manau pa esi nina, sano pa Timotius. Sinlani ma vavi Yehudi veve Kristen nina, vape tamani ma sinintu Yunani nina. ²Kaiwasa Kristen venana aniose Listra tutir Ikonium pasta, senduin toapa Timotius ma sinintu viate nina. ³Apa Paulus siawi, ave riausara sandu nana sune rara pat, apa vie sunat Timotius. Paulus menan tojana pa, aso kaiwasa Yehudi venana uta yasia, senduina vura toapa, Timotius tamani ma sinintu Yunani nina paria. Apavo miayara atu paie vie sunat varami. ⁴Nanapi Kota senda soa pasi, setopanariri Rasul pasia tutir Penatua verana Yerusalem passa, sene kavo senggavorae senggutut pasi maso karwasa Kristen pasia. E setono kavo sanepaya so kaiwasa veve Kristen to manau pasia, ave amamo senda ariri atorani. ⁵Apa jemaat pasia sene sanetiar pasi sipaya, e raria pasi vura, sembe tamba sepau.

PAULUS NIE ANAMIJA PAI

⁶Wainunu Sren pai divisuara Paulus tutir Barnabas sandu, ave amamo sutopan Kavō Sie pai nana uta Asia vape moja. Apa surinda kara so uta Frigia tutir Galatia ⁷Sunda suderiasi uta Misia, apa suro susua nana uta Bitinia, amana Wainunu Sren pai dioisua sandu, ave amamo susua na wana vape moja. ⁸Apa sunda kara uta Misia, e sunda so Kota Troas. ⁹Nana Troas pa, dirupa ma Paulus dienamija. Nana anamija pal pa, Paulus sieyo sinlotu Makedonia pesi, diosa siwarie dioyo; "Ruama so Makedonia e vue tolong amal" ¹⁰Paulus dienarmija tonine pa sawawarae amasasera ria, ave amamo amanda so Makedonia, aso nanapi anamija nei, amasanemitiar toapa, Sien Allah diemlas amave amamo amatopana Kavō Sie pai maso siniotu venana wasia.

LIDIA SANETIAR SIEN ALLAH PA

¹¹Amasuvi nana Troas pa, amatapai nana Kapal pai avaru so aniose Semotrake nana nu pesi nina, e kausapa pa amasirieu nana uta Neapolis. ¹²Nana Jana pa amanda so Pilipi, Kota retena visua so uta Makedonia paina. Kota Pilipi ma, sua nana kerajaan Roma pai, apa amanana wana raria pa esandu. ¹³Nana raria ari pesi pa, amanda so maria venasiwara Kota pesi, e amamasoi nana maria dere pa. Aso uta janama, Yehudi pasia sembe nadi ora nana pana. Apa semasol nana janae amanggavavo tutir vavi veruir to manau pasia. ¹⁴Vavi pa sia esi nina, I ma viova sis veve sianggono, sano pa Lidia, e vieva nana aniose Tiatira, i ma sanetiar Sie pai, apavo Sie pai sieva sane raro pa, ave tiepur Paulus nie kavō aniau tiopana soli pasi. ¹⁵Apa Lidia tutir nie anioraro pa vura, sesoiv Kambu Sren pai. Sesamuai kambu Sren pal to manau pa, siau ama. Dioyo; "Aisinia pa mia, masi metator ya ve siniotu vesanemitiar Sien Jesus to manau mamo, isaue mendama tamaso nana ine anio wai". Siau veive pa amatinda ariri nie sau pa.

PAULUS TUTIR SILAS SUSAMUAL HUKUMAN BUI PAI NANA KOTA PILIP PA

¹⁶Raria pesi nina pa, amanda ea so uta veve nadi ora nanawa, nana maria dere pa. Apa amanda samual vavi pesi, siemuai wainunu vekariria. I ma tiopa veruana pi nari veve diadi nana raña vepul Apavo nie pasia, sesamuai vait to baba vesiri. ¹⁷Vavi nei dielsiusar Paulus tutir ama, e dumi e dioyo, "Siniatu nine sia ma, Sien Allah venana uta vetarial mo pai, nie womi pasiana. Sendama setopnariri ria so mia, ave amamo mesamual slamat pal. ¹⁸Apa tawana, vavi nei riaie dumin usara sia tojana vea. Apavo Paulus diediawa to kiembaral, upa diaraie kieve so wainunu vekariria paie dioyo: "Nanapi Jesus Kristus sano pae, jemus aue suvi vurusu vavi nei". Kievo tonine pa, wainunu vekariria pai suvi vurusu vavi pal. ¹⁹Vavi nei nie pasia, sesayo mana pi nari vevediyarae sesamuai pipi nana pai nia pa, setapur Paulus Silas sandue sepapara sandu bura veve baba nana aniose raro pasia. ²⁰Senggor Paulus Silas sandu so veve baba nana pemerintah Roma pasiae setoyo, Siniotu nine sla ma Yehudi siana. Senda setona kavō vepau nana tane uta nes ²¹Setaniau kaiwasa, ave amamo senda ariri sene adat viombesiei, siniotu Roma ne tata ma, sa tандаsara va pasi. Vape tata ma sa tanda ariri sene buai jasi va. ²²Apa kaiwasa venana jasia setau so Paulus Silas sandu. E veve baba nana pareta pasia seporabana sune sasu pasi, avori setamiasa sendora sandu. ²³Sendora sandu veito sumbe kapapor, avori senggovara sandu apui so bul pai. Setamiasa veve baba nana bui pai, ave amamo dionae setarama sandu to karakual vesiri. ²⁴Apa dionae senggovara sandu apui so bul pai andiraro venana dopuimo pai, avori senggasie sundaemi pasi nana wangga pasi, tapura balak pasi. ²⁵Dirurabua pa, Paulus tutir Silas sumbe nadie sundoi sanandika Sien Allah. Apavo kaiwasa venana bui pasia, setadiawa sundoi pa. ²⁶Worabuavamana, mundiya pimasa pesi piot, apa anio bui pal sior veito rature pasi sitasasievae, wangga pasi sitaitu vurusu kaiwasa venana bui pasia sembarami pasi kota. Apa veve baba nana bui pai, tiendor veito siobatai. Sieyo mana rature pasi sitasieva pa, Piatu nioi paie dio mun riwan i, aso dioyo kaiwasa venana bui pasia, nari sembavu to manau, ²⁷piatu nioi paie dio mun riwan i, aso dioyo kaiwasa venana bui pasia, nari sembavu to manau, ²⁸Amana Paulus, siau asoie dioyo; "Mun riwana au vape moja. Ava amane vura" ²⁹Veve baba nana bui pai siau obor paie diepaiaso bui pai, apa mietai veito ririojare, tiawa avav disanaebu so Paulus Silas sandu. ³⁰Janama kior sandue susuvi vurusu bui pai, avori kievo so sandue dioyo, "Tuani, avo ka inanari toane, ave amamo isamuai slamat pai?" ³¹Amana Paulus Silas suroyo: "Sanetiar Jesus, apino suemuai slamat pai pe, au tutir nomu anioraro pa vura". ³²Apa janama Paulus tutir Silas, sutopnariri Sien nie Kavō pai, maso veve baba nana bui pai, tutir kalwasa venana nie anio raro pa vura, ³³Janama riois rurana sune kapor pasi to manau pa, suronae siemuai kambu Sren pai tutir nie kaiwasa venana anio raro pal vura. ³⁴Manau pa kior sanduasō nie anio pale, dionae surapi. Siniotu veve baba nana bui pai, tutir nie kaiwasa venana anio raro pasia vura, sesanemi vesasie vesiri, aso sesanemitiar Sien Allah to manau pa. ³⁵Sasaar pa kausapa vavoru pa, veve baba nana pemerintah Roma pasia, setamiasa Polisi pasiae senda so bui pal, ave amamo setamiasa Paulus tutir Silas, susuvi nana bui pai. ³⁶Siniotu veve baba nana bui pai, tiopa so Paulus e dioyo; "Tuani, veve baba nana pemerintah pasia setamiasa setoyo janama musuvi, apavo janama mumbavu. ³⁷Amana Paulus kievo so Polisi pasiae dioyo; "Ama ma siniotu Roma ni ama. Avori aya membe urus ama varamie, mendora ama nana kaiwasa re vepaue menggovara ama nana bui pai to manau. Avori janama setoyo setamiasa amae amabavu manana vea pa. Sa toa va, metamiasa veve baba nana pemerintah pasiae matau sendama so nine, avori setona e amasuvi". ³⁸Apa Poësi pasia senda setopana ariri so veve baba nana pemerintah Roma pasia. Veve baba pasla setadiawa toapa, Paulus Silas sandu ma siniotu Roma ni sandu, apa sematal ³⁹Apa janama senda sesau ampon nanapi Paulus Silas sandue, senggor sandu vurusu bui pai ari so vorira wa. Avori sesau tutir veslo so sandue, setamiasa sumbavu vurusu Kota pai. ⁴⁰Paulus Silas susuvi rana bui pai pa, sunda sa

Lidiai nie anio pai. Apa susamuai sinioti vesanemitur to manau pa esia na wana. Apavo surono kavo sanepaya so sia to manau pa, janama Paulus Silas susuvie sunda.

17

PAULUS TUTIR SILAS, SUNDA SO KOTA TESALONIKA PA

¹Paulus tutir Silas sunda na ria vera nana aniose Amfipolis tutir Apolonia pai e surinda so Kota Tesalonika. Amana anio ari Yehudi pesi nana jana. ²Apavo Paulus ria sua nana anio ari pai, ariri ria so uta pesae, riasamuai anio ari Yehudi pesi nana uta jana mamu, sua nana. Avori kievavo tutir siniotu venana pasia. Nanapi ayat venana surat repo pasi. Nienari toapa jana nanapi raria ari pa toru. ³Kievavo nanapi ayat venana surat repo pasie, tiopana aririasi dimberuana toapa, Raja vevadiyara Slamat Sien Allah dierera pai, nari slemual kariria pal, e nari tienam riwanea nanapi voru pai, Paulus kievore dioyo; "Jesús itopana maso mia nini, I ma Raja vekor Slamat veve arer paina". ⁴Kaiwasa viadiawa pa esia sesanemitare setinda usara Paulus Silas sune aniau pai. E kalwasa Yunani vesanemitare Sien Allah to manau pa esia, e vavi veve babae veve sano pa esia kota. ⁵Amana Yehudi venana yasia senggasiou. Apa sendae senduira kalwasa verae viosa sararidioi nana riandaro pasia, ave amamo setono variriwi naria aniose raro pa. Apa setapai bur Yason nie anio pale sesasera Paulus Silas sandu, ave amamo senggog sanduasoi kaiwasa pai. ⁶Amana sesamuai Paulus Silas sandu va pa, setipapara Yason tutir kalwasa Kristen pa esiae, senggog sia so veve baba nana aniose raro pasia. Setumine setoyo; "Siniotu nine sia ma, setonae manasi na uta pesa va. Avori senda ea ma so tane utane, ⁷E Yason kior sia so nie anio wal. Sia vurae sendawaina Kaiser venana Roma pai nie prenta pasi, aso senggavore setoyo, Raja vevesiei pa esi nina, sano pa Jesús". ⁸Senggavo tonine pa, kaiwasa venana Kota pai vura, tutir veve baba pasiae, setingguja. ⁹Apa veve baba pasia, setonae Yasoni tutir kaiwasa veve Kristen pa esia, e sembalt voria. Apa janama setavin sia.

PAULUS SILAS SUNDA SO KOTA BEREIA PA

¹⁰Apa nana diru yani kotae, kalwasa Kristen venana Kota Tesalonika pasia, setamiasa Paulus tutir Silas, ave amamo sunda so Kota vesanomi na Berea. Nanapi Berea pa, susua nana naio ari Yehudi pai. ¹¹Kaiwasa Yehudi venana Berea pasia ma, sene kavo pasi siete rawai nanapi kaiwasa Yehudi venana Tesalonika pasia. Apavo setadiawa topanusara nanapi Jesús pai, tutir sane vesasie vesiri, e raria vura ma, setap buku repo pai, ave amamo senduina ariri Paulus so nie pi aniau pasi, sitindiya te pivai. ¹²Apa sia esia, sepau sesanemitare Jesús, e kaiwasa Yunani veve baba nana anioseraro pasia, mua to vavie sesanemitare. ¹³Kaiwasa Yehudi venana Tesalonika pasia setadiawa Paulus tiopana kavo Sie pal kota nana Berea pa, sendama so Berea, e setuva kalwasa pai, ave amamo setono variriwi na wana. ¹⁴Apa sawawarae Kristen venana Berea pasia, senggog Paulus e sesové tutir i arau so sasi wa, man Silas tutir Timotius, sandu sunana Berea Silas ¹⁵Senggog Paulus ra so aniose Atena pa janama sesovera so Berea, e senggog Paulus nie arer pa, so Timotius sandu, ave amamo sairae sundausar I.

PAULUS NIANA KOTA ATENA PA

¹⁶Nana rabua Paulus dienota Silas Timotius sandu nana Kota Atena pa, saneraro pa kariria vesiri, aso sieyo mana kanuar senanarie sesom pasi sipau veja, nanapi Kota Atena. ¹⁷Apa nanapi anio ari Yehudi venana Atena pai, Paulus kievavo tutir Yehudi pasia, tutir siniotu veveslei vesanemitare Sien Allah to manau pa esia, nanapi uta yana. Raria esi pasi ma kievavo tutir teina vea nanapi pasar wasi. ¹⁸Apavo guru-guru vianiawa Epikorus tutir Stoa sune aniau pa esia, esi pasia senggavoe setoyo; "Siniotu nei ma ruin piesasi mo va, e sore nei bieba veal Esi pasia senggavo towana pa ma, aso Paulus kievo nanapi Jesús, e dinggavo nanapi tenam riwanea nana voru pai pa. ¹⁹Apa senggog Paulus aso ruir pai, nana suovavo vesanomi na Areopagus pai. Avori senggavo sole setoyo; "Amato amandin ariri aniau vavoru tuopana pal. ²⁰Aso amatadiawa mana kavo kuevora so ama nesi, sivesiei vesiri. Apavu ite tuopan ariri sine taral pasi so ama. ²¹Aso kaiwasa Atena pasia vura, veito vera ve wasa pasia, sia ma sesanemi vesie semasol to woririoisie senggavavo nanapi pi vavoru veve diadi ora. ²²Paulus siobataie kievo so kalwasa veruir nana Ariopagus pal pa, kievo so slae dioyo; "Kalwasa venana Kota Atena ne mia, isayo nana pi vura ma, mendutawana kavo aniau agama to karakuai vesiri. ²³Aso ira warira mene Kota nel pa, isayo ariri mene uta membe nadi nana nesi pa, isayo samual uta metinunu som nana pesi kota; sembui nana janae setoyo; "Maso Sien amandin va pai". Joma Sien Allah mesom, e mendum va nini, andi itopani maso mia nine. ²⁴Sie venanari uta nei, tutir pi venana pasi vura pai. I ma Sie vene rorae kakopa paina. I ma miesoi nana anio siniotu sinanarie sisom karuar va. ²⁵I kota ma, dioyo ave siniotu siremiwari nanapi piesa va. Aso andi diono tenam pale, sarap wana sasie paie, tutir pi vura maso siniotu pasi. ²⁶Dionae siniotu pa siri veae, viediyarae kaiwasa borai, e diemiase semasoi pat dunia nei vetutira. Andi kutu ariri nana retena pa, raria tonina, e uta topina, a nari setenam nana pa. ²⁷Sien Allah nienari toapa jana pa, ave amamo sesaseral pe. Vape, sesaseral mamu, nari sesamuai. Aso ariri mo mamu Sien Allah ma vie kasau tata esi va. ²⁸Ariri kavo senggavarae setoyo; "Aso joma nie paya paini viediyarae, tatename, tamanaware, tanana dunia nei pa. Imasi ariri mene siniotu vevui kavo sosiau pa senggavo pa, e setoyo; "Tata vura ma, atu ni tata". ²⁹Janama ineri Sien Allah atu ni tata pavo, sa tatono Sien Allah ariri karuar siniotu sinanari na sine pande val Nanapi karuar barawae, karuar sarak taraie, karuar rovuki. ³⁰Tane nganggau rabua yani, Sien Allah karutareri to manau. Vape nine ma, diemiase kaiwasa vura nana dunia nei vetutira, ave amamo semanau nana sene tatar pasi, e senanari pi Sien Allah sanevesiena. ³¹Aso Sien

Allah kutu raria pesi to manau, ave amamo pir ariri hukum vetindi-tindimo, maso dunia nei vetutira pa, Sien Allah diri siniotu pesi to manau, ave amamo andi nienari pinine. E ave amamo kaiwasa sanetiar kavo nine pa, joma Sien Allah dionae siniotu jani e tienam riwanea, nanapi voru pai pa!¹³²Kaiwasa pai diediawa Rasul Paulus kievo nana tenam riwanea nanapi voru pal pa, esi pasia semari Paulus. Vape esi pasia kota senggavore setoyo, "Amasanemi vesie amatadiawa kuevo nana kavo erine pa riwanea".³³ Amana Paulus biatale vievu vurusu ruir pai³⁴ Vape esi pasia sene nana rawa Paulus, e sesanemitiar Jesus, Vesanemitiar pasia, Dionisius, I ma veve baba nana ruir Ariopagus pa esi nina, tutir vavi pesi sano pa Damaris, tutir esia ea.

18¹Paulus suvi nanapi Kota Atena pa, ria so Kota Korintus.² Apa siemuai siniotu Yehudi pesi nana yana, sano pa Akuila, vieva na aniose Pontus. Akuila tutir vinie pai sano pa Priskila, erine vori sunda nana uta Italia maso Kota Korintus, aso Kaisar Kladius veve baba nana negara Roma pai, diemias kaiwasa Yehudi pasia vura, ave sesuvi vurusu Kota Roma pa. Apavo Paulus ria so sandu,³ E miesoi tutir sandu nana janae senanaripi vura, aso sene nanaripi siri vura, nanapi setawar tenda pasi ve anio pa.⁴ Vape nana raria ari Yehudi pasi mamo, Paulus ria so anio ari Yehudi pasie, dieniau kaiwasa Yehudi tutir kaiwasa Yunani pasia, ave amamo sesanemitiar Sien Jesus.⁵ Janama ineri Silas tutir Timotius, sunda na uta Makedonia ma pa, raria pasi vura ma, Paulus tiopanusara Sien Allah nie kavo pai maso kaiwasa Yehudi pasia, toapa, Jesus ma Raja vekor Vesie, Sien Allah dierera paina.⁶ Vape kaiwasa pai kievo irarae, dinggavo sisiayara Paulus veivea. Apa Paulus sio tetapa wavu venana nie sasu pasi, ave veruana so sia, nanapi sene sasara jani. E dinggavora e dioyo; "Metera kariria pesa mamo, ima matau mene sasara paina. Ja ma iruin va. Rabua nine ma nari ira soapa kaiwasa Yehudi va wa sia. Apa janama Paulus ria vurusu sia, nana anio ari pal, e ria miesoi nana anio viosa siwara anio ari." pai. Siniotu vene anio pai sano pa, Titus Yustus, i ma siniotu Yehudi va nina, vape siom Sien Allah.⁸ Mae Krispus, siniotu veve baba nana anio ari pai, tutir nie anio raro pa vura ma, sesanemitiar Sien Jesus. E kaiwasa Korintus esi pasia kota, sepau setadiawa kavo Paulus tiopana pai pa, sesanemitiar Jesus, apa Paulus sioiv sia nanapi kambu Sren pai⁹ Diru pesi nina pa, Sien kievo so Paulus nanapi anamija pesie dioyo; "Muetai val Kuevo veivea, pueja vape moja."¹⁰ Aso nari itutir au. Siniotu pesi sa diono kariria pesa so au va. Aso ine kalwasa pa sepau, asiaya senana Kota nini".¹¹ Apa joma Paulus niana Korintus taun sirie tamua, e tiopanusara Sien Allah nie Kavo pai maso sia pa.

PAULUS DIHADAPKAN KEPADA GALIO

¹²Nana rabua Galio vie Gubernur nana uta Akhaya pa, kaiwasa Yehudi pasia, senduir sia e sembaririwi tutir Paulus, e senggoria so ruir baba vekutu kavo pai.¹³ Sembe karak i e setoyo; "Siniotu nini, dieniau kaiwasa, ave amamo, sesom Sien Allah nanapi ria viambesiei, vurusu Sien Allah nie prenta Musai diono so ama pasi".¹⁴ Erine vori Paulus dio siasana sore pae kievo pa, amana Gubernur Galio dinggavorae dioyo; "Kaiwasa Yehudi ne mia, mene kavo metimbe karakane, masi sasara verawal, pivai kavo vekariria, areto nari jediawa usara mene kavo nesi."¹⁵ Vape nine ma variriwi nana kavoe wasae, nanapi matau metone buai, apavo matau mia mengga ariria. Ya ma ikambarai ikavo usara kavo vetoninesi".¹⁶ Apa Gubernur Galio dietavar siae sesuvi vurusua.¹⁷ Apa setitapu tawana Sostenes, siniotu veve baba nana anio ari pai, e sendorai nanapi meja ruir baba vekutu kavo pai aropo pa. Vape Gubernur Galio dimbe paduri tutir kavo yana va.

PAULUS SIOVERAL SO KOTA ANTIOKIA PA

¹⁸Manau na jana pa, Paulus miesoi to worol katu nana Kota Korintus. Avori janama siau so kaiwasa Kristen venana pasia, e suvi tutir Priskilai Aukilai sandu, e setapai nana kapal paiaso uta Siria. E nanapi aniose Kengkrea pa Paulus kias ru pai. Ava vir ru pai pavo dieroi veja. Dleriori ru pai e vir i pa aso pir arer maso Sie pai pana.¹⁹ Janama senda so Kota Epesus pa, Priskilai tutir Aukilai sunana jana, e Paulus ma ria so anio ari Yehudi pai, e kievo tutir Yehudi venana pasia.²⁰ Apavo setoisuara Paulus, ave amamo miesoi tutir sia nana wanari, vape Paulus kiembarai.²¹ Toa saridiole, raria dio suvi pai pa, kievore dioyo; "Sien Allah sanevesie toa mamo, nari isovera ea maso mia na nine!" Kievo tonine to manau pa, janama suvi nanapi Kota Epesus.²² Janama ria so Kota Kaisarea to manau pa, ria so Kota Yerusalem, e tira Jemaat venana wasia, e siau so sia to manau pa, janama dinda so Antiokia.²³ Niana Antiokia raria pa esandu to manau pa, janama ria ea so uta Galilea tutir Prigia, e diedidina kaiwasa Kristen venana wasia, ave amamo sene sanetiar pasi sipaya.

APOLOS NIANA KOTA EPESUS TUTIR KOTA KORINTUS PA

²⁴Raria pesi na Epesus pa, siniotu rawave Alexandria pesi, sano pa Apolos, I ma siniotu veve pande vekavo nina, e dimbe pande vesiri nana surat repo pai umaja pasi.²⁵ E ruin ariri aniau nanapi Jesus nie topanusara pai to manau. Apavo Apolos dieniau to marui vesiri e kievo nanapi Jesus to vesie vesiri. Arora e erine vori ruina Yohanes nie kambu Sren visoiva pai vea rami pa. Apolos kievo to marui vesiri nana anio ari pai, apa Priskila tutir Aukilai, suradiawa nie kavo aniau²⁶ pasi pa, sunggoriaso aniau wa, avori sutopanariri soi to vesie rawai ea, nanapi Sien Allah nie ria viono vesie maso siniotu pasi nanapi Jesus pai.²⁷ Manau na jana pa, Apolos dio ria so aniose Akhaya, apa kaiwasa Kristen venana Kota Epesus pasia, setanatu surat pesi aso kaiwasa Kristen venana Akhaya pasia, ave amamo sembe trima Apolos tutir sane vesie. Apolos ríama so aniose Akhaya pa, veruana toapa, nie sanepaya pai bieba vesiri maso kaiwasa Sien Allah sanepayae,

vesanemitiar Jesus to manau pasia. ²⁸Aso Apolos kievo to marui vesirie, vur kaiwasa Yehudi vekavo vavera tutir i, nana kaiwasa re vepau pasia. E tiopa veruana nanapi surat repo pai toapa, Jesus, I ma Raja Vekor Vesie, Sien Allah dierera paina

19 ¹Apolos andia niana Kota Korintus rami pa mamu, Paulus ria pat uta venana rei pasi vura ma suvi nana Kota Epesus pa. Apa siemual siniotu vesanemitiar Jesus to manau pa esia na jana ²Apa dutan siae dioyo; "Avo mesanemitiar Jesus to manau pa, mesamuai Wainunu Sren pai atoe?" Amana senduare setoyo; "Piva rami, e aya amatadiawa Wainunu Sren pai andia pa va." ³Apa Paulus duta riwaneae dioyo; "Toyana pavo, kambu Sren toni mesoivi pa?" Amana senduare setoyo; "Amaosiv Yohanes nie Kambu Sren pai". ⁴Apa Paulus kievore dioyo; "Yohanes sioiv siniotu pa ma, ave veruana toapa siniotu pasi simanau nanapi sine tatar pasie, sinanari ariri vitopi Sien Allah sanevesiena. Vape Yohanes tiopa kota so kalwasa Israel pasia toapa, ave sesanemitiar sinlotu nari vesousarie vera vepui ea ma pai, andina Jesus". ⁵Setadiawa Paulus kievo tonine pa, sesaue Paulus sioiv sia nanapi Sien Jesus sano pa. ⁶E Paulus siasana vara pasi rawain sia pa, Wainunu Sren pai siasai nana sia, apa setinggavavo nanapi kavo saserai viotimbesei vesiri, e setitopana Sien Allah nie Kavo pal. ⁷Sepau pa nari sembe surae-muandu. ⁸Nana sembai torua pasi ma, Paulus kievo to karakuai vesiri maso kaiwasa pai, nana anio ari pal, e tiopanariri so sia, ave amamo sesanemitiar Sien Allah nanapi nie Pemerintahan pai. ⁹Vape esi pasia ma, senggorusara va, e senggambarai sesanemitiar. E senggavo sisayara nana kaiwasa re vepau, aso kavo aniau vioyo, Sien Allah diono vesie pai maso siniotu pasi, nanapi Jesus pa. Apajoma Paulus vievur sia, e klor kaiwasa veve Kristen to manau pasia so andiraro vesanorni nanapi Tiranus, andiraro vitaniau nana pal. E raria vura ma, kievavo tutir kaiwasa nana uta yana. ¹⁰Dieniau toapa jana taun muandu, veito kaiwasa venana uta Asia pasia, kaiwasa Yehudi veito kaiwasa vevesiei pasia, vurae setadiawa Sien nie kavo pai.

SKEWAL ATU PASIA

¹¹Sien Allah tutir Paulus pavo, Paulus nienari pibaba viotandori. ¹²Apavo Paulus nie sapu tangan te, kavaviral te, pi vie pake to manau pesa, senggoria so siniotu vepota pasia mamu, sene pota pasi sinai, e Wainunu vekariria pasi sisuvi vurusu sia. ¹³Apavo siniotu verut airawi pa esia kota, sendae setatavar wainunu vekariria pasi vurusu kaiwasa. Setojo ave amamo sia kota, setatavar wainunu vekariria pasi nana Jesus sano pa. Apavo senggavo so wainunu vekariria pasie setoyo; "Nanapi Sien Jesus sano pa. Apavo senggavo so wainunu vekariria pasie setoyo; "Nanapi Jesus, siniotu Paulus tiopana pai sano pae, jetavar mlae mesuvi". ¹⁴Apavo Imam Baba pesi, sano pa Skewa, atu mua pa sembe rimemuandu. Asia sendae senanari kavo vetoapa nine. ¹⁵Amana wainunu vekariria pai kievo so siae dioyo; "Jesus reto iruini, e Paulus kota iruini. Vape mia ma iruin mia va". ¹⁶Avori siniotu vetera wainunu vekariria pai, kiopa bur siae, kieramut tatir sia to kaririona vesiri, e sene tarai pasi sive kapapor, e piorabana sene avavar pasie sembavu kakavir, e sesuvi vurusu anio pai. ¹⁷Apa kaiwasa Yehudi veito kaiwasa vevesiel venana Kota Epesus pasia, setadiawa kavo nine pa sematai. Apa Jesus sano pa siemual sanandika tawana. ¹⁸Veito kalwasa vesanemitiar Jesus to manau pasia, senda setopa veruana sene kariria senanari pasi, nanapi kalwasa re vepau. ¹⁹Apa kaiwasa verut airawi vekariria pasia, senduir sene buku vimbui airawi pasie, senggairis nanapi kalwasa re vepau. Tatator buku senggair pasi sine vait pal mamu, vare sian ropia siaran siniotu muandue sura. ²⁰Apa nanapi ria ninie, Sien nie kavo pai miesiepare dinda topo, to karakuai vesiri.

SAWAU VENANA EPESUS PAL.

²¹Manau nanapi yana pa, Paulus kutu toapa nari ria so uta Makedonia tutir Akhaya, avori dinda so Yerusalem. Ria soa tomanau mamu, ria so uta Roma kota. ²²Apa diemlase nie maneta venanaripi tutir i pa esandu, Timotius tutir Erastus, e sunda so Makedonia, e i ma miesoi katu saira ea, nana uta Asia. ²³Nari nana rabua yana mamu, setona sawau pimasa pai nana Kota Epesus pa, aso Jesus nie kavo aniau pai. ²⁴Aso nana Kota yani, siniotu pesi sano pa Demetrius, i ma rian sarak. Apavo nienari anio karuar madidia pesasi, nanapi sarak taral, so karuar vesanomi nana Artemis pai. Siniotu nei nie nanaripi ninei, viediyara vait vebaba vesiri, maso nie kaiwasa venanaripi nana pasla. ²⁵Apavo siniotu nei ruir nie kalwasa venanaripi tutir I pasia, tutir kaiwasa vene nanaripi siri tutiri pasia. Avori kievo so siae dioyo; "Ine maneta pa mial Menduin to manau toapa, tasamuai pi to pau vesiri nanapi tane nanaripi nini. ²⁶Vape yanama matau mesayo, e matau metadiawa, pi vitopi Paulus nienari pa. Paulus klevo toapa; Sie siniotu sinanari pasi ma, sie vata sina va. E diotoro kaiwasa pa sepau sesanemitiar nie kavo aniau pasi; apa nana Epesus vea va, vape vare uta Asia vetutira kota. ²⁷Vinggaririamo nana pa, tane nanaripi nini, nari siemuai sano vekariria. E yana mesari ea va, vape nari sie vavi Artenis nie anio pai, sa setatori ea va, e nari setararoyari. Arorae, kaiwasa vura nana uta Asia, to dunia vetutira, sie vavi sesom paina. ²⁸Kaiwasa veruir pasia setadiawa pa, sesanemi raro pasi simas, apa setananare setoyo; "Epesus pa sine sie Artenis, andi bieba!" ²⁹Apa kaiwasa pal vurae diananar usara Kota pai vetutira. Avori kaiwasa viananar pasia setapu tawana Gayus tutir Aristarkus, siniotu Makedonia verausara Paulus pa sandu, e sepapara sanduaso uta kaiwasa ruir nana pai. ³⁰Apavo Paulus dio suae riasara sia, amana kaiwasa Kristen venana yasia, senggavo suari. ³¹Siniotu veve baba nana uta Asiae, veve maneta tutir Paulus pa esia kota, setamias so Paulus, ave amamo vieruani nana uta kalwasa pai siorum nana pai vape moya. ³²Apa kaiwasa vesorum pasia, setananar sararidiol. Aso kaiwasa vepau pasia ma, setatara pi vionae sesorum soa pa. Apavo esia setananar tonine, esia setananar towana. ³³Mae kaiwasa pa esia ma setoyo sa Alexander ni

viediyara mamō toapa yana pa. Aso andi Yehudi pasia setawa irari topo bura kaiwasa vesorūm pai pana. Apa Alexander siasana vara pasi eta kaiwasa pai, ave amamo kievo rerai maso kaiwasa pai.³⁴ Amana sesayo riruina Alexander ma siniotu Yehudi nina pa, yanama kaiwasa pai vura, setananar to indawaiaie setoyo; "Epesus pa sene sie Artemis andi biebal"³⁵ Avori yanama, pegawai baba vevui nanapi Kota Epesus pai, kievo suara kaiwasa paie pleja. Kievo so siae dioyo; "Kaiwasa Epesus ne mia, Siniotu vurae siruina toapa, Epesus ma Kota venanari usara anio so sie vavi Artemis, tutir rovuki sren vetawa nana rora mesu paina.³⁶ Kaiwasa vura ruara kavo nine, apavo mepeja, e meso mamuna va.³⁷ Menggor siniotu nine sia ma pa, avo setamanana tane sie vavi pai Arteni nie anio pal te, pivai senggavo sislayara sano pae?"³⁸ Masi Demetrius, e nie venanaripi tutir i pasia, sene kavo setimbe karak siniotu nina mamō, senggor sene kavo jana so ruir vekutu kavo pai. Ruir vekutu kavo pai andia so kavo vetoapa jasi, e veve baba na pareta pa asiaja tawana.³⁹ Mae, masi plesaya vesiel ramie, metoyo amamo senggavo ariria nana kuaruvi baba pesi.⁴⁰ Aso kavo veve diadi nana raria ninei, diadi viediyara kariria so tata. E setator tata ve siniotu viono ruir vekariria, aso varo kavo veve umaja maso tatindera tata vurusu kavo veve diadi nana raria nini".⁴¹ Pegawai veve baba nana Kota Epesus pal, kievo kavo ninesi vura to manau pa, diemias kaiwasa boral yasiae sembavu.

20

PAULUS RIA SO UTA MAKEDONIA TUTIR YUNANI PA

¹Sawau venana Epesus pai mienau pa, Paulus ruira Jemaat pale diono kavo sanepaya so sia. Yanama siau tabe so slae, dinda nie rara pai so Makedonia.² Ria usara uta Makedonia, e diono kavo sanepaya so kaiwasa Kristen venana pasia to manau pa, yanama ria so uta Yunani.³ Niana wana sembai toru. Yanama dioyo ave sia na kapal paie ria so uta Siria, vape diediawa mana siniotu Yehudi pasia, seto setaramanie semuni. Apa yoma kutu riwaneae sioverale ria nanapi Makedonia.⁴ Siniotu pesi sano pa Sopater, Pirus atu pai, vieva na uta Berea, andi riausari, e Aristarkus tutir Sekundus, siniotu Tesalonika pasandu, e Gayusi siniotu Derbe pai, tutir Timotius, Tilikus e Trofimus setoru ma sembava na uta Asia.⁵ Sepapo amae setanota ama nana Kota Troas.⁶ Yanama Yehudi pa sene raria baba sesauwa ve Roti Vevaro Mur pai kiara to manau pa, amasuvi nana Kota Pilipi. Raria veve rim pai mana, amanduir riwaneae tutir sia nanapi Troas. Ama nana wana ari siri.

PAULUS NIE RARA VERA SO KOTA TROAS E VIMANAU PAI

⁷Diru ari pal ma amanduire amatapi vura ve mambeneta. Apa Paulus kievavo tutir kalwasa pal, aso kausapa mamō dio vievu pavo. Apa veito diru rabua, vape Paulus andia kievo rami.⁸ Andiraro venana anio pai sos vavo, amanduir na pai ma, padamara pa pau.⁹ Apavo katiei pesi, sano pa Etikus, miesoi nana jendela pai. Vape aso Paulus kievo to worol veja pavo, katiei pai vie remo veja pa, diena nana jendela pai, apa tiawa nana anio pai sos veve torua pai avav so douwa. Apa sendusasan i mana, vioru to manau.¹⁰ Vape ineri Paulus viar avav, avori viata-tawana katiei pale tieputawan i avori Paulus kievo so siae dioyo; "Mesanemi sasera va, andine tienam!".¹¹ Yanama Paulus sia riwaneae ayai so vavo wae, viov roti pasie viapi vura. E dinggavavo tutir kaiwasa pai veito sasaar pa, yanama suvie dinda.¹² Mae katiel pai tiename senggoriaso nie anio pai. Apa sesanemi vesasie to baba vesiri.

NANA KOTA TROAS SO KOTA MILETUS PA.

¹³Yanama amandarau amasa na kapal pale, amatapal papoa so aniose Asos, ave amamo amanggor Paulus na wana. Aso dierer toapana, e mataun i ma ria na rei.¹⁴ Apa Paulus siemual ama nana Asos pa, sawawarae sia ea na kapal paie, amatapaiaso Kota Metilene.¹⁵ Nana wana pa amatapai ea, e kausapa pa ma amasirieu siwara nu vesanomi na Khios. Saar pa mana amatapalaso Samos, e saar ea pa armasirieu na Kota Miletus.¹⁶ Paulus kutu toapa, sa vesirieu na Epesus va, ave amamo vesirieu na uta Asia vape moya. Ave diadi mamō, sawawara ve ria so Yerusalem, nana raria baba Pentakosta pai. Paulus nie kavo kievoraie vipowasa sia nana Kota Epesus pa.¹⁷ Nana Miletus pa, Paulus dienatu kavo aso Epesus, e siau veve baba na jemaat venana wasia, ave amamo senda vedior i na wana.¹⁸ Sendama to manau pa, yanama Paulus kievo so siae dioyo; "Maneta pa mia, menduina itenam tutir mia to rabua nine pa, nana raria retena irama so uta Asia pa."¹⁹ Tutir sanandika va, vape tutir re-rukaru vepaue jinanaripi so Sie pai, aso kariria borai isamuai pasi, nana kalwasa Yehudi pasia sene ria vekariria setato ariria maso ya pasi.²⁰ Maneta pa mia, menduina toapa, imatitil itopana pi viate maso mia pa va. Jeniau mia nana ruir baba pasi to nana anio pasi kota.²¹ Maso kaiwasa Yehudi pasia, veito kaiwasa veviesel, yono kavo sanepaya tawana, ave amamo sesovera vurusu sene tatar pasi, ave sendama so Sien Allah, e sesanemitari Sien Jesus.²² Ninema ira so Yerusalem, ariri Wainunu Sren pai nie kavo. E Jinduina moyara vitopi nari vediadi maso yau, nana wana pa.²³ Kavo iruina pa, nanapi Kota pasi mamō, Wainunu Sren pai tiopasivu so yau, toapa, nari isu bul, e nari isamual susa.²⁴ Vape, ive paduri tutir ine tenam nei va. Josoapa inanari ariri nanaripi Sien Jesus diono maso ya pai, ave amamo ikarakuai veito ivoru, nanapi itopanusara Kavo Vesie pai, aso Sien Allah nie sanepaya pai pa.²⁵ Ira atitieri mia vura to manau, e itopanariri so mia nanapi Sien Allah, vie prenta ariri Raja pa. Rabua nine ma isanemiriruina mana, ka sa tasamuai tata ea va.²⁶ Apavo itopa subata maso mia nana raria nini toapa, masi mia esi siemuai kariria pai mamō, ya ma iruini va.²⁷ Aya ivavu vurusu ine nanaripi nei va, nanapi itopana ariri Sien Allah nie sanevesie pai maso mia pa.²⁸ Mesayo ror mia, e mesayo ror Jemaat, Wainunu Sren pai diono maso miave mesayo rora pai kota; aso mia ma verusasana mia to

manau, ave amamo mesayo ror Jemaat pai Mesayo ror Sien Allah nie Jemaat pai, ariri gembala pal sieyo ror nie domba pasi pa. Aso ve pi mataun nie to manau nanapi atu pai nie voru pal. Sien Allah dion Jemaat pai²⁹ Ira to manau mammo, nari siniotu vekariria pesia senda tutir sene kavo aniau vekariria pasi maso amamo nari setawi vavera kaiwasa mesayo ror ora neslae setawa.³⁰ mia, Vape nana matau mia kota, nari mia esia setopana kavo aniau veve vata va pesasi. Senanari toapa yana veamamo kalwasa vesanemitiat Sien Jesus to manau pasia, setatar mammo setinda usara sia³¹ Apavo mesanempaya to vesiel Mesanempai tawana taun torua pasi, tutir re-rukaru vetavuvu diru sasaar, jimanau jeniau sia siri-siri pa va.³² Nine ma isiwa mia maso Sien Allah, ave andi dionariri mia, e ave amamo mendutawana topanusara nanapi Sien Allah nie sanepaya pai. Sien Allah andi playa so diono paya pai maso mia pa, e diono nie vesie pir e dietapua maso nie kaiwasa vura pai.³³ Aya isanemi-kariria pipi, pivai avavar nana sinotu pa esi va.³⁴ Mataun menduin toapa, nanapi matau ine paya, e inanaripi e jisasera pi so matau yau, tutir ine maneta verausara ya nesia.³⁵ Nana pi vura ma iveruana ariri ria so mia to manau, toapa tananaripi to paya toapa nine, ave amamo tasanempai siniotu vemarui va pasia pe. Tasanempai tawana Sien Jesus matauni kavo kievora pa, ttoapa; "Tatono pi so siniotu pa vesie rawal tambe tirima pi nanapi siniotu pa³⁶ Paulus kievo to manau pa, disanaebu pasi tutir sia vura, avori sembe nadi.³⁷ Sia vura sesale setapu tawana Paulus, e setitopa tabe so i³⁸ Sesanemi pa sikaririae sesai, aso Paulus kievore dioyo, kasa sesayori ea va pa. Yanama senggori arau so kapal pai.

21

PAULUS RIA SO YERUSALEM PA

¹ Amatopa sasara so veve baba nana Jemaat Epesus pasia to manau pa, yanama ama suvi. Avori amatapai vesiri a so nu vesanomi na Kos, e kausapa pa ama sirieu nana nu vesanomi na Rodos. Nana yana pa, amatapai vesiri a so sawararo Patara² Na Patara pa, amasamuai kapal vio viepaia so Fenisia pesi.³ Apa amasa na kapal pale amatapai to amasayo nu Siprus tara rawa sara; vape amatapai vesiri tatera uta Siria. Apa amasirieu nana Kota Tirus, aso kapal amasa nana pai, dio viar pi kior pasi nana pana⁴ Nana uta yana pa, amandae amasayo ariri kaiwasa vesanernitiar Jesus pasia, apa amamasol tutir sia ari siri. Wainunu Sren pai tiopnariri so sia pavo, seto kavo sanepaya so Paulus, ave ria so Yerusalem vape moya.⁵ Vape amamasoi na jana to raria pa sikai pavo, ama bata ama vurusu sia e amanda ea ariri amane rara pai. Murit-murit pasia vura tutir sembinimie tutir sene atumae sendausara ama veito amasuvi vurusu kota pai. Amandarau so sasi dere pa, apa ama vura amatisa amane ae bu pasie amambe nadi.⁶ Manaupa amambe tabe vavera so amae, yanama amasa na kapal paie, setombavu so sene anio pasi.⁷ Amatapal nana Kota Tirus pa, amasirieu nana. Kota Ptolemais. Apa amanda so maneta vesanemitiat venana wasia, e amatopa tabe so siae, amatinana wana tutir sia raria siri.⁸ Kausapa pa ma, ama suvi riwaneae amanda so Kaisarea. Na yana pa amanda so Penginjil vesanomi na Pilipus, e amanana nie anio pal. Pilipus ma siniotu rimemuandu viri nana Yerusalem pasia esi nina.⁹ Atu vavi pa sembe at, Sien Allah diono paya so sia to manau, ave amamo setopana Sien Allah nie kavo pai¹⁰ Ama nana wana pa, Nabi pesi sano pa Agabus, ria nana uta Yudea ma.¹¹ Riama so ama, avori kior Paulus nie kavavirai pai. Kavavirai yanie, dinggasie matauni ae pasi tutir vara pasi, avori kievore dioyo; "Wainunu Sren pai kievo toapa nine; "Vene kavavirai nei, nari Yehudi wasia, setaviti na Yerusalem toapa nine, e sesiwaso siniotu vevesiei Yehudi va pasia."¹² Amatadiawa kavo nine pa, ama tutir maneta venana Kaisarea pasia vura, amasau so Paulus, ave amamo ria so Yerusalem vape moja.¹³ Amana Paulus kievare dioyo; "Avo metosale metonae sanene kariria tonine ve? Ikutu na saneraro ne to manau, ave amamo setapu ya na wana vea va, vape ave amamo ivoru kota na Jerusalem, so Sien Jesus sano pa".¹⁴ Paulus kembaral diediawa ama pa, ama manau amatoi suari pa. Apa amanggavore amatoyo: "Anri Sien pai nie mayar pai vea".¹⁵ Ama nana yana raria pa esandu to mannau pa, amasayo ariri amane pi pasie, yanama amanda so Yerusalem.¹⁶ Maneta pa esla kota nana Kaisarea senda tutir ama, e senggor ama so Manason nie anio pai, aso nie anio paini nari ama nana pana. Manason ma siniotu Siprus nina, e vie Kristen to worol ato.

PAULUS RIA SO YAKOBUS PA

¹⁷ Amanda so Yerusalem pa, maneta venana wasia sembe tirima ama tutir sane vesie vesirt.¹⁸ Kausapa pa Paulus riasara amae amanda so Yakobus, veve baba nana Jemaat pa saya senana yana¹⁹ Paulus rut varakat tutir sia to manau pa, yanama tiopanusara Sien Allah tutir I nanapi nanaripi pale riae nienaripi so kaiwasa Yehudi va pasia pa.²⁰ Setadiawa Paulus kievo pa to manau pa, sia vura sesanandika Sien Allah. Yanama senggavo s Paulus, e setoyo; "Mambeneta pa Paulus, ruina toapa, kaiwasa Yehudi ne sembe siaran to sesanemitiat Jesus to manau. Sia vura ma sendutawana Sien Allah nie prenta Musai tiopana pasi t karakuai vesiri.²¹ E rabua nine ma setadiawa toapa, bueniau kaiwasa Yehudi vemaso tietiovara kaiwasa venana ut vevesiei pasia, ave amamo setavina Sien Allah nie prenta Musai tiopana pasi. E bueniau sia sembe sunat sene atuma pasia, ariri Yehudi pa sene buzi tawawari pasi vape moja.²² Nie ma kaiwasa Yehudi veve Kristen to manau pasia, nari setadiawa nuana nine pa to manau apavo nari toane?²³ Vesie pa rua ariri amane kavo sanepaya ne. Toapa, siniotu pa sembe at, asiaya na nine, sepir are maso Sien pai to manau.²⁴ Apavo ruausara siae menda ve menanari ariri atoran mene sren mene tarai pasi pa, e vuait vor sia, ave amamo sendumi pasi sikasa pe. Nuenari toapa yana pa, ave amamo veruana so kalwasa vura, toapa kavo nuenari e setadiawa pasi, sive vatava, aso auya rua arin Sien Allah nie prenta Musai tiopana pasi kota.²⁵ Mae kaiwasa vevesiei Yehudi va, vesanemitiat Jesus to manau pasia ma,

amatanatu surat so sia to manau, aso amanggutu to manau toapa, sa seta pisia visom karuar va, sa seta veria va, sa seta binatan vevorue veria suvi va, e sa senanari kavo vavi sararidioi va.

SETAPUR PAULUS NANAPI ANIO ALLAH PAI PA

²⁶Kausapa pa Paulus ria tutir siniotu ata pasiae senda vura senanari ariri atoran sembe srer sene tarai pasi pa. Manau pa sesua na Anio Allah paie setopana ariri atoran sembe srer sene tarai pasi, nari sendai raria toi ea vori manau pa, ave amamo yanama sia siri-siri diona nie p som pasi pe.²⁷Yanama raria rimemuandua pasi deriasi simanau pa, siniotu Yehudi vera nana Asia ma pa esia, sesajo Paulus nana Anio Allah pai raro pa. Apa senggavo amias kalwasa pale setapur Paulus, avori setananare setoyo; ²⁸"Wojo, kalwasa Israel ne mia, mendama! Siniotu pai nine, ria usara uta vurae dieniau kaiwasa vura nana pianiau viombesiei verawaina kaiwasa Israel nei. Riewaina Sien Allah nie prenta Musai tiopana pasie, riewaina Anio Allah nei. Nine ma kior "Siniotu Yehudi va nesia ma so Anio Allah neie, seto rariai so uta veve sren nei".²⁹senggavo towana pa ma, aso sesayo Tropinus, siniotu Epesus pai ria tutir Paulus nana Kota pal pana; apavo setoyo sa Paulus kioria so Anio Allah pai to manau.³⁰Apa kaiwasa venana Kota pai kuya, e setapaia sesorum. Avori setapur Pauluse sepapari nana Anio Allah pai ari so vorira wa, e sawawara vesirie sesiori Anio Allah pai rature pasi. ³¹Kaiwasa vetapur Paulus pasia setoyo ave semuni pana. Amana tentara Roma pa sene Komandan baba mo pai, diediawa mana kaiwasa venana Kota Yerusalem pasia vura, sesawau pa.³²Apa kior tentara pa esia, tutir veve baba pa esia, e sawawarae senda so uta sawau pai niana pa. Kaiwasa pai sieyo Komandan baba pai tutir nie tentara pasia pa, semanau sendora Paulus pa.³³Avori Komandan baba pai ria rut Paulus, e diemiase tentara pasia senggase vara pasi na wangga. Yanama Komandan baba pai dutan ariri nanapi Paulus ma teinina pae, vitoni dioni pa.³⁴Amana kaiwasa pa esia senggavo tonine e esia senggavo towana. Apavo setombeito Komandan baba pai ruin ariri kavo pa umaya pa va. Apa diemiase senggor Paulus aso veve baba nana tentara pasia, sene uta senana pa. ³⁵Tentara pasia senda tutir Paulus ra so te pai, amana kaiwasa pasia sesomamuna veja pa, tentara pa sesariowa sasana Paulus. ³⁶Mae kaiwasa vio vemun Paulus pasia, sepuie setananare setoyo; "Memuni ve viore vurusua".

PAULUS SIAU VEAMAMO KIEVO RERAI PA.

³⁷Senda sederiasi veve baba na tentara pasia uta senana pa, avori Paulus kievo so Komandan baba paie dioyo; "Tuani, diadi ikavo katu tutir auwe?" Apa komandan baba pai dutanie dioyo; "Apavo au ma ruin kavo Yunani pae?" ³⁸"Tojana pavo siniotu Masir raria wani viono ru karakual so Pemerentae, vevau tutir siniotu sia-ran ata viomamu tutir pimamunae, vesuae vianiwa nana mapar veve rubua wal pal andi aue?"³⁹Amana Paulus ruar so komandan baba paie dioyo; "Yama siniotu Yehudi ni yau, ya ma ivava nana Kota Tarsus, Kota veve sano nana uta Kilikia pai. Isau so aue muajar mamo, yo ikavo so kaiwasa nei. ⁴⁰Apa komandan baba pai miajar so Paulus kievo pa. Yanama Paulus siae diosa sasani na te pale, siasana vara pasie suara kalwasa paie pieja. Avori Paulus kievo so kaiwasa pai nana kavo iberanie diayo.

22

PAULUS KLEVO SO KAIWASA YEHUDI PASIA PA

¹Aisinia pa miae, tutir maneta pa mia vura. Nari ikavo rera yau, maso mia vura. Ite metadiawa. ²Setadiawa Paulus kievo nana kavo Iberani pa yanama setipeya. Avori yanama Paulus dinggavorae dioyo;³"Ya ma siniotu Yehudi ni yau, ive diadi nanapi Kota Tarsus, nana uta Kilikia, vape ibaba nanapi nine, na Yerusalem, e jeniawa atoran agama Musai diona so tatapumi pasia pasi, nanapi Guru Baba Gamaliel. Inanaripi to tetap vesiri maso Sien Allah, arii mia nine. ⁴Kaiwasa verausara aniau vavoru nine sia ma, imu tatir sia veito semboru. Mua to vavi, itapu sia. ⁵vatamoe jawi va. Aso sia setono surat usara ya so kaiwasa Yehudi venana Kota Damsik pasia pa. Ave amamo tutir surat yanie, diadi so jitapur kalwasa vesanemitiar aniau jasi nana Kota Damsik, e Jeriaun sia so Yerusalem, ave amamo sesamual hukum". vurae ikovara sia nana bui pai. Imam Baba mo pai matauni, tutir Agama pai nie ruir baba pal vura, senduin kavo nine, toapa.

PAULUS TIOPANUSARA PI VEVE DIADI SOI NANA NIE RARA VERA SO KOTA DAMSIK PAI PA

⁶Nanapi ine rara pai pa, ira ideriasi Kota Damsik, e raria rabua, avori sasaar pesi disamlara nana rorawa mesu, disanggapara yau. ⁷Apa itau avav so kakopa wa, avori jediawa raopui pesi kievo so yaue dioyo; "Saulus! Saulus! Buotopi mun tatir Ya pa?" ⁸Avori jutanie yoyo; "Avo ka tuanie, teini Au?" amana ruar so yaue dioyo: "Jesus, siniotu Nasaret, mun tatira pai, andi Yau"⁹Kaiwasa verausara Ya pasia, sesajo vesasaar yani, vape setadiawa raopui vekavo so ya pai va. ¹⁰Apa yuta riwaneae yoyo; "Sie panau, apavo nari vitoni inanari?" Amana Sien ruare dioyo; "Supbataue, ruapui so Kota Damsik. Nari nana wana pino, suemuai ariri pi vitosi Sien Allah sanevesie nuenarisi pape". ¹¹Apa re nesi sitabuabua, aso visanggapara pal piot pa, avori ine maneta amanda pasia, sendut atitieti yaue, senggor ya a pul so Kota Damsik.¹²Nana yana vori, siniotu pesi sano pa Ananias. I ma siniotu vesanemitiare vektorusarae vera ariri Sien Allah nie prenta Musal tiopana so tata pesi nina. Kaiwasa Yehudi venana Damsik pasia vura setatuani vesiri. ¹³Andi rima sieyo yau, avori diosa

siwara yaue dioyo; "Manetai Saulus, isaue sivu remu pasie suejo riwanea. Apa nana diam yani veae, isasana renesie yanama isajori.¹⁴ Avori kievo so yaue dioyo, "Tatapumi pa sene Sie pai, diri au to manau, ave amamo ruin ariri Sien nie sanevesie paie, ave amamo suejo Sien Jesus, Sien Allah nie amias vera ariri Sien Allah nie sanevesie pai.¹⁵ Nari vue saksi, ave topanusara pi suejorae, buediawa pasi so kaiwasa vura.¹⁶ Nine ma tituwae woroi ea va. Suobataue, suoiv kambu Sren pal. Suau so Sie pai, ave armamo tueisu vuresu nomu tatar pasi".

SIEN ALLAH DIEMIAS PAULUSE DIENIAU KAIWASA VEVESIEI YEHUDI VA PASIA PA.

¹⁷"Yanama isovera so Yerusalem, e aya ive nadi nana Anio Allah pai. Apa Wainunu Sren pai su so yau.¹⁸ Apa isayo Sie pal; kievo so yaue dioyo, "Sairae vuvu vurusu Yerusalern, aso kaiwasa venana nesia, sa setadiawa au so ine kavo nei va.¹⁹ Apa ikavore yoyo; "Sien, senduin ve vatamo, toapa isua nana anio ari pasi vurae itapur kalwasa vesanemitiar Au pasiae irora tatir sia.²⁰ Toapana kota nana rabua nomu saksi pai Stepanus, semuni to vioru pa, yaya kota inana yanae isanemi vesie so semuni pa. E, ya josa tutir siniotu vemuni pasia sene sasu pasi".²¹ Amana Sien kievo so ya riwanea dioyo; "rua vea, aso nari jemias aue rua so uta viaroi, rua so kalwasa Yehudiva pasia."²² Kaiwasa pai andia diediawa usara Paulus kievo pa, vape ineri kavo kievora vipula pa, setananar to baba vesirie setoyo; "Siniotu vetoapa yani ma tamuni. Vioru pa mesaril"²³ Setananare setita sene sasu vorira pasie, senggamu kakopa vesawor pasie setetapasi so vavo wa.²⁴ Apa komandan baba tentara Roma pai diemiase senggor Paulus aso veve baba nana tentara pasia uta senana pa, ave amamo setutanusarie sesasera ariri pi vitoni viediyarae kalwasa Yehudi pasia setananara Paulus veja pa²⁵ Vape ineri tentara pasia setavitie seto sendorai pa, Paulus kievo so veve baba nana tentara pa esi viosa tutiri pal, e dioyo; "Ya ma siniotu Roma ni yau, avori aya isamuai urusan varanie, meto mendora ya pa".²⁶ Veve baba na tentara pai diediawa Paulus kievo tonine pa, ria so komandan baba mo pale dioyo; "Tuani, avo nari buotoane?" Aso siniotu nei ma siniotu Roma nina.²⁷ Apa komandan baba pai ria so Pauluse dutanie dioyo; "ite tuopana ariri so yau, toapa, siniotu Roma ni au ve vatamoe?" Apa Paulus ruare dioyo; "Maite, ya ma siniotu Roma ni yau".²⁸ Komandan baba pai kievo riwanea dioyo; "Ya ma isamual wasa siniotu Roma ne ma, ivori nana valt vetarial vesiri". Amana Paulus ruar sole dioyo; "Vape ya ma Roma tapu ni yau".²⁹ Apa nana diam yanie, tentara vio vesasera ariri kavo nana Paulus pasia, sesisul sia, e komandan baba pai mletai, aso Paulus ma siniotu Roma nina, avori diemiase setaviti pa.

PAULUS KIEVO NANA AGAMA YEHUDI PA SENE RUIR BABA VEKUTU KAVO PAI PA

³⁰ Komandan baba nanapi tentara Roma pai, dio siesera ve ruin ariri pi vitopi vedlayara e kalwasa Yehudi pasia setoyo Paulus siesara nana pa. Apa kausapa pa ma siau imam baba pasia tutir agama Yehudi pa sene ruir baba vekutu kavo paie, ave amamo senduir. Yanama setita wangga pasi vurusu Paulus vara pasie, senggoria diosa na ruir pai rabua pa.

23 ¹ Paulus dieduata tera kaiwasa venana agama Yehudi pasia sene ruir baba vekutu kavo pai to manau vori, klevore dioyo; "Ine maneta pa mial Veitoro raria nini, iruin isasara so Sien Allah nana saneraro ne va, nanapi ine tenam nei".² Paulus kievo tonine pa, Imam Baba mo pai Ananias, diemiase siniotu viosa siwara Paulus paie biasar Paulus sore pal.³ Apa Paulus kievo so Imam Baba mo paie dioyo, "Nari Sien Allah biasar au, siniotu matau viojo veve sren vedianau. Matau buujo muesol na vedianae vue urus yau, ariri Sien Allah nie prenta Musai diona pasi. Arorae mataun au ruewain prenta yasie buemiase sebasar ya pa".⁴ Siniotu viosa siwara Paulus pasia senggavo so Paulus e setoyo; "Buonggavo sislayara Sien Allah nie Imam Baba mo pai pa".⁵ Amana Paulus rurar so siae dioyo, Oo, manetai ka irui so Imam Baba mo paina va parna. Aso nana buku repo pai mammo vevul toapana; kuevo sisiyara veve baba so mene kaiwasa pasia vape moja.⁶ Avori Paulus siejo mana kaiwasa venana ruir baba pasia, esa ma siniotu Saduki siana, e esiana siniotu Parisi siana. Apa kievo so ruir baba pale dioyo; "Maneta pa mial Ya ma Parisi ni yau, e Parisi tapu ni yau. Isamuai urusan nana nine pa ma, aso isanemitiar toapa, vevoru pasi nari sibatase sitenam riwanea pa pana".⁷ Kievo toapa yana pa, karwasa Parisi pasia tutir Saduki pasia, setimbariwi vavera, apa ruir pai piowasa ve muandu.⁸ Aso kaiwasa Saduki pasia ma setoyo, vevoru pasi sa sibatase sitenam riwanea va pana, e varo malaekat, varo vainunu kota; mae kaiwasa Parisi pasama sesanemitiar toapa, pininesi⁹ Apa setingguya. Parisi veve guru "Maso ama mammo, siniotu nini ma viero sasara. Vape esa mammo nari Wainunu, pival Malaekat ni kievo sol nel vura, asija. agama pa esia, sebata siae senggavo to karakual vesirie setayo;¹⁰ Apa variriwi madia va, veito komandan baba mo pai, mietai setoto sendura so Pauluse semuni pe Apa diemiasa nie tentara pasiae senggor Paulus vurusu kaiwasa paie, senggoria so veve baba nana tentara pasia uta senana pa.¹¹ Diru vesousara pai pa, Sien Jesus diosa siwara Paulus, e kievo sole dioyo; "Sun sanemu pal Vue saksi so Yau, nana Yerusalem to manau. E nari vue saksi so Yau, nana Roma kota".

RUIR VIO VEMUN PAULUS PAI

¹² Kausapa pa ma, kaiwasa Yehudi pasia setono ruir pesi. Apa sesauwora e setapi va, setunu va, veitoro semun Paulus mo pino.¹³ Viono ruir pasia sepau pa sembe siniotu muandue rawal.¹⁴ Senda so Imam baba pasia tutir veve baba nana Yehudi pasiae, setoyo, "Ama vura amasauwora to manau toapa, sa amatapi va, amatunu va veito amamun Paulus mo pino.¹⁵ Apavo yanama mia tutir kalwasa venana agarna pai nie ruir baba paie, metanatu surat pesie so komandan baba na

tentara Roma paie, mesau soi, ave amamo senggor sovera Paulus maso mia ea. E metombe membe urus riwana nie kavo pal nanari ea. Ave amamo, amataramanie amamuni na aya riama so mia varami wa".¹⁶ Amana Paulus ano pai, diediawa ruir vio vemun Paulus pa sene kavo pasi. Apa ria so veve haba na tentara pasia uta senana pa, e tiopana kavo pasi so Paulus.¹⁷ Apa Paulus siau veve baba na tentara pa esi, e kievo sole dioyo; "Kuur katiel neia so Komandan baba wal, dio tiopana kavo pina soi".¹⁸ Veve baba na tentara pai klor katiei paie so Komandan baba paie dioyo; "Paulus, siniotu venana bui pai, siau yaue diemiase ikor katiei nei ma so au, dio tiopana kavo pina".¹⁹ Komanda baba pai rut na katiei pai vara pae susovera sandu, avori yanama dutanie dioyo; "Vitonl buo tuopani so ya pa?"²⁰ Apa katiei pai ruarsole dioyo; "Kaiwasa Yehudi wa sia sesanemi sirie seto sesau so aue kuor Paulus so Agama Yehudi pai nie ruir baba vekutu kavo wai na kausapa, e setombe urus nie kavo pai nanari ea."²¹ Vape tuani kuorusara sene sauwa vape moja, aso siniotu pa sembe siniotu muandue rawal, asia setaniwa, ave amamo setosa vediora nana ria wai. Sia vura sesawora to manau, toapa, sa setapi va sa setunu kambu va, veito semun Paulus mo pino. Nine ma setarama to manau, e setanota vel ruar pa vea. tuani²² Apa komandan baba pai kievore dioyo; "Bitopa vaveri so esi ea vape moja, aso tuopana kavo ne to manau so ya pal" Yanama diemiase katiei pai vievu.

SETANATU PAULUS SO GUBERNUR PELIKS NA KOTA KAESAREA PA

²³Yanama Komandan baba pai siau veve baba nana tentara pa esandu, avori kievo so sandue dioyo; musayo tentara pa sembe utin muandu, tutir tentara vesa na kuda pa sembe siniotu torue-sura, e tentara verut sanai pa sembe utin muandu, ave sesuvi na diam rimeat diru ne kota, so Kaesarea.²⁴ Mesayo kuda pesi kota so Paulus sia nana pa, e menggori tutir vesie ra so Gubernur Peliks".²⁵ Avori Komandan baba pai vui surat pesie riotu toapa nine; ²⁶"Aisinia baba Gubernur Peliks, tabe so au, nanapi yau Kladius Lisias! Siniotu nini ma, kaiwasa Yehudi pa setapuri to manau vare semuni, vape vesie na iratutir ine tentara pasiae amanda vediori."²⁷ Aso jediawa toapa, i ma siniotu Roma nina pana.²⁸ Apa ikoria so Yehudi pa sene ruir baba vekutu kavo pai, ave yo jediawa ariri sasara vitoni vediayarae, sembe karaki soapa.²⁹ Vape ineri veruana toapa, nienari pi vediayarae siemuai hukuman voru pival hukuman bui pesi va. Vape sembe karaki pa ma, aso kavo vavera nanapi matau sene atoran agama pai pana.³⁰ Avori jitopa sasaara toapa, kalwasa Yehudi nesia setato semuni. Apajoma sawawarae jemiasa senggori maso au pa. E jemlasa veve karaki pasia to manau, ave amamo senggor sene kavo setimbe karaki pasi maso au".³¹ Apa yanama tentara pasia sendaariri prenta sesamual paie, senggor Pauluse sesuvi tutiri na diru kota, ra so Kota Antipatris. yani ³²Kausapa pa ma, setonae tentara vesa nana kuda pasia senda tutir Paulus, mae tentara vera na veraemi pasia sesovera so uta senana pa.³³ Tentara vesa na kuda pasia senda so Kaisarea to manau pa, yanama setono surat pai so Gubernur pale, setitono Paulus aso i.³⁴ Gubernur pai diap surat pai to manau pa, dutan Paulus so vieva nana uta topina. Yanama ruin toapa Paulus ma vieva nana uta Kilikia, ³⁵Apa kievore dioyo; "Vesie, nari ive urus nomu kavo nei, vape siniotu veve karak au pasia, sendama so nineni". Yanama Gubernur Peliks diemiase, senggor Paulus sesiori vedior i nana raja Herodes nie anio pai.

24 SINIOTU YEHUDI PASIA SEMBE KARAKA PAULUS SO GUBERNUR PELIKS PA

¹Raria rim to manau, avori Imam Baba mo pai Ananias, tutir veve baba nana Yehudi pasiae senda so Kaisarea, tutir siniotu vetopanariri kavo nanapi urusan pesi, sanopa Tertulus. Senda so Gubernur Peliks, e setopanariri kavo setimbe karaka Paulus pasi.² Avori sesau Tertulus apo diosa na dopo wa e vie karak Paulus toapa nine; "Tuan baba Gubernur panaul Nanapi nomu pareta pai pa, amane uta nei mienasi pa. E aso vue ator to vesie pa, pi viate pa pau vesiri sinanari maso amane kaiwasa nei pa."³ Ninesi vura ma tawana e nana topina vea, armambe trima tutir saneraro veve trima kasih to baba nanari vesiri.⁴ Vape amamo tuani buenota e woroi vape mojae, isau so aue, ka buediawa amane kavo sope katu amatimbe karaka ne.⁵ Amanduin toapa siniotu nei ma, nienari pi viono manasi pesa va vesiri. Na topina veao, dionae kaiwasa Yehudi pasi simanasi va, e andi vie baba so kaiwasa Nasaret pasia nana ruir vekariria, verawal pareta pai.⁶ Andi dio diono rariai so Anio Allah pai pa, vape amatapuri, amatoyo ave amarno, amambe urus i ariri matau amane atoran agama pai⁷ Amana Komandan baba pai Lisius, ria diewari vurusu ama, ⁸e diemiasa kaiwasa veve karaki pasiae sendama so tuani au). Masi tuani buo suesera ariri so nie vava nesi mamu, nari tuani matau buediawa nie kavo pasi sitindi ariri kavo amatimbe karaki nesi".⁹ Kaiwasa Yehudi venana yasia kota, sembe karaka Pauluse setindura toapa, Tertulus nie kavo kievora pasi vura sitindia.

PAULUS KIEVO RERA MATAUNI NANAPI GUBERNUR PELIKS PA

¹⁰Yanama Gubernur pai diemias Paulus toapa, Paulus diadi so kievo, apa Paulus kievore dioyo; "Iruin toapa, tuani au vue baba veve urus kavo nana uta ne, woroi pa taun toi to manau. Apa yoma sane vesie vesiri so ikor kavo jinggavo rera matau ya ne, maso tuani au pa."¹¹ Nai tuani matau ruin araria to manau, toapa kara raria suraemuandu to manau pa nine, amamo ira ive nadi nana Yerusalem pa, ¹²E, aya kaiwasa Yehudi vedia sia sesamuai jono variriwi tutir siniotu pesi pa va, pivai iruir siniotu so ruir vekariria va, nana Anio Alla pail to nana anio ari esi pasi kota, pivai nana topina vea nana Kota nel raro ne.¹³ Sia kota sesamual kavo veve urnaja pesa va, nana kavo setimbe karak ya so tuani au nesi kota.¹⁴ Mae itopa

sasara so tuani au, toapa, ya ma isom armatapumi pa sene Sie pal, ariri Jesus nie aniau, setoyo vesasara pai. Vapa yane isanemitiar kavo vevui nanapi Musai tutir nabi pasia vura, sene buku pasi.¹⁵ Ya kota ipir sanetiar so Sien Alla ariri sia kota, toapa, kaiwasa vura, vioru to manau mamu nari siobataie tienam riwane-kalwasa viate to, kalwasa vekariria.¹⁶ Apa joma tawana inanari to vesie mo, ave amamo sane raro ne varo rarial maso Sien Allah, e varc rariai maso siniotu pasi.¹⁷ Isuvi na Yerusalem taun toi ato, apa yanama isovera ea ma ve, jono pipi so ine kaiwasa, e jono pi som so Sien Allah.¹⁸ Nana rabua inanari pininesi pa mamu, yoma sesamuai ya nana Anio Allah pai pa, nana ive sren rurana ine tarai nei to manau pa, vape kaiwasa vepau pesia tutir ya va, e nana rabua yana kota, sawau pesa va.¹⁹ Mae Yehudi pa katuesia, senda nana uta Asia-katu ma, sia sendama reto, ave sia sesamual kavo veve umaja pesa so setimbe karak ya pa mamu, setopana so tuani au pa.²⁰ Mae pivaio, siniotu viosa nine sia, setopanariri sasara vitosi setosamuaiasi nana ya pa. Nana rabua Yehudi pa sene ruir baba pai vie urus ya pa.²¹ Nari mesamuai kavo siri ikavora nana ruir wai pa mesari, ikavo toapa; "Isamual urusan nana raria nini pa, aso joma isanemitiar toapa, siniotu vevoru pasi nari sitenam riwane pa."²² Avori Peliks, i ma ruin ariri Jesus nie kavo aniau pasi to manau ato pavo, andi siori kuaruvi pai, e dinggavorae dioyo; "Komandan baba pa Lisias, riama to manau mamu nari ya ikutu ariri kavo nei".²³ Yanama Peliks kievo so tentara pa sene veve baba vesayorora Paulus pal, ave amamo setarama vedior Paulus mamu, tutir arama vekarakuai vape moja. Ave vitopi dio siau nana nie maneta pasia mamu, senggor maso i pe.

GUBERNUR PELIKS TUTIR VINIE DRUSILAI SURAMIASE SENGGOR PAULUS A SO SANDU PA.

²⁴Kara raria pa esasi, avori Peliks tutir vinle vesanomi na Drusila pai, sundama. I ma vavi Yehudi nina. Yanama Peliks diemiase senggor Paulus so sandu, ave diediawa usara Paulus so kievo nanapi sanetiar Kristus Jesus pa.²⁵ Vape Ineri Paulus kievo na tenam nanapi vetindia pai pae manau soresisu vekariria pat pae, hukuman nana raria dopui pae, apa Peliks dimatalae dioyo "Manau nana yanae, rua to raria viate pesi ea avori yanama yemiase sesau au".²⁶ Arorae Peliks sanetiar toapa nari siemuai pipi nanapi Paulus pavo, apa joma diemiase nendiwanee senggor Paulus a sole kievavo tutir i ora pa.²⁷ Yanama taun muandu to manau pa, Perkius Pestus, vie Gubernur riwana Peliks. E Peliks dioyo ave amamo kaiwasa Yehudi pasia sesanemi vesieni pavo, dionae Paulus niana bul pai vea.

25 PAULUS SIAU VE AMAMO SIEMUAL URUSAN NANAPI KAISER PAI, NANA UTA ROMA

¹Apavo Pestusi ria so wana raria toru, to manau pa, yanama riana Kaisarea so Yerusalem.² Apa Imam baba pasia tutir veve baba nana Yehudi pasia, setopanarini sene kavo setambe karaka Paulus pasi sol.³ Apa senggavo araria Pestusi vea, ave amamo Pestusi sanepai sia, diemiase senggor Paulus a so Yerusalem; aso setato kavo to manau, ave amamo semuni nana ria rabua wa.⁴ Amana Pestusi kievo so siae dioyo; "Paulus ma niana bui to manau, nana Kota Kaisarea, e woroi va so isovera ea so wana pa."⁵ Apavo, vesie pa mene veve baba pasia, sendausara ya so Kaisarea, ave amamo setono parkara tutir i nana wana, masi menari sasara pesa ve vatamo mamu".⁶ Pestusi niana Yerusalem raria rimetoru pivai sura toyana ea, avori yanama sioverai ea so Kaisarea pa. Kausapa pa ma diono ruir urusan, e vie prentae senggor Paulus a soi.⁷ Yanama senggor Paulus a so ruir pai, apa kaiwasa Yehudi vera nana Yerusalem pasia, setosa wawariri, avori sembe karaki nanapi kavo vemarabat vesiri. Vape sesamuai kavo umaya vesasara pesa va.⁸ Apa Paulus kievo rera mataunie dioyo; "Aya inanari sasara pesae rawain Sien Allah nie prenta Musai tiopana pasi va, pivai irawain Anio Allah pai va, pivai irawain Kaiser Roma pai va".⁹ Amana Pestusi, dioyo diona ve amamo Yehudi pasia sesanemi vesieni pavo, dutan Pauluse dioyo; "Sane vesie rua so Yerusalem e suemuai urusan nana wanae jitadiawa ariri kavo setimbe karaka au pasie?"¹⁰ Apa Paulus kievore diayo; "Kaiser Roma pai nie uta vekutu kavo paini josa nana ne. Apavo ine kavo nei kievora nana pa nine. Tuani matau ruin toapa, isasara so kaiwasa Yehudi nei va."¹¹ Apavo masi irawai atoran paie, inanari pi vevediyarae isamual hukuman voru pai mamu, ivoru mana, vape sene kavo setimbe karaka ya nesi, sitindi va mamu, sa esi pia siwi.¹² Ya so sia va. Apavo isaue ine kavo nei kievora nanapi Kaiser pai vea".

RAJA AGRIPA TUTIR RARUO VAVI BERNIKE SUNDA SO GUBERNUR PESTUS PA

¹³Pestusi tutir nie veve baba pasia, setato ariri kavo to masi pa, yanama kievo so Pauluse dioyo: "Suaue buoyo nomu kavo nel kievora nanapi Kaiser pai pavo, nari rua so Kaiser pai".¹⁴ Kara raria pa esandu, avori Raja Agripa tutir raruvo vavi pai Bernike, sunda so Kota Kaisarea, ave sundu vara kat tutir Gubernur Pestus.¹⁵ Sunana Kaisarea raria pa esandu, avori Pestusi tiopanusara Paulus nie kavo pai so Raja Agripa. Pestusi dioyo; "Nana rabua Peliks pa, siniotu vesamuai bui pesi, andia niana bui pal veito nine."¹⁶ Inana Yerusalem pa, Imam baba pasia, tutir veve baba nana Yehudi pasia, sembe karak siniotu nini, e sesau so yau, ave amamo ipir hukuman soi.¹⁷ Amana ikavo so sia toapa, siniotu Roma pasi ma, sa sive hukum siniotu sembe karaka pasia sararidiol va, ave siniotu veve karak paie, siniotu vie karaka waie, sunduir sandue sunggavore viadiawa ariri sune kavo wasi ri. E siniotu sembe karaka wal kievo rera mataun i papo ri.¹⁸ Apavo raria sendama pai ma, jenotae woroi ea va, sendama e kausapa pa ma, jono ruir urusan pale, jemiase senggor siniotu pai maso ruir pai.¹⁹ Yanama siniotu veve karaki pasia, sesobata siae sembe karaki. Apavo yosa nari sembe karaki nana kavo vesasara rawal mo pesa.²⁰ Armana piva, i ma senggavo vavera tutir i nanapi matau setone agama pai vea. E senggavo nanapi siniotu vesanomi nana Jesus pai. Siniotu nini ma vioru to manau, vape Paulus kierakuai veae dioyo siniotu nini

tienam.²¹ Apavo itatar, e jisamuai kavo vetindia pesa so kavo pai va. Apa jutan Paulus, so sane vesie ria so Yerusalem e sembe urus nie kavo nei nana wana pe.²² Amana Paulus siau, ave nie kavo nei kievora riwanea nanapi urusan vetariai rawai ea. Apajoma Jemiase setonae miesoi nana bui pal, sasera raria toni nari jenatui so Kaiser wai pa".²³ Apa Raja Agripa kievo so Gubernur Pestusie dioyo; "Ya kota, isanemivesie jediawa siniotu jani mataunil" Apa Pestusi dioyo; "Kausapa vori buediawa".²⁴ Kausapa pa ma raja Agripa tutir raruo vavi Bernikei, sundama tutir sune marandi raja pasi, yanama sesua nana andiraro ruir baba vekavor kavo pai, tutir veve baba nana tentara pasiae, tutir siniatu veve baba na Kota pasla, Yanama Gubernur Pestus diemiase senggor Paulus so ruir pai.²⁵ Avori Gubernur. Pestus kievore dioyo, "Aisinia baba pa raja Agripa, tutir kaiwasa veruir ma ne mia vura. Siniotu nini ma, kaiwasa Yehudi nesia vura, venana Yerusalem to venana nine sia, sembe karaki ma so yau, setumine setoyo, siniotu nini ma tienam ea vape moja.²⁶ Vape isamual sasara pesa nana i so, vediayarae siemuai hukuman voru pa va. E aso matauni siau to manau, ave amamo nie kavo nei kievora nanapi Kaiser wai, apavo ikutu to manau so jenatuiaso Kaiser wal pa.²⁷ Vape aya isamuai kavo vetindia pesa so ivui na surat e, jitopana ariri so Kaiser wai pa varami. Apajoma ikori ma diosa nana mendaromipo nesi pa, rawai ma so aisinia baba raja Agripa. Isanemipai toapa, nanapi urusan nini mamo, diadi isamuai kavo vetindia pesa so ivui pa.

26 PAULUS KIEVO RERA MATAUNI, NANA RAJA AGRIPAI AROPO PA PA

¹Avori raja Agripa kievo so Paulus e dioyo; "Yanama diadi so kuevo, ave kuevo rera mataun au pa". Apa Paulus siasana vara pasie klevo rera matauni toapa nine; ²Aisinia baba panau, raja Agripal Saneraro ne vesasie vesiri, aso diadi ikavo rera matau yau, nanapi nomu aropo raja ne pa, aso kaiwasa Yehudi ne sia sene kavo setimbe karaka ya nesi, ³Vindawai mo pa, aso au ma ruir ariri Yehudi pa sene buai tawawari pasi, tutir sene vava pasi to tindia pana. Apavo isau so aisinia raja panaue, sanevesie mamo, buediawa ariri ine kavo nesi, nanapi saneraro vemanasi.⁴ Kaiwasa Yehudi nesia vura, senduin ine tenam nei, nana rabua ivavoru pa. Senduin toapa, rabua aya ivavoru pa, itenam tutir matau ine kaiwasa nei nana Yerusalem.⁵ Senduin ya to woroi vesiri. E semayar reto nari setopa kota toapa, papo pa ma ya kota itenam ariri siniotu Parisi, e ira ariri amane agama pai, nie atoran vekarakuai mo pasi.⁶ E josa nana nine ne isamuai urusan pa, aso isanemitiat arer Sien Allah pir ma so amatapumi pasia pai pana.⁷ Arer jani, andi kaiwasa Israel pa sene usapui suraemuandua pasia, sesanemitiat i kota pa. Amamo Joma sesom Sie pai diru sasaar pa. E aisinia baba panau, aso joma isanemitiat arer jani pa, kaiwasa Yehudi ne sia, setoyo isasara pa.⁸ Aso vitopi kaiwasa Yehudi ne sia, sesanemitiat Sien Allah va so, dionae vevoru pasi sitenam riwanea pa va pa?⁹ Papo pa matau ya kota, isanemipai yoyo, yo sasera nana pi vura, ave amamo imu vedior Jesus nanapi aniose Nasaret pai.¹⁰ Apajoma inanari toa to manau, nana Yerusalem pa. Tutir surat kuasa nanapi Imam Baba pasiae, ikovara kaiwasa vesanemitiat Sien Allah to karakuai pasia, nanapi bui pai, e ya kota sanevesie toapa ave sesamuai hukuman voru pai.¹¹ Pau vesiri imu tatir sia nana Anio Ari pasi, ave amamo seporasa sene sanetiat jani. E saneraro ne mas sia veja mamo, jusr sia ra so aniose esi pasi kota".

PAULUS TIOPANUSARA PI VEVE DIADI SOI NANA KOTA DAMSIK PAI PA

¹²Kavo nine kota, a onae ikor surat kuasa nana Imam baba pasiae jinda so Kota Damsik pa.¹³ E ira ivetiai ria pa rabua pa, e raria rabua tojana. Apa, aisinia raja panau, isajo sasaar pesi nanapi rora wa, disanggapara rawai wor pai. Sasaar jani disambiar wawariri yau, tutir kaiwasa verausara ya pasia.¹⁴ Apa amataw avav so kakopa wa. Avori jediawa raopui pesi, klevo so yau nana kavo Iberanie dioyo; "Saulus! Saulus! Aso vitopi mun tatira ya veivea pa? Buono ru karakuai veivea so viadidinae veve tuan so au pai mamo, nari buombeito mataun au puota".¹⁵ Apa ikavore yoyo; "Avo tuan, teini au? Amana Sien ruare dioyo, Yesus, siniotu mun tatira pai, andi Yau".¹⁶ Suobataue buosal Iveruana Ya so au ne ma, ave amamo irusasana aue, vue amias so Ya pana. Ave amamo tuopanusara Yau so kaiwasa vevesie pa sia, nanapi pi vitoni sueyori nana raria nini pa, e pi vitoni nari joisari ma so au, nanapi raria verama wasi ea pa.¹⁷ Nari yonae tueisu vurusu kaiwasa Israel pasia, tutir kaiwasa Yehudi va pasia. Nari jemias aue rua so sia,¹⁸ Ave sivu sendeni pasi, ave amamo sesuvi vurusu vekumuar paie, sesu nana vesasaar pal, ave amamo setaisu vurusu iblis pai nie paya paie, sendausara Sien Allah. Ave sesanemitiat Ya mamo, sesamuai ampon so sene tatar pasi, e sembe siri tutir kaiwasa Sien Allah diria pasia".

PAULUS TIOPANARIRI NIE NANARIPI PAI PA.

¹⁹Apavo aisinia baba panau raja Agripa, tawana yosasera ve amamo, inanari ariri pi neveruana e isamuai nana Sien Allah to manau pal.²⁰ Itopasasara maso kaiwasa, ave amamo semanau nanapi sene tatar pasi, e sesovera so Sien Allah, e semberuana nana sene tenam pasi toapa, sesovera vurusu sene tatar pasi to manau, Itopana kavo nine retena nana pa Kota Dansik, vepui ea pa nana Kota Yerusalem, e nana Yudea vetutirae, maso kaiwasa Yehudi va pasia kota.²¹ Apajoma kaiwasa Yehudi nesia setapur ya nana Anio Allah paie, setoyo ave semun ya pa.²² Vape Sien Allah andia tutir yau, veito raria ninio. Apa jane josa nana nine ve itopanmariri pi isajorae iruina, maso kaiwasa vura-baba to katu. Pi itopana nine, ima nabi pasia tutir Musai, setopana nana papo to manau;²³ Toapa Raja vekor Vesie Sien Allah dierera pai, nari siemuai kariria pai, e andi vie siniotu retena vetenam riwanea nanapi voru pai, ave amamo andi tiopana sasaar pai-andina Slammat pai-maso kaiwasa Yehudi to kaiwasa Yehudi va pasia".²⁴ Paulus andia kievoro kavo dinggavo rera matauni pasi rami mana Gubernur Pestus dumina soi e dioyo; "Paulus, vue pisavi to manau. Nomu pande vepau vediasi sionauto vue

pisavi vedia".²⁵ Amana Paulus kievo soie dioyo: "Aisinia baba panau, ive pisavi va, kavo ikavora nesi ma sive vata, e sisuvi nanapi ruwera vesasaar."²⁶ Aisinia raja Agripa, mataun ruin ariri kavo ninesi ve vatamo. Apa joma ive barani ikavo sivu kavo nesi maso raja au pa. Isanemitiar toapa, tuetar piesa nanapi pininesi va, ruinas vura to manau, aso pininesi vura ma sivava nanapi uta vianiwa pesa va.²⁷ Aisinia baba panau, raja Agripal Apa buosanemitiar kavo nabi pa setopana pasie? Isanemipaya mana au kota sanetiarasil"²⁸ Avori raja Agripa kievo so Paulus e dioyo; "Apavo matau buoyo nari diadi so buono sawawara yaue ive siniatu Kristen nanapi diam sope katu nine veae?"²⁹ Amana Paulus dioyo; "Sawawara te woroi te, ive nadi so Sien Allah, ave amamo raja aue, tutir kaiwasa raria nini viadiawa ya ne mia vura, membawa ariri ya kota, mae mesamual wangga nesi pama moja."³⁰ Manau pa yanama raja pale, Gubernur pai tutir Bernikei, tutir esi pasia vura, sebata sia.³¹ Sendari so vorira wa tomasi vori, senggavo vavera nana matau siae setoyo; "Siniotu nei ma nienaripi vevediayarae siemuai hukuman voru, pivai hukuman bui pesi va vesiri".³² Avori Agripal klevo so Pestusi e dioyo, "Siniotu nei kierakuai veae dioyo, nie kavo nei kievora nana Kaiser wai pana, areto diadi suvi nana bui pai to manau".

27

PAULUS DIENATUA SO ROMA PA

¹Yanama senggutu rarla pai to manau so amasuvie amanda so Italia pa, apa sesiwa Paulus tutir siniotu bui pa esia, so komandan vesanomi nana Yulius pai, vie baba² so tentara Roma sesaua ve; "Tentara Kaiser" pai. Amasa so Kapal pal nana aniose Adramitium, yanama amatapai nana kapal yani, aso dio riae suatitieri sawararo venana uta Asia pasi paria. Aristarkus, siniotu Makedonia vera nanapi uta Tesalonika pai diot ama kota.³ Kausapa pa mana, amasirieu nana Kota Sidon. Vape komandan Yulius nienari pa vesie so Paulus pavo, diemiase Paulus viare riae sleyo nie siniotu, nana Kota Sidon, ave amamo pi vitopi Paulus dio slauwa mamo, setona so i pe.⁴ Nana yana pa armatapai riwanea. Amana wana pal sio sun arma pavo, amatapai rebasa nu Siprus rawesi vemari katu pa.⁵ Yanama amambatuwa rawana viet vediora uta Kilikia tutir Pampilia pal, e amatapaia so Kota Mira nana uta Likia.⁶ Nana yana pa, komandan pai siemual kapal vera nana Alexandria pesi, dio ria so Italia, Apa dionae amasa nana kapal yani.⁷ Raria pa toi ma amatapal mana amamasiar va, e amatapal sisieuna Kota Knidus veito, avori amasirieu. Vape wana pasi siso pa kariria rami pavo, armatapai tatera uta amanda soa pa ea va. Amatapal topula so nu Kreta, e amatari revu Salmone ave amamo amasamual vermari pal nanapi wana.⁸ Amatapai siseun uta pa veito, avori yanama amasireu nana uta pesa, sano pa Sawararo viate, deriasi Kota Lasea.⁹ Rabua yana, Yehudi pa sene raria baba Puasa pai, kiara to manau. Apavo Paulus diono kavo sanepaya maso siae dioyo;¹⁰ "maneta pa mia, iruina mana tato tatapai vea mamo, nari tanggaririae nari tasamuai kariria, vape muatan nesi tutir kapal nei mesari va, vape nari siniotu ne tata kota tanai".¹¹ Amana komandan pai sanetiara siniotu verut vosasuru pai, tutir Kapten verut kapal pai, rawai Paulus nie kavo pasi.¹² Sawararo yani ma, ve diediru mamo kleriria, apavo sa kapal pasi sievoi nana va. Apajoma siniotu venanaripi nana kapal pasia sesanemi vesie sesuvi vurusu sawararo yani, e setosasera ve amamo senda sesirieu na Kota Peniks, ave senana wana to die diru pai kiara ri. Kota Peniks ma sawararo nina e aro tori, nanapi nu Kreta.

DIOBARA PAI MUN PAULUS SIA NANA RAWANA PAI PA

¹³Raria yani ma wana dopui pal sio to vesle vesiri. Apavo venanaripi nana kapal pasia, setoyo nari amatapai ea. Apa sendait kamutu paie amatapai rebasa nu Kreta.¹⁴ Amana worabua vae, ve diobara, wana sesaua ve Murandawana pai sio na dorei wa torau,¹⁵ E biara amane kapal pai. Apavo diadi so amatapai sun wana pai va pavo, amatitavarira usara wana pai vea.¹⁶ Amatavarira rebasa nu katu vesanomi nana Kauda rawa vetopul pa, apa amasamuai vemari pai katu. Apa amatosasera sikusi pasi so amanggasie tawanasi pa.¹⁷ Sikusi pasi sisasana ajai so kapal pal to manau pa, kapal pal kota klesie tawana nana wai to karakuai wawarira. E amamatai amasuira nana vavotui vesanomi na Sirtis pa, sarawi pasi sikaparae kapal pai diediari usara wana pal vea.¹⁸ Wana pai dimbe diobara, veito kausapa pa mana, sengge pisaseral kapal pal dierlauna pa rawesi na rawana wa.¹⁹ Saar ea pa mana, venanaripi nana kapal pasia sendut pi setinanaripi nana kapal pasie, senggeasi rawana wa.²⁰ Raria pa toi, amatisayotuwa wor pai va, siverere pasi va, e wana pai sio veito indawaina. Apavo amapir sanetiar so amatate pa ea va.²¹ Raria pa toi ma kaiwasa pai diapi va. Apa Paulus ria diosa nana sene kasau rabua pa vori kievora dioyo; "Maneta pa mial Menggorusara ine kavo pae, tatavoi nana Kreta reto, sa tasamuai kariria vetoapa nini va."²² Vape nine ma isau so mia toapa, mesun mesanemi pasi. Ava mia esi sa vioru va, mae kapal nei miesari, andi nari niai.²³ Aso radurane pa, Malaekat pasi ria nanapi Sie isom pai ma, Sie vene ya pai, riamu so yau.²⁴ Malaekat pai kievo so yaue dioyo; "Paulus muetai val Aso nari rua ra so Kaiser wai aropo wa. E aso Sien Allah nie sanepaya pai maso au pa, vedyayarae vesie maso kaiwasa metapai ne sia pa, aso joma au".²⁵ Apavo maneta pa mia, mesanemisasera va. Aso isanemitiar Sien Allah toapa, nari simasi vura ariri tiopa maso ya pa.²⁶ Vape nari tasuira nanapi nu pesi".²⁷ Nana diru veve suraeat pai ma, amatavoje amatavarira veivea nana rawana Adria. Diru rabua pa, venanaripi na kapal pasia sesanemiriruina mana, kapal pai dieriasi rei pa.²⁸ Apa setuwa rovuki pai na wai pale setitato vekarija pai. Amana vekarija pai vare meter siniotu -muandu. Worabua vama setato riwanea, apa rabua yana karija pa vare meter siniotu sirie sura.²⁹ Apavo sematai kapal pai tura nana jar pasi pe. Apa setuwa kamutu pa at nana kapal pai wapui pa, e setitanota sairae sasaar pa.³⁰ Amana siniotu venanaripi nana kapal pasia, seto sembavu manana vurusu kapal pai. Apa sembiara sikusi pasi avav so sasi pae, setombe sengge kamutu pasi nana kapal pai rawa wapo wa.³¹ Apa Paulus tiopa so

komandan pai tutir tentara verana kapal pasiae dioyo; "Siniotu venanaripi nana kapal nesia, senana kapal nei va mammo, mia vura ma, sa esi ditate va".³² Apa tentara pasia setaratuwa wai sikusi pasie, sikusi pasi sievarira.³³ Aya sasaar mo varamie, Paulus tuva kaiwasa pai vura ve setapi. Paulus dioyo; "Raria surae at ma metanota veivea nanapi sane vavisi paie metitan piesa va."³⁴ Apavo itopa so mia, ave amamo metan pi katu esa. I ma vesie so mia, ave amamo mepaya ea pe. Ava mia vura, nari metate, e sa esi tiera kariria pesa va.³⁵ Paulus kievo tonine to manau pa, dieka kior roti paie, yanama vie trima kasi so Sie pai, nana sendaromipo pasi vura. Yanama viov roti pasie setapi.³⁶ Yeama sia vura semamasar riwaea, e setapi kota.³⁷ Venana kapal pasia vura, sepau pa sembe utin muadu e siniotu toru e surae rime siri.³⁸ setapi vura to manau pa, senggapa kapal pai dieriauna pasi avaw so rawana wa, ave amamo kapal pai tiepisa.

KAPAL PAI TURA PA

³⁹Sasa vava to manau pa, siniotu venanaripi nana kapal paise, sesayo samuai rei pa, vape sesayo riruina uti pa va, saseyo samuai tu nina, tutir sasi dere pa. Apavo seto setona ve amamo kapal pai sia nana uta yana.⁴⁰ Apa setaratuwa wai kamutu pasie, kamutu pasi simarutu rawana wa. E sendeku wai vekasie tawana vosasuru pasi. Yanama setubara sarawi venana wapo mo pai, ave amamo setapai arei so sasidere pa.⁴¹ Amana kapal pai tura nana rubua pai. wapo pai tura to karakuai vesiri, e wapui paini bata pa sitabisoi veito kieriria vesiri.⁴² Tentara venana kapal pasia, seto semun kaiwasa vesamual buie setariauna pasia, ave semboru, aso setor arei so rei wae setimbavura pe.⁴³ Amana komandan pai suara eta sia, nana sene sanepaya yani, aso mietai vavori Paulus siemual kariria kota pe.⁴⁴ Apavo diemiase kaiwasa veruin vior pasia senggopa papo, e setor arei so rei wa; Mae vior moya va pasia, setor nanapi wonggia, pivai kapal pal nie wonggia vemasabu pasi. Apa amavura tutir vesiene amasa na rei wa.

28

KAPAL PAISUIRA NANAPI NU MALTA PA

¹Amasa na rei wa tutir vesie to manau, avori yanama amanduina toapa nu yani sano pa Malta.² Kaiwasa venana nu pasia, sene kavo pa siete vesiri maso ama. Senda vedior ama tutir vesiene, senduri adia pai so amae amanggaruri, aso rama pal mun, e uta pai riawas kota.³ Apavo Paulus rui ai-ngangamani pasie pisi arau so adia pai. Apa korou womanggaiti pesi suvi, aso adia pai siobara pa, e kierip Paulus nanapi vara pa.⁴ Kaiwasa venana nu pasia sesayo korou pai kierip to dievakir nana Paulus vara pa pa, senggavo nana matau siae setoyo; "Siniotu nel ma, siniotu vemun siniotu nina. Apa tieisu vurusu kariria venana dorau pal to manau mana, Sie pai kiembarai dionae tienam ea pa."⁵ Amana Paulus tietapa korou pai susa adia pai, e disanemiriruina vepota pesa va.⁶ Setoyo nari Paulus vara pal biebara, pivai okatu vioru tandor e tiawa. Vape setanota to woroi mana piesa soi va pa, sene sanepaya pasi sivesiel ea, e setojo, Paulus ma Sie nina.⁷ Amasirieu siwara Gubernur venana nu yani nie uta pa. Gubernur pai sano pa Publius. Vie trima ama ariri siniotu vera ve wasa, nana raria torua pasi to vesie vesiri.⁸ Nana rubua yana, Gubernur Publius tamani piota, visie dinggeri veria. Apavo Paulus ria sieyon, apa vie nadi e disasana vara pasi rawain i. Apa yanama pienaam.⁹ Kaiwasa vepota venanapi nu pasia, sesayo pa sendama so Paulus, apa dionae sepanaam.¹⁰ Apa setono pi pa pau vesiri so ama, e amato amatapai pa, setariauna pi so ama nana kapal pai, nanapi amane rara pai. Vesuvi nana nu Malta, e vera so Roma pa.¹¹ Amana nu Malta sembai toru to manau pa, amasa nana kapal vera na uta Alexandria pesi, dievoi nana nu yani, die diru vetutira pa siri. Kapal yani ma sembui karuar vekadidui pesi nanai, Kastor tutir Poluks.¹² Amatavoi nana Kota Sirakusa, e ama nana yana raria toru.¹³ Nana yana pa, amatapai rebasa ra so Kota Regium. Kausapa pa ma, wana dopui pai sio. Apa raria muandu veae, amandama so Kota Putioli.¹⁴ Nana yana pa, amasamuai siniotu vesanemitiar Jesus pa esia, e sesau pa amanana yana tutir sia ari siri. Manau pa yarama amanda so Roma.¹⁵ Maneta venana Roma pasia, vesanemitiar Jesus pasia, setadiawa ama pa, senda vedior ama ra so Pasar Apius, tutir Pasangrahan Toru pai. Paulus siemuai sia pa, vie trima kasih so Sien Allah, e saneraro pa manasi Paulus niana Roma pa.¹⁶ Amandama so Roma to manau pa, setonae Paulus miesoi nana anio pesi vesiei, e tentara pesi dierama vedior i.¹⁷ Kara raria toru, yanama Paulus siau Yehudi veve baba venana Roma pasia. E senduir to manau pa kievo so siae dioyo; "Maneta pa mia I Inanari sasara pesa maso tane kaiwasa nei va, pivai irawain tane buai tasamuai nanapi tatapumi pasia pesa va. Toa saridioi e setapu ya nana Yerusalem, e sesiwa ya so siniotu Roma pasia."¹⁸ E sembe urus ine kavo nei to manau pa, setoyo setonae isuvi, aso ivaro sasara vevediyarae sembe hukum yau, nana hukuman voru pai.¹⁹ Vape ineri kaiwasa Yehudi pasia setoyo toa va, apayoma isaue ine kavo nei ave kievora nanapi Kaiser pai vea nana Roma. Inanari toyana pa, masi jisamuai kavo veve umaya pesa so jimbe karaka riwana ine kaiwasa pai pa va.²⁰ Apayoma isau mia ve iruir tutir mia pa, ave amamo ikavo tutir mia. Aso isuae inana bui pai pama, aso yoma Siniotu Vekor Vesie, kaiwasa Israel pai sanetiara e dienota pai pana".²¹ Apa senggavo sole setoyo; "Aya amasamuai surat pesi nana Yudeae, vitopana au varami. E masi esi ria na wana ma ve kior kavo pesae tera au va, pivai kievoro kavo vekariria pesae tera au."²² Vape amasanemi vesie amatadiawa ariri buone aniau rua nana pai, aso ama vura, amatadiawa toapa, kaiwasa sisiyara nomu aniau rua nana pai pana."²³ Apa yanama sia tutir Paulus e, senggutu ariri raria senduir nana pesi. Nana raria yani pa, sepau vesiri sendama so Paulus, nana uta niana pa. Apa Paulus kievo nana kausapa vavorupa, veltoro ravinena pa, e tiopana ariri so sia, nanapi Sien Allah, tutir nie Kerajaan pai. Kievavo nanapi ayat venana Musal nie buku pasi, tutir nabi pasia sene buku pasi. Paulus dioyo diona ve amamo sesanemitiar Jesus.²⁴ Apa esia ma sesanemitiar kavo Paulus tiopana pasi, vape esia kota ma sesanemitiar va.²⁵ Yanama semasiepar nanapi ruir pai, vape sene kavo pasi simanindiu vavera, nana Paulus kavo kievora so sia e dioyo; "Ka imasi tutira Wainunu Sren pai kavo

kievora nana nabi Yesayai, maso metapumi pasia pai. ²⁶Wainunu Sren pai kievore dioyo; "Rua ve tuopa so kaiwasa nei, toapa, nari metadiawa, vape sa menduin va. Nari metaduata, vape sa mesayo va." ²⁷Aso kaiwasa nei, sesanemi raro pasi situp to manau, e sene taradiau pasi sipoja to manau, e sendemi pasi sitakumu to manau, toapa jana ve amamo, sendemi wasi sisajo vape moja, e sene taradiau wa siediawa vape moja, e sene sane paya wa siruin wape moja, ave amamo sesovera ea maso Ja vape moja, ave amamo jonae sepanaam vape moja. ²⁸Manau pa Paulus kievore dioyo, "Maneta pa mia, menduin nanari mo, toapa, topanusara Slamat vera nanapi Sien Allah pai, rabua nine ma, tiopanusara maso kaiwasa vevesiei Yehudi va pasia to manau. Nari senggorusari!" ²⁹Paulus kievo tonine to manau mana, Yehudi pasia sesobata siae, sembavure sembaririwi vavera Na matau sia. ³⁰Taun muandu ma Paulus niana Roma, miesoi nana anio matauni viait pai. Vie tirima kaiwasa vera vetirai pasia, tutir sane vesie. ³¹E tiopanusara so sia, nanapi Sien Allah, tutir nie Kerajaan pai, e nanapi Sien Jesus Kristus. Paulus nienaripi to masasop vea, e piesa so titituwi eava.

Filipi

1 SURAT PAULUS DIENATUA SO JEMAAT VENANA FILIPI PAL

¹Maso Ine maneta pa mla, Sien Allah nie kalwasa venana Jemaat Filipi e, veve siri tutir Yesus Kristus to manau pa mia vura. Tutir maneta vevebaba pasia, e viousausara nana Jemaat pai. ²Nanapi nandu, Paulus tutir Timotius, womi so Yesus Kristus, amusau, ave amamo Sien Allah Tatami pal tutir Sien Yesus Kristus, surono vemanasi pai, tutir vemari pai maso mia.

PAULUS NIE NADI PAI SO JEMAAT PAI

³Yo isanemipal mase mia mamo, ive nadie jimbe trimakasih so Sien Allah. ⁴E yo ive nadi mamo isau so mia vura, e ive nadi tutir sanevesasie. ⁵Ive trima kasih so Sien Allah, aso nana rarla retena pai veito nine, metutir yau e, metopanusara Sien Allah nie Kavos Vesie pai pa ⁶Sien Allah matauni nienari nanaripi vesie yani matu so mia to manau, e isanemitiar toapa, andi nari ria nanaripi jani veito manau nana raria Yesus Kristus sioveral ma pa ⁷Mia vura menana sane raro ne tawana. Apavo ima itindi vesiri, nanapi ine sane paya vetoapa nini maso mia pa. Aso mia vura tutir yau e, tasamual Slen Allah nie vesie diono maso ya pai to manau, nana rabua Inana bul nel raro ne pae, kota nana rabua Inana vorira e ikavo voriae jinggavo vediora Kavos Vesie pal to karakual pa. ⁸Vata moe sane tatawana mia ne ma baba vesiri, nanapi Yesus Kristus matauni nie sanepaya pai. Sien Allah matauni vie saksi toapa kavos ikavora ne, ima vevata. ⁹Ive nadie isau, ave amamo mene sanepaya vavera pasi sikarakuai e sipaya nana sanepaya vetindia pai e sane veruina pai ¹⁰ave amamo menduin metiri ariri topi vesie rawal pa. Menanari toapana mamo, nari mene tenam pasi sivaro rarial e sive sren nana raria Kristus sioverai ea ma wa ¹¹Mene tenam pasi nari sionu nanapi ono ariri vetindia, Yesus Kristus matauni viediyara pai; amamo Sien Allah nari siemual som tutir sanandika pai.

TENAM MASO KRISTUS PA.

¹²Maneta pa mia, isanemi vesie menduin toapa, kariria saserai vetera ya pasi, sivediarae, kaiwasa pau setadiawa e sesanemitiar Kavos Vesie pai pa. ¹³Veitoto kaiwasa venana anio raja to kaiwasa vevesiei venana kota nini sia senduin toapa isua na bui pal pa, aso ive womi usara Kristus pana. ¹⁴E isamual bui pa, viediyarae maneta vesanemitiar pa sepau na Kota nini, sene sanetiar pasi sipaya rawal ea maso Sie pal, veito setopanusara Sien Allah nie arer pai matitil ea va. ¹⁵Vata, sia esia ma setopanusara Kristus, aso sanekasiou vio viono variriwi pana, vape esi pasia ma setopanusara Kristus tutir sane raro viate. ¹⁶Siniotu nine sia senanari toapana pa ma, aso sesanemipal Sien Allah tutir yau, aso menduin toapa, Sien Allah diemias ya to manau, ave amamo iveruana toapa, Kavos Vesle pai vie vata. ¹⁷Vape esi pasia ma setopanusara Kristus tutir sanepaya vekarirla; setopanusara vel so pi sene pa. Setoyo sa toapayana ve amamo setonae sanene kariria rawai nana bui pai raropa pana. ¹⁸Vape piesa val Aso toaneto vea, senanari tutir sanepaya viate, pivai tutir sanepaya vesasara te, vape Kristus sano pa topanusara kota; apavo sane ne vesle vea. E nari sanevesie toapana vea. ¹⁹Aso iruin toapa mene nadi pasi, tutir Yesus Kristus nie Wainunu pai, sivediarae nari itaisu vurusu kariria pai ²⁰Pi josoa mo, e Isanemitia pa, ave piesa so eta ya vurusu ine nanaripi nei vape moja. E isanemitiar toapa, nana raria vura, rawal maso rabua nine, ave amamo isun ya to karakuai vesiri, nanapi ine tarai nei to wainunu nel, veito itenam te ivoru te, Kristus andi slemual sanandika pai, ²¹Aso maso ya mamo, tenam pal ma Kristus vea. E voru pai ma untun ²²Vape tutir tenam venana dunia ninel, ave jinanari nanaripi veve guna rawal. Apavo jindu in mojaru topi nari jiria pa. ²³Nine ma inana kasau rabua. Isanemvesie ivavu vurusu dunia nini, ave amamo ira imasol tutir Kristus, a vesie rawal pa, ²⁴Vape, aso joma miana, amamo vesle pa Inana dunia nei vea. ²⁵Isanemitiar kavos nine. Apa joma Iruin nari inana nine pa. Nari Ikarakuai nana nine tutir mia vura, ave amamo yedidin mia, ave amamo mepaya rawal e metenam to vesie rawal, nanapi tenam sanetiar maso Sie pal. ²⁶Ave samual isovera ea maso mia pa mamo. Ivediarae mene sanevesle ariri siniotu Kristen pa, pau rawal ea ²⁷Kavos rabua nine vetopana maso mia pa, metenam ariri Kavos Vesie pai tiopana ariri nanapi Kristus pa. Ave amamo irama so mla te piva te, yediawa vea toapa, menggarakuai e membe siri, e mia vura metosasera mene sanepaya e sane siri vevediara sanetiar, vemasi tutir Sien Allah nie Kavos Vesie pal. ²⁸Apavo menatal vape moja; mematai siniotu vevaririwi tutir mia pasia vape moja. Aso ima veruana so sia toapa, sa sepa va' e nari mia membe untun, aso Sien Allah

matauni nari diono untun pai maso mia.²⁹ Aso Sien Allah diono sanetiar Kristus to manau pa mesari maso mia va, vape diona ve mesamuai kariria pa kota, aso Kristus.³⁰ Nine ma mla kota metutir yau e, tatosasera, onosasera papo pae mesayora to manau e, yonosasera veito rabua nine pal, ariri rabua nine metadiawa pa.

2 Vetenam ariri Kristus pa¹ Menggarakuai, aso membe siri tutir Kristus pa. E mesanemi pa siete, aso Kristus sanepai mia pa; Wainunu Sren pal diedidin mia, e mia kota mesanemipal mia vavera, e metoisara sanepaya so mia vavera.² Apavo janama ite vata moe, metonae sanene vesie nanapi pi ninesi; "Metenam nana sane siri tutir sanepaya vemasi vaveri, tutir sane raro vemasi vaveri, e masivaveri na ria siri.³ Menanari piesa maso mia mesarl vea va, pival ave metisanandik mia nana va. Vape metatuan mia vavera, e metisanemipal toapa, siniotu vevesiei wani, andi diete rawai nanapi mia.⁴ Mesanemipal so pi mene pa mesari vea va, vape mesanemipal so siniotu vevesiei kota.⁵ Metenam ariri Yesus Kristus nie vava pa.⁶ Aso I ma miesi vaveri tutir Sien Allah, vape disanemipal ea so nie rurawa Sie pa va.⁷ Tlavinasi vurae vieva ariri womi, e tienam ariri siniotu.⁸ Tiawan I e niana dou vesiri, e tietuana Sien Allah nie kavo pasi, veito vioru nana akitab pai.⁹ Apajoma Sien Allah piosasani to tariai vesiri pa, e diono paya vebaba rawai mo nanapi paya saserai esi pasi, maso I pa.¹⁰ Ave amamo Yesus slemual sanandika pai pa joma pi saserai venana rora wa, to kakopa nei vavo ne to, kakopa nei rawa dou wa, sitatuan so I pa.¹¹ Pijasi vura nari siruar toapa, Yesus Kristus ma Sie paina, ave amamo Sien Allah Tama pai, siemual sanandika pai.¹² Apavo Ine maneta Isanemipaya pa mia, ariri nana rabua ina tutir mla e menggorusara Ine kavo pasi pa. Toapa yana kota, nana rabua ive kasau mia ne, amamo nari menggorusara ya rawai ea. Metosasera, ave Vetenam ariri sasaar visanggapara dunia nei pa. menanari ariri mene slamat pasi simasi mo pa. Menanari aririasi nanapi saneraro vematal e veririyoar maso Sien Allah.¹³ Aso Sien Allah matauni, andi nienaripi nana mene tarai raro pasi, ave amamo mesanemi vesiene metonae Sien Allah sanevesie pa.¹⁴ Menanaripi vura tutir amuaus, pival variriwi vape moja¹⁵ Apino memberuana toapa, mia ma Sie atu vevaro kariria ni mia, metenam na vesie¹⁶ pal, tutir vetindia pal sesiorana siniotu vengangaue veve tatar pasi. E meto metopana Kavo Vekor Tenam pai so sia mamo, membava ariri sasaar visanggapara e veveviara dunia. Metenam toapayana mamo, nari vedlayarae sanene vesasie aso mia, nana raria Sien Yesus Kristus sioverai ma pa. Ima veruana toapa, imarior pa sararidioi va. E ine nanaripi pai viebuo.¹⁷ Esa mamo nari semun yau e ine veria nei vievave pisom tutir mene pisom pasi, nanapi mene sanetiar pasi maso Sien Allah pa. Masi toa samuaia mamo, Ive trima kasih so kavo nine, e sanene vesasie tutir mia.¹⁸ Toapa yana kota mesanemipa siete e mesanemivesasie tutir yau.

PAULUS TUTIR TIMOTIUS TUTIR EPAFRODITUS.

¹⁹ Isanemtiar toapa, tutir Sien Yesus nie sanepaya pale, sairae Jemiasa Timotius matu so mia, ave sioverai nanapi miae kior kavo maso ya mamo, sanene vesie pe.²⁰ Nanapi nine mamo, Timotius miesari, andi nie sanepaya nei miesi vaveri tutir ya pa, e andi vata moe sanepal usara kavo vesie maso mia pa.²¹ Esi pasia vura ma, sendemi so pi sene pa vea, mae sendemi so pi Yesus Kristus nie pa va.²² Matau mesayosubata toapa, Timotius ma vie guna vesiri. Nienaripi tutir ya to pota vesiri, nanapi amutopana Sien Allah nie Kavo Vesie pai pa. Amutenam ariri mambe atu tutir mambe tama.²³ Apavo, masi iruin ine parkara nei nari mienau pa mamo, nari sawawarae jemiasi matu so mia.²⁴ Isanermitiar toapa, tutir Sien nie sanepaya pale, woroi va so matau ya kota nari iramatu so mia pa.²⁵ Mae tane maneta pa Efaproditus, metamiasimave vekota ya pai, isanemipai yo jemias soverai matu so mia riwanea. Tutir ya to manau, nana ine nanaripi imariora pai²⁶ Sanetatawana mia vura, e diemuaus, aso metadiawa nie pota pal to manau pa.²⁷ Ima vata, piota veito vare vioru. Vape Sien Allah sanepai pana; sanepal mesari vea va, vape sanepai ya kota, ave amamo sanene kariria rawal vape moja.²⁸ Apayoma yoyo ave sawawarae jemiasie siovera matu so mia pa, ave mesamual ea mamo, mesanemipa slete pe, e saneraro ine ne kota manasi pe.²⁹ Apavo, membe trima I tutir sanevesasie, ariri mambeneta vene sanetiar siri pa. Metatuaana siniotu vemasisi pasia.³⁰ Vareto vioru vea so Kristus nie nanaripi pai; mesanomi pasi sivediayarae viovio nie tenam pai so rewari ya pa.

3 TENAM VETINDI MO PAI

¹ Vimanauwa pa, ine maneta pa mia, mesanemi vesasie, aso membe siri tutir Sie pal to manau pa. Isanemipal vemarabat pesa va so ivui kavone riwaneae, jenatua maso mia pa. Aso kavo nine ma vesie maso membe slamat pa.² Mesanemipaya to vesie mo, aso siniotu vevava ariri wona verae venanari kariria pasia; senda e setuva kaiwasa, ave amamo sembe sunat.³ Arorae tata ma siniotu vesamuai sunat vatamo pa tata na, siama piva. Tata ma tasom Sien Allah, nanapi Wainunu Sren pal matauni nie adidina pal, e tambe trima kasih so tatenam e tamesiri tutir Kristus Yesus pa. Tata ma tandut atoran vevava nanapi rurawa vorira vea va.⁴ Ariri mo mamo, ya ma diadi ira ariri atoran yasi. Masi esi diotoyo, I ma diadi ria ariri atoran vevava nanapi rurawa vorira mamo, ya ma irawal ea.⁵ Ya ma ive sunat nanapi ive umur raria rimetoru pa. Ya ma Israel tapu ni yau. Nanapi usapui Benjamin, ya ma Ibrani tarai mo ni yau. Nanapi korusara atoran Agama Yehudi pai mamo, ya kota ma siniotu Parisi ni yau.⁶ Aso ira aririasi to karakuai pa, joma imu tatir jemaat pai pa. Tasasir usara nanapi atoran Agama Yahudi pai mamo, ya ma siniotu viate ne vevaro sasara ni yau.⁷ Vape aso joma Kristus pa, pi papo pa Josanari vedelayarae untung pasi, rabua nine sivediayara rugi.⁸ Pijasi vea va; vape nana pi vura, jetorsi ve pi viono rugi vel vea. Pi isamual nanapi rabua ninei, Ima vie harga rawal. Andina, Isayo riruvin Yesus Kristus ine Sie pal pa. Aso Joma Kristus pa, itavina pisaseral vura to manau pa. Ikarumi tarerasi vura, ave amamo diadi isamuai Kristus pa,

e ave ive siri tutir I ve vatamo. Tenam vetindia tutir Sien Allah pal, matau isaseral nanapi korusara atoran ⁹Agama pal pa ea va. Nine ma isamual ria viate tutir Sien Allah, aso isanemitiar Kristus pa. Apavo, ria viate pal ma riama nanapi Sien Allah, e vie umaja nanapi; Sanetiar Sien Yesus Kristus pa. ¹⁰Pi siri josoa pa, ave Isayo riruin Kristus, e isamual paya vionae itenam nanapi voru pal pa. Soresisu isamuai kariria pai tutir I, e imasi vaveri tutir | nanapi nie voru pai. ¹¹E isanemitiar toapa, matau ya kota, nari itenam riwanea nanapi voru pai.

VIEPAI SASERA SOPE VEMANAU NANA PA

¹²Sa ikavore yoyo ya ma isamual tarai pai to manau, pivai yoyo ya ma itindiya to manau, piva. Vape josasera veivea, ave jewara vait Yesus Kristus pir anota pal. Apajoma diewara yaue diono ya ve pi nie pa. ¹³Maneta pa mia, ya ma vatae iruin so isamuai vait pal to manau pa va. Vape pi pa siri, andi nari inanari, toapa; iparo pl vitosi karutarerasi pa, e yosasera mo, ave isamual pi vitosi arokorasi pa. ¹⁴Apajoma Jepai vea sasera sope vemanau wa pa, ave isamuai untung pai, andina; tenam nana rora wal; a ona mamo Sien Allah siau tatae tandama sol nanapi Yesus Kristus pa. ¹⁵Vematu to manau nanapi rawa Wainunu nel pa tata vura ma, tananari toapana. Vape mia esiaya sene sanepaya pasi sivesiei mamo, Sien Allah matauni nari vieruana ariri kota so mia. ¹⁶Toa saridioie, kavo nine ma mesanempal tawana: Tatenam ariri ria tanda nana to manau, veito rabua nine pai. ¹⁷Maneta pa mia vura; Mendaariri ine tenam nei. Amamberuana tenam vetindia pal to manau, apavo mesayo ariri to vesie, siniotu vera ariri amane tenam pai pasia. ¹⁸Itopa so mia ve toi ato, e ninema štopana riwanea tutir sal, toapa esia ne sepau sendawain Kristus nie voru venana Aitabat pai nie umaja pa. ¹⁹Siniotu vene tenam vetoapa jasia ma nari setau so kariria pai raro pa, aso mataun sene soresisu nanapi tarai pal, andi setonle vie Sie pana. Pi viono mamajai pasi, senggavo tawar nanasi; aso sesanempalaso pi vevava nanapi dunia nei pasi vea pana. ²⁰Vape, tata ma tambe kaiwasa so negara rora pai. Nanapi uta wana, e tane Raja vekor Slamati pai Sien Yesus Kristus, nari ria nana ma pa. Andi tatanota I veivea pa. ²¹Tane tarai vemarerae nari vepare nini, nari Kristus riwanie miesi tutir mataun I nie tarai Sie Viate pa. Diadi so nienari toa, aso siemual paya verawal, ave pi saseral vura sitatuan so I.

4

PAULUS TIOPANA ARIRI KAVO PA

¹Apavo, ine maneta isanempaya pa mia, metenam nanapi sanetiar veve vata mo, maso Sie pal. Sanetatawana mia vea ! Mia metonae ikavo taware, sanene vesie pa. ²Mamberaruo pa Euodia, tutir mamberaruo pa Sintike ! Isau veamamo musanemisiri ariri sinotu vene sanetiar siri. ³Maso ine maneta viate venanaripi tutir ya panau, Sunsugos, isau so au kota, ave amamo suejora vavi nine sandu. Sunanaripi tutir ya to karakual vesiri, nanapi Sien Allah nie Kavo Vesie pai; ariri Klemen tutir esi venanaripi tutir ya pasia vura. Sesanomi pasiya sinana kaiwasa vetenam pasia sene Buku pai. ⁴Isau veamamo mesanemivesasie tawana, aso metenam e membe siri tutir Sie pai to manau pa. Itopa riwanea; mesanemi vesasie ! ⁵Memberuana ave kalwasa vura siejo mene tenam viate pai. Sie pal woroi va so riama pa. ⁶Mesanemi sasera so piesa vapemoja. Nana pi vura, membe nadie mesau so Sien Allah. Pi vitopi mesanemi soa mamo, mesau tawana maso Sien Allah, nanapi saneraro veve terima kasih. ⁷Amamo nari Sien Allah diono saneraro vemari rawal, siniotu siruin apo soa va pai, e diedidina mesanemiraro pasi, tutir menesanepaya veve siri tutir Kristus Yesus to manau pai. ⁸Vimanaua pa, mesasa mesanemiraro pasi nana pi viate rawal mo, pi nari vediayarae vesamual kavo sanandika; andina, pi vevevata, bual, vetindia, tarai mo, anona, e ate pal. ⁹Menda ariri pi vitosi metaniauasie mesamuaisi nanapi ya to manau pa; nana ine Kavo, velto nana pi inanari pasi. Sien Allah veve umaja nanapi saneraro vemari pai, nari tutir mia.

PAULUS TIOPANA TRIMA KASIH PA KEPADA ORANG-ORANG PERCAYA DI FILIPI

¹⁰Sien dionae sane ne vesasie vesiri, aso otaroi vesiri, avori metosanempal maso ine vava ne riwanea pa. Nine ma jojo aso meparo ya to manau pana va; miaya mesanempal tawana ya ora, vape aya diadi so memberuana pa varami. ¹¹Ikavo ne ma, aso ivaro pi pana va, aso jama jeniau itenam tutir sanevesie vea, nanapi vitopi isamual pa. ¹²Jama Isun tenam varo pi pal tomanau, e ja kota itenam nana samuai pi to rawai pa. Iruin ariri nie tarai vianiwara pai to manau, ave jitosa sun vava vito vea pa; nanapi vava samual pi to rawal pa, veito nanapi vava samual pi va pa, nanapi vesamual pi to pau pa, e nanapi varo pi vepau pa. ¹³Nanapi paya Kristus diono maso ya pai, andi ipaya e jitosa sun vava vito vea pa. ¹⁴Vape membe tolon ya nanapi ine susa pal to manau, e pi menanari nine sima siete. ¹⁵Maneta Filipi pa mia; Matau menduin vevatamo, rabua isuvi vurusu uta Makedonia pa, nanapi retena mo Kavo Vesie pai itopani na wana pa mamo, mia ma jemaat vetutir ya pa miana. Mia menggot ya nanapi marabat pai to tapisa pai pa. ¹⁶Nanapi rabua inana Kota Tesalonika pa, e isau pi pa mamo, metanatu pi vetol ato, so ya pa. ¹⁷Ninema masi isanemi kariria veiso pi metona pasi va. Vape isanemivesiena pa, ave yo isayo pi metona pasi sine buo vediayara untung maso mia pasi. ¹⁸Isamuaisi vura to manau ! Pi metanatua so ya pasi vura, isamuaisi to rawal, nanapi Epafroditus. Nine ma pi isamual va pasi, isamuaisi vura to manau. Pi metona pasi nura, sivava ariri wojou vesairara nana pisom visom Sien Allah, e Sien Allah vie trima tutir sanevesie.

PAULUS NIE TABE VIMANAU PAI

¹⁹Allah isom pai, tiebul tutuir kaya pai, nanapi Kristus Yesus, e andi nari diono pi mesamual va pasi vura maso mia.

²⁰Sanandika pai maso Sien Allah Tatamami pai to worolkworol Amin.²¹Metopana ine tabe ne maso Sien Allah nie kaiwasa veve siri tutir Yesus Kristus pasia. E membe trima tabe kota, nanapi maneta vena tutir ya na nine sia. ²²Kaiwasa vesanemitiar Sien Allah e venana Kota nine sla, rawal mo pa kaiwasa venana Kaiser pai nie anio raro pasia, setanatu tabe maso mia vura. ²³Amusaue Sien Yesus Kristus diono vesie pai maso mia vura.

Kolose

1 PAULUS NIE SURAT DIENATU SO JEMAAT VENANA KOTA KOLOSE PAI.

¹Maneta pa mia, Sien Allah nie jemaat venana Kota Kolose vesanemi tindia e veve siri tutir Kristus pa mia ! Nanapi yau, Paulus, Kristus nie Rasul Sien Allah rusesana ne yau; tutir tane maneta pa Timotius. ²Amusaue amusanemitiar Allah Tatamami paiono vesie pai tutir saneraro vemari pai maso mia.

NADI VIMBE TRIMA KASI PAI,

³Amatadiawa to manau toapa, mesanemitiar Sien Yesus Kristus, e mesanemipal Sien Allah nie jemaat pai vura.⁴Apajoma nana rabua amambe nadi so mia mamo, amatopa trima kasih tawana so Sien Allah, tane Sie pai Yesus Kristus Tamani pa. ⁵Mesanemitiar e metoisara sanepaya pai pa, aso mesanemitia pi Sien Allah pir nana rora wae vata anota mia pai pana. Metadiawa kavo nine to manau, nanapi rabua Sien Allah nie kavo Vesie pai tiopana maso mia pa. ⁶Sien Allah nie kavo pal, miesiepar usara dunia nei vura, e kior tenam vesie pai maso kaiwasa vura, ariri nanapi retena metadiawa Sien Allah nie sanepaya pai, e metenam nana vesie pai pa. ⁷Sien Allah nie sanepaya nini, andi amane maneta amanaripi vurae, amasanemipaya pai - Epafros, tiopana maso mia pa. Epafros ma siniotu venanaripi usara Kristus to vesie maso tata nina ⁸Andi tiopa so ama, toapa tutir paya nanapi Sien Allah nie Wainunu pal pa, mesanemipai vaveri mia pa. ⁹Apajoma nanapi rabua amatadia:va mia pa mamo, amambe nadi tawana maso mia pa. Amasau so Sien Allah, ave amamo Nie Wainu pai diono saneveruina pai tutir sanepaya vetindia pai maso mia, ave amamo mendum ariri Sien Allah nie sanevesie pai to tindi mo pa. ¹⁰Toapana pino metenam ariri Sien Allah nie sanevesie pale, metonae sane pa vesie tawana, ave amamo memberuana vesie pai nana pi vura. E mendum Sien Allah to vesie pa, imbe tamba rawal kota. ¹¹Isaue tutir paya nanapi Sien Allah vepaya rawai pal ave amamo mesamuai paya e, metosa sun kariria nari vetera mia pasi nana, saneraro vepaya e nana sane vesie, ¹²e tutir vetopa trima kasi so Tatamami pal. Aso Tatamami yani, andi dionae diadi so mesamuai pi Sien Allah pir maso nie kaiwasa venanapi nie kerajaan vesasar pal. ¹³Andi suvir tata vurusu paya vekumuar pale, tierir tatae dionae tasua nana Atu sanepaya pai nie Kerajaan pai pa. ¹⁴Aso Atu pai pa joma tataisu pa; veruana toapa tane tatar pasi sive ampun to manau.

KRISTUS TUTIR NIE NANARIPI PAI.

¹⁵Kristus I ma Sien Allah nie vava veveruana va pal, vieruana nana paina; Kristus ma Atuma retena mo paina, andi riawal mo nana piborai veve diadi nel vura pa. ¹⁶Aso nana I pa, Sien Allah nienari pi vura, nana rora wa, to dunia nei vavo ne, nana pi veveruana to veveruana va, veito wainunu vekariria saserai vesamual paya e veve prenta pasi kota. Uta nei vura nienari nanapi Kristus, e maso Kristus. ¹⁷Pi saserai ne vura, asia varami pa, Kristus ma andia papo to manau. E aso joma I pa, pisaserai vura sina atitieri uta pa siri-siri pa ¹⁸Andi vie ru maso tarai pai pa, andina jemaat pai, aso andi vie umaya nana jemaat pai nie tenam pai pa. I ma Atuma retena vetenam riwanea nanapi voru paina, ave amamo miesari vea, andi sieru rawal nanapi pivura. ¹⁹Sien Allah matauni sanevesie toa, ave, amamo pi venana I pasi vura e, simasi ariria kota maso Atu pai. ²⁰E nanapi Atu yani pa, Sien Allah dionae pi saserai vurae sisamuai ria vesie pai riwanea riwanea tutir I, nana pi venana dunia nel pasi vura, veito pi venana rora wasi. Sien Allah nienari pi ninesi nanapi Atu pai nie voru venana akitabai pai. ²¹Papo pa ma membe kasau nanapi Sien Allah. Membe marova tutir I, aso mene vava pasi tutir mene sanepaya pasi sitatar pana. ²²Vape nine ma, Sien Allah dionae metate tutir I riwanea, nanapi Atu pai nie voru pai. Nana ria nini pa, mendama so Sien Allah aropo ne, nanapi vava veve Sren, vekikiai pi va, e vevaro rariai pa. ²³Vape amamo, ima mepaya nanapi korusara pale, metosa to karakuai nana mene sanetiar pasi. Aso metoto mendurebasa sanetiar mesamuai nanapi retena mesamuai Sien Allah nie Kavo Vesie pai pa pe. Kavo yani ma, tiopana to manau maso siniotu pasi, nana dunia vetutira. E apajoma ya kota, Paulus, ive womi pa.

PAULUS NIENARIPI SO JEMAAT PAI PA

²⁴Nine ma sanevesie imarior so mia pa. Aso imarior nanapi ine tarai nei pa, ira ariri pi vitopi Kristus mieriora so nie jemaat pai pa, andina nie tarai pai ²⁵Sien Allah diemias yaue ive womi so nie jemaat pai aso joma mia. Ave amamo itopana Sien Allah nie Kavo pai vura; ²⁶Kavo papo vesiri Sien Allah dieniwara so kaiwasa vura pai, vape rabua nine ma vieruani maso nie kaiwasa pai. ²⁷Maso nie kalwasa pai pa ma, aso Sien Allah dio tiopa veruana nie onaate pai, tutir nie

kavo baba vianiauwu jani maso siniotu pasi vura pa. Kavo vaniwa yani, toapa: Kristus andia niana mene tarai raro pasi, toapa: nari mesamual Sien Allah nie vesie pai.²⁸ Kristus yani andi amatopani maso siniotu pasi pa. Amatono kavo sanepayae amataniau sia to karakual vesiri. Amatoyo ave amamo, siniotu pasi sikor tara Sien Allah, ariri siniotu vematu nana Kavo Sie, aso sembe siri tutir Kristus to manau pa.²⁹ Kavo nine a ona mamu, inanaripi to pota vesiri pa. Isun yau, nanapi paya Kristus diono maso yau, e venanaripi nana ine tarai raro nel tutir paya vionu pa.

2¹ Isanemivesie menduina jombeito isun yau aso mia, tutir kaiwasa venana Laodekia pasia, e kaiwasa aya vesayo riruini yamo varami pasia.² Pi jasi vurama inanarisi ave amamo sesanemi raro pa sipaya e setisanemipai sia vavera, ave amamo senggarakual e sembe siri. Ave amamo senduin ariri ve vata mo, ave sesamuai sanetiar vionu. Toapa jana ave amamo senduina Sien Allah nie vava vianiawa pai vevatamo, andi Kristus matauni.³ Kristus ni plosivu vava sasera aya tanduin varami, nanapi Sien Allah, nie paya papo e vianiwa pasi Itopan kavo nine so mla, ave amamo esi diawi vavera mia tutir kavo sore kambu maso mia vape moja. pa.⁴ Aso Ima Ive kasau mia saridiol, vape menduini toapa, yaya ina sesiorana mia.⁵ E sanevesie vesiri, aso isayo mesanemi sirie menggarakuai nanapi sanetiar pai maso Kristus pa.

TENAM VETINDIA PAI

⁶ Ine maneta pa mia, membetrina Kristus Yesus ve Sie to manau. Apavo metenam e membe siri tutir⁷ e membe. war nana pa I. Membaua mene tenam pasie, Kristus vie pi sasiara so mia. Mene sanetiar pasi, ave sipaya bibura so Kristus, ariri pi vitosi sienawa maso mia to manau pa. E mesanemi raro pasi sionu tutir vetopana trima kasih.⁸ Mesanemipaya to vesie, aso esia setoto sepot mia nanapi pande siniotu veve guna va pesasie, menda sasara pe. Pande siniotu vetoapa yasi ma, sirama nanapi Kristus va, vape sirama nanapi siniotu sine senepaya vea e nanapi walnunu vekariria vevava nana paya dunia pal.⁹ Aso Sien Allah nie vava pai vura, siasai nanapi Kristus, nana nie rurawa siniotu pa.¹⁰ E aso tenam veve siri tutir Kristus pai pa, joma viono tenam vetutira maso mia pa. Aso Kristus, andi vie ru maso wainunu sasera vesamuai payae veve prenta pasi.¹¹ Aso veve siri tutir Kristus pa joma membe sunat to manau pa, nanapi sunat siniotu sinanari va, vape nanapi sunat Kristus nienarie, vepariri mla vurusu paya nanapi rurawa veve tatar pai.¹² Aso nana rabua mesamuai kambu Sren pa ma, mesu so kubir pai tutir Kristus pana; e nanapi Kambu Sren yani kota, metenam riwanea tutir Kristus, aso mesanemitiar Sien Allah nie paya vionae Kristus tienam riwanea nanapi voru pai pa.¹³ Papo pa ma, aririmo mamu mene tenam wainunu pasi sivoru to manau, aso membe tatar pa, avori metimbe sunat va. Vape nine ma Sien Allah dionae metenam riwanea tutir Kristus. Sien Allah vie ampon tane tatar pasi vura to manau,¹⁴ e suara eta surat niaki so tata nana kavo viomarabati pasi. Aso surat yani pia nana akitab pai pa, Sien Allah ki rurana kavo vimbe karak tata pasi vura.¹⁵ Nanapi akitab pai pa, Kristus dionae, wainunu sasera veve prenta e vesamuai paya pasi, simarui va ato. Sisamual atavar ariri womi, e veruana baara, nanapi rabua Kristus vie untun vurusuasi pa.

TUTIR KRISTUS NANAPI VORU PALE NANAPI TENAM PAL PA

¹⁶ Apavo metituwae kaiwasa sepri sasara maso mia, nanapi pi metan to pi metunu, pivai nanapi agama pal nie raria baba pasi, pivai anunu so sembal vavoru, pivai aso raria Sabat pasi vape moja.¹⁷ Yasi vura ma, siveruana pi nari vera ea ma na raria dopui, vape piyasi vura siveruana nanapa Kristus.¹⁸ Metituwae kalwasa viombe siniotu vengangaue vesom Malaekat pasia, sepri sasara maso mla vape moja. Siniotu yasia ma sesanandik sia tutir sene sanepaya dunia pasie, senggavo tawar nana pi sesayora atapua pasi.¹⁹ Veito sendutawan Kristus, veve ru pai ea va. Adidina nanapi Kristus pai viediyarae tarai pai vura, ploruira vie siri nanapi sina pasi e sisiwara ariri Sien Allah nie sanevesie pai pa.²⁰ Miamamemboru tutir Kristus to manau, e metaisu vurusu wainunu vekariria nanapi paya dunia pasi. Avori, aso vitopi setenam ariri siniotu aya venana dunia nei rawa nie rami pa? Aso vitopi metatuan so atoran vetoapa ninesi pa?²¹ Sa mendut kakusara nine va", "sa menggari tuta wana va", "sa mene tarai pasi sikikiai nini va."²² Atoran yasi vura ma, sitera pi tambe pake to manau mana sive guna ea va. Pijasi ma atorane, pi aniau siniotu sinanari sina vea.²³ Vata, tasayo mamu Ima simarawas vesiri, siojo ave amamo, kaiwasa siom Malaekate, setariori sene taral pasie senauri ple; vape pijasi vura ma, sa sitawairara siniotu pasi sine soresisua pasi va.

3¹ Metenam riwanea tutir Kristus to manau. Apavo metosasera mo, ave mesamuai pivenana rora wasi, na uta Kristus vie pareta tutir Sien Allah nana wa.² Metara mene sanepaya pasie, sitara pi venana rora wasi, e sitara pi venana dunia vape moja.³ Aso memboru to manau, e mene tenam pasi sienawa tutir Kristus nanapi Sien Allah.⁴ Apavo mene tenam pai umaja vata mo pai andi Kristus, e rabua vieruana I pa mamu, nari mia kota memberuana tutir-I nanapi nie rurawa Sie pai.

TENAM TAWA PAIE TENAM VAVORU PAL

⁵ Apavo, metawairara soresisu dunla venangganat mia ora pasi, vetoapa: venanari kavo, tenam vekarirlae, soresisu a vekarirlae, mamotare, tutir sanekariria pi to rawal. Aso sanekariria pi rawal pai ma miesi vaveri ariri vesom karuar pa.⁶ Pi vetoapa yasi vura, asi sivediara Sien Allah nie kasiou pai maso siniotu vekorusara va pasia pa.⁷ Mia kota, papo pa ma

menda nanapi sanekariria vetoapa yasi, nana rabua aya metenam nanasi pa. ⁸Vape nine ma, mengge pi vetoapa ninesi vurusu mia, pi vetoapa: kasisioue, variriwie, madidi siniatue. Mesoremi pasi sisuvir kavo niniayae, pival kavo veve rariai vape moja. Metawi vavera mia va, aso tenam tawa pai tutir nie vava pasi, asi metavinasi to manau pa. ⁹Metawi vavera mia va, aso tenam tawa pai tutir nie vava pasi, asi metavinasi to manau pa. ¹⁰Nine ma, mesamuai tenam vevavoru pal to manau. Mia ma siniotu vevavoru, Sien Allah venanari mia pal, dionae membavoru tawana vea, ariri matauni nie vava pa. Ave amamo, mendunin Sien Allah to tindiya pe. ¹¹A vediayarae powasa siniotu pa nal pa. Powasa siniotu Yehudi tutir Yehudi vae, siniotu veve sunat tutir sunat vae, sinai pa; powasa siniotu vera ve wasae, weruin buai vae, womi tutir womi va pa, nai pa. Aso Kristus ma, nanapi vura. Kristus vie siri tutir sia vura. ¹²Sien Allah nie kaiwasa ni mia. Sien Allah sanepai mia, e diri miae nie atapu mia. Apajoma, ave amamo metoisara sanepayae, metonaate, menggavo tawar va, menggavo wawotu va, mesun mesanemiraro pasi nanapi kariria vetera mia pasi. ¹³Membesabar mia vavera, e membe ampun mia vavera, masi mepir kasiou nanapi mesanemiraro pasi vavera mamu. Sien sanevesle vie ampon mia, apavo mia kota membe ampon mia vavera. ¹⁴E verawal mo pa, mesanemipai vavera mia, aso sanepaya palni pioruir mia vura to vesie pa. ¹⁵Menggutu kavo pesasi mamu, mepir aririasi nanapi saneraro vemari Kristus diono nana mesanemi raro pasi. Aso Sien Allah siau mla, ave menduire membe tarai siri, ave amamo metenam nanapi Kristus nie dame pal. Isau ve membe trima kasih. ¹⁶Isau ve Kristus nie pianiau vekor berkat pasi, sisun mesanemi raro pasi, e sive berkat viondewari maso mia. Isau ve metaniau mia vavera, metono kavo sane paya viate, maso mia vavera. Mendo ranu mazmur tutir ranu som, tutir rano rohani; mendol so Sien Allah tutir trima kasih nanapi mesanem raro pasi. ¹⁷Pi vitosi menanarisi pa, pival menggavorasi pa, amamo menanarisie menggavorasi nanapi Sien Yesus sano pa. E isau ve membe trima kasih so Sien Allah Tama pal, so pi vitopi Yesus nienari maso mia pa.

VETENAM VAVERA NANAPI TENAM VAVORU PAI PA

¹⁸Mambe raruo vavi veve sawa to manau pa mial Metatuana mesawami pasia. Aso metenam ariri siniotu Kristen mamu ima toapana. ¹⁹Mambeneta mua veve vinie to manau pa mial Mesanemipal membinierni pasia. Menggavo wawotu sia vape moja. ²⁰Atuma pa mia ! Ariri siniotu kristen ni mia pae, metatuan metamamie, mesiniami e sia. Aso Sien Allah sanevesie toa pana. ²¹Ine maneta veve tama pa mia | Metono sanekasiowi maso mene atuma pasia veito sesanemisasera sia vape moja. ²²Maneta veve womi pa mia, isau e nana pi vura, metatuan so mene Tuan venana dunia nei pasia. Metatuana sia nana rubua asiaya sena tutir mia pa vea va, ave amamo mesamual sanandika nana sia pana va. Metatuana sia ve kavo vatamo, ariri metatuan Sie pai pa. ²³Nanaripi vitoi vea setonasi maso mia pa mamu, menanari aririasi nanapi kavo vatamo, masi menanari aririasi maso Sie pai matauni pa, mae buomasi menanari aririasi maso siniotu pa ma, moja ²⁴Mesanemipaya, toapa nari mesamual vait pal nana Sien. Pi vitopi Sien dietapua maso nie kaiwasa pai mamu, a nari diono maso mia pa. Aso veve Tuan so miae mendemiwaria mo pai, andi Kristus Mataun I ²⁵E teini nienari sasara pa, nari sieriouwa nie sasara yasi; aso Sie pai ma din siniotu va.

4 ¹Maneta veve tuan pa mia | Isau ve menanarivesie maso mene womi pasia to tindi mo. Mesanemipaya, toapa mia kota, mene veve Tuan so mia pai nia rora wa.

PAULUS DIONO RIA SO SIA PA

²Isau membe nadi to karakuale metitaramana, avori metimbe trima kasih so Sien Allah. ³Membe nadi kota so ama, ave amamo Sien Allah diono ria vesie maso amae, amatitopana Kristus nie Kavo vianiwara pasi. Aso joma kavo nine, a ona mamu, rabua nine inana bui nei raro ne pa. ⁴Membe nadi, ave amamo diadi so itopana sasaar kavo veve aniwara yasi to sisasaar mo, ariri sivava pa. ⁵Meto menduir tutir siniotu vesanemitiar va pasia mamu, menanari ariri to vesie mo, e memeir raria pasie sinai sararidioi vape moja. ⁶Isanemitiar toapa, pi vitosi menggavorasi ora pa, siono sanevesieni e sikor siniotu sane. Isanemitiar toapa, kavo vitosi siniotu siutan mia nanasi pa, menduin nari menduar aririasi so sia pa.

KAVO VULE VIMANAUAE, DISAU TABE PA

⁷Tane mambeneta pa Tikhikus andi nari tiopana ariri ine vava ne maso mia. I ma nienaripi to vesie vesiri tutir ama, maso Sie pai. ⁸Jemiasi maso mia, ave amamo menduin ariri amane vava ne, ave mesanemi pasi sikariria vape moja. ⁹Nari Onesimus ria tutir Tikhikus; Onesimus ma miesi tutir mia. I ma siniotu vekorusera kavo nina, e ima amasanemipai. Onesimus tutir Tikhikus, nari sutopanusara pi veve diadi nana uta inana nel maso mia. ¹⁰Aristarkus, siniotu vena tutir yau nana bui nel rarone, dienatu tabe maso mia. Toapana kota Markus, Barnabas ano pai andi amatarer matu so mia sol pa, toapa: riamatu so mla mamu, membe trima i pa. ¹¹E Yesus vesanomi nanapi Yustus pai kota, dienatu tabe so mia. Nanapi kaiwasa Yehudi vesanemitiar Sien Yesus to manau pasia pa, setoru semesari, senggot yaue, senanaripi tutir yau, nana Sien Allah nie nanaripi pai. Setoru senggot yaue, senanaripi to pota vesiri. ¹²Epafras dienatu tabe so mia kota. I kota ma miesi tutir mia. I ma Sien Yesus Kristus nie womi veve nadi tawana to karakuai vesiri maso mia nina. Siau so Sien Allah to marui mo, ave amamo mene sanetiar pasi sipaya, e mematu ve vata mo pa ave, amamo, menda ariri Sien Allah nie sanevesie pai to vesie mo. ¹³Matau isayo subata, toapa nienaripi to pota vesiri maso mia e maso kaiwasa venana Laodikia

tutir Hierapolis pasia. ¹⁴Dokter Lukas siniotu tasanemipaya pai, tutir Demas, suranatu tabe so mia. ¹⁵Metopana amane tabe ne so kalwasa Kristen venana Kota Laodikia pasia, e maso maneta pa Nimfa, e maso jemaat veve ari nana nie anio pai pasia. ¹⁶Surat nei diap maso mia to manau mamu, metona ve diap maso jemaat venana Laodikia pai kota. Toapana kota, nari matau metap surat vienatua na jemaat Laodikia maso mia pai. ¹⁷E metopa so Arkipus; "Rua nanaripi rut pai to vesie mo, aso kuor usara Sie pai pa. ¹⁸Tabe nanapi yau Paulus, matau ya ivui kavo nine. Meparo va, toapa yane inana bui nel rarone Isaue Sien vie berkat mia.

Titus

1 SURAT PAULUS DIENATUA SO TITUS PAI

¹Maso ine atuma panau, Titus, nanapi yau, Paulus, ivui surat nini ariri Sien Allah nie womi, e ariri Yesus Kristus nie Rasul. Sien diri yaue diemias yau, ave amamo yona adadura kaiwasa Sien Allah diria pasia, ave amamo sepaya nana pi sanetiar pai. Yedidin sia kota, ave amamo senduin ariri tane agama nei, nie aniau vetindia dieniau nana pai ²Aniau yani vie umaya nanapi sanetiar pai toapa nari tasamuai tenam vatamo viaroi pai. Sien Allah dierera tenam yani to manau, nanapi aya dunia nei nienari varami pa e Sien Allah ma sa diawi va. ³Nana raria Sien Allah dietapua to manau pai, Sien Allah vieruani nanapi nie arer pai. Arer yani siwi maso ya to manau, e itopanusari, nanapi Sien Allah viono Slamat maso tata pai, nie prenta. ⁴Titus, au ma vatamoe, ine atuma panauna, aso au tutir yaue, tandu vura tusanemitiar Kristus to manau pana. Isave isanemitiar toapa, Sien Allah Tama pai, e Yesus Kristus Raja viono Slamat so tata pai, surono vesie pai, vemari pai maso au Titus nie nanaripi venana nu Kreta pai. ⁵Papo pa ivavur au to manau nanapi nu Kreta, ave amamo nuenari nanaripi aya vemasi varami pasi. Kota, ave amamo rusasana veve baba nana jemaat pa esia, nanapi Kota pa siri-siri. E sanepai tawana ine kavo nesi: ⁶Veve baba nana jemaat pesi ma, i ma siniotu vene tenam viate; i ma siniotu veviniemi siri to vea; atu pasia mamu, sesanemitiar Kristus to manau, mae vene atuma verumi wanae pivai atuma vekambarai viadiawa kavo, i ma moja. ⁷Aso veve haba na jemaat pai ma, siniotu venanari ariri Sien Allah nie nanaripi pai na. I ma sa tiera kariria pesa va. I ma sienandiki va, pivai kiesiou bariuva, pivai dunu sua va, dio mamu va, re pasi sibaba doi va. ⁸I ma sanevesie vie trima siniotu nana nie anio paie, sane vesie nanapi pi viate, sun sane raro, sane pa tindia, vie sren, tienam ariri atorani viate. I ma rutawana pi aniau tasanemitia pasia, ariri vianiauwasoi to manau pa. ⁹Toapana pino, díadi so diono kavo sanepaya so siniotu nanapi aniau vetindia pai pe, e dimberuana siniotu vekavo nendiwa soi pasi sine sasara pasi pe. ¹⁰Aso kaiwasa pau sio variriwi, verawai mo pasia kaiwasa veve agarna Yehudi to manau pasia; asia setawi vavera siniotu vevesiei pasi, tutir sene sore kambu pasi pa. ¹¹Siniotu vetoapa yasia ma, sesoremi pasi sirut tupa pino, aso sia setawi vavera anio raro pa pau, nanapi sene aniau saserai pasi pa. Senanari towana pa ma, ave amamo sesamuai vait nanapi ria vekariria pana. ¹²Mataun sene nabi pesi, vieva nanapi nu Kreta kota, kievore dioyo: "Kaiwasa Kreta pasia ma, siniotu viawitituwa pasiana, binatan vemasi vianggutue, vekawawaru pasiana." ¹³Nabi pai nie kavo pa ma, i ma vata. Apa yoma ave amamo pueuar sin to karakuai pa; ave senggarakuai nana aniau vetindia pai, ¹⁴E sendutawana Yehudi pa sene topanusara tawawari pasi ea vape moja, pivai siniotu vetawa irara aniau vetindia pa, sene atorani senanari pasi vape moja. ¹⁵Pi vura sive sren maso siniotu veve sren pasi. Vape maso siniotu vene sanepaya veve rariai e vevaro sanetiar pasi ma, piesa imbe sren va, aso sene sanepaya wasi tutir sesanemiraro wasi, sive rariai to manau pana. ¹⁶Senggavore setoyo sia ma senduin Sien Allah, arorae sene vava senanari pasi siporasa Sie pai. Seto madidi e senggamlxirai senggorusara, sia ma siniotu venanari pi vitatena pesa va.

2 ANIAU VETINDIA PAI NIE UMaya PASI

¹Vape au, Titus, tuopana aninu vetindia pai. ²Buono kavo sanepaya maso mua veve baba to manau pasia, ave amamo senduin ariri sene vava pasi, sesamuai sane veriruina, e setawan sia; apino sesanemitiar Sien Allah tutir kavo vata pe, semberuana sane paya viate, e sepaya e setosa sun susah veter sia pasi pe ³Toapana kota, buono kavo sanepaya maso vavi veve baba to manau pasia, ave sene tenam pasi sive sren, ariri siniotu vetatuan Sien Allah. Sesisayara siniotu vevesiei va, e setoso sua va. Setaniau nanapi pi viate, ⁴Toapana pino, setadidina vavi vavoru pasia, sesanemipai sesawami pasia tutir sene atuma pasia pe ⁵Ave selawan sia, ave sene tenam pasi sive sren, e sembe vavi veririau vene tenam viate, vetatuan vesawami pe. Toapa yana veamamo, esi sisiayara Sien Allah nie kavo pai va pe. ⁶Toapana kota, buono kavo sanepaya so katiei e karavi e sia, ave amamo setawan sia. ⁷E mataun au ma nanapi pi vura mamu, au vue ria nanapi buai viate pai. Buo bueniau siniotu mamu, to tindi mo, e na kavo vata mo. ⁸Vue pake kavo viate nari siniotu sisiayara va, ave amamo siniotu vio variriwi tutir au pasia, semamaya, aso varo kavo vekariria senggavor tata nanai. ⁹Veve womi pasia, setatuana sene veve baba pasia, e setosanevesieni maso sia, nanapi pi vura. Senggavo nendiwa va, ¹⁰Setamanana pi va. Ave semberuana toapa, setenam nana buai viate pai tutir korusara pai tawana; ave amamo kaiwasa sesanandika Sien Allah viono Slamat maso tata pai nie kavo uniau pai pe. ¹¹Aso Sien Allah vieruana nie sanepaya pal to manau, nanapi diono Slamat pai maso siniotu pasi vura pa ¹²Sien Allah nie sanepaya pai diedidina tata, ave amamo tane tenam pasi sirawain Sien Allah nie sane vesie pai vape moja; e tanggorusara sore sisu dunia pai vape moja. Tasamuai aniau, ave tatenam nana Sien Allah. dunia nei mamu, tatawan tata, talenam to tindia, e tanggorusara ¹³Nine ma tata ne tatanota raria tasanemi tatawana pai, nana raria yani, dunia nei nari siejo Yesus Kristus nanapi nie wasa vetariai pa, andina Allah vebaba mo, e Raja viono Slamat so tata pai. ¹⁴Diono nie tarai pai e vie pi som to manau, aso tala ave amamo tataisu nanapi kariria pasi

vura e tasamuai vesie pai, e dionae tambe kaiwasa veve sren, e tambe kaiwasa so I vea, kaiwasa vemayarusara venanari vesie pai.¹⁵Tuopana pininesi vura, e buono kavo sanepaya e, bueniawa kaiwasa viadiawa au pasia, ariri siniotu baba ni au pa. Ave amamo esi dietor au ariri atuma katu vape moja.

3

INIOTU KRISTEN PA SINE TENAM PAI

¹Buono kavo sanepaya so nomu jemaat pa sia, ave amamo setatuan veve baba pasia, e veve ru so negara pasia, e senggorusara e senda ariri nanaripi viate pasi. ²Tuopa so sia, ave amamo sesisaiyaru siniotu, pivai seto variriwi tutir esi vape moja, vape setename vesie vavera. Senggavore naniniaria so kaiwasa vura.³Aso papo pa, matau tata kota tanganggaue tatatar e tanggorusara kavo va. Tambe womi so sore sisu saserai vura e sane kariria pai, tatenam tutir sanepaya vekariria, e viarandu, tutir madidi vavera pai.⁴Vape Sien Allah, viono Slamat so tata pai, dioisara nie sanepaya pai e onate pai, maso tata. ⁵Diono Slamat maso tata pa, aso tananari pi viate pesa to manau pana va, vape aso matauni, andi sanepai tata pana. Diono Slamat pai maso tata, nanapi Wainunu Sren pai, andi diono aviriwaneae vavoru pai, e tenam vevavoru pai, maso tata, nanapi riois rurana tata pa.⁶Sien Allah siovuvu nie Wainunu pai maso tata nanpi Yesus Kristus, Raja viono Slamat maso tata pai. ⁷Ave amamo nanapi Yesus nie sanepaya paie, tatate riwaneae tutir Sien Allah e tasamuai tenam vata mo, e viaworoi tatananota pai.⁸Kavo nine ma vata mo e tindija. Isanemi vesie, tuopana sasubata pi ninesi, ave siniotu vesanemitiat Sien Allah pasia, ave senanaripi to pota mo, e senanari nanaripi viate veve guna, maso kaiwasa vura.⁹Vue kasau vurusu kavo vavera veve guna va, e topanusara nanapi wamus pasi. Tuerira variriwie, vavera so atoran agama pasi. Yasi vura ma sive guna va, e sikor untun va. vemamu ¹⁰Siniotu vevediayarae jemaat pai piowawasa pai, i ma buono sanepaya soi vesiri va vemuandu; manau mamu kuepani ea vape moja. ¹¹Ruin toapa siniotu vetoapa yani ma, kieriria e nie tatar pasi siveruana toapa, vie sasara. Pianiau vipuia pasi,¹²Nari jemias Artemas, pivai Tikikus maso au mamu, buona ve sairae ruama so yau, nana Kota siniotu veve pande nana Torat pai, tutir Apolos, ave amamo Nikopolis, aso yo inana wana die diru vetutira pa siri. ¹³Apavo buonanari Senas to vesie mo, piesa mandiu so sandu nanapi sune rara pai va¹⁴Tane siniotu pasia ma, ave setaniau senanaripi pi viate, ave sesamuai pi vitopi aya mandiu pa; aso setoto setenam sararidioi vea pe.¹⁵Maneta venana nine tutir ya ne sia, amatanatu tabe maso au. Tuopana amane tabe ne maso tane maneta sanetiar siri vura pasia. Isaue Sien diono vesie pai maso mia vura.

Filemon

1 PAULUS NIE SURAT DIENATU SO PILEMON¹Maso Pilemon, ine maneta vetutir yaue amutopana Sien nie kavo vesie pai, tutir mamberaruo pa Apia, tutir maneta tananaripi vura pai Aristarkus. E maso Jemaat veruir nana nomu anio pai.

²Nanapi yau, Paulus, siniotu venana bui, aso itopanusara kavo vesie pai nanapi Yesus Kristus pa, tutir tane maneta pa Timotius, amuranatu surat nini maso au. ³E amusau ave amamo Sien Allah Tatamami pai, tutir Sien Yesus Kristus, surono vesie pai, tutir sane raro vemari pai maso mia.

PILEMON NIE SANEPAYA PAI MASO SIEN NIE KAIWASA PAI, E NIE SANETIAR PAI MASO SIE PAI PA.

⁴Nana ine nadi pasi mamu, jap sanomu pa, e jimbe trima kasi so Sien Allah. ⁵Aso jediawa toapa, sanctiar Sien Yesus to manau, e nomu sanepaya pai maso kaiwasa vesanemitiat pasia pa. ⁶Pilemon, nomu onate pai, dionae sanene vesie vesiri. E viediajarae, isamuai paya. ⁷Aso buonae Sien nie kaiwasa vesanemitiat pasia sesanemi vesie pa. Isaue amamo tane wasa mambeneta pa, aso tane sanetiar siri pa, viediajarae tata vura tasamuai sane veruina pai, nana tambe siri tutir Sien Yesus pa.

PAULUS DIENATU SOVERA ONESIMUS SO PILEMON PA

⁸Apa joma, irama so au ariri siniotu vene sanetiar siri ni tata pae, diadi so jemias aue, nuenari pi vitopi nari nuenari pa.

⁹Vape aso isanemi pai au pavo, ima isau vea. Ya ma ive masa to manau, e rabua nine isamuaie inana bui pai, aso itopana Yesus Kristus nie kavo vesie pai pa.¹⁰Yau, Paulus, isau so au, aso Onesimus, atu nanapi Kristus pai. Aso nana bui nei rarone mamu, ive tama soi nanapi Kristus. ¹¹Papo pama vie womi so au, vape ninema vie maneta maso au mesari ea va, vape maso ya kota. ¹²Ninema jenatu soverai matu so au, ima isanemipai rawai. ¹³Ariri mo mamu, yo isuarie niana nine, ave riwanau, ave amamo kiot yau, nana bui nei rarone so itopana Sien Allah nie kavo vesie pai pa. inana¹⁴Vape aja ruar varami mamu, sa ikutu kavo pesava. Isanemi vesie mataun au kutu ariri nomu mayar, ya ma ikambarai ive paksa au.

¹⁵Esa mamu Onesimus tierir au katuyana pa, ave amamo suemuai riwaneae to woroi woroi pe. ¹⁶Rabua ninema, vie womi so au vea va, vape rawai ea na jana. Ima tutir tata ariri nomu maneta sanepaya, nanapi Kristus. Onesimus ma vie guna vesiri maso yau; avori indawai kota maso au. Apavo vie guna vesiri, ariri womipa, e ariri mambeneta nanapi Sie pai pa.

¹⁷Apavo, aso buetor ya ve mambeneta so tambe Kristen pa, amamo vue trima Onesimus riwaneae, ariri vue trima ya pa.

¹⁸Masi vie sasara so au to manau, pivai vie niaki so au, amamo nari ya isariowasi vura ¹⁹Vesie pa matau ivui nana nine, toapa; Yau, Paulus, nari ivaitis vura". Nine ma jo isovasara so au ea va, toapa, mataun au kota vue niaki so yau, aso ya pa vue siniotu Kristen pa. ²⁰Apavo iteka sanepai yau, nanapi Sie pai sano pa, e buonave sanene vesie, ariri mambeneta nanapi Kristus pa.²¹Ivui surat nei e, isanemtiar toapa, nari nuenari ariri pi vitopi isauwane. E ima iruin nari nuenari

aririae rawai ea nanapi isauwa pa. ²²E, bisayora andiraro pesa so yau, nana nomu anio pai. Aso isanemitiar toapa, Sien Allah diediawa mene nadi pasi vura, e kior sovera ya riawanea maso mia.

PAULUS NIE KAVO VIMANAU PA.

²³Ine maneta pa Epapras, maneta amusamuai bui so Kristus Yesus nie kavo vesie pai; ²⁴E nanapi ine maneta amanaripi vurane sia; Markusie, Aristarkuse Demas tutir Lukasie, setanatu tabe maso mia. ²⁵Isauewe Sien Yesus Kristus diono vesie pai maso mia.